



75

J XVIII. P 18

50913/B

Terenzoni

Jan 17/9/82



58



DE MORBIS  
UTERI



DE MORBIS  
UTERII

DE MORBIS  
UTERI  
OPUS

REGIÆ CELSITUDINI

JO: GASTONI  
MAGNI PRINCIPIS  
ETRURIÆ

D I C A T U M

AB JO: ANTONIO TERENCEZONI,

IN ALMA UNIVERSITATE PISANA

Medicinæ Theoricæ Professore.



L U C Æ MDCCXV.

---

Typis Peregrini Frediani.  
SUPERIORUM PERMISSU.

DE MORBIS

UTERI

OPUS

THEORETICUM

IO: GASTONI


MAGNI PRINCIPIS  
ELECTORIS

SALE

ALIO ANTONIO TERRACINO

IN ARMA VETERINARIA

LIBRO I. DE CANE



IO: GASTONI

ALIO ANTONIO TERRACINO

IN ARMA VETERINARIA





REGIÆ CELSITUDINI  
JO: GASTONI  
MAGNI ETRURIÆ PRINCIPIS

JO: ANTONIUS TERENCEZONI

S. P. D.



UM Librum hunc scriberem animo illum edendi, nec diu, nec multum, ut plerisque Scriptorum usu venit, mecum cogitavi, quemnam ex omnibus unum eligerem, statueremque, cui quaecunque

que hoc Opusculum sit, dicarem, quòd uni ex hac Principe Familia Medicea jure optimo deberi facilè, ac semper judicasssem : sed cum res ita se habeat, Cuinam, quàm Celsitudini Tuæ, totam in Te adamussim Proavorum Tuorum speciem exhibenti, eorumque gloriam in dies augenti illud consecrarem ? Terruit, fateor, Celsitudinis Tuæ Majestas ; verùm cum Comitas illa, qua jam in omnium animis regnas, antequàm imperes in Throno, blandè me erubescens invitaverit, parùmque Tuæ oblitus Dignitatis Humanitati Tuæ licet tenue hoc observantiæ meæ monimentum ab hac excipiendum, ab illa defendendum obtuli. Cui revera spem non faciet illa planè Tua Regia Benignitas, qua omnium Animos sempiterno nexu Tibi devinciens Bonis omnibus placuisti ? Maximo es, Regalis Princeps, Tuarum Virtutum dignus præconio,



tamen Facilitas, & Humanitas Tua  
maximè laudanda, quòd non minùs  
hominem Te, quàm inter homines  
debere versari tanquàm Principem  
cogites, atque adeò unus difficilli-  
mam illam societatem Humanitatis  
cum gravitate videris esse consecutus.  
In quo cum Te minùs, quàm par  
est, laudo, justè ego non reprehē-  
dar, propterea quod omni laude ma-  
jor sis, qui Tua omnia dicta, & facta  
ad summæ Virtutis normam semper  
direxeris; neque aliud cogitaveris  
unquam, quàm agere omnia, quæ  
superant nostras vulgares laudes. Ne-  
minem quidem latent summi Animi  
Tui dotes, præsertim singularis Pietas  
Tua, qua optimum Patrem mirificè  
refers. Quid enim Cosmo Tertio  
Religione, cæterisque Christianis Vir-  
tutibus antiquius? Cum igitur Patrem,  
cujus vita est Virtutum exemplar,  
morumque censura, sicut & Regium  
Fra-



Fratrem Tuum Ferdinandum, nuper  
è vivis ereptum, cujus magis funere  
tota angeretur Etruria, nisi Te Regali  
Solio successisse intueretur, tam pul-  
chrè, & publicè imiteris, non im-  
prober ego, si uni, atque alteri Te  
tertium in meorum Opusculorum edi-  
tione adjunxerim. Primum igitur  
Cosmo Duci Magno, & alterum Fer-  
dinando jam Etruriæ Principi, tertium  
hoc, de cujus sententia, consiliove  
confectum erat, Tibi debuit digno Ma-  
ximi Patris Filio, Magnique Ferdinan-  
di Fratri nuncupatum exire, & in vul-  
gus emanare: atque ut in illis primis  
duobus Libris quamvis haud fore  
speraverim, ut quidquam laudis ex  
mea Regiæ Celsitudini cum Genito-  
ris, tum Germani Fratris Tui accede-  
ret, quantulus enim sim, probè no-  
vi; tamen volui constare animi mei  
sententiam de Religiosissimis Princi-  
pibus, utque probaretur Judicium, si  
inge-

Ingenium probari minimè posset ; ita volui in hoc reliquo Opere meo summam, & singularem meam erga Celsitudinem Tuam observantiam testatam esse : solùm restat , ut officium hoc meum ab optimo animo , Tuique studiosissimo profectum serena ea, qua soles omnia , fronte accipias , & in ea Gratia tecum , quam mihi retinere æternum cupio , facias , ut sim , quemadmodùm pro Tua Pietate , & Clementia adhuc fecisti . Hoc est , quod Celsitudinem Tuam etiam , atque etiam obtestor , humiliterque obsecro : quod si feceris , amplissimum laborum , vigiliarumque mearum fructum consecutus ero . Vale , & ut diutissimè valeas non tam mihi , quàm Bono publico , & Sceptro , cui natus es , Deum summoperè deprecor .







# LECTORI BENEVOLO

A U C T O R.

**A**ffecti Uteri habitudinem præter naturam quavis celer, & promptus ad intelligendum sis, sicut es, Amice Lector, tamen ante non attinges, quàm naturam, vim, atque usum minutissimarum ejus partium perspectum habeas, ac planè cognitum; mixtionem item prorsus calleas liquidorum vitio illabentium, impetum, & secretionem. Hujusmodi autem cryterium ubi ritè confeceris, continuò ad fluidorum, quibus scatet Uterus, ad perturbati motus spirituum, & humorum notionem per quosdam quasi gradus mens tua perveniet. Itaque id jam indè à principio hujus Operis scitè animadverti, & constanter mihi persuasi, quòd si ad rem hanc reconditam, atque adeò multiplicem expediendam, inque apertam, publicamque lucem proferendam, animi, ingeniique mei, quantulum istud est, nervos omnes intenderem, & cunctas profunderem vires, susceptumque opus tibi, aliisque omnibus, qui tecum ad manus id ipsum habuerint, hoc utilius futurum, quò uni mihi laboriosius. Cum enim omnem meum laborem potissimùm in eo consumpserim, ut dum præsens Tractatio emanabat in vulgus, in legentes interea ex illiberalibus, seu ut vocant, Mechanicis fontibus documenta plura derivarem; non vereor, ne institutum meum non probetur iis, qui seduli sunt naturæ corporis Investigatores; qui si minùs doctrinam laudaverint, doctrinæ quandam novitatem tamen fortassè non improbabit. Etenim eo consilio animum ad

scribendum non impuli, ut vel aliena recocta referrem,  
vel, ut nonnulli solemne habent, in aliorum animad-  
versionibus, veluti in scirpo, quod dicitur, nodum  
quarerem. Verum ut ea, quæ difficiliora quidem in-  
tellectu, at non satis etiam, ut ego sanè arbitror, ex-  
planata, diligentius expenderem, atque apertissimè, &  
plenissimè explicata tibi attentius consideranda propo-  
nerem. Frequenti enim cadaverum incisione magistra,  
cognovi Mulieres quandòque aliis Uteri Morbis cir-  
cumveniri, & diversis in locis vexari, quàm aliqui  
Scientia Medica benè gnari, ac ejusmodi affectionum  
æqui cæteroquin aestimatores suis in operibus observa-  
runt, quæ typis excussa in lucem emiserunt. Quare  
laborem meum cum juvanda Reipublica, tum in primis  
Mulierum periculis sublevandis impertire lubens de-  
crevi. At ne quispiam, quasò, hosce voluntatis meæ,  
studiique conatus prius redarguat, vel condemnet,  
quàm eos ex arte perpenderit, & doctæ lanienæ, pru-  
dentisque observationis momento examinarit. Nam  
qui diuturnam mentis, & oculorum animadversionem,  
diligentiamque excitaverit, armaveritque insuper ma-  
num cultro ad Uterum ex Anatomices Disciplina dis-  
secandum, is proculdubio, etiam si antea operam meam  
insaniam reputaverit, in lucro postea maximo ponet;  
atque is unus studium me inutiliter locasse calumni-  
bitur ex eorum numero, qui nihil, nisi quod ipsi sen-  
tiunt, rectum putant. Jam verò tu, quæ in hoc com-  
mentario aguntur, accuratè dispicias, ut multum,  
quod investigatione dignum est, & adhuc latet, sen-  
suum ministerio clarè, dilucidèque perspicias. Hæc  
autem eò libentiùs exhibeo tibi, perhumane Lector, quò  
ar-



ardentiùs experto Archiatro Jo: Mariæ Lancisi, intimoque Cubiculario Clementis XI Pontificis Optimi Maximi, Petri claves nunc feliciter obtinentis, acris admodum judicii Viro, morem geram, qui plures ad me literas dedit sale humanitatis sparsas, plenasque benevolentia, quibus, ut si quæ de infimi Ventrìs Morbis haberem, publici juris facerem, hortabatur; expectationi verò tuæ sin minùs responderint, ea saltem alios ad veriora inquirenda excitabunt. Nam in rebus, quæ in dubium venire possunt, quæque plurimum difficultatis habent, causas, observationes, ac experimenta multa proferre eatenus absurdum non est, quoad una inveniatur, in qua mens veritatis avida conquiescat, quemadmodum satis scitè, atque venustè cecinit Titus Lucretius his versibus,

Sunt aliquot quoque res, quarum unam dicere causam


Non satis est, verùm plures, undè una tamen sit. Cum autem in scænam pluries adduxerim Sales Acidos, me non latere scias velim, Sententiam istam, cui aliquot ab hinc annis tot Clarissimi Viri se subscripsere, ab æquè Clarissimis, re maturiùs paulatim examinata, non levibus argumentis revocatam esse maximè in dubium; nullumque in sanguine Acidum ab expertissimis Recentioribus reperiri. Usus ea sum ad ampliorem rerum harum explicationem Medicæ eruditioni, genioque Credulorum indulgens, cum, si adsint Acidæ particule in sanguine, evenire oporteat, quod indicaui; sin minùs, non tamen corruat meus Liber, cum illis non mordicùs totus inhæreat; & sublata una ex pluribus recensitis Morborum causis, reliquæ non pauca supersint. Vale.

Ex



**E**X commissione Illustrissimi, & Reverendissimi  
Domini Octavii Archidiac. Sardi, Lucanæ Die-  
cesis Vicarii Generalis studiosè recognovi Librum,  
cui titulus : *De Morbis Uteri* à Joanne Antonio  
Terenzoni, in alma Universitate Pisana Medici-  
næ Theoricæ Professore compositum, & in eo  
nihil Catholicæ veritati, ac bonis moribus disso-  
num reperi; quapropter dignum luce eum cen-  
seo.

*Ego Fr. Joseph de Valico Ord. Min. Observ.  
Sac. Theol. Lector Jubilatus.*



**Imprimatur.**

OCTAVIUS ARCHIDIAC. SARDI VIC. GEN.

ALBERTUS SERGIUSTI ILL. OFF. SUPER  
JURISDICT. PRÆP.

# I N D E X

## C A P I T U M.

CAP. I.	<b>M</b> Orbis Uteri præmittendum.	pag. 1
	CAP. II. De Mensium Suppressio-	
	ne.	15
CAP. III.	De nimio Mensium Fluxu.	61
CAP. IV.	De Fluore Albo.	86
CAP. V.	De Passione Hysterica.	104
CAP. VI.	De Furore Uteri.	148
CAP. VII.	De Sterilitate.	173
CAP. VIII.	De Gonorrhœa.	203
CAP. IX.	De Hydrope Uteri.	218
CAP. X.	De Uteri Procidentia.	238
CAP. XI.	De Abortu, & Fœtu mortuo: in quo de nonnullis Uterogerentium Symptomatibus.	253
CAP. XII.	De Partu difficili, Mola, & Secundina retenta.	285
CAP. XIII.	De Lochiorum Fluxu immodico.	306
CAP. XIV.	De Lochiorum Suppressione.	319

*Sicut & ego amo quod dicunt , quandò verum dicunt , non quia ipsorum est , sed quia verum est , & ideò jam nec ipsorum est , quia verum est . Igitur si amant illud , quod verum est , jam ipsorum est , & meum est , quoniam in commune omnium est veritas amatorum . August. de Confes.*

*Multa egerunt qui ante nos fuerunt , sed non peregerunt ; multum adhuc restat operis , multumque restabit , neque ulli nato post mille secula præcidetur occasio aliquid adhuc adjiciendi . Veniet tempus , quo ista , quæ nunc latent , in lucem dies protrahet ; & longioris ævi diligentia , veniet tempus , quo Posterì nos nescivisse mirabuntur . Patet enim omnibus veritas , nundùm est occupata , cum multum ex illa etiam futuris relictum sit . Senec.*





## C A P U T I.

### *Praemittendum Morbis Uteri .*



Terus ex iisdem primis rerum feminibus, quibus corpus Mulierum coalescit, materiam fumat ; & ab illarum variè permixtis moleculis, diversas ejus partes componentibus, variam in singulis Mulieribus sortitur molem, temperiem, texturæ laxitatem, unionem, ac resistantiam. In nulla etenim ejus parte certa, ac perpetua est figuræ species, sed in omni ætate, habitudine, ac temperie, inconstans, mutabilis, tum propter majorem, vel minorem motum, contractionem, distractionem, & crassitiem, tum propter asperiores, vel leviores membranas magis, vel minùs uberem liquidorum congeriem omni quandoque forde, ac labe inquinatam ; imò, quod non minimum est, propter vividam, vel languidam spirituum vim modò plùs,  
A mo-



modò minùs æquo contrahentem , ac distrahentem , modò divellentem , atque concutientem universam ejus substantiam , & quandoque etiam interturbantem totius corporis fabricam .

Sunt autem reticulares illius membranæ anulares catenæ , ac veluti retia continentia alia mille retia composita ex innumeris perviis tiliis , totidemque villis , capillaribus filamentis , fibris , & crispaturis ; sed in propriis rugis , atque suffraginibus observantur glandulæ , & vasa lymphæ ; sed hæc omnia ita ad invicem implicata , laxa , friabilia , & quandoque etiam arctè simul cohærentia , perindeque quoquoersùm sic contexta ex fluxuosis canaliculis sanguinem vehentibus , & revehentibus , ut sanguis fluens per innumeras minimas arterias , & venas comprehendentes duo latera , occurrat utrisque ( ut ita dixerim ) nodis ; & quia ad eosdem innumeros nodos , ac recurvas plicaturas fit jugiter concursus sanguinis confluentis ab oppositis terminis ; in illis propterea fiant facilè oportet varii occurfus , excitentur validi motus , vires , resistentiæ , pressiones , contractiones , & distractiones ; imò si vires , & resistentiæ sibi mutuò respondeant , contingant necesse est assiduè concurrentis sanguinis solutiones . Verùm cum memorati nodi , plicæ , rugæ , ac obliquitates inæquales sint , & ipsæ prope modum innumeræ , erunt itidem innumeri concursus , solutiones , vel , quod idem est , attritiones sanguinis , atque aliorum liquidorum ; quorum , quantitas si aliquando superet plexus retiformes , tumorosam reddit concinnam vasorum seriem , aut sin-

singulos villos infarcit , vel statim ultra leges incolunitatis subit glandulas , & per earum canales magis , magisque solutionem acquisitam adauget , vel contexturam reticularem discindit , ideoque foras erumpet . Observa quæso Uterum , ejus situm , fœdus , & figuram ; inde resolve , tracta , preme , distrahe , excarna , divide , atque etiam divelle membranas ; ablue , denuda fibras , & villos ; separa glandulas , & nervos , deinde contemplare arterias , & nervos se se diffundentes in minores , & minores ramusculos , rursus in exiliores semper ordinatim abeuntes usque ad ultima capillamenta , minimasque tilias ; & tunc demum invenies adeò invicem necti , & fulciri , ut propria vi simul nitantur in contentum liquidum . Imò præter hæc in insignioribus arteriis , & nervis spermaticis , atque hypogastricis per omnem Uteri partem excurrentibus , si eas flatu distenderis , observabis minimarum glandularum seriem naturali vi , ac structura contractili scatentium ; & ex iis vasculis mirè contextis , millies involutis , milliesque invicem sibi occurrentibus , intelliges , quæ attinent ad hujus partis peculiarem flexionem , & circumpressionem , itemque ad separationem , atque excretionem illorum liquidorum , quæ jugiter mades faciunt Uterum , & ab ipso elabuntur , uti deducitur ex Regnero de Graaf , & ex Consiliis Malpighii .

In iis autem canalibus non sunt æquales motus , nec æqualia sunt facultatum momenta , nec villi contractiles vasa contexentes æquè crassi , nec æquè subtiles , rari , aut densi ; sed in qualibet canaliculorum parte alii crassiores , alii tenuiores , alii



rariores, atque densiores sunt. Quare cum per exactas circumferentias canaliculorum non videantur æquè dispositi, nec semper recti, nec semper spiraliter advoluti; facilè est in tanta inæqualitate crassorum, tenujum, ac perexilium villorum, simulque facultatum, ac virium dimoveri, atque atteri feriem globulorum constituentium fluida per dictos canales labentia; imò tot virium, vasorum, ac resistantiarum inæqualitas facit, ut molculæ liquidorum fortiantur inæquales velocitates; indeque accidit, ut particulæ nonnullæ parùm moveantur, ut earum aliæ majori vi ducantur per medium canaliculorum, quàm cæteræ per proximam partem superficie canalium; ex quo oritur, ut molculæ inertiores lentè per latera diffluant, & paulatim impleant quicquid occurrit cavum, & minùs resistens, licèt cavum illud sit implicatum, flexile, ac eximiæ longitudinis.

Ex dictis jam constat tam liquidum fluens per angustiores Uteri canales pluribus impedimentis obnoxium esse, quàm liquidum fluens per ampliores, tum ratione paucissimarum particularum, quæ ab occurfu sunt liberæ, cùm ratione breviorum vectium, per quos nituntur, & superficierum, à quibus comprehenduntur canales angustiores. Oriuntur etiam resistantiæ à curvis, flexuosis, ac ramosis vasculis, qui in Utero sunt innumerabiles, eorundemque flexionibus variis; hìc etenim curvantur in arcum, illic texuntur in rete, huc implicantur in contextus inexplicabiles, illuc glomerantur in glandulas, hìc varias nectuntur in telas, illic ducuntur in orbem, plicantur



tur variè, in una parte formantur in spiram, in alia non ita : denique omne genus flexionum fubeunt, & ad unumquodque punctum singularum flexionum novam liquido labenti resistantiam faciunt. Sed quamvis insignis resistantiarum cumulus in Utero sit, nihilominus magis in dies imminuitur, quia vasa paulatim explicantur, amplianturque; imò virtutes contractionum, distractionum, pressionum, &c. augentur, & fluidorum impetus majori percussionum vi agit in partes, ac propterea vividiores particulæ exercentes vires in canaliculis Uteri, atque totius corporis adeò invalescunt, ut partes singulas vasorum illustrent, humores urgeant, pulsent, eosque fluxiles reddant.

Canales verò isti etsi non semper humore repleti sunt, possunt tamen facile repleri, dummodò momentum, quo repletioni resistunt, minus sit momento, quo humores defluunt ; imò canales isti humore non redundant, si tota sua longitudine pluries propagantur, & hiant, atque vi, qua diffluunt, irrorant, madefaciunt, adeòque reparant singulas villorum moleculas. Contemplare igitur hosce Uteri canales intra Uterum, & extra Uterum, eosque numquam invenies torpentes, ac veluti quodam gelu constrictos, sed mobili succo plenos, & motu suo canaliculorum plicas explicante ; hoc autem liquidum implens tenellos Uteri canales vi propriæ agitationis, nisus, & confricationis paulatim solvit eorundem plicarum nexum, præsertim quia accedunt huic virtuti nervorum protensiones, procedentes tum à propaginibus sextæ conjugationis, tum ab osse sacro, quæ ducunt liquida contrahentia in fibras,



bras, & villos vasorum Uteri, cujus plicæ nisi à fluxus momento explicentur, saltem explicentur oportet vi ætus succi nervorum, & sanguinis agentis in illis.

Ramosi itaque canales Uterum perreptantes, & varias machinās continentes, propria longitudine implicatione, ac multiplici furculorum numero quocumque diffusi, & protensi serpunt per viscera, per ventriculum, intestina, ac per universum corpus; & adeò alternè nectuntur, ut mirè intertexti videantur; ad eorum autem productionum principium præstò sunt totidem nervosa filamenta, quæ simul per totam longitudinem coeunt; si igitur membranæ naturaliter contractiles constituunt Uterum, debent esse ita ad mutuum contactum positæ, ut modò sint plicatæ in innumeras rugas, modò adeò distentæ, ut adinstar labyrinthi superequivalent canaliculi, sintque membranæ, ac ductus ita implicati, atque involuti, ut comprehensi à membranis credantur; imò interdum memoratæ membranæ, ac villi cujuscunque ductus adeò à mutuo contactu distant, ut nullatenus plicentur, vel membranæ ipsæ adeò sunt raræ, laxæ, & parùm cohærentes, ut ductus superequivalentes detecti, distracti, minimèque membranis conjuncti appareant, uti Highmorus, & Rodericus à Castro referunt.

Initio igitur generationis intra Uterum, & post generationem extra Uterum constare videtur insignis Uteri pars solidis, & fluidis partibus peculiari modo, inter sese connexis, vicissim commixtis, & sic ad agendum dispositis, ut alternè possint leniter agitari, perindeque se se invicem urgere; dantur enim vil-



villi contractiles, dantur filamenta in ipso principio generationis, quæ vi se contrahendi pollent; ea scilicet, quæ convenit fibris omnibus, & præsertim musculis ad hoc, ut, postquam hæc omnia contracta sunt, se se restituant; quod etiam facilius sequitur tam in omnibus capillaribus vasculis, ac eorum incohamementis, quàm in suis jam firmatis staminibus, villis, atque ductibus membranas contextentibus; sunt autem membranæ contextæ, & fulcitæ capillitio vasorum, & ita ad contactum positæ, ut minimas cavitates intra canales relinquant, eosque idcirco propemodum occludant: insuper sunt eadem membranæ per totum longitudinis tractum, penè dixerim, obturatæ, adeoque compactæ, ut hinc inde per latera oriantur alii canaliculi brevissimi, qui quidem sunt ita implicati, ut imperervii prorsus censeantur.

Verùm cum Divinus Naturæ Artifex perviam etiam voverit totam Uteri fabricam, & quantum decebat, explicatam, jurè constituit eam nihil continere, quod in omni ætate prohibeat influxum, & refluxum liquidorum; nam universa vasculorum congeries est ita disposita, ut facile explicari possit, quemadmodum colligitur in Puellis, quæ in dies majorem extensionem nanciscuntur, sive veriùs, ut observatur in demersione Uteri intra liquidum calidum, cujus canales patentes, & non omninò pleni, post datum tempus prorsus replentur, ideoque exteriores rugæ laxantur, explicanturque, ex quo fit, ut aliæ, & aliæ madefiant, atque extendantur. Quare si in Puellis jam firmis membranæ contractiles com-  
pre-



prehendentes canaliculos modicè distentos, indiesque magis, magisque distrahantur, tempus adveniet, in quo referciantur oportet venulæ, arteriolæ, lymphæ vascula, glandulæ, atque intra hæc latentia interstitia; undè totus Uterus liquidis necessariis circuncufusus, ac veluti satur vividis particulis, quæ suis vinculis sunt solutæ, humido calore fatus agitatur, confricatur, penetratur, atque aptè extenditur. Affertis igitur in libertatem humoribus igne scatentibus, liquida cuncta canalium summa emissaria occupantia agitantur, suisque minimis feminibus confricant continentes membranas, quæ tunc urgentur, & nituntur moveri quaquaversum, ac propterea humores feruntur quò minor, aut nulla resistentia occurrit; sed cum locus hujus minoris, aut nullius resistentiæ in ipsis vasorum emissariis, in quæ abeunt mox dicti humores, positus sit, nullum illis est superandum spatium latens inter coeuntia emissaria, & locum parùm, vel nihil resistentem. Qua de re liquidum occupans totum Uterum, & præsertim ejus vasorum oscilla, quæ mutò copulantur statim ac agitationem concipit, magis funditur, & vi tot motuum, occursum, ac succussionum, quæ in omni vasculo, & Uteri villo exercentur, fit promptior ad excidendum; nam cum agitatio, & confricatio hujus generis liquidorum, eorumque vis percussionis, & calor fluxiliora reddat eadem humorum minima corpuscula, quæ secerni debent, minuit etiam cohesionem ipsorum cum superficie canalium, & præsertim cum eorum nodis, atque inæqualitatibus, ac idcirco fluidorum moleculæ faciliùs, & expeditiùs se-



sejuguntur, & exciduntur; verùm cum hoc ipso tempore, quo à superficie canalium separantur, eorundem membranæ in contractionem veniunt, ac veluti sub prælo ponunt contentum liquidum, illudque disspescunt; & pellunt.

Quoties igitur textura Uteri debito humorum cumulo est referta, & quadam certa agitatione, velocitate humorum, atque calore tentatur, roties membranæ, atque canaliculi per eas repentes sollicitantur, satis explicantur, contrahuntur, & distrahuntur, donec humores contenti fluant; ex quo fit, ut canales modò sensim impleantur, modò depleantur, ut villi membranas universas astruentes, ut membranæ comprehendentes canales in tota corporis machina contrahantur, & distrahantur; ac proinde canales magis oppleti majori vi alios, ac eorum succedentes plicas urgeant, rarefaciant, atque illorum oscilla magis aperiant.

Possset autem hujusmodi secretio diu perdurare, sed cum humores non eandem semper mistionem, indolem, ac igniculorum copiam servant, nec eandem semper exercent fluxus vim, & irritationis momentum, quod discludere valeat canales, vel eorum impervias plicas adeò aperire, & explicare, ut coeuntia ora venarum & arteriarum priùs occlusa discludantur, mirum non est, sanguinis, aliorumque fluidorum dejectionem aliquandò cessare. Hujus rei luculentissimum exemplum, & satis obvium est liquor effluens è ligni canalibus igne agitante: observa amabò quid huic contingat, cum igni admoveatur: ab altera tantùm illius parte, quæ igne non ten-



tatur, effluit liquidum fervens, & si caloris vis intendatur, major liquidi copia, & citius effluit, in bullasque erumpit, quamvis lignum ipsum non parvæ sit longitudinis: hoc idem observabis in tela solidè intertexta recenter cerata, & arctè cohærente, quæ, si hyeme præsertim tentetur igne, fit mollis, explicatilis, & ex universis filamentis evomit tenuem humorem in interjectis spatiolis telæ, aut ceræ glutine detentum: hoc pariter confirmant poma supra, vel propè ignem posita, cujus vi tota eorum substantia flaccescit, eorumque cortices tam interni, quàm externi madescunt, discinduntur, & quaquaversum eliminant humorem, cujus carentia cortices ipsi variè laxantur: si ergò ignis minimæ particulæ percutere, urgereque possunt per totam longitudinem canalium ligni, pomorum, &c. contentum liquidum; si penetrare valent, dissolvere, & mutare cohæSIONEM vasorum, ac totius structuræ; si contrahere, distrahere, aperire eorum oscilla, & discindere corticem, ac idcirco detrudere ex emissariis canaliculorum contentum liquidum; num minimè sufficient in Mulieribus pro Mensium secretionem solutæ ignis particulæ huc illuc per sanguinem, aliaque organa volitantes? non satis erunt impetus, aut liquidorum velocitas, quantitas, confricatio, & ignis circumfusus ad agendum in omni Uteri villo ad penetrandas omnes fibras? ad magis contrahendum, distrahendum & circumprimendum totum Uterum? imò ad irritandam omnem nervorum substantiam, ac propterea ad explicandos, & aperiendos canales rectos, & obliquos? demum, ad citius liquida movenda, fecer-



cernenda, atque eliminanda? Incipient itaque citiùs, vel tardiùs menstruales fluxus, pro ut magis, vel minùs explicatus fuerit Uterus, vel plùs, aut minùs fæcundatus vivida humorum copia, & igniculorum quantitate. Quare tamdiu durabit hæc depositio, quamdiu durabit tot prædictorum motuum vis, & agentis ignis facultas; quemadmodum in ligno perennatur humidi contenti secretio, quousque vis ignis superat illius resistantiam.

Inter alia, quæ ex præmissis deducuntur, dico jam dari intra Uterum cujusvis ætatis liquidum quoddam non omninò quiescens, quale in arboribus conservatur tempore hyemis usque ad ver; quo tempore, agitante calore illius anni partis, & quandoque etiam priùs, omnia plantarum semina intestinum motum subeunt; ideoque gemmæ, flores, frondes, fructus, citiùs, vel tardiùs ab illis erumpunt, prout aer, canales, & ab illis contenti humores referti sunt majori, vel minori copia igniculorum, quaquaquaversum impetum facientium. Pro temperamentorum igitur varietate citiùs, vel tardiùs flores excitantur Mulierum, dum Uteri turgida vascula non satis resistunt influxui tentantis liquidi: est igitur verisimile, non in Mulieribus tantum generationi idoneis, verum etiam in senio confectis, & quandoque in Puellis immaturis pervia fieri, & aperiri vasa sanguinis per Uterum excurrentia, quemadmodum Hildanns, Horstius, Schulzius, aliique plures indicarunt; & nuperimè observavit celebratissimus Antonius Vallsinerius, Vir certè singularis doctrinæ, in universalibus notitiis Minervæ af-



ferens, quandam Puellam nondum primum Iustrum attingentem latam sanguinis hemorrhagiam per Uterum passam fuisse statuto tempore per plures menses; & ipsemet testari possum idem prorsus accidisse cuidam Vetulæ nonagesimum tertium annum agenti, quæ eundem passa est sanguinis fluxum.

Aliter quippè sentiunt, qui rem aliter examinant; asserunt enim Uterum, ejusque instrumenta proxima, & remota concinnè disposita ea ratione, vi, & facultate moveri in prima ætate, ac in altera; nam Uterus in prima partium teneritudine est exigua moles, constans illis exordiis, eodem prorsus modo dispositis, & ad agendum accommodatis, ac in firma habitudine cujuscumque ætatis. Discrimen igitur insistere contendunt in majori, vel minori protensione, sive magnitudine partium, quæ ex minori mole fiunt majores, ut de ovis etiam in testibus contentis patet; quæ etsi in primis annis nudum oculum ob molis parvitatem fugiant, nihilominus statuunt à prima ferè corporis constitutione usque ad extremam ova excidere è testibus in Uterum, modò scilicet unum, modò alterum, nunc minusculum, & immaturum, nunc magnum, omnibusque numeris absolutum; sed cujuscumque fuerit molis, illud putrescere non dubitant, ideoque madefacere internas Uteri membranas particulis sulphureis, ac erodentibus, quibus ovum scatet, ad instar aquæ Stygiæ, vel ignis, & quodammodo urere, dilaniare, ac solvere vasa serpentia per Uterum, ac propterea non parùm sanguinis depromi. Verùm  
cum



cum intra Uterum , & ovum dentur solummodo illi motus , ac partes ritè dispositæ mutabiles , atque ita in suis incohamentis perspectæ , ut abire possint in partes animalis , easque aptè fovere , & conservare ; non est sensibus obvium , nec verisimile in tenella ætate ovum in Uterum delabi , illudque retinere , quamvis evanidum , suoque fœdere destitutum , activissimum ignem , feminaque erodentia , ac dissolventia oscilla vasorum , ex eorumque emissariis Menses depelli ; nam si essent ovo subventaneo particulæ tanta vi præditæ , momento citiùs suis stimulis universam Uteri structuram summo sensu petitam ustularent ; seu , quod minimum est , rugas quoquoversùm obtenderent , singulasque tum Uteri , & vaginæ , tum vasorum tunicas excoriarent , ex quo fieret , ut sanguis summis cum torminibus foras exiret ; imò dicta femina Uterum , fibrasque partium finitimarum convellerent , inflammarent , & mille sævissimis symptomatibus Mulieres læderent .

Qui in Praxi Medica , & Anatome scitè versantur , non ignorant , tam nervorum , quàm aliorum ductuum propagines per Uterum reptantes copulari cum tota fabrica , cum illa cieri , & in motu ea ratione sibi vicissim respondere , qua singulæ rotæ horologii sibi respondent ; non enim obstat rotas memoratas esse majoris , vel minoris dimensionis , sive esse remotas illi rotæ , quæ immediatè radium ducit ; nihilominus etenim perindè se res habet , majores namque ita minoribus cohærent , ut simul omnes ad indicandas nobis , vel pulsandas horas æquè concurrant ; sed quia motus hic dicitur nexus , &  
unio

unio omnium motuum antecedentium, pendens tam à proximis, quàm à remotis rotis totius; hac eadem arte explicare lubet motum villorum, fibrarum, nervorum, venarum, arteriarum, aliorumque vasorum contextentium Uterum; quorum contractio, & distractio, vis, & resistentia debent tam vicissim convenire, quàm referri ad motus cerebri, cordis, viscerum, nervorum, &c.; à quibus emanant exercitationes, & ministeria, quæ tum Uteri, cum totius corporis bonam, vel malam præferunt valetudinem.

Penilis est Uterus, idcirco facilè moventur ductus fluidorum per ejus substantiam irrepentes, facilèque humores contenti huc illuc labuntur; & ejus compago vi ipsum perlustrantium liquidorum contrahitur, & distrahitur, premitur, & circumpremitur: verùm si irradiandi momentum nervosi succi, & aliorum liquidorum aliquantulùm à recto tramite declinet, vascula singula, humores, nervi, ac villi contractiles eo convelluntur modo, & jactantur, quo vela navium in medio mari fluctibus, ac procellis agitato; sic utique de succo nervorum, de fibris, villis, atque Uteri nervis cogitare convenit, cujus singulæ partes quantumvis minimæ secretioni inutilium, aliisque usibus destinantur, aliquando tamen læduntur à quocumque vitio viscerum, sive à febre, inflammatione, aliove morbo corpus invadente; & quod majoris momenti est, ab æstuante dissplosione spirituum ab illis facta, quorum vi, sive percussionum momento tota machina vexatur, concutitur, vacillat, & mille sævissimis sym-



symptomatibus torquetur . Vis igitur percussione , contractionis , & distractionis ab imo termino cujuscumque partis Uteri usque ad supremum adeò convenire , ac respondere debet singulis fibris , coherentibus moleculis , atque fluentibus humoribus , ut horum particulæ labentes intra canales non coalescant ; sed commisceantur , nutriant , fluant , depurentur , fecernantur , ut pariter vascula contractilia continuè liquida premant , urgeant , eaque ita impellant , ut permeent , reparent , ac separentur ; alioquin vires viribus , facultatibus , ac resistentiis non respondebunt , nec partes spiritibus , atque humoribus , nec humores spiritibus , & partibus mutuò convenient , imò , ut monet Hip. l. de loc. in homine , *Uterus evadet omnium morborum seminarium , atque radix .*

## C A P U T II.

### *De Mensium Suppressione .*

#### *A N T E C E D E N T I A .*

**T**Alis est Mulierum sanitas , qualis est secretio Mensium , quorum fluxus prout magis , vel minùs imminuitur , depravatur , aut aboletur , magis , vel minùs variis symptomatibus eas torquet . Est igitur Mensium Suppressio sanguinis menstrui vel ob vasorum tantùm , vel ob fluidorum dumtaxat , vel ob utrorum vitium , retentio .

Hanc Suppressionem præcedere solent tempestas

itas frigida, & humida, tegumenta quælibet madida, victus ratio frigida, ætas inclinans, longa quies, ocium, decubitus super lapidem frigidum, aut nudam terram, aquæ frigidæ, ac præfertim nivis, & glaciei contrectatio, immodica vigilia, curæ, mærores, horror, nimix repletiones, vel inanitiones, labores improbi, sudor multus, sanguinis aut ex naribus, aut ex hæmorroidibus, aut è secta vena profusio, vomitio, alvi proluvies, corporisque extenuatio, ex quocumque sit morbo contracta.

### C O N I U N C T A.

**C**UM Suppressione Mensium jam Mulieres corripiente hæc conjunguntur, lassitudo totius corporis, lumborum, scapularum, capitis gravitas, & dolor, nausea, cibi fastidium, urinæ crassæ, & turbidæ, rubicundæ, ac plerumque aquosæ, & aliquando etiam nigricantes, respiratio difficilis, oculorum intumescencia, pulsus celer, debilis, & quandoque etiam tardus, inertia, pedum tumor, viscerum durities, abdominis tensio, dura alvus, somni diuturni, & color corporis pallidus, ac flavus, quæ singula magis, vel minùs invalescunt, quatenus magis, vel minùs recedunt Menses à Naturæ præscripto.

### S U C C E D E N T I A.

**U**Teri compago indiget variis, ac plenè innumeris motibus, adeò mutua proportionem sibi respondentibus, ut eorum nullus alium plùs æquo adau-



adaugeat, aut præpediat, aut usum, vim, & nexum minimarum particularum solidarum interturbet, ac dissolvat, nullusque itidem alteret debitam copiam, mixtionem, impetum, atque secretionem fluidorum; ac propterea ejus contextura moderatas requirit vires, ac resistentias in toto solido, & fluido, itaut nulla prorsus opificii pars vitio afficiatur; alioquin enim Uterus evadat oportet adinstar instrumenti musici habentis unam, vel plures madidas, aut falsas fides, quæ, etsi perita manu tententur, dissonum tamen edunt sonum.

Uteri itaque machina movetur vi cujusvis motus succussionum, contractionum, & distractionum superadditarum, quas eliciunt tam partes proximæ, quàm remotæ; quarum aliæ & aliæ sensu, motuque præditæ dum sentiunt, & moventur, mille contractionibus, distractionibus, & pressionibus naturalibus urgent, premunt, & movent villos Uteri; atque ad novum contactum, novamque coherentiam ducunt illorum moleculas, & ab eadem illas retrahunt, ac iterum in eandem restituunt; nam particulæ astruentes quicquid mobile, vel sensibile est in corpore, sive hoc sit Utero proximum, sive remotum, formam vectis emulantur, cienturque vi motus liquidorum lustrantium nervos, musculos, aut villos contractiles quacumque confertos, & per Uterum diffusos; quare quò illis est vividior sensus, & motus, eò præstantior fit vis mobilis, atque sensibilis etiam in Utero.

Utilitas autem succussionum, seu contractionum, aut distractionum sita est in motu ipso contra-



ctionum, distractionum, pressionum, &c., ita enim ea confluunt intra partes sensibiles, & mobiles, quæ excitant motum, & vim novi contactus; quinimò quæcumque continentur, exprimuntur, separantur, atque extra illas amandantur: quare per memoratas succussiones explicantur involuta filamenta, laxantur, solvuntur, vasa pervia quandoque impervia fiunt, ducunturque tum extra vasa, cum extraminimarum particularum inanitates ea omnia inutilia, quæ facilè expelli possunt; hæc autem in qualibet ætate, corporis habitu, ac temperie citiùs, vel tardiùs peragunt, prout majus, vel minus est fœdus mixtorum, vel quatenùs plùs, aut minùs scatet feminibus ignis, aut consimilibus particulis activis.

Verùm cum in nulla fibra, membrana, aut cedentis filamenti minima parte detur superficierum exacta lenitas, hinc fit, ut moleculæ sese tangentes constituent inter latentes asperitates sinulos quosdam, quibus continetur aliquod fluidum facilè mobile, quod est in causa, tempore præsertim bonæ valetudinis, ut filamenta, tilix, atque eorum patiunculæ madescant, cedant, flectantur, uno verbo promptiores evadant motibus, ac secretionibus. Evenit etiam interdum, ut solida mutent aliquantulùm cohæSIONem, eorumque superficies fiat consuetò asperior; ac sinuli memorati plùs æquo repleantur lymphæ, aliove humore alluente, simulque infarciante machinulas solidas glandularum viscerum, imò villorum omnium; cujus rei causa majores fiunt laxitates, majores in dies sinuli, ideoque magis inficiuntur vitiosa labe fibræ, ac villi; & quod rei caput est,  
ad



ad invicem tilix , fasciculi nervorum , fibrarum , & vasorum tenduntur , ac premuntur ultra naturæ leges, occluduntur eorum hiatus , languescunt motus , infirmantur solida , permutant figuram , meatus , vires , & resistentias ; fluida pariter nimia feri sorde inquinantur , spiritus diluti evadunt , vel coercentur , aut resolvuntur , nec ulterius aptè regenerantur : quare organa indebitè lustrantur , nec vires humorum resistentiis proportionales exercent , ac proinde humores naturali impetu , atque pressione destituti , puriorisque lucis feminibus , vel saltem eorum debita copia carentes mixtiones , ac secretiones naturales non fortiuntur .

Si igitur deficient Mensium depositiones , dicendum totius fabricæ conjugium , & præsertim Uteri , universam arteriarum , atque venarum armoniam non esse illius unionis , ac virtutis , qua superare possit resistentias , ac impedimenta occursum fluidorum ; neque à contractionibus , pressionibus , aliisque motibus villorum constituentium membranas diversorum vasorum atteri posse , separari , atque detrudi fluidum inutile ; quod eò etiam facilius contingit , quia suapte natura arteriarum propagationes quo magis à suo principio remonentur , eò magis semper magisque angustæ fiunt , ideoque sanguis per ipsas excurrrens ab ampliori orificio versus angustius facile præpeditur ; Venæ autem etsi contrario modo sese habeant , hoc est , fluxus sanguinis fit per ipsas ab exilioribus canaliculis versùs patentiora vasa , nihilominus in ejus cursu moleculæ ipsum constituentes tum in mutuo occur-



su sese invicem sistunt, tum in contactu membranarum, ac propterea vasorum omnium oscilla non satis aperiuntur.

Verùm enimverò si liquida supponantur viscida, singulæ tunc eorum particulæ non modò plurimum hærent mutuo contactui; verùm etiam membranis astringentibus Uteri canales, quorum emissaria fiunt angustissima, vel prorsùs occluduntur, quia liquidum hoc divellitur longè difficiliùs à membranis, quàm liquidum non viscidum: vis igitur occlusionis non oritur solùm, ut censent multi, à membranarum pressione, vel à superaffluentibus humoribus, sed magis etiam à momento lentoris, quo fluidæ moleculæ in membranis insident, momentum exuperante, quo solidæ machinulæ illum expellere adnituntur.

Vis autem fluxus nimii fluidi, excurrentis per vasa, tanta non est, ut superare possit resistantiam vigentem in singulis particulis cujuscunque arteriæ; quare fluidum ipsum extrorsum urget latera vasorum, eorumque fibras, quæ proindè nequeunt premere humores per totam longitudinem, eorumque ramulos semper angustiores: si ergo minùs quàm decet, moventur humores per Uteri canales, magis gravabunt membranas, eorum moleculæ mutuò irretientur, adhærebunt fibris, quandoque acescent, lentescunt, vertentur in tartarum; ac propterea Uteri vasa, atque interdum etiam viscerum contaminentur oportet adinstar dolii vino, acetove pleni, à quo acredo, tartarum, ejusque crustulæ tolli non possunt, nisi totum acetum effundatur, ejicianturque vini fæ-



ces, vel sedimenta, tam in fundo vasis, quàm in lateribus, & ligni poris subsidentia. Pari ratione nisi à naturali fluxu abradantur humores, qui concreverunt, nisi à spirituum vi fibras movente adeò urgeantur, premantur, ac idcirco aptè incidantur fluidorum duræ lentæ & molles particulæ, nisi à momento villorum contractilium superetur cohæsiō, & quælibet resistentia visceri humoris adhærentis membranis, fluxumque præpedientis, vasa tunc per Uterum, atque viscera serpentia salutis leges non servabunt. Ex iis qui non est consilii impotens clarè intelligit, majus esse aliquandò per Uterum, per viscera, imò per universa vasa momentum diffluentis liquidorum momento, quo canales repletioni resistunt; & è contra intelligit, momentum interdum, quo canales repletioni resistunt, minus esse momento diffluentis liquidorum; & tunc præpedita humorum secretio vel ad nervorum succos æstuantes, & nimis agitados, vel nimis sopitos, aut alterius cujuscunque necessariæ conditionis expertes attinet, vel ad alios humores remotos à nativa indole sive ad partes solidas nimis irritatus extra propriam cohesionem fitas, vel quomodocunque vitiosa labe affectas, ut ex causis exterioribus mox explicandis clariùs patebit.

Istæ namque, ut initio quoque indicavi, recensentur varia victus ratio, aut frigidorum usus, sive cujuscunque rei humidæ, & frigidæ contractio, cum hæc aliis copiosam, aliis præxiguam purgationem exhibeant, vel aptum, & convenientem purgationis modum, qui naturæ, & vitæ generi est consentaneus, depravant, permutant, & quandoque etiam prorsus abo-

*Improbæ vitæ ratio, & contractio frigida. hunc morbum inducunt.*



abolentur : ne autem obscuritatem pariat rei expositio, sciendum causas exteriores memoratas, frigida nimirum, & humida, premere, laxare, & irritare non parùm papillas nervorum, & in eorum propaginibus tremorem incutere; cujus vi necessaria motus causa ea, qua priùs ratione, non communicatur fibris totius fabricæ, atque Uteri contexturæ, ad quam non secus ac ad alia organa propagantur innumeri nervorum ductus deferentes vim, ac facultatem motus, & sensus. Quarè siue mergatur corpus in aqua frigida, siue extremitatum una, aut alia pars diu in illa detineatur, aut quomodocumque frigidum contrectetur, sanè vi hujus contactus molesti ita penetratur, agitur, irritaturque nervorum substantia, ut lymphæ circa nervos effluens consistat, spiritus motu tremulo diffundatur, seu potiùs inordinatè explodatur à cerebro ad partes; ideoque omnis fibra etiam ad Uterum pertinens adèò madescit, ut priùs laxetur, tendatur, ac veluti constringatur, atque concutiatur; ut singuli nasorum villi sic laxi, madidi, tensi, contracti, & concussi quadam veluti paralyfi corripiantur, cujus vitio ignis solidis, & fluidis circumfusus nec in auras abit, & sed intus delitescit, & humores nec impetum naturalem nec secretionem conservantur; nam impervium evadit corpus Uteri, ejus meatus constringuntur, contractiones, distractiones, pressiones, & cæteri motus, quibus ipsum fruebatur, deperduntur, & hinc oritur Mensium Suppressio. Nec hujus rei veritas negari potest, cum facultas motrix diversas separationes persolvat, quia variis utitur organis, & peculiaris



rem fortiuntur agendi vim , quemadmodum idem fluxus rapidi fluminis , ope diverfarum machinarum , modò triticum conterit , modò fecat marmora , & ligna , modò malleis contundit metalla , modò demum organis hydraulicis armonicum concentum edit ; hac eadem ferè arte spiritus , five succus nervorum , aliæque ignis particulæ degentes in sanguine adinstar torrentis lustrant , percutiunt varia vi totum corpus , urgent , penetrantque Uteri fibras , earumque moleculas diversimodè movent . Quare hìc humores cientur , hìc premuntur , illic deteruntur , illic separantur , &c. , quia ibi fibræ elevantur , tenduntur , alibi deprimuntur , & oscillant ; idcirco humores inutiles , cum varias partes occupent , variè separantur , & quasi diverso prelo exprimuntur , & per propria emissaria eliminantur . At ne recedere videar à suscepta similitudine , si aquæ fluminis sensim deficient , nec tantum impetus , & percussione , quantum opus est rotis , aliis instrumentis machinæ impertiant , aut rotæ ipsæ , aliave instrumenta non satis apta , ac perfectæ sint , tunc eorum operationes ritè non peraguntur ; permutato igitur humorum impetu , figura , & sustantia , læsisque fibris , & villis vires languescunt , dissoni fiunt motus , humores nec separantur , nec depellentur , ideoque partes solidæ vitiosa labe inquinantur : si autem diu vigeat tempestas frigida , & humida , Mulierumque corpora sint naturaliter laxæ contexturæ , mollis , & modicæ resistentiæ adinstar chartæ bibulæ , spongiæ , aut telæ gossypinæ , citissimè humiditatem exugunt , atque combibunt ; ac proindè recedunt à debita vi hu-

mo-

*Frigida  
temperies,  
& humida  
laxa q. tex-  
tura.*



mores premente, urgente, ac separante, quod non ita facilè contingit in Mulieribus vividis particulis scatentibus, ac debita firmitudine, & fulcimento fibrarum præditis; quæ in universa vasorum constructione fervant unionem, consensum, vires, & resistentias respondentes aeris mutationibus; ac propterea tam fluida, quàm solida, sine læsione, secretionis opus aptè moliri queunt.

*Aer frigidus.* Aer interdum extremè frigidus cum externas nervorum papillas, aliasque fibras tendat, gravet, & plùs justo contrahat, earumque internas particulas, aut quasi torpore sopitas, aut gelu constrictas reddat; tunc motus parietum languidi evadunt, & aeris spiræ magis graves, & tensæ exercent vim, & conatum supra vim, & resistentiam solidi, & fluidi; quarè ignis in partibus, & humoribus circumfusus si prorsus non exstinguitur, saltem delitescit, ac veluti in vinculis adeò detinetur, ut præpediat villorum machinulas, ne agant in fluida inutilia, tam pro eorum separatione, quàm pro eorum ejectione. Quemadmodum igitur aeris frigiditas potest in thermometro spiritum vini ad plures gradus deprimere, & constipare, ita poterit aer adeò alligare, & premere sanguinem, atque alia liquida ut constringantur, & sibi mutuò adhærescant, longèque absint à nativa vi, & figura, imò à consueta illa elevatione, ad quam faciliter attolli solent; quod si fiat, aptè humores non fluent, & præpeditur debita separatio spirituum, quorum jactura nequibunt fulciri villi; ideòque Uterus carebit debita vi, cujus defectu propterea vasa concident, & humores circum-



cumfusi, frigoreque correpti torpescent.

Verùm in satis raræ, mollisque texturæ Mulieribus humorum tenuitate, calidaque temperie præditis, si interdum menses, & præsertim in æstu penitus non cessant, saltem plùs, vel minùs universæ fibræ, ac villi naturalem unionem, vires, ac resistentiam amittunt; siue veriùs prout magis, aut minùs rarefcunt, aut laxantur adinstar substantiæ sebaceæ, atque cereæ, cujus componentia, etsi mutuò implicentur, arctèque involvantur, ob incursum tamen igniculorum cedunt, flectuntur & colliquescunt; sic fibræ, ac Mulierum villi hujus raræ compaginis laxantur, imò vi ignis in aere circumfusi multùm absumitur lymphæ, & quandoque resolvitur mensium materies, aut debita pressioni vi, atque vehiculo privatur, vel coangustatis glandularum, & viscerum vasculis, siue Uteri, ac vaginæ emissariis, in memoratarum partium sinulis arefcit.

Contrarium verò accidit, ut monet *Hip. 3. aphor. Naturarum hæ quidem ad æstatem, hæ verò ad hyemem benè, malève se habent*; cum in hyeme, imò in vere, atque etiam autunno transpiratio moderetur & laxa corporis compago ad suum terminum restituatur; tunc ignis liquidis interspersus nec plùs justò rarefcit, nec diffunditur, ideoque aquæ, vel lymphæ substantiam non dissipat, sed aptè commiscetur, ac implicatur universis solidis, & fluidis, quorum vires si, uti decet, adinvicem respondeant, per viam Uteri supervacanea naturaliter eliminant.

Quod pariter contingit, si declinante ætate re-



*Ætas de-  
clinans.*

primitur vitæ fervor, ignisque sanguini permixtus, aliaque activa liquida imminuuntur; tunc enim purgatio Uteri fit parcior, rarior, & inæqualis, quàm natura, temperies, corporis habitus, & victus ratio postulant. Nam superstes ignis, aliæque vividæ particulæ ejus naturam æmulantes satis agere non possunt, cum præsertim fibræ non ita facile flecti queant, quia sunt magis duræ, siccæ exesæ, laxæ, & solutæ, ideòque prioribus destitutæ contrahendi, & distrahendi viribus, vel apta copia liquidorum, quæ debite non regenerantur, & naturalibus velocitatibus non fruuntur, aut villos rectè non illustrant, nec reparant, neque à spiritibus ritè urgentur, neque sunt prædita ea mixtione, figura, quantitate, aliisque conditionibus, quæ necessariae sunt ad inutilium dejectionem.

*Ocium, &  
nimia quies.*

Non parùm autem liquidorum separationi obfunt ocium, vel nimia quies; tunc enim sanguis congruam mixtionem, temperiem, figuram, occurfus, & impetum non fortitur, nequè contactuum mutationem, quæ cribris partium, & partium moleculis est consentanea; in nulla etenim parte corporis ex adventu novi humoris ea, quæ par est, absolvitur fluidorum comminutio; nec ea, quæ satis est, exeritur contrahendi, & distraendi vis, nec debita effluviorum quantitas depellitur, nec congruus motus usque ad extrema vasorum molitur; proptereaque in eorum per Uterum propagationibus humorum moleculæ proportionem debitam non cientur, nec certa ratione copulantur, aut disjunguntur in singulis minimis vasculis juxta figuram, virtutisque momen-



mentum villis, ac fibris mobilibus impressum, aut juxta naturalem pressionem, contractionem, ac distractionem singulis partibus communicatam, hinc planè constat naturam moliri, & consequi secretion-  
es ope vasorum vim facientium in contentos humores, ut debitus absolvi possit illorum exitus; sed in nimio ocio pressiones, confricationes, vires, & resistantiæ, quæ necessariae sunt ad hoc, ut per Uterum inutilia pellantur, non satis exeruntur; in hac etenim inertia fibræ æquo segniores factæ non urgent, nec aptè agunt in fluida, nec fluida in illas; undè nec defecantur dicta fluida, nec materiam idoneam regenerationi spirituum suppeditant, quorum quantitate diluta, diminuta, vel facta impura depravetur oportet illustratio villorum inservientium motibus totius corporis; undè extenuantur vires, & resistantiæ, laxantur filamenta, onerantur humorum sarcina, & removentur à mutuo contactu particulæ ea constituentes.

Læditur Uterus, cum diu premuntur illius fibræ, tunc enim præpeditur in minimis ejus vasculis motus liquidorum, turgescunt vasa, laxatur eorum unio, nec sequitur recta spirituum diffusio; nam quemadmodum Mulieres, quæ in vinculis multùm detinentur, aut vehuntur continua sessione in navicula, aut lectica, lassitudinem, & languorem perferunt in fibris muscutorum gluteorum, quorum villi ad instar pulvinarium comprimuntur, atque imbuuntur sanguine; ita si Uterus diu sessione circumprimatur, tam in ejus spongiosa substantia, quàm in minimis vasculis, ac fibrarum interjectis spa-



tiolis stabulantur humores, adeoque præpediuntur onere totius incumbentis corporis, ut inutilia per Uterum aptè deponi nequeant.

*Nimia  
Vigilia.*

In vigilia autem nimia, cum corpora exercent innumeros motus, contrahantur oportet villi omnes, quorum nexus, vires, & resistentiæ post datum tempus à debita proportionem recedere incipiunt, eorumque substantia paulatim dissolvitur, & quodammodo destruitur; nam vires, quæ assidue exercentur, vigent in nervis, atque spiritibus, & ab aliis hujus indolis particulis emanant, earumque fluxu, & refluxu, displosione, mistione, atque illustratione nimis repetita resolvuntur, & disperduntur, ex quo fit, ut modica, quæ remanent activa semina, solidis, & fluidis intermixta, tam languidè cieant tilias fibrarum, & villorum, ut vasa singula, & præsertim Uteri, quasi distracta, & soluta invicem concidant; atque idcirco juxta diversam corporum contexturam plus, vel minus imminuantur, infirmentur, ac præpediantur contractiones superadditæ, pressiones, & circumpressiones, quæ necessariæ sunt ad fluxum liquidorum, ac proinde ad munia secretionis obeunda.

*Cura, me-  
iores, &  
timores.*

Curæ pariter, mærores, & timores vitiant motum liquidi nervorum, eique talem labem inferunt, ut illius particulæ figuram, cohærentiam machinularum, agendi vim, atque illustrandi modum valetudini debitum non servant; nam succus ille per nervos fluens, à corticalibus glandulis emanans, versùs partes aptè non derivatur, nec à partibus ipsis versùs cerebrum refluit eo, quo expedit fluxu, nec

mun-



munit singulas fibras ea diffusionē, eoque contactu, quo necesse est; siue igitur necessariò, siue voluntariè fluat, elutriari debet ea vi, qua à glandulis urgetur, atque exprimitur; verùm si necessariæ pressiones, quæ oriuntur à contractionibus, distractionibus, circumpressionibus, &c. arteriarum, venarum, aliorumque vasorum astringentium duram, & pia mater, obfidentium cerebrum, spinalem medullam, & nervos omnes, æquò fuerint crebriores, tardiores, vel infirmiores, erunt etiam æquò crebriores, seigniores, & imbecilliores motus spirituum, sanguinis, & partium, siue villorum omnium. Si itaque hæc nimia motuum tarditas, vel celeritas infert laxitatem, tensionem, tremorem, concussionem, & jacturam partibus solidis, debet etiam violare, & vitiosam labem communicare fluidis, quæ æquò citiùs, vel tardiùs juxta ætatem, sexum, temperiem, ac animi angorem derivantur ad partes omnes, siue determinata cohærentia, motu, quantitate, proportione, & figuræ aptitudine separationi consentanea.

In Mulieribus itaque timore, aut melancholia affectis species ab objectis sensibilibus profectæ ritè in organis non excipiuntur, nec versùs cerebrum cum debito spirituum refluxu feruntur, nec ita mutuò complectuntur, neque nervos, per quos excurrunt, ita tangunt, nec tali impetu imprimuntur, ut consueta munera persolvant: & quia nervorum succus, qui progignitur, est ejusdem naturæ cum sanguine, cujus substantia si sale, sulphure, aut lymphâ acri, & erodente, vel aliis particulis consimilibus

fca-



scateat, tunc memoratus succus ob diuturnum mæroris & timoris affectum satis humoribus non convenit, nec partibus respondet, quia in nervis, & in contentis humoribus tremulum quendam motum gignit, eumque undatim, sed inæqualiter, ita propagat fibris universis, ut si non omninò sensationem, & motum impediat, saltem depravet, hæbetet, atque infirmet coctiones, liquidorum mixtiones, ac eorundem separationes; imò inanitatum omnium figuram permutet, tantumque irritationis singulis filamentis incutiat, quantum necesse est, ut nervi, ac villorum protensiones tremere incipiant, rigescant, & fluentes humores retardent, ac præpediant, ne aptè eliminentur.

*Vasor. plenitudo.*

In qualibet vasorum nimia plenitudine fibræ, ac singuli villi adipe, & sanguine imbuti, aliisque liquoribus plùs æquò referti necessariò laxantur, illisque implicata vasa immodicè constringuntur, ac ita opplentur, atque turgescunt, ut congruè amplius non contrahantur, & distrahantur. Quare si tota Mulierum fabrica plùs, vel minùs obstruatur, ac superflua stipetur humorum copia, si proluatur in modum spongiæ madidæ, vel membranæ Uteri, ac vasa per illum serpentia onerentur, & tumeant adinstar conditi corii in officinis Coriarorum; si denique viscera, vel Uterus, aut aliqua alia pars separationibus destinata incidat in plenitudinem, vel laxitatem, plùs, vel minùs operationes vitientur oportet, quia vasa Mulierum aptè inter se cohærentia simul non conspirant, nec invicem adeò consentiunt, ut humores consueto impetu fluant, agant,



agant, & patiantur, ac partes spiritu perlustrentur, agitentque fluida pro debito exitu inutilium per Uterum.

Defectu similiter pabuli, vel ope cujuscumque immoderatæ evacuationis, procedentis etiam à labore improbo, fit Suppressio Mensium, quia resolvitur, & absumitur certa, ac necessaria liquidorum *Evacuatio immodica.* quantitas, quæ respondere solet spiritibus, humoribus, & partibus; tunc enim sanguis, spiritus, seu succus nervorum ob propriam penuriam languidè, & tardè intra fibras cordis, aliorumque musculorum instillantur, ac idcirco necessarias, voluntarias, & superadditas contractiones illas vix eliciunt, quæ ducere, & urgere solent humores per vasa, eos discernere, atque depromere. Quare si Mulierum corpora consuetum æquilibrium, & primas vires, imò materiam illas producentem amiserint, necessariò fluida cuncta permutabunt contactum, agendi vim, uno verbo integram mixtionem; ac proinde solidarum partium machinulæ plùs, vel minùs inanes, tabidæ, debitoque succo expertes fient, vel à naturali cohærentia, coalitu, ac statuto termino recedent, & solventur prout magis, vel minùs mutuò laxantur, liquefcunt, emaciantur, & arent; imò prout magis, aut minùs supra tolerantiam, & resistantiam evacuantur, magis, vel minùs menses amittunt. Verùm si immodica transpiratione Mulierum corpus, lympa, fero, vel adipe, aliisque effluviis, tum ab organis, cùm à sanguine prodentibus adeò destituatur, ut humorum mixtio, ac idonea quantitas nimis imminuatur, vel interturbetur, seu quod  
in



Transpira-  
tio immo-  
derata.

in idem recidit, congruenti prorlus vacet figura, dulcedine, impetu, cohærentia, ac proportione, simulque sese invicem abradant minimæ moleculæ astruentes organa; proindeque immodicè raræ, & perviæ fiant, laxentur, connisum permutent, pri-venturque necessario humore lymphatico, oleoso, vel alterius indolis, ope cujusvis dissoni motus, aut violatæ relationis, sive inordinati contactus fluidi cum solido, & solidi cum fluido; & præsertim vi intemperati ignis citiùs, quàm par est, penetrantis, solventis, ac quodammodo comburentis, atque in tenues auras resolventis fœdus mixtorum, tunc particulæ solidæ arescunt, abbreviantur, ac ferè coriaceæ ita evadunt, ut expeditè contrahi, & distrahi nequeant; quare tam vasa Uteri, quàm viscerum, fibræ, nempe villi, & membranæ sic exesæ, tanta jactura affectæ debita vi destituuntur, premendi scilicet, urgendi, eoque ducendi superstites humores, quò naturæ necessitas eos vocat; Glandulæ pariter carent nativa vi, & usu separandi, necnon pellendi inutilia per earum emissaria, vel materiæ contrahentis villos, vel debitæ quantitatis liquidorum vitio, vel indigentia congruæ unionis solidorum, vel ob plura, aut omnia simul exarata impedimenta. Perspectissimum porrò est rerum etiam imperitis fluminis alveum à summo ad imum usque exsicari, quotiescumque in alium alveum derivatur aqua, vel in planitiem, aut declivem locum liberè fluit: rem magis evincit pabuli carentia, vel immodica evacuatio, quæ dissipat, absumitque certam liquidorum quantitatem, quæ priùs respondebat spi-



spiritibus, humoribus, & partibus, viribus, ac resistentiis, nutritioni, atque secretioni; qua de re Uterus licet in ætate juvenili, etiamsi immodicis evacuationibus corpus eliquetur, statim suos flores, viresque consuetas omninò non amittat, paulatim tamen deficient, vel non satis regenerantur spiritus; non eadem planè in tota fabrica, nec in Uteroprehenditur particularum fluidorum vis, atque solidorum textura, nec idem calor opportunam conservat incolumis temperiei materiam, nec æquè agit uti priùs, ac propterea Mulier consuetis viribus destituatur necesse est. Tunc autem profectò parum illud utilis, vel inutilis materiei, quod remanet, inertia, lentore, ac tartaro scatens adhærescit vasculis, ac veluti torpore sopitum congelascit; ex quo fit; ut indies magis depraventur solidæ, & fluidæ particulæ, quæ si prorsus non deperdunt ignis moleculas, ea saltem, qua priùs gaudebant, igniculorum frequentia carent; ideoque debitas confricationes, contractiones, & distractiones, ac proinde congruas Mensium secretiones amittunt.

Referre hìc possem odores gratos, & ingratos, tetros, ac malignos, qui per nares ad cerebrum perducti vires in quibusdam Mulieribus variè prosternunt, & languidas pulsationes in corde, ac ductibus sanguinis producant; nam odora effluvia in aliquibus Mulieribus, & fumi graveolentes in aliis per nares insinuati nervos mamillares titil-

*Odores grati, atq. ingrati.*

lant, penetrant, & concutiunt cerebrum universum, & hinc per nervos celerrimè ad cor, eorum affectio communicatur; ideoque spiritus, seu nervorum



fuccus in fugam concitus motum dissonum elicit, sensimque labem acquirit, ac intemperiem, quæ in solidis cunctis, etiam ad Uterum spectantibus agitationes, tremores, & inordinatas concussiones parit; quare tardè, languidè, & inæqualitèr in illas instillatur memoratus nervorum succus, ac propterea intercipiuntur contractiones, distractiones, alii-que motus, qui ad inutilia depellenda censentur necessarii.

*Cur morbus  
exoritur à la-  
xitudine, et  
nimio calo-  
re.*

Nec sufficit novisse pro Mensium Suppressione, quæ progignuntur à causis externis, Mulieres namque divexantur quoque à causis internis, ut contingit, cum laborant totius corporis lassitudine; quæ interdum pendet ab immoderati ignis particulis, quæ humores naturaliter fluxiles nimis sollicitant, cum jam à vinculis prorsus solutæ luxurient, & concitent totum solidum, & fluidum, imò pervadant, perturbent, illudque molestè penetrent, ac reddant ad modum ceræ colliquatæ; ac proinde si non omninò machinulas exurant, saltem elimant, abradunt, absorbent, exsiccant, atque in auras abire faciunt multum necessarii humoris congruentis tam motui machinularum, quàm circulationi, & secretioni inutilium. Rem hanc illustrat lignum quantumvis viride cum in magnum injicitur incendium, illius enim substantia à nullà extremitatum humorem evomit, quia ingens igniculorum vis, & occurfus illius compaginem citissimè dissolvit, penetrat, discindit, & humores in ejus substantia dispersos absumit, vel resolvit: pari igitur ratione ignis particulæ humoribus contentæ, vel organis im-



implicatæ, si minùs æstuent, certè absumunt multum spiritus, sanguinis, feri, atque lymphæ inservientis viribus, & motibus solidorum, & fluidorum; quæ cum destituantur his omnibus, patet jam fibras, & villos, adinstar corii, inflexiles fieri, ac quodam veluti glutine consolidari, nec spiritu illustrari, uti priùs, ac propterea concidere, & privari ea vi, quæ ad peragendas secretiones est necessaria.

Deficiunt item vires in Mensium Suppressione, vel quòd spiritus purè non regenerantur, vel quòd geniti fœdantur, atque absumuntur, vel quòd humores non sunt satis diluti, aut sunt plùs æquo lymphæ commixti, vel nimis consistentes, & copiosi, aut destituti debito igne, sive eodem nimis referti, *Virium defectus.* vel denique quia fabricam infarciunt, & vitiant, vel incrustant canales sanguinis, aeris, vel nervorum. Potest namque unio minimorum dicta vasa componentium aut plùs, aut minùs æquo laxari, ideoque plùs, aut minùs diluta humorum substantia, variisque sordibus inquinata allui, & fœdari; ut sæpè observatur in Uteri glandulis, quæ cum sint officinæ naturæ friabiles, & raræ texturæ, in quibus perficitur opus secretionis, facilè stipantur impuris humoribus, qui modò faceffunt in tartarum, & adhærent partibus lateritiis vasorum; modò urgent extrorsùm, & fibras laxant, modò concrefcunt, & fibras tendunt, obturant oscilla, & adeò variè lædunt organa, ut nequeant vires suas exerere. Potest itaque unio organorum multùm solvi, vel arctiori, quàm decet, fœdere, ac nisu adhærere, & in uno viscere, aut in omnibus obstrui, & contami-



nari, tabescere, & exsiccare; imò præpediri potest omnis machina, ne ritè persolvat contractiones, distractiones, & pressiones congruentes rei menstruæ.

*Contaminatio spiritus  
& humorum  
inertia.*

Verùm enimverò si memorata semina ignis fero, aut lymphæ alluantur, vel vinculis cohærentia, & implicata retundantur, adeò ut spiritus inquinentur, & humores fiant nimis inertes; tunc motus in fibris, & humoribus languescunt, tunc cribra ad effluvia excipienda, & humores percolandos idonea concidunt, & redduntur inepta ad consueta munia persolvenda; tunc, inquam, vires, & partium Uteri figuræ, atque pori quantitati lentescientium liquidorum, eorumque figuris non aptè respondent, nec benè humores spiritibus, & partibus congruunt, sed humores varias corporis partes, quibus adhærent, ibique in modum tumoris quandoque concrescunt, ita tendunt, vel scabra figura, aculeis acutissimis, & acrimonia, qua scatent, erodunt, & irritant nervosas expansiones, præsertim sexti paris, in lumbis, scapulis, & capite, ut modò nimis tensæ, modò nimis laxæ evadant, ac proinde excitent gravitates, & dolores in capite, pondus, aut debilitatem in lumbis, atque in scapulis.

*Canalium  
obstructio, &  
nervorum irritatio.*

Cum autem Mensium interceptio omnium ferè canaliculorum obstructionem, & nervorum non levem pariat irritationem, cujus causa nervorum fibræ, & succi spirituosi in earum spongiosa medulla existentes majorem, aut minorem sensum doloris inducunt, prout irregulari, ac perturbato motu plùs, vel minùs agitantur, quo tempore communicant



nicant cerebro, singulisque ejus protensionibus tremorem, qui in ventriculo convulsivam illam passionem indicit, quæ nausea, aut vomitus appellatur, hinc multum non est salinas, & acidas particulas ibidem retentas, quæ ventriculi membranas pungunt, evomi, & tamen quietem ventriculo non afferre, quia continua est, & semper perturbata spirituum displotio à cerebro ad Uterum, ad ventriculum, &c.; imò quia emanare solet ab humorum congesta colluvie, acu veluti quodam pungente, & variè infestante Uterum, & nervos, ex eo fit, ut ventriculus memorata irritatione afficiatur.

Pro temperamentorum itaque diversitate urinas modò crassas, modò turbidas, rubicundas, aquosas, & quandoque etiam nigricantes eliminant laborantes Mensium Suppressionione; nam crassa minùs liquidi continet, vel quia liquidum illud aliò abit, vel quia fluida, ex quibus urina separatur, sunt lenta, & viscida, aut dissolvente igne parum referta, ideoque lotium, quod secernitur, est crassum, & partibus magis cohærens.

*varia eliminantur Urina.*

Turbida autem magnam præferre videtur quantitatem materie crassæ, & valdè agitatæ, proindeque sollicitantis, atque leviter laxantis vasa renum, in quibus non ritè, imò etiam aliquandò molestè solvitur. Rubicundæ itidem, sive cruentæ urinæ vel emergunt à sanguine parùm fero diluto, ideoque igne, & sale cumulado, cujus particule tartaro, & aliis crassis moleculis intermixtæ hunc colorem impertiunt lotio; vel pendent dictæ urinæ à magna humorum congeriæ urgente, & laxante vasorum

te-



texturam , per quam sine debita separatione labuntur . At nigra si deponatur urina , arguit maximam copiam adulti , & soluti tartari , simulque minimam aquæ , vel feri quantitatem ; cum reliquæ horum liquidorum partes aut vi morbi jam sint absumptæ , aut congruè in circuitu non commiscentur .

*Urina aquosa.* Urinæ demum aquosæ , quæ sunt magis communes in hoc morbi genere , particulis carent crassioribus , cum ritè adhareant vasorum lateribus ; ac propterea non comminuantur , nec conformentur vasculorum , & viscerum cribris pro exitu , quia difficillimè moventur humores intra glandulas , & difficillimè solvuntur ; imò cruditate , & lento motu , quo pollent , earundem glandularum fibras semper magis , magisque infirmant , & obstruunt .

Cum corporis Mulierum fabrica sit nexus innumerabilium organorum , inservientium non tantum Animæ functionibus , verum etiam mixtioni , & secretioni utilium , & inutilium , facile est percipere , tempore Suppressionis non tam Uteri machinam , quàm totius corporis infici , & laxari ; ideoque sanguinem languidè , ac valdè deformatum reduci ad cor , ad pulmones , & ad cerebrum , ac propterea ineptum esse nutritioni , depurationi , atque regenerationi spirituum ; qui idcirco nequeunt vividè , & expeditè illustrare , contrahere , & distrahere villos astruentes vasa aeris , & sanguinis , unaque fluere & refluere per furculos nervorum ; quare aggregatio diversorum corpusculorum fluida componentium exactè commisceri nequit , & congruis motibus agitari in pulmonibus , & sub eorundem pressionum præ-



prelo urgeri, ritèque solvi, & multò minùs in visceribus, in quibus vi moventur fibrę glandularum, undè tardè nimis transit, & elutriatur sanguis per subtilissimas fistulas pulmonum, & viscerum; *Difficilis respiratio.* tardaque nimis, & quandoque nimis brevis, & inæqualis est aeris inspiratio, ac respiratio, quia parva, & prava est instillatio, languidus spirituum motus, unaque inæqualis, & nullius momenti diffusio, & contactus molecularum vires exercentium; undè cum vasa pulmonum Mulierum Suppressionē laborantium nimis tendantur, & tardis, ac diminutis exonerationibus afficiantur, Mulieres ipsæ anhelitu quadam præpedita respiratione torqueantur necesse est.

Quoties in aliqua Mensium carentia perpendo palpebrarum, & oculorum rubram tumescētiā, toties conspicio tardum liquidorum motum, eorundem minimas partes malè intermixtas, lymphā plùs æquo dilutas, easque ferè stagnantes in fistulis subtilissimis, in spongiis, ac stillicidiis minimarum glandularum, quarum vascula ob texturæ raritatem magis laxantur; ideoque cribra, ac infundibula non consistunt, sed concidunt, atque propterea figuris molecularum fluidarum non congruunt; nec istæ vicissim ritè aptantur figuris vasculorum, & porulorum, per quos transire deberent; quare memorata fluida cuneis duris, & acutis, quibus abundè scatent, elimant, & dilacerant poros, & meatus cujuscunque mollis, ac fragilis villi, & fibræ astruentis glomerem glandularum; imò liquida ipsa non satis evadunt lubrica, sed mutuo contactu co-

*Rubra tumescētia oculorum.*

ha-



halefcunt adinftar glutinis , adeòque ità vinciuntur in vafculis jam laxis , ut egrè admodum divelli , ac fepearari queant . Tam diù autem Mulieres hoc fymptomate vexantur , quamdiu torquentur Suppreffione , & quandoque etiam ufque ad extremum vitæ terminum .

Nimium interdum fpiritibus impetum imprimunt emanfiones Menfium , quæ certè naturæ ordinem intervertunt , cum eorum materies ità ftimulet partes fingulas fenfu præditas , ad quas nervorum ftamina pertingunt ; ut hæc fuccutiantur , atque eorum liquidum crebriùs fluere cogatur ad cor , atque arterias , & ab iis item fiat refluxus velocior , quàm par eft , verfus cerebrum . Neceffarius eft igitur influxus fpirituum animalium per nervum cardiacum , atque adeò neceffarius , ut pro varia ratione , qua mutatur , mutetur & ftimulum doloris , imò ob retenta inutilia , quorum congeries efficit , ut fpiritus citiùs , vel tardiùs permeent per cor , & frequentiore , vel rariore , pulfum eliciant . Quare fi adaugeatur villorum momentum , neceffariò intra datum tempus per tubulos nervorum , & præfertim per cardiacos fluet major ac magis concitata , quàm decet fucci nervorum copia ; & quo erit velocior , eò citius multiplicabuntur cordis contractiones : quoties ergò multiplicabuntur liberiores particulæ nervorum fuccum conflituentes , & folutæ magis fient , totiès momentum adaugebunt , & cor validiùs , ac frequentius movebunt ; fi verò imminuatur eorum fpirituum momentum , neceffariò per cardiacos fluet minor , atque ineptior fucci nervorum copia ; ideòque

*Caufa majoris , vel minoris motus cordis .*

lan-



languescunt cordis contractiones, quarum causa san-  
 guis mutabit missionem, impetum, temperiem, fi-  
 guram, corpusque debita carebit perspiratione;  
 cum jam interstitia machinularum evaserint oppleta,  
 minusque idonea ad exitum; & quod rei caput est,  
 succus nervorum non satis regenerabitur, vel nimis  
 dilutus fiet, ac vi nativa magis, vel minus privabi-  
 tur, quatenus magis, vel minus luxuriabunt reten-  
 tæ fæces, vel magis, ac minus degeneres fient partes  
 liquidorum, quæ debent solidum, ac fluidum in-  
 staurare. Tunc suppressa colluvies adeò filamenta  
 cuncta laxabit, prolvat, ac villorum semina obse-  
 piet, ut indurescant, & quasi saburra, scobe, &  
 scoriis onerentur, ac veluti rubigine obruantur; ex  
 quibus fiet, ut vividæ particulæ supra vires pro-  
 prias inveniant resistentias, ideoque contundantur,  
 inertes evadant, languidam explosionem excitent,  
 nullum motum, proportionalem, nullum usum,  
 nullam congruam reciprocationem exerant; pro-  
 ptereaque Mulierum fibræ nimio pondere pres-  
 sæ, impurisque liquidis nimis saturæ ægrè proprios  
 motus valeant exerere. Interdum verò Mulierum cor-  
 pora sunt adeò humorum congerie imbibita, ut va-  
 cent robusta vi separandi, monendi, ac instaurandi  
 liquores, quare per singula vascula, cruda, imper-  
 fecta, & enervis fluidorum series languidè excurrit;  
 proindeque post varios, longosque giros glandula-  
 rum, & viscerum sine defecatione debita impura  
 remeat, & paulatim fædat, obsepit, & alluvit uni-  
 versum corpus; & præsertim immodica lymphæ,  
 quæ modò plus æquo irrigat sanguinem, modo to-

Humorum  
 congeries  
 quid faci-  
 at.



tum corpus, modoque ejus extremas partes stipat, pervadit, & infarcit, ac propterea adeò madefacit, & laxat vascula, villosque universos, ut difficilè, & languidè moveantur; tum quia solidæ particulæ villorum memorata lymphæ imbutæ resistunt diffusioni spirituum, tum quia activæ istorum moleculæ non satis reficiuntur, undè jam depaupertatæ, & infirmæ fibrarum resistentias liberè non superant.

*Quomodo  
indure-  
scant par-  
tes, & sup-  
pressionem  
producant.*

Non rarò indurant viscera, dum villi glandularum flaccescunt, & proprio conatu, impulsuque consuetò destituuntur propter infarctum minimarum molecularum coangustantium vasa, aut repletum interiectos loculos villorum, perindeque prepedientium aliquantulum motum, ac secretionem fluidorum. Aliquandò verò indurescunt, dum fibræ corrugantur ope fervidæ, atque vividæ fluidorum substantiæ eo ferè pacto, quo in aqua ferventi musculi elixati valdè decurtantur, privanturque contentis humoribus, licèt semper madescant; nam memorati glandularum villi, proximiores nempe nituntur ad invicem vi primi incurfus igniculorum, commearum singula villorum semina, ea penetrantium; & quandoque ita dissipantur congruentes humores, ut non possint naturalem mollitiem, laxitatem, figuram, & vim retinere. Imò quandoque indurescunt viscera, quia auferuntur à glutinosis substantiis particulæ feri, vel lymphæ, quarum carentia imminuitur, & perturbatur motus, figura, molesque liquidorum; quorum particulæ mutuò coalescunt, ut contingit in luto, atque tartari concretione inhærescente ductibus aquæ, cujus duriusculæ particulæ



in modica aqua fluentes tum asperitate tubulorum, tum proprio contactu, & glutine alias, & alias præterlabentes ita cohibent, ut gravitatem mutant, molem adaugeant, & è suo cessent cursu; ac propterea ductus ipsi faceffant in tartarum, seu, quod in idem recidit, evadant adinstar calcis aquam combibentis, quæ quasi illinc enutrita in lapidem concrefcit.

Ad majorem hujus doctrinæ evidentiam cogita de aggerie particularum minutissimæ arenæ aridæ cujuscumque irregularis figuræ, diversæ molis, ac gravitatis: hæ quidem vi propria non labuntur, verùm si lutosam formam acquirant, tunc particulæ aquæ interjectæ nedum arenulas diffociant, sed veluti materiæ fluxiles, atque unctuosæ commoditatem quandam eis tribuunt, ut possint excurrere una super aliam, & quodammodo invicem urgeri, agitari; denique in longo itinere ob nativam gravitatem quælibet earum multiplici coacervatione remotetur oportet, ac inhæreat asperis, & rugosis fibris vasculorum, per quæ excurrit; hac propemodum ratione sanguinis duriusculæ, aridæ, angulosæ, crudæ, ramosæ, ac alterius indolis particulæ, si relicta aqua, vel consumpta, in tortuosis vasculis viscerum, & spongiositatibus illorum destituantur debita vi, figura, & mole, ibique vicissim devinciantur, & acquirant aliam figuram, atque gravitatem; ideo inhærescant necesse est tortuosis glandularum vasculis, ea obstruant, & intestinum earum motum præpediant, ne secretiones opportunæ peragantur.

Suspiciabitur fortè quispiam à quolibet humo-



*Variis exē  
plis duri-  
ties, atque  
rationibus  
confirma-  
tur.*

rum affluxu in musculis abdominis, in villos, ac fibras turgentiam, duritiem, atque tensionem produci posse, eodem ferè modo, & ab eadem veluti causa, qua funes aquam exugunt, & vi cuneolorum aquæ dilatantur, & tenduntur; sed in Mensium Suppressione forsan meliùs, ut opinor, de abdominis tensione cogitabit, si putaverit tam Uterum, quàm vasa, & vasorum villos abdominis adinstar fellis coriacei inflari, ac veluti à cuneolis agitati, ac fervidi succi nervorum, sanguinisque circumfusi violenter extendi, & dilatari quousque fieri potest; nam sicuti follis aere plenus dirigitur, induratur, & anteriùs quaquaversum promovetur; imò resistit compressioni magni ponderis incumbentis, ita æstuanti, atque interturbata spirituum vi, ac aliorum liquidorum asperis salis, ac sulphuris, alteriusque generis particulis scatentium, elevantur, & rigeſcunt villorum, atque fibrarum moleculæ valde contrahuntur; imò rudibus cuneolis, quasi vectibus interjectis, adeò irritantur, & punguntur, ut in modum tensæ balistæ evadant; quod affectionis genus magis, vel minùs perdurare, ac inſevire videtur, prout intemperies agentium liquidorum plùs, vel minùs ab inoffensa salute recedit, vel magis, vel minùs textura corporum est rara, vel densa, aut plùs, vel minùs gravata virulenta Mensium forde; sive veriùs prout major, vel minor est energia, & impetus violentæ pressionis, atque contactus succi nervosi superantis omnem resistantiam molecularum solidarum astruentium cuncta vasa abdominis. Clariùs etiam quisque percipere potest abdominis



minis tensionem , si concipiat cavitatem Uteri , & spongiosas inanitates fibrarum contextentium singula vasa per ipsum serpentina , quæ suppressis Mensibus replentur , infarciuntur , & turgescunt . Res exemplo sic illustratur ; si in aliquo intestino aqua repleto , & utrinque clauso pars una , aut altera , quamvis extrema , impellatur , prematur , aut percutiatur , repentinè commotio , & concussio ad oppositum usque ad extremum communicatur cum non modica tensione , tunc fluidorum particulae stantes ad contactum mutuo impulsu motum diffundunt quaquaversum ; hoc pari ratione fieri puto , ut à quolibet etiam levi compressione , ictu , atque irritatione promota in primis nervorum exordiis à cerebro prodeuntibus , ac in quamlibet aliam partem protensis , Uteri vasa , & eorumdem villos concutiendi , ac turgere incipiant à momento spirituum , aliorumque liquidorum agentium adinstar fulguris quaquaversum ; unde progignitur tensio convulsiva per totam longitudinem vasorum cum Uteri , tum Abdominis , quæ tamdiu perseverat , quamdiu causa disensionis violentæ perdurat ; qua cessante , dissipatur totius Abdominis tensio , non secus ac splendor cessat remota flamma .

Dura interdum alvo afficiuntur suppressæ Mulieres , quandò canosis scatent humoribus infarciuntibus fibras , & vasa serpentina etiam per intestina , vel quando humores ipsi carent interjecta lymphæ ; cuius privatione non madefaciunt rugosas fibras , fæcesque contentas , sed alluunt machinulas villorum , & inanitates replent ; imò ita tendunt , & convul-



vellunt fibras, ut activissimæ particulæ liquidorum nimis jam dilutæ, aut inertes factæ haud exercere valeant motum peristalticum, adeòque nec resisten-  
tiam villorum naturaliter superare. Sive igitur fi-  
bræ sanguine, lympa, ac sero ita proluantur, ut  
in modum chartæ madidæ laxentur, proindeque clau-  
dant nervorum emissaria; vel earum rugæ, filamen-  
ta, aut glandulæ inter eas confertæ crassa, atque  
mucosa colluvie saturæ indurescant, & oscilla excre-  
toria obturent; sive humoribus cujuscunque gene-  
ris onerentur, itaut membranæ intestinorum tume-  
ant, vel succus nervorum fluat ad illas fibras lustran-  
das in similitudinem lenti fluminis; vel quadam vio-  
lenta vi concutiat, penetret, convellat, & tendat  
singulas fibras, aut necessarios humores resolvat, vel  
quavis alia labe eos inficiat; tunc vis motrix lan-  
guescat oportet, & munus intestinorum præpediatur  
necesse est.

*Somnus*

Facilè autem somnum conciliat liquidorum me-  
morata colluvies, quorum varia genesis diversas in-  
ficit partes, vasorumque protensiones mirè inter se  
implicatas tam in viscerum, quàm in cerebri gran-  
dulis; ac proindè universa nervorum filamenta ita  
laxat, madefacit, ut vascula cerebrum obsepientia,  
eique adsita mutuò coangustentur, ac minusquàm  
par est persentiant percussione vim spirituum, ideo-  
que semper magis vitientur missiones, fluidarum  
particularum, quæ sub hoc vasculorum prælo lan-  
guidè pressæ facilè relinquunt lympham nimis conge-  
stam, quæ tunc non solum alluit nervorum incoha-  
menta, verùm etiam interjectas eorum inanitates  
plùs



plùs æquo replet ; adeòque per oscilla hiantia singulorum nervorum se se insinuat, spiritus diluit, retundit, atque irretit, ita ut ipsi naturali impetu vacent, & sic debilitati, ac languidi quiescant.

Idem prorsus accidere videtur Mulieribus consistente ætate confectis, & ad senium properantibus; quarum membranæ, fibræ villi, nervi, cæteræque partes ita incipiunt laxari, paulatim flaccescere, *Cur in ætate consistendi cessent menses.* atque extenuari, ut nequeant ulterius irrorari debita prius spirituum illustratione, aliorumque liquidorum opportuno ignis comitatu scatentium, neque uti robusta separandi, ac depellendi vi. Hæc verò laxitas, sive proclivitas in concidentiam villorum, & machinularum omnium progignitur ab imminuta virtute; ob quam singulæ moleculæ ad mutuum contactum non sistunt; imò ab ipso facilè dilabi patiuntur, vel cum obstructione hiantium vasorum, vel cum meatuum, atque interjectarum inanitatum plenitudine. Quanto magis ergo reprimitur vitæ fervor, tantò magis laxatur minimarum machinularum unio, solvitur nexus mistorum, interturbantur femina liquidorum, retunditur illorum impetus, delitescit ignis, ac idcirco imminuitur vis percussio- nis spirituum, invertitur displosionis momentum, atque enervatur. Quare villorum robur adeò languescit, ut ne ea quidem, quæ utilia sunt, aptè concinnentur, & multò minùs inutilia per Uteri vasa pellantur. Tota igitur fabrica Mulierum, nulla etiam præmissa causa, transacto quadragesimo quinto anno, vel, quod plurimum est, quinquagesimo quinto, nexum naturalem amittit; ideòque nec vires, nec resistentias



tias consuetas, nec pervios meatus, figuram, temperiem, firmitudinem, connisum, habitudinemque conservat, quibus olim scatebat.

Privantur itaque fluida debito impetu, atque ea, qua prius pollebant, copia igniculorum fluorem perennantium, ac proinde mixtione illa, quæ cum sibi ipsis, tum solidis congruit: sensim igitur universæ fibræ, in quas humores inquinati abundantius, & imperfectius confluunt, imbecilles, inertesque fiunt, præsertim si machinulis ipsarum inheant cænosa liquidorum sedimenta, & adinstar pigmenti in malè compactis earumdem contexturis, cohæsiõibus, rugis, ac spongiositatibus concrecant: tunc Mulieres, necessitate cogente, venustatem coloris amittunt rugosæ, laxæ, & quodammodò, exesæ, pravisque humoribus imbutæ evadunt. Cogita quesò hîc aquas prius fluentes, indè subsidentes in campis; observa quid contingat, cum flumen longè, latèque alluit agros, & prata: Si fortè ob nimiam congeriem aquarum, vimque immodicam superet ripas, atque disrumpat, videbis aquas paulatim sistere, deinde absorberi, evanescere, ac superesse in campis limum quendam, non per eandem planitiem extensum, sed per totam illam limi faciem adamussim representare fluctus, & undas; inde aspicias huc partes limi eminere, & attolli, illuc deprimi, & post unam, aut alteram diem disponi in alternum crustarum ordinem: si autem intellexeris sedimentum aquarum tam varia agere, intelliges etiam, quid sint illa liquidorum sedimenta, quæ prius in sinulis, vasculis, & spongiolis Uteri mutant

figu-

*Cur coloris  
venustatem  
amittant.*



figuram, impetum, & sistunt, quæ in meatibus cribris, ac tortuosis ductibus glandularum astruentium viscera variè coalescunt, intelliges, quæ totam machinularum seriem componentem corpus Mulierum fædant, & deformant, quæ debita vi amissa adhærent asperitatibus solidorum, quæ dilatant, infarciunt, & laxant eorundem contexturam; demum quæ superficiem, nativumque cutis colorem contaminant, vires, atque resistentias infirmant, & corpus universum quodammodò lutulentum reddunt.

Hæc coloris deformitas non rarò enenit Virginitibus magna lymphæ, simulque rara, vel densa structura refertis, & aliquandò tam paucis, quàm immodico igne ditatis, cujus vividæ particulæ modò nimis lymphæ irretitæ, adinstar prunarum cinere conditarum, minimè solvi possunt; modò in libertatem nimiam assertæ adinvicem concuti incipiunt, agitari, atque ita solida penetrare, ut post datum concussionis tempus omninò vindicentur à vinculis aliorum principiorum, quibus devinciebantur; ideoque majori vi, ac velocitate, cum motum in angustis meatibus cujusvis particulæ excitent, qui potis est urgere, & magno conatu superare cohesiones, fædera, & resistentias machinularum solidarum, seu, quod in idem recidit, frangere, ac solvere earum contexturam, in aurasque dispergi. Hinc autem fit, ut igniculorum particulæ majori ex parte discindantur, & amittant rotunditatem, vel aliis lentis humorum moleculis intermixtæ acquirant figuram scabram, ope cujus magis irretiantur ab aliis, atque aliis fluidorum minimis, quæ conjunctum fluorem, & super-

*Coler fada  
in Virgini-  
bus.*



ficiem relinquant oportet, ac proindè deturpent naturalem Virginum colorem; imò vitiosa labe adeò totam fabricam inficiant, & violent, ut in qualibet etiam minima parte redundante lymphæ proluvantur corpora, simulque prava liquidorum congerie infarctantur.

*Quare for-  
vor excita-  
tur, & cor  
citius mo-  
net.*

His præmissis difficilè captu est, quomodò Virgines nativa igniculorum copia careant, & nihilominus crebro cordis motu afficiantur, ac vasorum sanguinis concussione, quæ universo corpori molestam caliditatem impertiat. Verùm cum eadem sit causa, quæ valetudinis tempore placido, ac ordinato motu cor agitat, ac illa, quæ viribus aucta, tempore Suppressionis, cor ipsum celerius, ac vehementius sollicitat, ut patet de igne, qui, si modicus est, aquam tepescit, si immodicus, eandem citò effervescente cogit: ita mirum non est ab eodem succo nervorum intra cor instillato nunc motu leni, ut in bona valetudine, nunc cum frequentia, ut in Suppressione mensium, cor cieri. Nam in morbo celerius, & crebrius, quàm par est, cor agitur, quia idem succus nervorum consueto acrior factus frequentius instillatur intra cordis fibras, arteriarum, ac venarum; quarum adaucta vi contenti humores ita concitantur, ut si quæ adhuc illis sunt superstites olei, vel ignis particule, quamvis sopitæ, se se excutiant, & latera vasculorum confricent, effætasque ferè sanguinis moleculas urgeant, simulque minima pulsent fragminula dispersi salis, quæ scabris, & duris aculeis, quibus scatent, irritant, & quaquaversum titillant, & extimulant solidum, & fluidum; seu, quod idem est,



est, calorem suscitant. Si igitur dissolvantur à vinculis, quibus nectebantur ignis minimæ partes, diffunduntur undique, & evaporant, ut videre est in lapidibus calcinatis, & aqua immerfis, in quibus latentes igniculi vi aquæ carceribus soluti statim, urgentur, concutiuntur, & concitantur in ebullitionem, quæ tamdiu perdurat, quamdiù igniculi ipsi in libertatem vindicantur: quod etiam manifestè apparere potest in commistione acidi vitrioli & salis tartari; hoc idem namque partes salis acris succo nervorum commistæ faciliè moliuntur, cujus minima semina citiùs cor movent naturali motu, caliditatem quamdam, atque fervorem progignunt.

In raræ autem texturæ corporibus oritur sæpissimè hoc morbi genus ab insensibilium excrementorum præpedita transpiratione, quæ aliorum omnium simul maxima est; exoritur inquam à suppressione feri perspirabilis, vel alterius tenuis substantiæ, infarcientis ferè omnes cutis, & viscerum glandulas, vel replentis, ac impuris humoribus deformantis nervos singulos, & minima vascula, atque villorum inanitates a dinstar sacchi vinarii vini sæculentia imbibiti. Tunc ita dimoventur singulæ machinulæ totius fabricæ à proprio contactu, ut loculi hyatus pervii, & oscilla vasorum excrementis imbuta obturentur, concidant, atque eorum villi, ac tiliæ minùs æquo cohæreant, ac propterea dissona spirituum instillatione lustrentur. Verùm si excrementa præpedita à suis vinculis solvantur, ut decet, igniculi solido, & fluido conscripti, ac penè extincti quodammodò reviviscunt, pariuntque naturalem confricationem, fluorem,

*Morbus à præpedita transpiratione.*



*Qua à præ-  
petita tran-  
spiratione  
progignun-  
tur.*

& impetum, cujus vi atteritur, & pellitur quicquid in interjectis spatiolis fuit congestum; quapropter citius tollitur morbus, evacuatione facta per poros cutis, quàm per alia loca. Patet ergò ex imminuta traspiratione lædi fabricam corporis, ejusque universam æconomiam violari, & præsertim in friabili, laxoque Mulierum habitu, cujus stamina, ac filamenta vel impuro sanguine, nimiaque lymphæ, ac sero prolvuntur, vel eorum minima semina nimia sepiuntur fuliginum colluvie, tartarique asperitate inficiuntur, durefcunt, tenduntur, atque adeò liquidorum saburra, scobe, & scoriis, ac veluti immodica rubigine, ita illaqueantur, ut nullum proportionalem motum, nullum rectum usum, ac reciprocationem naturalem exerant. Quarè si contaminatur fluida, etiam spiritus cito diluuntur, irretiuntur, hæbescunt, vel quandoquè in auras abeunt, & universæ vasorum fibræ vacent oportet robusta unione, vivida vi, ac resistentia; imò cumulantur rei acris asperitate, ac tam rudi, & scabra salium materia quodammodò eroduntur, ut variis veluti aculeis quaquaversum perterebrari videantur, quemadmodum tribus ab hinc elapsis annis usque ad evidentiam rem hanc mihi confirmavit Mulier in Xenodochio Pisarum laborans sævissima scabie; hæc enim agebat vigesimum sextum annum, & corporis habitudine potius rara, quàm densa, ac temperie satis laudabili gaudebat; sed ex quo primùm vexari cæpit molestissima scabie, noctes plerumque insomnes duxit, jugesque sudores expulit. Adveniente verò algidissima hyemis tempestate, gradatim sudores, quibus copiosè exonerabatur, omisit, ac paulò post Menstrua, quæ statu-



ta hebdomada ubertim eliminabat, ita imminuta, & depravata evaserunt, ut in proximo mense penitus evanuerint. Qua de repaulatim correpta est virium languore, & levi quodam totius corporis dolore, qui citò se commutavit in diram totius cutis vellicationem, cujus vi nesciebat loco stare, etsi pluries fuerint apta remediorum genera administrata: hinc non nullis aliis diebus elapsis, tam ferocis, & contumacis irritationis præpedita, congestaque materies adeò turgida, atque tumorosa fecit communia involucra, ut adinstar strati supra stratum, seu mavis, conditi corii supra aliud crassum corium intumuerint. Idem prorsùs, quod libero obtutu observavi in externis teguminibus, cogitavi etiam de Uteri membranis, quarum fibras, arterias, venas, glandulas, & lymphæ vasa adeò laxa, & extra propriam cohæsionem constituta esse credidi, ut fuerint redacta in modum raræ, ac dissolutæ telæ lento humore madidæ, ac tartaro imbutæ; proindeque coacta fuerint amittere debitam vim contractionis, & distractionis, cujus privatione Mulier citò naturæ debitum profolvit.

Dissecto autem post ejus interitum cadavere, vidi tam prima tegumenta, quàm Uteri membranas esse eadem labe affectas, tuberosis nempe asperitatibus, squamis, & crustis refertas; vidi ulteriùs memoratas membranas æquare crassitiem trium ferè digitorum, & vasa per Uteri substantiam dispersa, glandulasque illi adsitas esse penitus concrescibili forde imbutas, quàm humoribus saturas; uno verbo, vidi etiam nudis oculis omnem internam, atque

*Cadaveris  
Dissectio.*

ex-



externam Uteri fibram esse valde laxam, totiufque vaginæ spongiosam substantiam quodammodò alluvione impuræ, ac erodentis lymphæ ita cumulatam, ut minimè machinulæ nimis laxæ facilè præpedirent transitum nervorum succo, cujus defectu cessavit omnis motus.

*Morbi præpedientes fluxum Menses.*

Immensus ferè essem, si hîc omnia singillatim referre vellem morborum genera, quibus organa solida, & singula fluida vitiosa labe inficiuntur, & ea præsertim, quæ tam remotè, quàm proximè Menses retardant, imminuunt, aut quomodocumque depravant; Medentiùm enim cætus non ignorat luxationes, fracturas, contusiones, vulnera, tumores, apoplexias, paralyfes, erysipelata, febres, &c. fluxum Mensium non rarò vitare; nam fibræ non solum, & villi, verùm etiam inanitates interjectæ, canalesque humore nimis fluente, vel quiescente pleni repugnant influxui agentis liquidi nervorum; imò canaliculorum cavitates, fibrarumque dissolutiones, destitutæ debita caloris, & spirituum energia nec ritè premunt, nec agitant, nec urgent liquida circumfusa; quia vires liquidi existentis intra canales, viribus circumfusi humoris quodammodò æquales sunt, adeòque neutrum movetur, tum quia cohesiones, & contexturæ machinularum solidarum lesæ, solutæ, aut infarcitæ imminuunt momentum liquidis fluentibus; tum quia aliquid ex illis detrahunt, vel adeò prohibent effluxus agentium liquidorum, postquam impleti sunt canales, omniumque partium spongiolæ, ut excitari non possit ille fluxus, & refluxus, qui potis esset urgere, premere, & lustrare



re debita vi canales introrsum, & extrorsum; & quamvis excitetur in primis inchoamentis nervorum, ac perseveret per eorum protensiones, nihilominus moleculæ solidæ irritantur, mutant suum terminum, & figuram, tenduntur, concutiuntur, obturantur in totum, vel in partem spiracula nervorum, violentiam patiuntur, divelluntur, & præternaturali tremore agitantur, ut observare est in fidibus distractis, & nodosis, quæ si variis ictibus pulsantur, nec modulatum sonum, nec debitas oscillationes eliciunt.

Vascula itaque simul intertexta tali motu, & sensu, atque exquisito consensu ita gaudere invicem videntur, ut si eorum quantumvis minima particula aliquantulum lædatur in altera extremitatum, statim id persentiat in altera; ut observare est in cytharæ fidibus, quæ etsi levissimè in quacunque parte tententur, statim tremor per totam earum longitudinem diffunditur; imò si funes in machina confertæ non fuerint ritè contortæ, atque compactæ, vel si fuerint aqua erodente madidæ, exesæ, atque dissolutæ in uno, aut pluribus filamentis, eam vim, ac resistantiam diu non præstant, quæ machinæ usus convenit. Quomodocunque igitur lædantur vasa Mulierum, statim læditur universa fabrica, inficitur sanguis, & paulatim in circuitu recedit à conditionibus illis, quibus antea scatebat; quare spiritus ab hac sanguinis materia regeneratus, apta ignis copia destitutus, consueta munia obire nequit; nam si liquidorum particulæ connaturali lucis copia priventur, momento citiùs permutent necesse est recipi-

*Quomodo  
motus, &  
sensus de-  
provatur  
Menses re-  
tardet.*



procreationem, figuram, & missionem; tunc enim alię fiunt ramosę, alię scabrę, & angulares, alię glutinosę, & nimis compactę; omnes denique tales evadunt, ut in occurſibus imminuere valeant, ac retardare contactum, impetum, & vim lobulorum sanguinis, quorum, veluti retibus involvuntur ſuperſtites igniculi, qui in tam modica quantitate redacti fluorem maſſę conſervare nequeunt, nec urgere, nec inteſtinum motum fluidorum excitare, ideoque, ut par eſt, Menſium ſecretionem promovere.

Cogita quęſo aquas, & juſcula carniũ, antequam congelascent; cogita metalla vi ignis diſſoluta, & percipies, tum ab aqua, cũ à juſculo ſemina ignis implicari, & à vinculis ſolvi, in aurasque prorſus abire, antequam faceſſant in glutem, aut glaciem; itidemque metalla ad primam duritiem non reverti intelliges, ſi priũs igniculi quamplurimi non evaporent, cęteri adhuc circumfuſi tumultentur inanitatibus molecularum cujuſcunque metalli. Verũ cum poſt venę ſectionem ſanguis repente non concreſcat, ſed gradatim poſt datum tempus, in quo lucis corpuscula in auras evolarunt, aliaque irretita fuerunt minimis globulis liquidorum; hinc facile inferre licet, antequam labe memorata laborent Mulieres, liquida cuncta multum lucis dimittere, multumque lucis in propriis vinculis, aut interjectis ſpatiolis detinere, ideoque paulatim lentefcere; ex quo fit, ut omnes, quot ſunt fluidorum particule, ſenſim permutent figuram, vim, motum, & proportionem plũs, vel minũs, citiũs, vel tardiũs, quatenus major, vel minor eſt igni-

*Cur humores lenteſcunt.*

cu-



culorum proventus, aut copia principiorum involventium, dissipantium, vel extinguentium igniculos.

Depravato ergo fœdere mixtorum, pariterque diminuta vi percussione, ac liquidorum fluxili natura, regenerari nequeunt humores exercentes vires, & illi, qui in massa existunt, facilè adhærent vasorum filamentis; ideoque in occurribus non tam atteruntur illorum minima componentia, ut commensurentur oscillis minimorum canaliculorum serpentium per Uterum, aut cribris, & emissariis glandularum viscerum, ac idcirco liberè per eorum cavitates excurrere, & exire nequeunt; quare suis proprietatibus carentes ibidem confusi manent, ideoque infarciunt, alluunt, & vitiant Uterum, viscera, ac ut plurimum corpus universum.

*Menses Uteri, & corpus alluunt.*

Cum autem hæc Mensium retardatio eò major, aut minor fiat, quò major, aut minor est recessus molecularum solidarum à proprio cohæsionis termino, vel quò major, aut minor est liquidorum quantitas, labes, ac eorundem vis; hinc facile quisque intelliget à permutata vasculorum cohæsione idem accidere, quod accidit variis fluminibus confluentibus in communem alveum; intelliget, inquam, efformari in eorum occurribus nunc angulos rectos, nunc obliquos; & quemadmodum confluentia flumina in qualibet positione plùs, vel minùs retardantur ad invicem, ita humores variæ naturæ confluentes in vascula præsertim Uteri, & vaginæ mutuò opponuntur ope inæqualium terminorum, in quos veniunt & vasa, & machinulæ canalium, quæ cum sint extra terminum suum, hu-

*Causa Menses retard. est aliquando in organo.*



mores ita retardant , ut hìc unum angulum , illic alium , semperque cum mutatione impetus , ac varia subsidentia particularum pravæ indolis ad latera vasorum eo ferè modo , quo contingit in fluminibus , dum subsident arenæ .

*Res illustratur similitudine .*

Finge quæso animo dolium , quod diu jam tartari mucore oleat ; concipe internam ligni superficiem , concipe poros dolii , & interjecta spatiosa fibrarum ligni eodem ferè tartaro imbuta ; concipe demum fibras ligni à teredine erofas , blatta , carie , aut vetustate consumptas , ac propterea quaquaversum inanes , & pervias ; indè scias oportet , totum dolii lignum , cunctasque illius vacuitates esse imbibitas , & cumulas ramentis prædicti tartari , cuius materies si non expolitè elimetur , abradatur , purgetur , penitusque auferatur , nec ipsum benè olet unquam , nec vinum sanum , & inoffensum conservatur . Qua de re Rustici seduli , qui dolium malè olens expurgare satagunt , modò utuntur aceto & calce , modò musto ebulliente , modò sulphure , vel nonnullorum simplicium acuti odoris æstuantibus decoctionibus ; modò demùm tempore vindemiarum uvis contritis , fervidis vinaceis , aliisque consimilibus remediis , eo fine tantùm , ut igniculi quibus , hæc omnia refertissima sunt , penetrent , ac pervadant substantiam ligni ; ideoque abradant , elimant , ac dissolvant memorati tartari congeriem , uno verbo fricent , lavent , & , ut par est , dolium expurgent .

In contumaci itaque Mensium Suppressione tota fabrica Mulierum , vasa , glandulæ , ac villi , eorumque spongiolæ inanes sunt veluti mucoso sedimen-



to, atque concrefcibili humore faturæ; quapropter Medentes ea uti debent vi remediorum, quæ reftituere poffint humoribus debitam igniculorum quantitatem, figuram, & impetum; imò libertatem *Indicatione* igniculis implicatis, quorum ope liquida truantur in canales fuos, fluantque tali cum impetu, ut eorum momentum fit majus momento omnium refiftentiarum, quæ vigent per longitudinem vaforum excurrentium per Uterum, viscera, ac per corpus univerfum.

His præmiſſis ad Theoriam pertinentibus, ut ad Curationem prædicti morbi gradum faciam, arbi- *Curatio.* tror ego neminem afpernaturum leniora purgantia, quæ quidem in aere craſſo, habituque corporis carnoſo, ac pingui per plures vices funt adhibenda; indè ea methodo, & copia, qua decet, propinanda funt chalybeata, nam ſcobs chalybis aceto irroratus, experientia teſte, incaleſcit, quia ignis chalybe conſepultus aceto ſolvitur, & diffunditur, quemadmodum Vir eximius Franciſcus Redi obſervavit; inde graviffimus Alexander Marchetti rem ulterius illuſtravit, dum poneret chalybis limaturam, five ſcobinam ſupra ignem, quæ adinſtar pulveris pyrii illico exardeſcit; ex quo clarè inferitur, etiam igniarium, cum lapidem impetit, multum ignis edere, lapidem verò parum. Quarè ſi ſemina ignis, quæ in chalybe deliteſcunt, vi aceti libertatem nanciſcuntur, pari ratione putandum eſt hoc poſſe fieri in ſanguine, aliis humoribus Mulierum, in quibus multæ funt particule, quæ æquare poſſunt vim earum, quæ inſunt aceto; tales igitur particule ita ſolvunt texturam chalybis, ut ejus igniculi in libertatem aſſerti confri-



cent, & penetrent solida, & fluida, ideoque pulsent, ac cieant superstites moleculas ignis involutas, atque irretitas: si igitur pluries, ut mos est, propinetur chalybs, solutæ ignis particulæ sensim impertient fluidis primum impetum, figuram, missionem, & agendi vim; imò pervadent, confricabunt, ac penetrabunt solida, eorumque moleculas, & loculos, & si quid in illis fuerit concrescibilis humoris, atterent, & quasi limæ morfu abradent, ac depellent; qua de re magis, magisque firmabuntur, & fulcientur fibræ, quæ erant jam laxæ, & infarcitæ. Cæterùm si principium Curationis est cognitio causarum, ex hætenus allatis nemo non intelliget, ut plurimùm in hoc morbo evacuationes congruere; sed aliquandò propter penuriam lymphæ, atque adeò nimiam solidorum siccitatem adhibendæ potiùs videntur aquæ dulces, aliaque remedia humectantia, ut contundant ignem, qui dissipat, & absumit lympham; nam quemadmodum arenæ acervus insinuari, fluereque non potest per canales angustos, nisi à copiosa aqua diluatur, sic moleculæ solidæ sanguinis, & aliorum liquidorum ob superficiei asperitatem nec moveri, nec diffuere possunt per angustias canalium corporis, & præsertim per minima vascula serpentia per Uterum, nisi fluoris aquei admistione necessariam fluiditatem acquirant.

Remanent adhuc tamen multa, quæ sunt invotissima, & mille disputationum ambagibus implicata; sed brevitati consulens ab eorum ulteriori explanatione supersedeo, præsertim, cum unusquisque ea perlegere possit apud per celebres Auctores, ex eis-  
que



que intelligere , an his meis conjecturis congruentia existimentur, quæ ab eis præscribuntur , & præcipuè à celebratissimo Malpighio Consil. 84.

### C A P U T III.

*De nimio Mensium Fluxu .*

#### A N T E C E D E N T I A .

**E**ST nimius Mensium Fluxus eorumdem frequentior, copiosior , ac naturali copia diuturnior exitus , emanans tam à vitio unitatis solidorum , quàm à qualibet labe fluidorum .

Præcedunt plerumque aeris æstus , curæ , solitudines , contentiones animi , corporisque motus , exercitationes immodicæ , balnea calida , cibi , potusque calidi , repletiones , atque vigiliæ diuturnæ .

#### C O N I U N C T A .

**S**unt inappetentia , cruditas , fædus faciei color , pedum ac totius quandoque corporis tumor , atrophia , difficultas ad motum , repletio pravi , cœnoscive humoris , dolor renum , partiumque Uteri , virium languor , tabes , & aliquando convulsio , singultus , & animi deliquium .

## S U C C E D E N T I A.

**M**Embranæ Uteri naturali contractione contractiles sunt musculares catenæ, compositæ ex machinulis invicem connexis, quæ fibras astruunt, proindeque oscillatoria vicissitudine, qua naturaliter, nec plûs æquo contrahuntur, nec naturali plûs relaxantur; & quamvis diversæ texturæ vasculis simul variè intertextis ditentur, eorum tamen unumquodque, secundum variam contexturam, & connisum machinularum, vim, atque impetum fluidorum, eorumque æstus plûs, vel minûs confricatur, explicatur, & movetur; imò in interna vasculorum cavitate majorem, vel minorem humoris fluxilis copiam tenet, prout corpus respectu diversæ temperaturæ majori, aut minori igniculorum quantitate, vasa explicante abundat. Implentur itaque canaliculi singuli, & distrahuntur per latera extrorsùm, sed facilè restituntur; verùm cum in hæc distractiones, & contractiones jugiter veniant vi agentis æstus, dissociantur tandem oportet coeuntia vasa, & per eorum oscilla detrudatur necesse est superfluous liquor; eoque expulso, rursùs post datum tempus vi agentis ignis, humorisque congesti distrahuntur, & contrahuntur, rursusque cohæsiones tollunt, & inutile exprimitur; ideoque deinceps ex ordine pergit Uterus hos suos alternos motus distractionis, ac restitutionis. Quarè si Uteri motus, alternæ vasorum contractiones, & distractiones, liquidorum æstus, fluxus, & refluxus, confricationesque mutux solid-



dorum & fluidorum postquam discluserunt simul hiantia vasa, explicaruntque Uteri plicas, rugas, ac tortuosos gyros vasculorum per Uteri membranas variè serpentium, non possunt ultra terminum attactum discludere canales, nec rugas, plicasque ulterius laxare; tunc propter quamlibet etiam levem causam, si adaugeantur fluxus, & refluxus, ebullitio, vel æstus liquidorum, superare qualibet nova vi incipient resistentias omnes, occurfus, atque cohæsiones, undè solius etiam æstus momentum adeò urgere poterit, atque confricare coeuntia vasa, ut ea semper magis aperiat laxet, vel discindat fædus texturæ; imò ita sollicitare poterit liquidorum impetum, ut eorum particulæ semper magis attritæ, & flexiles pervadant, perterebrent, atque aperiant canales; & tempore, quo disclusio occurrit, vis discludens tollet liquidum, illudque pellet extra canalem, qui discluditur, Quare vi motus, æstus, aut fluxus, licèt multæ sint, & quidem minimæ resistentiæ in vasculis Uteri, facile à memoratis viribus superari possunt, uti vi æstus aeris observatur in plantis, quæ varios humores, & resinas emittunt: sive igitur vis una, aut altera, aut simul omnes agitent, aut quomodocumque cieant, & jactent Uterum, officere procul dubio possunt exposito rerum ordini, modò concitando canalium villos, per quos distribuntur alii minimi canaliculi, qui contrahuntur & ipsi, ac distrahuntur diversa ratione; modò interturbando, modò pulsando, atque conterendo supra omnem resistentiam humores, qui ad summam attenuationem redacti, vel in modum aquæ erodentis,



tis ditantur scabris, ac alperis particulis adinstar pollinis, atque idcirco conscindunt, & dissolvunt per diapedesim, rhixin, anastomosim, diabrosim, atque dieresim vasorum membranas. Hujus rei exemplum extat in castaneis, aliisque fructibus igne conspulis, quorum minima vascula dilatantur in ea præsertim parte, quæ manet ad contactum ignis, cujus vi paulatim penetratur tota substantia interna, concutitur, solvitur, æstuat, & quodammodo ebullit; proindeque supra resistentiam siliquarum, corticum, vel nucleorum rarescunt, & tument vascula interna, atque externa, ideoque discinduntur, ac propterea humor tenuis igne, & aere circumfusus vario sibilo, ac fragore diffilit.

Credat modo quicumque totam Uteri constructionem esse ita fabrefactam, ut nullus esse possit dissolutionis metus, cum illa tam arctè sibi ipsi, suisque partibus cohæreat, tam firmis innitatur ligamentis, tam validis fulciatur retinaculis, tamque exactè reddatur undequaque æquilibris. Falsò igitur putat, qui ita de re hac cogitat, cum tot tantisque dissolutionibus subjiciatur Uterus, quot sunt partes, quibus construitur, quemadmodum ab externis prius, inde ab internis causis lucidiùs infra constabit.

*Aer Calidus.*

Aer itaque igne satur, aut consimilibus effluviis adeò rarefcit, ut occupet majus spatium, vel minus, quàm decet, premat corpora Mulierum, quarum humores hoc aere circumspersi illud idem quodammodo patiuntur, quod pati videtur spiritus vini in Thermometro; nam aer in memorato reclusus



sus instrumento non ita se habet ad laxitatem quemadmodum aer vitrum circumambiens ; cum igitur prædictus aer hic necessariò debeat laxari, paulatim permeet, & penetret oportet inanitates seminum contenti liquoris, cujus tenuis substantia, recluso aeri minimè resistens, tantùm tumeat, & ascendat necesse est, quantùm esse creditur spatium laxi aeris jam insinuati in interjectis spatiolis, inanitatibusque minimorum ejusdem spiritus. Hac eadem ferè methodo aer distractus, & in vasculis arteriarum, venarumque interspersus cum premere nequeat quaquaversum liquidorum moleculas, illicò rarefcunt eorum semina, & quantò magis intejicitur aer, tantò magis penetrat inanitates, intercapedines, universamque materiam componentem humores, eosque ita subit, ut in libertatem ponat igniculos involutos, aliosque etiam, quibus solida organa ditantur. Quare si ita cientur, & vicissim concitantur, si tumescunt, & concutiuntur, ut magis, magisque atterunt, & comminuunt singula liquida, eaque adeò urgent, & jactant, ut ea reddant ad instar aquæ ebullientis, quæ solvit, & penetrat cuncta, quæ tangit. Qua de re, etsi in hoc aere vasa Uteri, & cujuscumque alterius partis non parùm laxantur, aliquam tamen proportionem fervant, quæ congruit motui liquidorum, licèt distentus aer igneque circumfusus liberet delitescentes igniculos, quorum vi valde cietur succus nervorum, valdeque contrahuntur, & distrahuntur villi vasculorum per Uterum serpentium; ex quo fit, ut minoris resistentiæ vasa debita cohæsione priventur, & labenti sanguini



ni viam aperiant , quemadmodum quinque ab hinc elapsis annis mihi rem confirmarunt binæ Mulieres, quarum una cum non semel vaporario usa fuerit , earumque altera propè fornacem calceariam tempore æstus diu , noctuque permanserit , renum priùs dolore torqueri ceperant , & paulò post immodico Mensium fluxu .

*Balnea ca-  
lida -*

Ex his porrò infertur balnea calida, cibos , & potus igne refertissimos accelerare liquidorum impetum , permutare superficiem , & cohærentiam, nec non reparandi, ac perspirandi vim ; quia tum per viam cutis , tum chyli non parùm ignis insinuant in sanguinem ; qui quò celerius fluit , & refluit , eò magis semper augetur vis ignis , cumulanturque liquida consimilibus aliis luxuriantibus particulis, quæ priùs devinciebantur ; & quò magis humores fiunt fluxiles, eorumque mutuo affrictu , & excursu incallescunt, eò majores fiunt velocitates, minoresque evadunt resistantiæ, ideoque cohæsiones tolluntur. Hinc non obscure intelligitur tepentem sanguinem, motuque exagitatum minùs congelascere , ac quando consistit, nam ignis particulæ in motum concitæ, & aliæ minùs agiles, cum facilè evolare nituntur à sanguinis lentis particulis,repentè irretiri nequeunt; imò si eidem sanguini adhuc calido infundatur spiritus vini, cornu cervi , alteriusve vividi liquoris, mira commotio excitabitur : cum igitur usus calidi balnei ; potusque vini generosi non parùm impertiant ignis cunctis liquidis , facilè illorum dissolvent constitutionem, eam concitabunt , ac propterea vindicabunt in libertatem alios ligniculos deli-



tescentes in inanitatibus & solidorum, & fluidorum; facile, inquam, percipitur ab hujusce causis exterioribus novum motum, transpirationem, ac fervorem exoriri, qui potis est ubique concitare occurrentes, mutuoque concurrentes particulis salis, vitrioli, vel alterius indolis; inde alias, & alias acres, scabras, silvestres, & acuminatas summoperè jactare, aut violenter irruere in membranas lateritias vasorum, eas penetrare, & suis mucronibus veluti tot aculeis, ac morsibus limæ abradere, dilaniare, & quodammodo perterebrare minoris resistentiæ vasa per Uterum excurrentia, ideoque ita sanguinem cogere, & urgere, ut ejus velocitates augeantur, & ubertim fluat, & exeat.

Animi verò contentio adeò exercet, sollicitatque spiritus, & lymphas sale, & sulphure plenas, ut nec illi debitum illustrandi modum fervent, nec istæ aptè nervos madefaciant, quin imò attenuentur, absorbeantur, vel evaporent; ex quo fit, ut singuli villi, ac fibræ contractiles variis earum stimulis afficiantur, simulque humores tumultuantes, falsi, & acres adinstar maris tempestosi quaqua irruant; & vi percussione valde concitata ita irrupant in vascula minima, ut eorumdem spicula acidæ, atque senticosæ substantiæ, aut salium volatilium ramenta, asperæque aliæ, atque irritantis figuræ moleculæ dilacerent contexturam vasculorum constituentium membranas Uteri.

Verùm cum motus, & exercitationes immodicæ fiant ab acutissimis liquidis, forsan nimia salacitate tentantibus, urgentibusque fibras, atque hu-

*Animi contentio.*



mores, non immeritò conantur machinulæ solidæ, minimaque fluidorum corpuscula vicissim agere, confricari, atque adeò sopitos igniculos excitare, ut solida cuncta, & liquida universa adinvicem concussa removeantur à priori vicissitudine, atque connisu; ideoque alternè irritentur, ac propterea humores tunc amittant oportet debitum impetum, superficiem, figuram, & missionem, unaque spiritus consuetas vires. Triplici ergo hac agendi ratione haud naturæ legibus consentanea maximoperè comminuntur fluida, acescunt, æstuant, seu mavis exercent vim molientem remotionem à contactu, cujus ope nimis pervia fiunt vasa, & qua data porta humores ruunt.

*Plenitudo.* Vasorum item plenitudo jugiter laxat machinularum nisum, & contexturam, quæ quò magis nititur extrorsum, aut urget introrsum vasorum filamenta, eò magis sarcina, & pondere illa premit, quæ cum valde humoribus exsaturantur, discinduntur, privanturque debita vi, & resistentia, seu, quod in idem recidit, activissimis succis, molientibus priùs adinstar vectium vim contra contactum, & unionem, ex quo inde fit, ut magis patula evadant oscilla vasorum, atque ita laxentur fibræ, & sanguis faciliter eliminetur.

Ex huc usque expositis apertè deducitur vigilias immodicas hunc morbum producere posse, cum neminem lateat, eas plùs justo sollicitare omnigenas fibras variis viribus, diversis resistentiis, sive innumeris, atque assiduis contractionibus, totidemque distractionibus naturalibus, voluntariis, ac superadditis, quæ



quæ vel lympham nervos accolentem absumunt, vel adeò spiritus quocumque in excubiis manentes exercent, ut plùs æquo effundatur, vicissimque penetrent villos, ac idcirco dissipentur; quo tempore singula corporis filamenta languescant, & conterantur oportet à lacessita vi facultatum molientium tot contractiones, & distractiones, quæ millies, semperque tam variè premunt humores, ut omnes tot, quot sunt, eorum particulæ compellantur magis, magisque concitentur, eamque deindè nanciscatur figuram, impetum, contactum, ac missionem interturbatam, quæ valeat cohæsionem, vires, machinularumque resistantiam superare, ac proterea earum fædus dissolvere, sanguinique viam aperire, ut lucidiùs infra constabit.

Conjungitur huic morbo inappetentia, & cruditas, quotiescumque partes, humores, & spiritus ita alternè non respondent, ut motus ventriculi, ac partium adjacentium, tum sibi ipsis, cùm eduliis, succisque inservientibus aptæ eorum elaborationi non congruant; nam humores nimio quandoque igne, atque aliis effrenis moleculis cumulati, diversa combinatione, vi, & figura, quibus prosequuntur, salfam, ac austeram materiam præbent glandulis oris, œsophagi, ventriculi, &c. eamque vim contactus exercent, quæ potis est concussionem, confricationeque adeò repetitam elicere, ut torpidam sensationem promoneant in machinulis præsertim laxis, pravisque humoribus imbibitis. Hujus itidem indolis activiores particulæ cerebrum, nervosque accolentes, nimis mobiles factæ, villos præcipue ventriculi, & pro-



*Deprava-  
ta coctio.*

proximarum partium ita agitant, concutiunt, & laxant, ut succi coctiones molientes perperam separantur, ineptèque commisceantur eduliis; quare si ad contactum veniant nervorum excurrentium per ventriculum, & intestina, &c., ea non possunt adeò tentare, ut exquisitus sensus famis excitetur, aut quia carent figuris scabris, angulosis, & acuminatis, vel quia plùs æquo irruunt in singulas fibras jam laxas, sensuque languido præditas; sine veriùs, quia magis, ac magis infirmant, confricant, urgentque unionem, & contexturam ventriculi, ac intestinorum tenuium, eamque infarciunt, & privant nativo sensu; ex quo fit, ut tam chyli, quàm aliorum fluidorum crassæ particulæ non atterantur, nec tenuissimæ crassescant, seù, quod est idem, mutuò non misceantur, & hac de causa cruditates emergunt.

*Transpira-  
tio impedi-  
ta.*

His præhabitis, satis liquet organa solida, & humores minimè gaudere ea vi, motu, figura, atque contactu, uti decet, ad hoc ut vicissim respondeant in missione, & unione, imò in virium diversarum sibi vicissim occurrentium moderatione; Vires propterea diversæ, quibus pollent solidæ, & fluidæ particulæ, testantur machinulas jam laxas, extraque cohesionem consitas diversa item resistantia, ac agendi ratione in singulis contractionibus, & distractionibus proficui. Quare liquida influxu, & refluxu, nec invicem defecantur, nec rediguntur ad illam molis parvitatē, quæ necessaria est, ut transpiratio scitissimè peragatur, utilesque moleculæ concinnè aptentur suis loculis absque eo, quòd ambitus corporis contaminetur. Verùm enimverò in nimio Mensium fluxu



vasa plùs vel minùs inaniuntur, ideoque plùs, vel minùs privantur corpora sanguine, ac spirituum apta copia, quorum majori, atque minori carentia, vel evanida, ac diluta substantia vasa concidunt, ac propterea universa fabrica pallefcit. Res constat etsi aliquo cum discrimine in metallis, quæ quamvis extrinsecè perpolita videantur, tamem cum eorum prima semina vera, intimaque mistione non uniantur, post datum tempus rubigine inquinantur; quia eorum tenuiores particulæ jugiter à vinculis solvuntur, & per poros, atque interstitia metallorum foràs usque ad superficiem asportantur, ibique coalescunt; sic interturbata solidorum, & fluidorum mistio, & unio, sine concursu, combinatione, ac relatione debita principiorum foras usque ad cutis ambitum evomunt innumera effluvia, & fuligines diversæ indolis, saporis, ac superficiei, quæ quidem cutem variè infarcinat, & inquinant. Imò quandoque vasorum, glandularumque villi tam vi propria, quàm superaddita urgent, ac quocumque trudent per latera humores inutiles; villi propterea cedunt, pori, latebræ fibrarum, atque inanitates laxantur, permutant figuram, indèque transpiratio præpeditur, & aliquando etiam augetur; sed ut plurimùm effluvia consistunt adinstar strati in cute, vel omninò non permeant, idcirco ejus color variè inficitur.

Non rarò tumescunt pedes, corpusque totum lymphæ, alioque humore madescit, dum hoc nimis diuturno sanguinis exitu, nec fluida debitum ignem, nec opportunam quantitatem, nec cæteras conditiones servant, quæ partium fæderi congruere videntur.



*Cachexia  
totius cor-  
poris.*

dentur . Quamobrem neminem præterire arbitror humores pati modicas , vel nullas resistentias , quæ sibi ipsis mutuò occurrere solent , vel modicas , aut nullas , quas in vasculorum partibus , ac parietibus invenire consueſcunt . Nam in hoc morbo humores fluentes vim patiuntur , & fluunt impetu adeò accelerato , & valido , ut aliquantulum superent resistentias singularum machinularum , & occurſuum , proindeque levigatas reddunt rugas , ſuffraggines , complicatasque fibras , quæ valetudinis tempore fluentium liquidorum vim retundebant . Si igitur liquidum per Uterum fluens majoris ſit velocitatis , ac violentiæ illa , quæ ſit à naturalibus preſſionibus , contractionibus , & diſtractionibus villorum , ſive ſit major etiam vi , qua invicem cohærent machinulæ fibrarum , nectentium texturam canalium , operæ pretium erit aſſerere , in tanta partium laxitate tenuiores liquidorum particulas nimis agere , & in auras abire , cæterasque evanidas fieri adinſtar parvæ vini quantitatis in aperto dolio conditæ , ac propterea ſpiritus humores , & partes ita alternè non concurrere , ut coctiones , & ſecretiones naturaliter peragantur ; ſed interim ſpiritus , aliique humores nervos accolentes , pluſquàm ratio poſtulat , evadunt diluti , nec aptè ingenerantur ulterius , ideoque ſingula organa minus cohærent , & conſuetis viribus carent : denique humores omnes naturali mixtione privati pluſ æquo videntur cumulari lymphæ , quæ ſenſim abluit , & in circuitu infarcit corpus totum , ac idcirco Mulieres cachexia laborent neceſſe eſt .

Conſtat igitur quantitatem ſanguinis , à qua  
eda-



educitur materies producens vim, & motum non solum depravari, verò in dies magis ita absumi, ut nequeat amplius nutrire, & motum, viriumque succos satis instaurare; constat, inquam, fibras, earumque foedus dirui, penetrari, & abradi, simulque poros, & loculos interjectos permutari; uno verbo, vasa cuncta paulatim inaniri, superficies, celeritates, ac relationes deficere; ac propterea nec spiritus, nec humores, nec partes ita vicissim agere, ut naturales vires integrè exercean-  
*Virium defectus.*

Vexantur jugi renum, ac Uteri dolore Mulieres hoc nimio fluxu laborantes, cum fluida fale igne, ac aere cumulatissima plus justo concutuntur, & ad invicem attenuantur, ac proindè irritant fibras nervorum, per quorum hiatus consueto velocius movetur contentus succus, cujus minima magis, magisque dividuntur, volatiles fiunt, ac idcirco facillimè penetrant villos omnes, quibus impertiuntur multiplici eorum divisione, ac superficie vividiorum calorem; &, quod rei caput est contra naturæ jura permeant tiliarum minima componentia, & velociori vi percussione, qua donantur, remonent fibras à proposito termino; ex quo fit, ut Uterus, ac renes magna vasorum copia fecundati diversis viribus jactentur, & concutiantur, præsertim quando nervorum succus, utpote valde concitatus, irrui-  
*Dolor renis, ac Uteri.*  
*Affectus*  
 in viscera memorata, in quæ uno tempore derivant etiam alii humores scabri, acres, variisque aculeis referti, quorum omnium momento confricatur dolenter tota Uteri, ac renum fabrica.

Facile porrò perceptu est hac diutina, atque



*Extenua-  
tio corpor.*

immodica secretionem extenuari fibras, & colliquari organa, tolli scilicet cohesionem partium, tolli illud, quo partes ipsæ in jugem motum, æquilibrium, & conservationem veniunt; tolli demum plūs, vel minūs necessarij succi, & aliquandò plūs, vel minūs dissipari & sanguinis, & succi nervorum, quorum carentia deficient oportet vires; ac propterea machinulæ inanes, spatiola intercedentia ita humore vacua fiant necesse est, ut solidæ particulæ cujuscumque filamentum in minus deveniant spatium, mutant connisum, priventur facultate, debitaque instauratione, & contabescant ad instar corii; quod major ergo, aut minor fuerit Uteri hæmorrhagia, eò magis, vel minūs humores, spiritus, & partes amittent relationes motuum, ac virium, magis, vel minūs imbecillæ, atque resolutæ evadent fibræ, plūs, vel minūs nutabunt, ac veluti disruptæ, & laxæ vacillabunt, & tandem Mulieres atrophiam, tabeque confectæ sæpissimè animi deliquio corripiuntur.

*Convulsio.*

Nimio autem sanguine per Uterum exeunte, facile suscitari potest convulsio, ut testimonium perhibet Hip. v. aphor. sententia 3. *Ubi sanguis plurimum fluxerit, singultus, aut convulsio supervenit*; nam post nimiam sanguinis jacturam, post ariditatem exortam à lymphæ, aliorumque humorum privatione aliquantulum exsiccantur nervi, quorum hiatus, & protensiones non irrigantur apta fluidi copia, cum materies non pauca, ex qua succus nervorum instauratur, abierit; & quæ adhuc consistit, adeò acri sale, ac impuritate imbibitur, ut hujus nervosi



vos succi regeneratio fiat & ipsa necessariò acris, fæda, falsa, & turbolenta; quare dum instillatur in glandulas cerebri, & nervorum inchoamenta, ea ferire, ac lædere videtur, unàque convulsivum tremorem inducere eo pacto, quo experimur in quolibet irritatione etiam levi nervorum, narium, asperæ arteriæ, ventriculi, &c., quotiescunque acu, vel re scabra, acri, vel mordicante punguntur; tunc enim veniunt in tremorem convulsivum nervi quaque protensi, qui ut exquisitissimo sensu ditantur, tam inanitatem, quàm acido falsum humorem citissimè cum divulsione persentiunt.

Hæc autem nimia secretio plerumque non fit sine fervore, ac vehementi agitatione solidi, & fluidi, sine mutatione videlicet minimorum corpusculorum, quæ erant priùs mutuo fœdere copulata. Si igitur immodicè fluunt Menses, æquo crebriores fiunt motus, assiduèque fiunt humorum concitationes, leves priùs, indè validæ, demum vehementes, & dum fluida veniunt in hæc mutationes, contentionesque suorum principiorum, ineptè canalium parietes tangunt, angulos, ac diverticula non solum perturbantur, concutiuntur, mutuòque conteruntur; sed etiam quodammodo divellitur è suis loculis quicquid non est adhuc scitissimè commutatum in partes, sed esset proximè commutandum; unde fit minùs cohærens etiam quicquid Uterum componit, quod quidem non eveniret, si humorum semina consueto crebriùs, ac validiùs non exagitarentur ad invicem; ac proindè majori percussione momento non concuterent, ac veluti eliminarent va-

*Mutatio solidi, & fluidi.*



sa, imò eorum contextum, atque nisum quodammodo non tollerent.

*Quid con-  
tingat su-  
blato con-  
tactu.*

Sublato itaque contactu, arctiorique cohæsione particularum venas Uteri componentium, quæ sunt minoris resistentiæ, communicetur oportet Uteri agitatio renibus, visceribusque, imò corpori universo; ex quo fit, ut fluida vehementiùs fluentia attenuentur, ac diffundantur, ideoque non pauca eorum quantitas foràs dejiciatur: hujusmodi sensibilem effectum ostendit vinum evanidum, & in vaporem conversum, cujus majoris energiæ semina, quæ priùs certa mixtione gaudebant, & quodammodo delitescabant, tam vi propria, quàm exteriori, ut in æstu, terræ motu, atque aeris procellosi concitatione, &c. frangunt fœdus mixtionis; atque adeò in libertatem vendicantur, ut irruant in alia componentia, eaque invertant, interturbent, commeent, penetrent, ideoque erodant, atque dissolvant tartarum lateribus dolii inhærescens; & quandoque etiam disjungant concinnatas tabulas, & glutem interjectum dissipent, ac quodammodo pertereant debiliorem dolii partem, ex qua foras ducunt, & propellunt vinum magis dissolutum, quod priùs exire nequibat: verno potissimum tempore, & æstivo res ita Juvenibus contingit, ut monet Hip. 3. aphor. senten. 20., nam vi ignis priùs in sanguine delitescens, deinde soluti, ac veluti accensi disjicitur subito, & quacumque diffunditur quicquid liquidi in vasculis Uteri inest, ac propemodùm à debita cohæsione removet quicquid ejus machinam astringit. Resistunt quidem vasorum fibræ, quantum earum



patitur connisus, contractionibus, distractionibus, conatibus, velocitatibus, cæterisque superadditis motibus, & quamvis diffusionem, & rarefactionem succi nervorum, ac sanguinis arteriosi muniantur, turgent, ac veluti cuneolorum viribus tenduntur; tamen in morbi contumacia ipse nervorum succus, ac sanguis invicem commixti, igneis, spumosis, suisque turgentibus feminibus, quibus scatent, laxant, & à debito termino remonent machinulas fibrarum, & adinstar nitri succensi percutiunt, & solvunt moleculas vasa componentes; & quemadmodum unicum granum pulveris nitrati vi, qua exploditur, & diffunditur, leviter agit, & agitat, impellit, & urget pilas plumbeas, atque ferrum com meat, & penetrat, multò magis congesta granula ejusdem succensi pulveris glandes plumbeas impellunt, ferrum momento citiùs penetrabunt, earumque componentia dissolvent aliquantulum. Sic villosa, ac villi vasorum sanguinis, flammeo veluti liquore lustrati primam cohesionem relinquent, liquidorum viribus haud respondebunt, ideoque dissoluti fluentibus humoribus, æstuque concitatis dabunt exitum.

*Humores nimis calidi vasa aperiant.*

Mihi rem confirmavit usque ad evidentiam, Mulier trigessimum annum agens, calidaque temperie donata, dum veris tempore, quatuor ab hinc annis elapso, in Pisarum Xenodochio vexaretur simplici tertiana, quæ quoties in accessione calore torquebatur, toties Menses ubertim eliminabat; transactis verò duabus hebdomadis, quemadmodum paroxysmi fuerunt minores, minores item fuerunt ejjectiones, sed quamvis febris fines constituerit, semper

*Observatio*



perque minor, ac minor egressus sit sanguis, prorsus tamen non cessavit, imò usquè ad mensem se protraxit secretio; quo tempore consumpto, Mulier iterum vexari cepit levi febris, consuetoque profluvio, quod eo tantum tempore desivit, quo repressæ fuerunt ignis particulæ, quæ nimis agebant, vel quousque in auras illæ abiere, sive adhuc superstitēs lymphæ dilutæ, aliisque ramosis particulis irretitæ non fuerint, uti usu refrigerantium, atque humectantium res hunc finem consecuta est.

Cùm autem Mensium quantitas eadem non sit omnibus, nec eodem modo effluat, sed quibusdam parcior, & aliis copiosior, aliis diù, & guttatim, aliisque diu, & ubertim pro varia Mulierum natura, temperie, corporis habitu, agendi consuetudine, vel majori, aut minori otio, sive pro victus ratione magis, vel minus lauta; hinc consentaneum duxere Practicantes tradere discrimen latens inter sanguinis nimiam evacuationem, quæ per uterum fieri solet atque nimiam Mensium eruptionem; Nam hæc illis solummodò occurrit, quæ sunt menstruis eliminandis idoneæ, ab anno nimirum decimotertio, vel quarto usque ad quinquagesimum; Altera vero, quolibet tempore, ac ætate accidere potest non ex naturæ instinctu, sed ex violenta causa, vulnere, ulceribus, aut qualibet alia vasorum solutione. Insuper discriminari voverunt profluvium immodicum, à profluvio Muliebri, cum in horum altero cruenta sit oportet fluidorum substantia, quæ eliminatur; in altero verò serosa, lenta, albida, flava, parùmque sanguinea.

*Discrimen  
Profluvii  
muliebris.*

His præhabitis differentiis ad hanc affectionem  
spe-



ſpectantibus ſic cogito : Non ne quò magis, aut minùs tollitur partium cohæſio, tollitur etiam magis, aut minùs reciprocatio, quæ latet inter humores & partes; non ne quò magis, aut minùs augetur, aut præpeditur vis, vel motus magis aut minùs permuatatur ſuperficies, figura, & conſueta agendi ratio, qua fluidum, & ſolidum in amicabilem motuum proportionem venire ſolent? Quid amabo ſunt quæ mutuò coagmentantur? Quæ inſtaurant Uterum, villos, & vaſa per ipſum repentia? Quid? quæ hîc cohæſionem conſervant, eamque illuc ſubtrahunt? Non ne illa, quæ vaſa contrahunt, & diſtrahunt, quæ vires, & reſiſtentias exercent, quæ nutriunt, & reparant? quæ cutem modò colore debito tinctam, modo rubigine inquinatam, ac veluti variis maculis conſcribillatam reddunt, quæ nervos, fibrasque convellunt? quæ vires infirmant & animi deliquium eliciunt, quæ languidas, atque exeſas fibras reddunt, & alia mille producunt? Quò magis ergo, vel minùs ſolvuntur, interturbantur, ac diffunduntur humores majoris energiæ, eò magis, vèl minùs propriam figuram, & reſiſtentias confundunt, ac vires invertunt; imò ita infirmant mutuum conniſum, atque invicem infectantur, ut unionem, ac miſtionem lædant. Quamobrem qui hæc ad examen rationis revocant, intelligunt cuncta vaſorum filamenta cujuſcumque indolis deſtrui, ineptèque regenerari; ideoque paulatim naturam, temperiemque propriam amittere, vires, ac reſiſtentias modò augeri, modò languere, ac propterea humores fluentes conditiones plùs, vel minùs obnoxias conſequi.



*Si diu per-  
duret vis  
adaucta flu-  
xus humo-  
rum augetur.*

Verùm cum hæc neque ab omni commotione, nec ab omni impetu salis volatilis, aut ignis peragantur, quemadmodum nec quælibet nubecula, nec quilibet ventus turbinem, atque procellas ferunt; sic est tutò pronuntiandum, nec à quolibet motu fluidorum excitari posse succum nervorum, nec ab omni ictu, aut concussione villorum contrahilium promoveri posse irregularem, diutinam, ac vitiosam secretionem; verumtamen si diu nimis perduret percussio, confricatio, & adaucta agendi vis liquidorum, diutissimè certè perdurabunt comminutio sanguinis, aeris interjecti laxitas, circumfusæ lymphæ concitatio, & falsedo; uno verbo, cujuscumque spirituosæ substantiæ perturbatio, quæ faciliùs irruet in fibrarum catenulas, & tiliarum machinulas, quarum minutissimæ moleculæ invicem alliduntur; sed post certum tempus hujus diuturnæ attritionis fluidorum, & collisionis fibrarum probabile est, multum lymphæ, & sanguinis dissipari. Vis igitur, quæ gradatim per lenem priùs agitationem, indè validam, demum violentam, & quodammodò per saltum absolutam, singulos fundit humores, magisque priùs videtur competere alicui ex liquidis, indèque pedentim fluidis omnibus, unàque minimis particulis solidis, quæ naturali, & superaddito contractionum momento fluxus velocitatem summoperè adaugent; quare lymphæ, & aeris spiræ humoribus interspersæ si aliquem caloris gradum supra consuetudinem nanciscuntur, fiunt adeò fluidæ, tenues, laxæ, aut spumosæ, ut in nonnullis Mulieribus raræ texturæ non solùm naturali citiùs fluant, & in modum



cunei interjiciantur fibrarum machinulis; verùm urgeant, & suscitent fumosam, ac malè olentem transpirationem, in aliis madorem falsum, ac ferè erodentem, in aliis denique sanguinis fluxum, sive stillicidium adinstar vini corrupti lentè ex dolio profiliantis vi soluti ignis.

Ex hac ergò motus velocitate fit, ut vix concepto paulò majori calore, vix nempe agitatibus liquidis vires promoventibus, momento citiùs diffiliant, & divellantur à toto composito tenuiores lymphæ, aliæque memoratæ substantiæ diffundantur, & in auras abeant. Hinc constat ignem solido, & fluido circumfufum esse instrumentum, quo humores, eorumque semina millies, ac millies disterantur, & tenuitate, qua pollent, diffugiunt impedimenta, offendicula, atque occurfus; ideoque perterebrant, atque adeò erodunt in fluxu, & refluxu coeuntia vasa, ac eorum emissaria, ut cessante etiam agitatione memorata sanguinis exitus eo ferè modo perennet, quo etsi cessante vento adhuc tamem fluctuum agitatio perseverat.

*Velocitas,  
& ignis  
quid agant.*

Interdum humores statuto Mensium tempore concitati majorem resistantiam vasorum, ac propè innumerabilium rugarum, anfractuum, diversarum positionum, atque occursum experiantur tam in minimis vasculis per Uterum repentibus, quàm in ductibus sanguinis confertis in naribus, oculis, pulmonibus, ore, podice, aliisque extremis partibus, per quas, veluti per loca imminutæ cohæsionis, & resistantiæ, erumpunt eo ferè modo, quo vinum ebulliens in dolio ritè clauso, aut cerevisia in utre de-



bilia discindunt, & laxiora utris, atque dolii latera penetrant, sibique facilè viam parant. Verùm si sanguis in Utero congestus, vasculisque contentus agitatione profunditur, Uterique vasa laxat, & eorum aperit oscilla, præsertim dum aer circumfusus, aliarque particulæ moventes, seseque insinuantes in partes mobiles, debitam non servant relationem, tunc certè minima aeris, & ignis à mixto, quod exolvitur, & à fluido, quod tumescit, & concitat, prodeuntia nullibi resistantiam inveniunt; at si quid illis occurrit in medio diverticuli, illicò nova vi contactus, novaque trepidatione tumultum suscitant, qui tamdiu durat, quamdiu purioris lymphæ componentia, aeris scilicet, salis, ac sulphuris cohæsiones, occurfus, & nexus villorum non superaverint.

*Liquidorum momentum est extenuandum.*

Quotiescumque ergò vires liquidorum fuerint majores vi, qua cohærent machinulæ fibrarum neccitentium membranas canalium, operæ pretium erit exhibere, non quæ addunt momentum liquidis, sed ea, quæ illud extenuant, ac infirmant, ad hoc ut canales, eorumque partes cohærentes non disjiciantur ulterius; quin imò ne machinulæ, plicæ, glomeres, anfractus, & glandulæ intertextæ violentur, magisque lædantur, sed liquidorum potiùs velocitates in illis retundantur.

*Pus in aliquo Mensium Profluvio.*

Non est hìc silentio involuendum à quibusdam Mulieribus Mensium Profluvio laborantibus eliminari humores saniem æmulantes, eosque exsurgere vel ab Uteri apostemate pus diffundente, ac idcirco contaminante ibi fluentes humores; vel ab exundantibus liquidis sale, vel igne saturis, & plùs æquo sub-



sistentibus in vasculis, quorum filamenta adeò velli-  
cantur, & eroduntur, ut fiat ulcus, in cujus sinu-  
lis si labentes humores plùs, aut minùs consistant,  
facessunt in faniem, & pus. Neque hìc est præter-  
mittendum nonnullas Mulieres perfrui temperie adeò  
calida, ut liquida jugiter concitari, vicissimque con-  
teri videantur, quarè igniculi, tenuioresque fluido-  
rum moleculæ adeò repetitè fluunt, commeant my-  
riadem cùm Uteri, tum Vaginæ, ac proindè glandu-  
las, lymphæ vascula, eorumque emissariola refricent,  
& laxent; uti dilucidè percipitur in corporibus ni-  
mia salacitate tentatis, ac viro pressis, sive veriùs  
exardescentium humorum cumulo plusquàm decet  
obsecumdatis, quorum confricatione perennis eva-  
dit secretio, eaque purulenta, albida, flava, cœru-  
lea, & nidorosa. Differt tamem à Mensibus deco-  
loratis, quoniam suam servant periodum; è contra  
verò Fluor albus quolibet tempore fluit, & substan-  
tia ac colore distinguitur, ut proprio capite infra.

*Fluor al-  
bus.*

Qui hæc cogitat, admittet facilè exoriri hunc  
morbum à sola vi æstus agentium liquidorum, ac  
potissimùm particularum salis, sulphuris, ac aeris,  
quæ in ductibus sanguinis, in nervis, atque in singu-  
lis inanitatibus solidorum, ita tumultuantur, ut licèt  
præsto sint resistentiæ, tamem per solam vim æstus  
illas superent: qua de re non solùm moventur, &  
agitantur villi vasorum, & machinularum Uteri, sed  
etiam humores, quorum feri, ac lymphæ portio ex-  
currens, præsertim per nervos, non parùm in auras  
evanescit, nec parùm violentiæ, ac irritationis ner-  
vorum fibris infert. Alia autem lymphæ pars, pro-

*Vis æstus  
omnem re-  
sistentiam  
superat.*



prios accolens ductus variè premitur, urgetur, jugiterque attenuatur, sed dum totum corpus respergit, facilè absorbetur, & evaporat; Altera denique feri portio liquidis circumfusa ubique separatur, & præsertim in glandulis Utero, atque Vaginæ aditis, ex quarum vasculis excretoriis adinstar Fluoris albi abundè eliminatur, imò hæc tanto sulphure, & quandoque sale, aliisque volatilibus particulis ditatur, ut citissimè permeet vasa, & scatebras illarum glandularum, ideoque cruentum colorem præseferat. Interdum verò ope nimix pressioni, atque confrictionis memoratarum partium, vel suavis contactus, aut rotationis liquidorum privatur lymphæ sua figura, tenuioribus particulis, potissimumque igne, cujus carentia in interjectis glandularum loculis congelascit, ideoque adinstar amyli soluti, vel glutinis, dispescitur, & guttatim depellitur cum virium languore.

*Macies &  
virium exo-  
lutio.*

Si pluries in mense, aut continuò hæc humorum libertas cum virium dispendio, corporisque macie occurrat, permutet oportet ordinem totius æconomix, quandoquidem motus, ebullitiones, irritationesque progigni videntur à mixtione perturbata, vel à spiculis in inania molecularum insitis, quibus nituntur tollere de medio impedimenta disjiciendo hac, & illac mobiliiores particulas, easque eliminando, ac resolvendo, donec vel superatis omnibus viribus, aut violatis singulis naturæ legibus, tabes, aut marasmodes exurgat.

*Indicatio  
nonnullor-  
um.*

Variis hætenus causis expositis, earumque remotionibus suffragantur Medentium observationes,

&



& methodi curativæ, quæ nunc versantur in coercendis humoribus, nunc in restituenda cohæfione solidis partibus. Horum autem nonnulli indicationes ad alios morbos dirigunt tamquam ad fontem istius, ad tuberculum scilicet, vulnus, ulcus, abscessum, scirrhum, aut ad quodlibet aliud extrinsecum adnens continui unitatem solvens, ac idcirco Profluvium ferens.

Ut vis itaque causarum infringatur, præmissis, quæ sunt in communi Medentium usu, minimè sperni debent, præsertim si vires ferant, venæ sectiones, refrigerantia, atque humectantia, quæ valent retun- *Curatio.*  
dere concitati ignis corpuscula, uti sunt cassia, pulpa. Tamarind aqua agri Lucensis, Nocera, Ficoncellæ, & balnea ad plures dies. Locum habet lac aqua hordei, vel jure tenui, ac tepente dilutum, ferofitas item caprilla chalybeata, vel tinctura chalybis eo tantum fine, ut fibræ diutino morbo laxæ, pravisque humoribus subactæ, ac proindè languefcente igne conspersæ fulciantur vi novi ignis à chalybe exilientis; vel ut lymphæ supervacuaë machinulis, solidis circumfusæ, interjectæ, & irretitæ dissipentur. Sæpissimè usus sum Pulvere Peruviano ad plures dies, & quidem feliciter; cujus substantia modò in tenuissimum pollinem, modò in formam liquidam redacta coercet luxuriantes humores, eosque veluti in vinculis ponit, ut colligitur apertissimè ex injectione dicti corticis in sanguine exeunte è vena secta, cujus substantiæ pars, in qua injectus est, citiùs coalescit altera, quæ Peruviani Pulveris est expers. Laudant mecum alii gelu Corvi Cervi, specificum Helvetii, radi-



dicem Ipecacuanham, fungum Melitensem, aeris mutationem, illudque vitæ genus, quod congruit morbo, morbi causis, atque symptomatibus. Et hac methodo certè ea peraguntur, quæ Ægrotantium spem non fallunt.

## C A P U T IV.

### *De Fluore Albo.*

#### A N T E C E D E N T I A.

**V**ariis insignitur nominibus Fluor Albus, cum à quamplurimis vocitetur Mensium dealbata excretio, feminisque profluvium, & à Primerosio Uteri catarrhus, sive Rheuma dicitur: hujus ægrota-  
tionis subjectum statuuntur cuncta vasa Uteri, & Vaginæ, glandulæque illis adsitæ. Est igitur morbus hic eliminatio humoris crassiusculi, albidii, saniosi, atque cruenti, simulque congesti tum in vasculis Uteri, & Vaginæ, cum in glandulis, ac inanitatibus memoratarum partium, tam præ laxitate machinularum solidarum, quàm vitio humorum eas foventium.

Solent antestare exercitationes, motusque improbi, calida cibaria, otium, sanguinis nimia copia, & ea plura, quæ calorem, irritationem, atque solutionem impertiunt.



*C O N J U N C T A .*

**N**ON est quod inquirentur hujus morbi signa, cum ex Mulieribus ægris ea satis innotescant; nam Fluor albus differet à Gonorrhœa, ut infra constabit, cujus modica eliminatio est crassior, atque albo Fluore albidior, eoque longioribus intervallis effluit.

Comitantur morbi contumaciam totius lassitudo, facies pallida, pedes tumorosi, inappetentia, sitis, dolor, calorque renum, ac partium adjacantium, & præsertim Uteri, atque Vaginæ, alia verò plura, ut nimis nota brevitati studens omitto.

*S U C C E D E N T I A .*

**S**ensus testatur motus quodammodò contrarios, ac vertiginosos effici à fluido agente intra aliud fluidum, ut observare est, quando liquida ebulliunt, rarescunt, ac separantur. Humor namque agens se se diffundere debet in alias particulas alterius indolis, eas urgere, interturbare, abinvicem disjungere, illisque novum motum, & figuram communicare. Liquet ulterius, motus hujusmodi ne uno quidem momento naturaliter fieri posse, sed tardo, ac diuturno tempore, ut in musti ebullitione; cujus minima corpuscula non libero cursu, sed mutuis ictibus, ac repulsis se se concutiunt, vicissimque retardantur tam ob superficierum asperitatem, ac particularum incurvationes ramosas, quàm ob modi-



dicam particularum mobilium vim, qua segniter disperguntur in similitudinem fumi torpido motu se per aerem diffudentis.

Verùm cum humores per Uterum, ac per alias finitimas partes fluentes pluries, ac pluries ita dividi debeant, ut per minima vascula, unquæque eorum molecula fluere, ac circumvolvi possit; variæ peragantur oportet attritiones, atque separationes, imò ex pluries repetita vertigine, ac divisione fiant necesse est diversæ fluidorum combinationes, ac superficies, ope etiam occursum structuræ, figurarum, cribrorum, ac penè dixerim innumerabilium glandularum, & vasorum, per quæ fluunt, atque meatuum, inanitatum, & spongiolarum, ad quas commeant. Sive igitur humores vehementer impellantur, sive languidè profluant intra poros fibrarum Uteri, ac Vaginæ loculos, aut intra capillaria infundibula, & intercapedines, quæ vix dilatari possunt, sensim ut plurimum exercent vim accutissimorum cuneolorum, quorum momento necessariò oscillant machinulæ solidæ; quæ quoties attolluntur, eriguntur, atque inclinantur, toties veluti sub prælo innumerabilium pressurionum, ac virium inæqualium atteruntur liquida; quorum nova comminutione, vi, & figura augetur energia dilatandi poros, elimandi, erodendi, & quandoque etiam lacerandi partes laterales meatuum, atque vasculorum ibi repentium. Facile enim, & expeditè Vagina, paulatim ignavè, ac difficilè glomeramem Uteri laxantur, proindeque eodem ordine dilatantur sinuli distributi per totam longitudinem villorum contractilium,  
ac



ac fibrarum, quæ dum contrahuntur, & distrahuntur etiam vi superaddita, earum oppositi termini veniant oportet in aliam positionem, ac propterea memorati sinuli nunc in majus, nunc in minus spatium, & cuneoli interjecti in novam figuram, contactum, irritationem, ac solutionem partium coherentium.

Patet autem exiliora vasa sanguinis, & lymphæ in testibus, tubis glandulis, universoque Uteri folliculo conferta esse valdè adinvicem fæderata, adeoque constricta, ut labentibus humoribus per has partes erodentis naturæ, ac quodammodo laxitatem inducentibus magis resistent, quàm ductus repentis per Vaginam; cujus intertexta vascula, glandulæ, rugæ, sinuli, atque lacunæ humoribus perpetuò fecundatæ reddunt fibras, & villos membranarum facillimè laxos, & madidos. Quare si rara Vaginæ textura constat tot rugis, tot sinulis, totque patulis, ac omninò perviis machinulis, superflua humorum congerie stipatis; si, inquam, concursus tot villorum, vasculorum, atque instrumentorum, (quæ juxta naturæ leges solùm certa quantitas liquidorum deberet fovere, & madefacere) alluuntur, & quadam veluti falsi, & acidi humoris lacuna obsidentur, proculdubio singula Vaginæ vascula facillimè laxentur necesse est, & adinstar spongiæ, aut chartæ bibulæ fibræ madescant; imò earum filamenta, & inanitates diversis liquidis subactæ tumeant oportet, ex quibus fit, ut in hoc reticulari contextu venarum, articularum, glandularum, & lymphæ ductuum emissaria singula, pororum cribra, hiatus, ac cætera forami-



nula aperiantur, & adinstar stillicidii albos, atque alterius tincturæ humores eliminant. Quanto igitur tardius, vel celerius cuneoli liquidorum ab omni missionis vinculo solvuntur intra memorata vascula, sive intra, aut extra Uterum, & Vaginam impelluntur, tantò citius, vel tardius diffluunt, ac diffringuntur, ideoque hic facile coercentur, ac veluti coalescunt, alibi difficilè consistunt, quin imò diffunduntur, atque in tenuissimum pollinem commutantur. Quamobrem lymphæ crassior, aut tenuior, quæ est semper sale refertissima, aliique humores, in quibus delitescunt minima semina salis, & sulphuris, plus, vel minus discinduntur, comminuuntur, miscentur, atque diffunduntur; prout liquidorum materies est liquidior, aut crassior, vel, quod in idem recidit, prout majori, vel minori libertate, & copia activissimarum particularum ditatur.

Qui in Uteri fabrica examinanda versantur, in eam veniunt sententiam, ut credant plures ordines meatuum, inanitatum, atque cribrorum in ea reperiri, quorum alia ope præsertim circumpressionum, & contractionum superadditarum dividunt combinationes minimorum liquidorum, & excernunt sanguinem; alia figuras accommodatas habent ad feri, & lymphæ substantiam deponendam; alia demum cuncta liquida huc conjunctè, illuc separatè recipiunt, & deponunt; quare si humoribus Uterum, & Vaginam foventibus motus est tardus, tardè illi, sensimque aptentur cribris, stillatimque fluant oportet; si verò motus est concitatus, omnis resistentia immittitur, & corpuscula liquidorum vivida vi percita  
adau.



adaugent motum, confricant, atque ita erodunt vascula, oscilla, atque emissariola, per quæ transeunt, ut superent eorum resistantiam, ideoque sensim, & ubertim eliminantur; & licet hoc jugiter sensibus non pateat, evidenter tamen suadetur ex eo, quod sudor citius, vel tardius ad cutis spiracula com meat, prout sanguis miliares glandulas fibrarum, spongiclas citius, vel tardius permeat, & prout majori, vel minori copia, motu, tenuitate, & igne donatur; nam si aqua præsertim calida pervadit pellem, sive vescicæ suis membranas, quas non penetrat oleum, hinc necessariò evincitur diversa esse foraminula contextus Uteri, & Vaginæ per quæ diverso tempore, ac impetu excipiuntur humores noxii, atque inutilles; verum si glandulæ sunt glomeres complectentes extremitates plurium vasorum, arteriarum scilicet deferentium sanguinem intra loculos glandularum, eorumque minima diverticula nervorum derivantium, ac effundentium Succum, & nescio, an dicam excipientium aliquid à glandulis, quod valeat motus tum vasorum altruentium glandulas, cum spirituum undas lædere, item lymphæ ductuum alibi ducentium humorem ibi secretum, denique venarum, quæ sanguinem exsugunt, eumque in massam revehunt; ex his profectò comprehenditur vascula, eorumque emissaria retinere, ac deponere tales humores, quales necessitas similitudinis, & configurationis postulat. Ulteriùs comprehenditur humores à viriis oscillis scaturientes vasa erodere, ideoque per diversas Uteri, & Vaginæ semitas frequenter errare, noxiumque contactum fortiri, dum viribus inæqualibus ten-



tantur, pressionibus urgentur, & agitantur; five verius dum evulgati canaliculi suis contractionibus introrsum ducunt membranas, & trudent liquidum contentum; & quamvis membranæ vasorum per latera sint magis distractæ, tamen quasi arcus magis inflexi, cum in restitutionem veniunt, majori vi reituantur, & agunt in fluidum, illudque ulterius depellant.

Inexplicabilis sanè est positionum diversitas in quam veniunt per corpus Uteri, & Vaginæ illi ramorum rami usque ad exillimos, qui universam Vasorum ramificationem constituunt; nam licet variis flexionibus ipsi ramorum furculi curventur in semicirculum, intexantur in membranas, plicentur, coeant, & implicantur in glomeres, atque in rugas varias, denique omne genus flexionum subeant, & ad unumquodque punctum singularum flexionum novam humoribus resistantiam faciant; hæ tamen singulæ resistantiæ in minimis potissimum glandulis persolvuntur, quarum textura cum constet ex tubulis pluries memoratis, & millies convolutis, intelligere facit eos formare cumulum glandularum minimarum; hoc est vasculorum inflexorum, plicatorumque, quorum nimia confricatione, contractione, intestino motu, concussione, five totius, aut partis improbo exercitio, vel placido, ac suavi contactu, five impuro motu, ac vi superaddita dilatantur, laxantur, ac veluti aculeis salacissimis vellicantur, ac perterebrantur; & quatenus magis, vel minus simul intertexta vascula stimulantur, magis, vel minus aperiuntur eorum oscilla, excoriantur non raro mem-



membranæ, & quandoque vulnusculis inficiuntur cum exitu icoris mordicantis, purulenti, vel saniofi, ut ex Antecedentibus infra explicandis lucidiùs constabit.

Adnotatione dignum est Fluorem à Gonorrhœa distingui, quorum secretiones etsi inter se aliquantulum conveniunt, à diversis tamen partibus emanant, per loca diversa foràs eliminantur, variæque consistentiæ coloris, odoris, & naturæ creduntur; siquidem Fluor albus iisdem, quibus Menstrua fluunt ductibus, ejicitur, ut accidit post Mensium Profluvium, à cujus acrimonia, igne, & salaci materia eroduntur etiam exiles lymphæ ductus serpentes tam per Uterum, quàm per Vaginam; ex quibus tanquam ex corporis sentina pravi coloris humores deponuntur, aliisque intermiscuntur liquidis, & depelluntur. Erumpit autem noxius Gonorrhœæ humor in Mulieribus ex glanduloso corpore, sive à prostratis urethræ circumpositis, indè per lacunas in circuitu meatus urinarii intra ipsum, & in ejusdem termino collocatas foràs ducitur; malè enim affectæ observantur urethra, prostratæ, totiusque meatus urinarii partes, tumidæ nimirum, & quandòque etiam obnoxie ulceribus pessimæ notæ, quæ non rarò protrahuntur usque ad labia pudendi, ut alibi apertè explicabitur.

*Fluor distinguitur à Gonorrhœa*

Albus itaque Fluor sive à totius habitudinis vitio, sive Uteri, aut alterius partis læsione. Mulieres cujuscumque ætatis, & temperiei, sed plerumque ætate maturas corripere solet. Plurima præfert incommoda in Viduis, Conjugatis, ac vitam cælibem du-

cen-



centibus, sed majora in illis, quæ longo temporis cursu spernunt curationem, vel totius corporis cachexia laborant.

Præcedunt hunc morbum nimix Veneris exercitationes, cathartorum, thermarumque abusus, improbi corporis motus, & calida edulia, quorum omnium vi adeò humores omnes alternè occurrunt, in suisque occurribus mutuò urgentur, confricantur, concutiuntur; atque adeò pulsantur vasa intercurrentia per Uteri, cervicis, atque Vaginæ substantiam, ut plùs, vel minùs liquores attriti, sale, & igne saturi diffundantur, missionisque, ac unionis fœdera dissolvant. Quare in hujusmodi confricationis, ac percussionis vi recedant oportet à proprio termino fibræ vasorum, imò vasa ipsa distendantur, ac propterea plùs, vel miòs noxios humores evomant; quorum quantitatem modò majorem, modò minorem fecernunt, prout humores sunt magis, vel minùs mobiles, erodentes, igne, ac sale circumfusi; quorum momento valdè sollicitantur vasa, contrahuntur, eliminantur, perterebrantur, atque solvuntur cum exitu cruenti, & albidii humoris.

*Humores  
sale, &  
igne saturi  
vasa sol-  
vunt.*

*Otiosa cor-  
pora hu-  
moribus  
onusta.*

Otiosa varò corpora nimia onerantur copia humorum, qui sicuti priùs constabant corpusculis quantis, & figuratis, paulatim non solùm amittunt figuram, debitamquè congeriem, verùm etiam relinquunt proportionem, æquilibrium, superficiem, & impetum; tandem ob diversam eorum combinationem amittant oportet hoc, illudve fluidum jam in massa contentum, quo vehi, & revehi, subire  
exi-



exillima vascula glandularum, atque separari possint; Lenti etenim fiunt humores, & villi Uteri, & Vaginæ facilè infarciuntur, tum quia defunt, quæ adesse deberent, tum quia adsunt, quæ non deberent adesse. In longo itaque otio vel liquida ditantur plùs æquo ignis quantitate absorbente serositatem, quæ inservire debet pro vehiculo, vel carent debito igne se diffundente; sive veriùs fluida hujus indolis consistunt in memoratarum partium minimis canaliculis, suisque asperis, vel angulosis particulis pravæ indolis dilaniant, solvunt, & aperiunt vasorum hiatus; vel, quod plurimum est, diu in ternuissimis vasculis stabulantes moleculæ acescunt adinstar vini in dolio acetoso; ex quo fit, ut cuncta fluidorum semina perturbentur adinvicem, adeòque moveantur, ac veluti tot scalpris excoriant loca, per quæ transeunt, ac propterea liberent igniculos in vinculis detentos, quorum solutione penetrantur membranæ, faciliùs laxatur textura vasorum, & stillatim fluit, & exit albus Fluor.

Toties post diuturnum otium labefactantur universæ vires, quoties in singulis villis, fibris, musculis, internis spongiolis, intercapedinibus, vasculorumque anfractibus stabulantur, & coalescunt lenti, ac inertes humores supra omne momentum fluidorum vires facientium, vel quoties particulæ ignis, aliæque similis naturæ in memoratis sinulis iucunduntur, & implicantur, quæ si à novo humorum fluxu, & refluxu dissolvantur, eisque egressum concedant, in transitu non possunt quin partes laterales celerius, & vehementius agitent, ac veluti scalpris

*Virium  
laxitas.*



pris abradant pororum ostiola, eaque relaxent, nec inquam possunt quin novum motum in fibrarum machinulis imprimant, adeòut aliæ humorum interfluentes moleculæ activissimæ adinvicem disgregatæ solvant, & dispergant adinstar ceræ igne tentatæ filamenta priùs Uteri, & Vaginæ, indè totius corporis cum virium jactura.

*Stimuli,  
calor, sales  
& alterius  
indolis hu-  
mores mor-  
bum pro-  
ducunt.*

Vasorum igitur fibræ salium stimulis exagitatae, vel calidis nervorum inquinamentis, aut alterius naturæ liquidis concitæ, ac veluti dissolutæ adeò interdum sollicitantur, ut impellant, urgeant, & agitent contentum liquidum; quare canales vehementi eorum contractione, & distractione prestò sunt non solum introrsum niti, verum quodammodo ducere introrsum, & extrorsum singulas membranas; ac propterea succum nervorum facile disperdere, simulque evomere extrorsum lutulentos liquores quocumque circumfusus; membranæ namque Uteri, & vasorum ejus per latera magis distractæ, quasi arcus magis inflexi, cum in restitutionem veniunt, majori vi restituuntur, hoc est majori impetu contentum liquidum urgent, eique libertatem exitus impertiunt; tum quia attritas jam humorum particulas reddunt minutissimas, tum quia earum cohæsiones cum superficie canalium imminuunt; & fibras ita exclusas, & languidas reddunt, ut per infirmas, & madidas Uteri, & Vaginæ partes impuri humores quasi spontè deiciatur.

Quò majori ergò fecundantur corpora quantitate decurrentium igniculorum violentiam fibris inferentium, eò magis exagitur, & conturbatur

massa



massa liquidorum, quorum unaquæque particula privatur superficie, vi, debitoque contactu, simulque spoliatur interjecta lymphæ, cujus substantia citò æstuat, & forsan absorbetur, vel concrefcit; proindeque partes solidæ venire coguntur in alium terminum, & carere debita instauratione, ac fædere, ideoque non possunt spirituosæ ignis particulæ, quin in auras resolvantur. Quantò magis igitur humores istis pravis differentiis imbuti disgregantur, & irruunt versus Uterum, tantò magis fibras inficiunt, & contaminant; imò eorum terrestres moleculæ se se mutuò dissolvunt, & cæteras inquinant ea fere ratione, qua pulvis terreus intra aquam infusus, qui eam cænosam reddit; sive ergò hujusmodi humores impellant, aut urgeant vascula, aut alii alterius indolis velocius, quàm par est, vel consueto tardius fluant, & refluant, sive veriùs fibras præsertim Uteri alluant, tunc perperam commisceantur oportet, fortianturque propterea juxta diversam eorum perturbationem calorem, energiam, odorem, variamque consistentiam penès ætatem, temperiem, corporisque habitudinem, ita ut sibi ipsis viam faciant per Uterum, ut ab excretis satis colligitur, & à conjunctis infra declarandis clariùs constabit.

Pallefcit facies, & pedes tument, quotiescumque diu fluit, & exit è vasculis Uteri albus humor, cujus noxia femina nec sunt, nec naturaliter remanent in vasculis sanguinis quanta, & figurata, uti decet; sed ea, quæ adhuc supersunt, adeò confunduntur, & in novo circuitu intervertuntur, ut

*Quò major est calor, eò magis hoc morbo laeduntur Mulieres.*

*Faciei pallor, & pedum tumor.*



ignis particulæ, si non restinguantur, saltem con-  
tundantur, aliisque implicentur, ac propterea lym-  
pha nimis adaucta, & forsan exundante alluvantur,  
& contaminentur tum humores, cum partes uni-  
versæ.

Sic igitur enervati villorum omnium filamen-  
tis, & impura lymphæ plus æquo dilutis, atque fæ-  
datis, cujuscumque indolis humoribus circumse-  
pantur oportet, imbuanturque pravis istis liquidis,  
ac idcirco tumeant necesse est machinulæ villorum,  
& fibrarum; imò earum tiliæ jugiter irritantur, &  
quod rei caput est, intercepti canaliculi falsis, &  
acidis humoribus potius laceffiti, quàm resperfi pau-  
latim laxantur, quælibet namque fibrarum machi-  
nula non solum naturalem vim, & connisum amit-  
tit, verum etiam inficitur, ac propemodum con-  
crescentium humorum congerie infarcitur; fluunt  
nihilominus quaquaverfum, sed languidè, & diffi-  
culter fluunt humores, deorsum tamen faciliè de-  
scendunt, nec inde ob contractilium villorum laxi-  
tatem, ob spirituum depauperationem, aliorumque  
humorum vires exerentium penuriam ea ratione,  
qua decet, sursum non revocantur in circuitum,  
quin potius subsident, & tumorosas reddunt partes  
extremas.

*Famis pri-  
vatio.*

In tanta itaque partium laxitate, & labe liqui-  
dorum non est, qui non afferat, famis organum  
ventriculum, ejus villos, & glandulas, cæterasque  
in universum esse semper impuris humoribus imbi-  
bitas, ac veluti hebetatas; ideoque nec in ore, nec  
in oesophago, & multò nimis in ventriculo, &  
gland-



glandulis ei adfuit ea liquidorum genera separari, quæ famem excitant; non est, inquam, qui non sentiat languorem, & fibrarum imbecillitatem haud posse tales vires, contractiones, & distractiones moliri, quales congruere videntur illis secretionibus, quibus exonerari solet corpus vitiosa gravatum humorum sarcina, ac propterea reverti ad eam machinularum coherrentiam, ad illam spirituum copiam, impetum, & puritatem, uno verbo ad illum contactum, & sensum, qui intercedit inter maximas, & minimas rerum partes, seu, quod in idem recidit, ad illam relationem, atque alternam agendi vim, qua vellicari, irritarique possint nervorum filamenta ventriculi, indeque alia, & alia in universum, usque quo famis affectio provocetur, quemadmodum publici juris feci in nuperis meis Exercitationibus Lucæ editis sub numero quinto.

Privatur certè corpus diu Fluore albo affectum congruenti humorum quantitate, quorum defectu partium, atque humorum æquilibrium communis organorum consensus deficiat oportet; tum quia *Siccitas, & Stis.* massa sanguinis obducitur sero, & lymphæ contundente salis, ac ignis corpuscula; tum etiam quia vaporum omnium villi, glandularum fibræ, atque musculorum funiculi, & quandòque interjecti loculi, & filamentorum inanitates prorsus exsuccæ fiunt, & adinstar corii arent; imò salium aculeis, & asperitatibus vel acutissimis angulis aliorum minimorum stimulantur singula instrumenta, & tali percussione vi, atque contactu, qualis potis sit in ore, gutture, esophago, & ventriculo, nec non in qualibet membrana,



na, fibra, ac nervorum protensione ficcitatem illam impertiri, quæ valeat sitim excitare.

*Dolor ca-  
pitis, re-  
num, Uteri  
atque Vagi-  
nae.*

His præhabitis ratio suadet ægras modò torqueri dolore capitis, & renum, modò Uteri, atque Vaginæ immodico calore, & cruciatu, præsertim si massa sanguinis benignioribus vacua particulis; imò fatura nitrosis, atque salis feminibus, aut acidis, ac pungentibus moleculis subacta alluat, contaminet, & lædat Uterum, atque Vaginam; ac proindè erodat, stimulet, ac lacessat stamina cuncta invicem mirè intertexta, singulaque vasorum genera Renibus, Utero, ejusque finitimis partibus fæderata; nam si tela tentatur, si trahitur nimirum filamentum unum in rectum protensum, aut trahatur alterum, quod superequitat, in obliquo, simul omnia repente debent moveri, illicò debet diffundi, & communicari tremor usque ad oppositas telæ extremitates. Ita membranæ, nervi, & innumera vascula variè adinvicem implicata, ac in Uterum protensa, si labentis humoris vitio omni acrimonia, & sale referti stimulantur, & pungantur, illicò tendantur necesse est, & tremore concutiantur nervi capitis, eorumque involucra, nervi item Renum, Uteri, Vaginæ, Tubarum, aliarumque partium adjacentium. Quocumque ergò modo irritantur, aut dilaniantur memoratæ partes, quasi aquæ stygiæ contactu, dolore, sive calore supra omnem resistentiam vexantur, & solvuntur, sive variis ulceribus contaminantur.

*Fluorem  
producit  
mensium  
Profluvium.*

Cum Mensium Profluvium (haud interdum dubia causa hujus morbi) velocitatem, ac libertatem humoribus adaugeat, simul adaugeat oportet vim

com-



compressivam, qua Uteri, & Vaginæ partes constringuntur, atque comprimuntur, ac proinde imminuat resistentiam, atque laxitatem inducat in singulis rugis, in omni ramificatione flexuosa canaliculorum, uno verbo in omni puncto singularum flexionum vasorum sanguinis excurrentium per Uterum, Vaginam, &c. Quarè si Profluvii, ac albi Fluoris eadem recensentur causæ, uni, & alteri morbo communia debent esse symptomata.

Exfurgere autem Fluorem album à vitiosa temperie totius corporis declarant tabes, cachexia, atque flacciditas organorum, quorum rara textura apparet solum imbibita dilutis, lentis, noxiæque indolis humoribus in modum spongiæ cænosa aqua madidæ; quorum diutino vitio fibræ, & villi contractiles tabe, vel marasmo consumuntur; vel quod minimum est, pravis, ac deterrimæ indolis moleculis fluidis infarciuntur, ac propterea omni humorum impuritate saturi, quasi per Uteri, & Vaginæ colluviarium foras derivant lympham sæculentam, aliosque simul cænosos humores. Exfurgere item constat ab Uteri, & Vaginæ vulnere, tumore, ulceribus, quorumcumque Viscerum læsione, aut laxitate humorum; soluta unitate humores ad Uterum derivati nec benè miscentur, nec defæcantur, sed singuli pravas illas nanciscuntur differentias, quæ valent coeuntia vasa aperire, ac seipso excudere, & tunc Patientes summa cum molestia premuntur. Exfurgere demum patet à Mensibus plus justo detentis, vel à nimio conatu difficilis partus, in quibus affectionibus sæpissimè secernitur saniosum, & icorosum quoddam jugi

*Fluor à Vitiosa temperie.*

cruo-



cruore perfusum, quia nequeunt machinulæ fibrarum, earumque disjunctæ cohesiones restitui ad primum connisum; quare per raram illam contexturam, forsan exsolutam, & flaccidam vasculorum per Uterum, & Vaginam repentium, quasi per saccum dissutum, & infractum stillatim effluunt sanies, lymphæ purulenta, vel dealbatus cruor; quorum lutulenta substantia supra resistantiam vasorum congesta adeò imbuuntur, & madent pudenda, ut tumida, & stillantia fiant.

*Observatio*  
*cadaveris.* Rem diu jam mihi planam fecit Mulier vigesimum quartum annum agens, quæ post nimios conatus partus difficilis correpta fuit sævissimis doloribus in tota regione abdominis, & potissimum in Utero, & Vagina cum cruore prius prodeunte, inde minus florido, postea pallido, demum lata lochiorum effusione. Quibus symptomatibus post sexagesimum à partu diem aliquantulum moderatis, ærsurgere cæpit à cubile, sed majori dolorum molestia, ac ulteriori exitu Fluoris albi torquebatur. Tertio autem à partu mense evanuerunt dolores, sed Fluor albus adhuc perennans universum corpus valde extenuabat; demum post nonum mensem, quasi liquidorum fomite subducto, corpus aridum, & macie consumptum evasit, ac idcirco fons vitæ, & stillicidium albi Fluoris uno tempore cessarunt, non aliter ac rivuli exarescunt ex pluviarum penuria. Aperto itaque recta laniene cadavere, nudis oculis aspexi Uteri fundum, ejus cervicem, & Vaginam esse quaquaversum tectam tumidis vasculis tum lymphæ, cum sanguinis, unaque variis, ac inæqualibus glandulis,



lis mole adauctis, atque prominentiis adinstar hydatidum, & cotyledonum; in interjectis verò spatiosis excoriationes, ac scissuras, hinc rubro, illuc nigro colore perfusas observavi, indè lata, & rotunda Uteri ligamenta non parùm laxa, Tubas Falloppii, multis, itidemque tumorosis vasculis, & præsertim lymphæ fæcundatas; item libero obtutu vidi foramen in Tubarum extremitate satis adauctum, illique circum adstabant involuta, & implicata vascula, quæ ob eorum laxitatem nodum funis pluries implicati emulabantur: observavi ulteriùs fimbrias Tubarum, quarum beneficio Tubæ ipsæ plerumque testibus annectuntur, esse tenas, & vasorum myriade refertissimas, Testium item ligamenta, quibus Utero conjunguntur, multis vermiformibus vasculis lymphaticis, aliisque crasso, ac veluti arenoso humore plenis; tandem clytoridem, ejus crura, & musculorum principia, simulque nympharum, meatum urinarium, ac pudendi labia esse extra choætionem suam, ac multis asperitatibus & prominentiis onusta, imò nigro, ac flavo liquidorum colore inquinata; &, quod rei caput est, labia, & Vagina variis in locis erant ita dura, & rugosa, ut humores concreti, ac ferè tartarei vix cultro cederent. Ex iis asserere non dubitavi, non rarò morbum hunc progigni à partium solutione, ut de Profluvio assereram.

Hæc rationibus, & observationibus innixa doctrina multorum animos ad se allexit, ideoque Medentes excitat ad ejus examem: quamobrem alii fulciunt fibras nimis laxas, & solutas, alii liquidorum impetum retundunt, & calorem temperant tum præ-

*Judicatio  
curationis.*

scri-



scriptionibus Aquarum Thermalium, & præsertim agri Lucani, quas jure optimo laudat, & commendat disertissimus, atque doctissimus Regali; tum usu lactis, cæterisque auxiliorum generibus, ut de Profluvio Mensium innuebam, sive veriùs, ut de Fluore albo consil. 86, & 87 publici juris fecit Vir cognomento immortalis Malpighius.

## C A P U T V.

### *De Passione Hysterica.*

#### A N T E C E D E N T I A.

**U**teri suffocatio est diversorum affectuum invicem concurrentium series, oppugnans virtutes, actionesque nunc unius partis, nunc plurimum simul. Variis insignitur nominibus hic Morbus, à multis enim appellatur Strangulatio Uteri, Passio hysterica, Convulsio Uterina, Spasmusque nervorum, ab aliis Asthma, & Hypochondriaca suffocatio, cujus vi plùs, vel minùs vexantur Mulieres, quatenus magis, vel minùs Uterus, cerebrum, & nervi à pravis humoribus irritantur.

Huic Morbo præcurrunt otium diuturnum, vita inexercitata, animi angor, nimis lauta victus ratio, humorum plenitudo, naturalium secretionum carentia, vigiliæ improbæ, & his similia.



**C O N I U N C T A .**

**A**Dhzrent Passioni hystericae virium languor, pallor faciei, vel rubor penè flammineus, nausea, murmur ventris, alvi proluvies, respiratio difficilis, angustia œsophagi, palpitatio cordis, pulsus imminutus, ac veluti abolitus, tremor in toto, vel in parte, delirium, vertigo, surditas, cæcitas, dentium, capitis, manuum, aurium, aliarumque partium dolor, urinæ suppressio, vel ejusdem profluvium; abdominis, & contentorum partium tensio, vel convulsio, oculorum inflammatio, lacrymæ involuntariæ, vocis privatio, vel garrulitas, sensus, & motus interturbatio, demum sudores, madores, atque frigus extremitatum. Quorum omnium modò hæc, modò illa magis, vel minùs infestant, vel citiùs, aut tardiùs recurrunt prout major, vel minor est vis causarum.

**S U C C E D E N T I A .**

**A**D hunc Morbum ingenerandum concurrunt sæpè prima rerum semina, mole quidem parva, sed maxima virtute, quorum vires inæquales, motus dissoni, figura, situs, & proportio inconcinna, causæ plerumque sunt diversarum affectionum, quæ difficillimè curantur, ut observant, qui Mulieres, earumque temperiem, humores, & partes rationibus, & observationibus sedulò examinant; ex his autem clarè patet, quàm facile sit prima fluidorum

O

rum



rum componentia mutare ordinem, vim, & mistionem, ac idcirco varia symptomata inducere per solam eorundem interturbationem, quæ quò plùs, vel minùs excrescit, ac veluti varias procellas excitat, eò magis, vel minùs laxat, & depravat coherentiam aptam, atque contactum minimorum componentium, ita ut mutuò obire nequeant amplius actiones proprias, easque moliri vires, ac reciprocationes, quemadmodum decet; nam tunc corporis partes vitio correptas dicimus, quum debita ratione sibi non respondeant, neque illis est ulla concordia, ac mistio; tunc enim connisus machinularum perturbatur, ex quo oritur dissolutio; cum activiores, magisque effrenes particulæ, quæ delitescabant, vel implicabantur, liberè erumpant, ac tumultum fuscitent in tota fabrica; imò cum resistantiam non inveniant, suapte natura se se diffundunt, laterales fibras urgent, alternèque lædunt, atque læduntur; si verò partium aliqua resistantia illis occurrat, quæ sit superabilis, quantum hæc illis adimit virtutis, tantum pars vel se se retrahit, vel laxatur.

Toties igitur lucta prædictarum partium intenditur, vel remittitur, quoties solida pars cedit, & laxatur, fluidumque tenue repentè effunditur, præfertim si ab utroque suboritur effluvium volatilium particularum ignis naturam redolentium, quæ sui juris factæ vehementiùs penetrant, & quodammodo solvunt cuncta, quæ illis occurrunt. Hinc nihil aptius ad hunc Morbum excitandum reperiri posse existimo particulis ignis, salis, ac aeris, quorum semi-



mina millies divisa, atque attrita satis accomodata videntur ad superandas quascumque resistentias, æquè ac promovendam quamcumque agitationem, motumque violentum, uno verbo, ad tumultum suscitandum.

Ad hæc symptomata promovenda plurimùm faciunt celer exsolutio ignis in medio fluidorum, unaque salis, ac aeris, vel acidarum particularum copia impuris humoribus respersa, vel retentio secretionis eorum, quæ hæc ipsa symptomata producant; plurimùm, inquam, faciunt quantitas ignis, copia salis, atque aeris laxitas, quæ tempore circuitus sanguinis, aut diffusionis absorbent, & disperdunt multum aquæ, ac feri perspirabilis valdè utilis ad opus separationis, atque eliminationis; imò ad frænandum, quod adhuc involutum, & implicatum est, vel ad coercendum quod est à vinculis solutum, & nimis mobile; demum plurimum faciunt exteriora cuncta ad res non naturales pertinentia, præsertim si fuerint cum abusu; hæc etenim liquidorum motum modò celeriores, modòque tardiores reddunt, vasorum tumescuntiam, & plenitudinem inducunt, proindeque texturæ exsolutionem, & laxitatem, vel temperiei depravationem in uno corpore citiùs, quàm in altero pariunt; vel quia mitionis vinculum facilè tollunt, vel quia mixtorum tenuiores substantias absumunt, quæ tunc sine obice diffunduntur, penetrant, & in vaporem abeunt; ideòque citissimè nervos ubique dispersos lædunt, vel quidquid igneum, atque ætereum in corpore delitescit, ita disponunt, ut quæ sibi occur-



runt impedimenta, facile valeat remove, ex quibus percipitur majus, vel minus momentum causarum, ac vis inæqualis resistentiarum, quæ in suffocatis observantur.

Tria sunt præ cæteris ad hanc Uteri suffocationem, multarumque partium, aut omnium simul celerem concussionem inducendam, agens scilicet validum nervos universim, ac Uteri præcipuè lædens, resistentia facile superabilis, & remotio impedimentorum. Inter hæc non immeritò primum sibi vindicat locum valida agendi vis, exsurgens a liquorum vitio, figura permutata, impetu, ac libertate molecularum, nervos præsertim accolentium, quarum momento aliæ majori, aliæque minori velocitate transvehuntur; quatenus magis, vel minùs luxuriant, igne abundant, vel degeneris sunt indolis; quod sensu ipso percipitur in ligno ignito, cujus componentia in varia resolvuntur effluvia, quorum alia nunc citiùs, & alia nunc tardiùs in hanc, vel illam partem diversimodè tendunt, & evolant; quinimò inæqualibus fruuntur viribus, ac directionibus, uti dilucidè observatur in pice, thure, cera, pinguedine, oleis, sulphure, nitro, bitumine, aliisque purioribus, vel impurioribus liquoribus natura, vel arte paratis; quorum substantiæ, etsi magna scateant igniculorum copia, tamen eò plùs, vel minùs, citiùs, aut tardiùs agunt, quò plùs, vel minùs puriori igne sunt refertæ, ac igniculi ipsi magis, vel minùs implicati. Hinc spirituosæ substantia, quæ exsolvitur, & exploditur à mixto liquorum existentium in Utero Mulierum in nervis,



vis, in fibris, ac funiculis eorundem, vel cujuscvis alterius visceris plùs, vel minùs diffunditur, citiùs, aut tardiùs fit tumultuosa, quatenùs majori, aut minori patitur copia volatiliùm particularum ignis, nitrosi salis, ac aeris; nec mirum est, se ea interdum, quibus Mulieres divexantur, tantò velociùs se prodant, quantò magis memorati humores spirituosì superant alias corporis partes virtute, ac simplicitate. Hæc namque diffusio substantiæ succi nervorum constat minimis corpusculis tanta velocitate pollentibus, ut tota eorum unio, & vis citissimè resolvatur; hinc non immeritò fortassè crediderim, dictum succum vividissimum esse florem, sive spiritum lymphæ, ut solidè in opusculis scripsit Bellinus, cujus prima semina, si tam facilè expanduntur, tamque velociter organa pervadunt, movent, fulciunt, contrahunt, & distrahunt, tantaque facilitate evolant, atque in auras abeunt, jure existimanda sunt sulphurea, salina, & aerea, ideoque diversarum figurarum, atque tumultuosæ indolis; quare sive nervus irritetur in Utero, in capite, in visceribus, aut in minima fibra cujuscumque partis, illicò spiritus lymphæ momentum violati contactus veluti persentiens, ac aliorum humorum percussiones quodammodò expavescens, statim adauget vim, in fugam facillimè conjicitur, quacumque contorquetur, & propriis disiectis particulis adinstar motus turbinis citissimè permeat, & penetrat nervos, ac mûsculos, convulsionemque procellosam vel in aliqua parte, vel in tota fabrica excitat. Tandiu igitur hujus humoris vires adaugentur, quamdiu



diu minima ætuantis lymphæ alternè tumultuantur, & per multas incursiones deflectunt à viis suis, superantque singulas resistentias, quibus partes partibus concinnè adhærent.

Ad quamcumque ergò corporis partem, irruere potest indiscriminatim jactatus spiritus, qui dum violenter exploditur à suis receptaculis, omnem fluidorum missionem, & solidorum contactum intervertit; & quemadmodum ex percussione filicis cum chalybe novus ignis educitur, ita in hoc perturbato motu novus ignis, novaque scintillarum expansio in toto corpore exurgit; ac propterea motus omnes, sensationesque violentur, & quandoque etiam deficient necesse est; nam si commeat sine ulla lege, & æquo citiùs penetrat memoratus spiritus villos, & filamenta cuncta, in quæ irruit; si nullas patitur inducias, nullaque resistentia coercetur, vel in machinulis tumultum infert, vel earum contexturam, arctamque cohæSIONem solvit; quinimò si motum adeò tremulum instituit, ut ejus perenni vi rursus atterantur, atque agitentur tam nervorum succi, quàm illi, qui per arterias, & venas fluunt, qui quidem ita jactantur, invicem confunduntur, atque alliduntur, ut post certum tempus reddantur tenuissimi, ideoque in auras priùs abeant furibundæ ignis particulæ, indè aeris, demum attriti salis, quorum minima segmenta jam exsoluta penetrant, erodunt, & elimant partes, quas tangunt, easque veluti perterebrant, & laxant; tunc certè mirum non est, moleculas solidorum destinatas motui, & sensui laxari, ac imbui humoribus



bus pravis quasi aquæ erodentis, atque idcirco valdè depravari, ac distitui motu, & sensu, quemadmodum non rarò observare occurrit in hoc Morbo.

Verisimile profectò est motibus variis agitari spiritum lymphæ in nervis tam intrà, quàm extra cerebrum existentibus; nam eorundem figuræ diversitas, extensionesque millies implicatæ, & in modum glomeris involutæ plura habent impedimenta, quæ in musculis, in glandulis, visceribus, venis, arteriis, imò in qualibet minima fibra tam Uteri, quàm alterius partis, motuum velocitates, directiones, atque respectus variare, ac propterea spirituum momentum magis, vel minùs diffundere, faciliùs, vel difficiliùs vim exerere, magis, vel minùs resistentias augere vel superare, ac villorum energiam infringere possunt. Negandum tamen non est, quòd tametsi spiritus nervorum certas motuum leges non servet in hoc Morbo, quædam tamen partes organicæ aliquam retinent motuum proportionem, quod etiam si planè enucleari à me non sinat brevitatis, cui studeo, facilè tamen intelligi potest ex iis, quæ variis partibus contingunt; harum enim aliæ torquentur à magis, vel minùs impuro lymphæ spiritu turbatim se movente sine debita directione, & velocitate; aliæ verò ab impulsu ejusdem velociùs, vel tardiùs irruentis, atque permeantis partes, vel ab illius substantia magis, vel minùs procellosa; quod ut lucidiùs demonstretur operæ pretium est concipere spiritum lymphæ adinstar fluidi subtilissimi veloci-  
ter, & inæqualiter per varios, ac tortuosos ductus  
mo-



motum suum peragentis, vel in similitudinem venti, cujus impetus variè urget, impellit, & plùs, vel minus enititur adversùs ea, quæ objiuntur, quatenus variæ sunt circumstantiæ loci, temporis, & mobilium, quorum causa diversi observantur effectus; quare hic ventus resistantiam invenit, & reflectitur, hic novam vim, novamque directionem nanciscitur, alibi verò resistantiam superat, sibi que viam parat, & transvolat, nunc jactat, collidit, frangit, ac corpora discindit, demùm æquat solo quæ valde urget. Ita in Mulieribus suffocatione Uteri vexatis tumidus spiritus, irrequietus, & turbulentus in nervis, ac fibris madidis, aut quovis haud infonti humore subactis enititur viribus cunctis impedimenta disjicere, & prætervadere; quare nunc vires intendit, concutit, pungit, ac veluti perterebrat ea singula, quæ lustrat, nunc illa & alia in varium tremorem conjicit, ac inæquales percussiones in singulis partibus incutit.

Quomodocumque igitur infestentur nervorum funiculi desinentes in cerebri finitimam, aut satis remotam partem, repentè diffundatur oportet concussio succi nervorum per universam substantiam, eorumque diffitam protensionem. Nam ea est nervorum natura, ut uno nervi termino irritato fiat refluxus memorati liquidi versùs partem oppositam, ideoque etiam percipiatur molesta sensatio in altero, ut accidit in levi narium, aurisque punctura, cujus vi adeò tenduntur, atque jactantur nervi capitis, imò thoracis, & abdominis, ut sternutationes, pandiculationes, & tusses vehementes, vel tremores, ac concus-



cussiones diversæ excitentur . Si ergò stimulis torquentur nervi Uteri, illicò agitur contentus liquor, & urget fistulas spongiosas, motum procellosum variis musculis impertit, ac idcirco dolorem; in ventriculo nauseam, aliquandò vomitum, indè inducit diarrhæam, in cute asperitatem, & rigorem, in artubus superioribus, atque inferioribus tremorem, in pectore tensionem, angustiam, & tusses; in renibus pondus, atque calorem, ac proindè nunc celerem, nunc tardum pellucidæ urinæ transitum; in maxillis molestam, dolidamque dentium collisionem, uno verbo, in singulis musculis, ac villis contractilibus tumorem flatulentum, convulsionem, seu, quod in idem recidit, motus inordinatos progignit.

Diversi quidem sunt velocitatis gradus, quia diversa est liquidorum indoles, figura, & quantitas, quibus Mulieres inficiuntur juxta diversitatem habitudinis, ætatis, & temperiei; ex quo fit, ut minimæ partes fabricæ Uteri, atque totius corporis non solùm contactus debitos, nexusque amittant, verùm etiam diuturnis, pluriesque repetitis divulsionibus consuetas resistentias deperdant. Insuper hujusmodi inæquales, & furibundi motus, tam variis, adeoque noxiis stimulis promoventur, ac à tam diversis fibris, & villis exeruntur; ut spiritus summo cum discrimine profilient è suis conceptaculis, & cursitent turbinatim per diversos majores, & minores vasorum ambitus, quorum majus, vel minus spatium retardat vim directionis quamplurimis vasculis, in aliis eam conservat, vel accelerat; ac proindè major, quàm par est, fit explosio memorati succi, qui id-



circo ea , qua decet ratione , non derivatur in fibras , nec illas debita movet concinnitate . Dignoscitur id vel sensu ipso in tormentis muralibus , variisque sclopetis angustioribus , vel latioribus , imò in diverso pulvere pyrio majori , vel minori nitri , ac sulphuris quantitate referto , ac propterea magis , vel minùs agente , se seque diffundente tum intrà , tum extra memorata tormenta bellica .

Nec dubitandum , quin in nervis Uteri , capitis , aut cujuscumque alterius partis spiritus sit concitaturus varios vortices , sive vertiginis motus , postquam ob ejus prava semina plures , validasque dissolutiones induxit tam in nervis , quàm in villis contractilibus , cum motus verticosus exoritur ut plurimum ab oppositis directionibus , à diversa vi , ac tenuitate materiæ mobilis in loco inæquali laxo , ac resistentiis carente , & quamplurimis impedimentis obnoxio . Si ergò spiritus lymphæ constat seminibus jam indicatis , nimirum sulphure , fale , & aere , nemo non videt , aerem in summa raritate constitutum , ac vi elastica præditum modò unam , modò alteram posse directionem consequi juxta impulsuum diversitatem , ideoque varios motus edere ; similiter sulphurem , dum ignescit , & diffunditur , posse circumduci , & directiones oppositas repentè acquirere ; falem denique modò huc modò illuc fortuitò titillare , ac idcirco violentam vim percussionis , & velocitatem inæquali directioni conjunctam peragere .

Pro hujus rei clariori intelligentia , tu , qui hæc meditaris , revoca in mentem , quæ contingunt in  
flui-



flumine, quæ nempe in eo fiunt ex riparum curvitate, ex varia angulorum dispositione, ex alvei inæqualitate, ex occurribusque diversis; & statim percipies aquarum vortices, fluctus, ebullitiones, celeriores motus, ac tardiores, directiones, impetus, velocitates, spumas, atque strepitus ab illis oriri. In memoriam item revoca quicquid accidit aquæ, cum intrâ ipsam injicitur lapillus, aut quid simile, videbis enim statim universam illius superficiem disponi in varios circulos concentricos, qui ex ordine promoveantur; sed si plures lapilli eodem, vel diverso tempore in aquam decendant, non amplius distinctos cernimus circulos inter se concentricos, sed quot sunt decedentes lapilli, tot sint oportet circuli, qui variè laxantur, ac proinde invicem occurrunt, opponuntur, mutuòque vastantur. Hac eadem ferè cogitandi methodo, spirituosæ lymphæ, nervos accolentes, suis exillimis, atque angulosis salis particulis summa acrimonia refertis, cæterisque minimis se se quaquaversum diffundentibus, inæquales protensiones nervorum, potissimum in Utero serpentes, sensu molesto sollicitant; & tam multos, variosque irritationis effectus producant, ut minimi earum cuneoli, superadditis contractionibus, se se veluti alidant, humoresque impellat in circuitum procellosum tanta vi, quanta est necessaria perturbationi motus, & quandòque etiam eversioni corporis universi.

Quarè si resistentiæ in unoquoque solido, ac multò magis in fluido sunt facile superabiles, cum memoratus lymphæ spiritus constet principiis, ut



expofui, volatilibus, quorum actuoſæ moleculæ, & præfertim valdè laceſſitæ minimum habent nexum, & contactum, ut colligitur ex eorum penetrandi vi, elaterio, indole, motu, & figura, quorum cauſa, adinſtar fulminis diſcindentis cuncta, quæ tangit corpora, prætervadunt, & diſturbant in nervis, in Utero, atque in tota fabrica quicquid occurrit tanta velocitate, quanta eſt vis ſpirituum, eorundemque exploſionis energia. Hinc quomodocumque ſoluto miſtorum fœdere, mirum non eſt, ita violari, ac detorqueri directiones, vires, atque velocitates agitati ſpiritus, ut illico auferantur occuſus, ac ſuperentur impedimenta; nam hoc eſt tantò facilius factu, quantò magis ſunt actuoſæ, & turbulentæ particulæ luxuriantis ſpiritus lymphæ, quæ ubi iſtum, nixumque ſuum exercent, illic excitent neceſſe eſt concuſſiones, tremores, atque diſſolutiones, ex quibus fit, ut villi contractiles, nervi, Uterus, imò tota fabrica vacillet, ut ex Antecedentibus infra examinandis patebit.

*Perspiratio  
impedita.*

Non eſt dubitandum quin partes, atque humores Mulierum ſcateant interdum aliquibus feminibus ſæviſſimum hunc Morbum ingenerantibus, quorum particulæ defectu perſpirationis in corporibus præcipuè inexercitatis nunc adauctæ, nunc ubique circumſperſæ, involutæ, & implicatæ aliquandò torpeſcant, à debitisque recedant conditionibus; imò facile in una, aut altera Uteri parte, in glandulis, fibrarum ſpongiolis, ac in nervorum propaginibus involvi, congerique poſſunt, ac idcirco dimittere naturalem vim motus. Quare ſi feriantes, diuque otioſæ



ſæ maneat fibræ, quæ priùs ſuis contractionibus, & diſtractionibus conſuetis, ac ſuperadditis plùs, vel minùs urgebant, attenuabant ejiciebantque ſupervacanea, ac idcirco nonnulla effrænata corpuscula ignis, ſalis volatilis, aerisque nimis rarefacti nunc tranſpiratione, nunc madore, fuliginibus, atque aliis fumofis effluviis, quorum exitu corpora benevalebant; ſi, inquam, villi, & fibrarum filamenta otio laxantur, & humorum imbuuntur ſaburra, cujus cauſa paulatim retardantur Menſes, illisque intermiſcentur, implicantur, & contaminantur activa ſemina, quæ tunc veluti ſopita, & inquinata videntur invicem ſiſtere; ſi demum poſt datum tempus, quacumque vi etiam leviffima, quovis motu, & impulſu ſe ſe in libertatem vindicent memoratæ particulæ, poſſunt certè mutuò agere, cunctoſque ſolicitare humores, ac partes, & ſe ſe quodammodò ſuccendere, & explodi in medio tot impedimentorum adinſtar fulminis in medio nubis, ideoque vel ſuperare, vel intervertere vires, violare directiones, ac proinde Uteri ſuffocationem producere.

Item animi angor incitat facillimè minima corpuscula ſucci nervorum, eaque non parùm concitat, *Animi paſſiones.* & quandòque etiam diſſipat; hinc ſequitur nonnulla eorum ſemina tam levitate propria, quàm vi ſuperaddita ſe ſe elevare, & rapidiffimè in quamcumque partem indifcriminatim irruere; igniculos videlicet dicti ſucci penè ſuccenſos, & ſales volatiles valde jactatos vibrari, diſfundi, & diſperdi, ac propterea circumfuſum aerem adeò rareſcere, ut tota gravitas illi quodammodo tollatur: quare Mulieres in-



interdum angore gravata triplici hoc principiorum vitio adeò laceffiri, variè laxari, atque tumescere solent, ut vascula etiam exillima sanguinis quaqua-  
versum mirè protensa, & præsertim quæ in in cornea oculi tunica irretiuntur, tumeant adinstar illarum vesicularum, quas hydatides Medentes appellant; quod quidem suboriri minimè creditur ab aliqua plenitudine, sed à tumultuoso spiritu plùs æquo in minimis tubulorum fibris luxuriante, fluidaque rarefaciente, ideoque aerem interspersum urgente versùs latera vasculorum; quò major ergo, aut minor fuerit animi vexatio, eò major, aut minor sit oportet commotio, velocitas, ac interturbatio spiritus lymphæ, qui quantò magis, vel minùs diffunditur, dissolvitque contexturam machinularum astruentium fibras, & vasa, tantò citiùs, vel tardiùs penetrat, depravat, præpedit, ac pervertit vires, exercitationesque corporis ægrotantium: hinc sepè observavi in nonnullis inchoare Morbum hunc cum globi ascedentis molestia, cum hypochondriorum tensionibus, rugitu, eructatione, & vomitu: in aliis adverti momento citiùs musculos gutturis sursum ita convelli, atque tumescere, ut deglutitio, & anhelitus præpediantur: in aliis novi eclipsim facultatum animalium, ac veluti cadaverosum aspectum, deinde post aliquod intervallum spasmos in variis membris excitari, viscera etiam inflari, & quandòque immaniter jactari, atque concuti præcordia.

*Irrita-  
menta gu-  
la.*

Aliquandò autem Mulieres nimis, variisque obsoniis, & gulæ oblectamentis indulgentes, ac sæva labe torquentur, cum ædulia præter quantita-  
tem,



tem nimis ingestam, ideoque noxiam, scateant abundè ignis, salis, & aeris, aliisque diversæ indolis particulis, quæ debita copia in massa sanguinis congestæ facilè tumultum suscitant, premunt, & urgent vasa, in quæ derivantur; ac propterea nervos circumundique irritant, ex quo fit, ut spirituosæ lymphæ proprio elaterio cogantur humorum circuitum magis, magisque propulsare, contractiones, ac fibrarum distractiones consuetas repellere, aliosque indebitos motus moliri; memoratæ namque æduliorum moleculæ citissimè partim aeris, partim ignis vim nanciscuntur, ideoque laxant vasa, disjiciunt, & rarefaciunt fluida contenta, aeremque intermixtum; imò quia variè semper in diversis habitudinibus vires exercent, diversimodè propterea agunt, vel quia tentant permeare, nec possunt, vel quia villorum inanitates aliquantulum solvunt, violant, & turbinatim movent, hinc igniculi cibariis interspersi invicem pugnant in loculis organorum, atque inanitatibus fluidorum, vel facilè cedunt, tum quia fiunt magis, vel minùs impuri, & majorem, aut minorem vim amittunt, majorem, aut minorem resistentiam inveniunt, eamque plùs, vel minùs superant; cum etiam quia propter inæqualem agitationem à dictis feminibus promanantem singula minima machinularum variis oscillationibus oscillant, ac idcirco violant cuncta naturæ ministeria.

Nemo est, qui non noverit, dummodò Medicorum monumenta pervoluerit, humorum plenitudinem in hoc Morbo laxare vasorum fibras, ea-  
*Plenitudo humorum.*  
rum-



rumque cuneolos alternè fœderatos ita sejungere, ac illorum inanitates infarcire adinstar conditi corii, vel chartæ madidæ, ut valde turgescant; ideoque nervos premant, inficiantque contentum liquidum, cujus proindè substantia, ea, qua priùs ratione, nec fluit, nec refluit, nec ritè villos lustrat, nec eos aptè movet, quinimò tumultu quodam jactat, & molestè afficit Uterum, nervos, ac fabricam universam.

*Secretio-  
num ca-  
rentia.*

Plenitudinem quandoque sequitur carentia secretionum, quæ in Mulieribus tam per Uterum, quàm per alia consueta loca fieri solent; constat enim Uterus quemadmodum alia organa vasculis partim perviis, partim imperviis, imò quamplurimis machinis mutuò fœderatis, consentientibus, vicissimque agentibus; quæ si stipentur prava liquidorum congerie, si alluantur, & quadam veluti humorum lacuna undique obsideantur, nulla est illis integra resistantia, nulla integra facultas, ac operatio; fibræ siquidem evadunt languidæ, laxæ, ac veluti spongiæ, contaminantur etenim, vel tenduntur, quasi funes madidi; vel pulsantur, aut quovis impuro humore subactæ variis quodammodo stimulorum aculeis punguntur, oscillant, atque tremore convulsivo corripuntur, cujus violentia, fæva illa symptomata contingant oportet, quæ prædictis partium laxitatibus, & inquinamentis respondent.

*Vigilia.*

Vigilia improba si in Mulieribus diu perennet, excitet oportet incompressos motus succi nervorum, tam per hiatus eorundem nervorum rapidè

ex-



excurrentis , quàm sua diffusionè , ac præternaturali intillatione villos irritantis , ideoque jugiter fuscitantis tensiones , laxitates , & concussiones in fibris , ac nervis ; præeunte itaque quacumque stimulorum vi , ac humorum labe præpediente consuetam secretionem , vel excitata quacumque animi cura , corporisve indebita exercitatione nimiam inducente vigiliam , interturbantur motus universi , tunc enim spirituum tumultus fit , qui naturæ ordinem invertit .

His præhabitis , ut quisque intelligat internas causas conjunctorum Symptomatum hujus Morbi , *Conjuncta Symptomata .* observet oportet violentum motum nautici veli tempore turbinis , & procellosi aeris ; cujus impetu velum ipsum modò tumet , modò implicatur , modò explicatur , tenditur , flectitur , & quandoque etiam discinditur , imò si nimia ventorum vi concutiatur , frangit arborem , cui inhæret ; ita Uteri membranis , nervis , musculis , fibris , ac villis contractilibus accidere aliquando posse , facile erit reputare ; etsi enim memoratæ partes , cum debito spiritu muniuntur , aptè contrahantur , distrahantur , & circumprimantur , ac sanguinis copiam , qua in modum veluti spongiæ erant imbutæ , naturaliter urgeant ; eadem tamen si nimio conatu sollicitentur , premanturque ab impetu succi nervorum se se quaquaversum diffundentis , illicò totum corpus violatur .

Virium etenim lassitudo exoritur à dissono motu spirituum languidè , & ineptè fibras illustrantium , ut res obversatur oculis in candelæ , aut lycni

*Lassitudo virium .*

Q

flam-



flammula vento jactata, quæ etsi multum ceræ, vel olei absumat, nihilominus parùm diffundit luminis; quare licet spiritus naturales stimulis concitentur, & tremore præternaturali afficiantur, atque evanescant, tamen parum virtutis, ac roboris impertiunt villis, & fibris contractilibus; quinimò si materies ceræ, ac olei fuerit fordibus imbuta, impurum lumen projiciat oportet, vel extinguatur: quod idem prorsus declarant fluida Mulierum à retentis Menstruis, vel alia labe inquinata; ipsorum enim causa tum contractionum, tum cohæsionum momenta languescunt, & omnis vis quodammodò perit, tam ob filamentorum, ac tiliarum solutionem, quàm ob inopiam, atque impuritatem particularum ignis; quæ quò faciliùs contaminantur, vel latibulis variis coercentur, aut ramosis moleculis involvuntur, eò difficiliùs exsolvuntur, ac propterea minùs, quàm par est, fibras, atque villos muniunt: idipsum occurrit in hac Morborum concitatione, non fecùs ac si Mulieres existerent in navi, marique procelloso concuterentur, nam sedata quoque agitatione videntur nihilominus Mulieres destitutæ omni vi, atque adeò vacillare, ac revolvì, ut consistere nequeant.

Color

flammeus.

Flammeo interdùm colore irradiantur tam Mulierum genæ, quàm universum cutis stratum, dum liquida vehementer moventur, jactantur, & forsan plùs æquo congeruntur in Uteri vasculis, quæ oscillationibus, quibus moventur, premunt, & urgent oleosas, aliasque ignis particulas fluidis circumfusas, simulque cæteras pulsant versùs latera mem-



membranarum; ac veluti successiva explosione vegetiorem contactum per quemlibet ductum exerunt, vicissim cientur, & confricantur, ideoque irritant, & tumidas quandoque reddunt machinulas vasorum quaquaversum per cutem excurrentium; huc accedit spiritus sæpè nimis fervidus, ac solutus, cujus tenuissimæ particulæ vehementi fluxu, & refluxu, quo pollent, citissimè instillantur; imò momento citiùs diffunduntur adinstar fulminis in quamlibet fibrarum inanitatem, eamque in modum vesiculæ inflant, ac veluti tot cuneolis solidas machinulas elevant; hinc humores concitati irrunt in loculos interjectos, ibique irretiuntur, atque consistunt, ac propterea solidæ moleculæ adinstar spongiæ saturæ dictis liquidis, atque irritatæ flammeum colorem præferunt.

Verùm si spiritus lymphæ fiat nimis dilutus, & torpeat, vel semina illius adeò deformentur, & subvertantur, ut nativam diffusionis vim haud exercean, minimèque fulciant villos, & fibras vasorum, nec eas aptè contrahant, nec distrahant; ideoque nec ita premant humores, ut fluant, & naturaliter foveant partes, tunc vel furripiuntur, vel implicantur adhuc superstites, impuræ, evanidæ, & languidæ ignis particulæ, quæ veluti obnubilatæ, relictæ, aut vinculis coercitæ tandiu semisopitæ manent; quandiu solvantur, ac redigantur ad suam puritatem, nativamque virtutem, aut quousque fibræ oscillationibus suis, fluidaque naturalibus missionibus restituantur.

*Vividi coloris privatio.*

His præmissis non inverisimile est putare spiri-



*Cur spiri-  
tus lymphæ  
varios mo-  
ditur effe-  
ctus.*

tum lymphæ nunc operari ut ignem, nunc ut  
glaciem vi tenuissimarum particularum contrariæ  
indolis, & liquidorum, quibus commiscetur adin-  
star salis nitri nunc errumpentis in flammam, nunc  
augentis glaciei, ac nivis activitatem. Si igitur so-  
lida, & fluida variè commiscantur, inquinantur,  
& permutant reciprocationes, superficies, atque  
cohæssiones, non poterunt certè minima ignis adeò  
commeare fibras, eas penetrare, ac lustrare villos  
cutis, ut hæc benè colorata evadat.

*Pallor, ac  
rubor va-  
riè recur-  
rentes.*

Pluries autem, & per intervalla pallor, ac  
rubor faciei invalescunt, adinstar ferri modò igni-  
ti, modò extincti, cujus substantia toties amittit  
rubiginem, quoties incandescit, toties eam resumit,  
quoties refrigescit; ita namque rubor, & pallor,  
vi cujuscumque causæ tum internæ, cùm externæ,  
proximæ, vel remotæ, sive ab Utero, ab aliquo vi-  
scere, atque instrumento, sive veriùs à fluidorum  
læsione emergant, hanc cutis varietatem exhibent;  
excitatur igitur tempore ruboris aliquod igniculo-  
rum effluvium, quod statim multiplicat vim suam  
in omni vasculo sanguinis, in omni nervo, glan-  
dula, &c., & incurrens in raram, densamque par-  
tium contexturam eam penetrat, humoresque fa-  
cilè exsolubiles concitat, ac colorem flammeum cor-  
pori impertitur. Clariùs res ita declarabitur, si quis  
cogitet succum nervorum plurimo scatere sulphure,  
eoque admodum exsolubili, parique copia salem;  
& aerem in nervis luxuriare; quorum particule  
violenter fluentes, jugiterque refluentes valdè atte-  
runtur, & diffunduntur; ideoque nitent eo ferè  
pacto



pacto, quo ramenta sulphuris inter filicem, & chalybem intercepta in scintillas erumpunt. Verum enim verò si cessent attritiones memoratæ, si irritantur semina dicti spiritus lymphæ, vel priventur substantia facile accendibili, cessent oportet exsolutiones memoratæ, ideoque cutis coruscationes; quare si in fumum abit spirituosa materies, totum corpus squallido pallore inficitur. Toties igitur pallescunt Mulieres hysterica labe vexatæ, quoties ea non sequitur particularum comminutio, quæ exsolvat, atque succendat sulphuris, nitrique particulas; ac propterea aerem laxet, atque perlustret, & conjunctim vividiores materiam impingat adinstar ignei effluvii in universa solida, quæ si hisce priventur, vel laxantur, aut convelluntur, ac veluti cadaverico colore contaminantur.

Lex autem naturæ nullum in hoc morbo certum locum habet, dum etiam ventriculus jugi spirituum tumultu, variè concussus in quolibet villo, & fibra plùs æquo laxatur, aut convellitur; tunc enim succi, qui in ejus cavitatem derivantur, nimis falsi, & acidi fiunt, & illicò singula stamina irritant, eorum contexturam solvunt, ac propemodum erodunt; quæ licet per aliquod tempus suum obeat munus, verè tamen in longa Morbi duratione non viget inculpata, cum non eadem semper sit spirituum copia, & momentum; hinc diversus sit oportet contactus machinularum solidarum, atque mistio fluidorum, ex quorum dissona combinatione, & motu adeò vellicantur nervi protensi per ventriculi membranas, aliasque partes cohærentes, ut facile recedant

*Ventriculi  
molestia.*



dant à proprio termino ; ac idcirco singulæ tiliæ jam laxæ, & villi vasculorum, atque glandularum minimarum ineptis humoribus imbibiti tendantur, & convellantur ; ac propterea humores magis, magisque depravati potius perturbent, & nauseam pariant, quàm famem excitent.

*Murmur ventris.* Frequens est murmur ventris in Hyſterica paſſione, cum vi interturbati, ac procelloſi ſpiritus lymphæ, non ſolùm vitientur totius frabricæ contractiones, & diſtractiones, verùm etiam intervertantur ſinguli motus ſuperadditi, qui ſunt in cauſa, ut fila-menta vaſorum repentium per Hypochondria faciliùs exagitentur, tendantur, eorumque tiliæ, ac machinulæ mutant conniſum, vim, & reſiſtentiam; & quandòque etiam ſub tot motuum prælo cogantur depromere, ac conſumere multum neceſſariæ lymphæ, ideoque adinſtar cori igni admo-ti exſiccentur. Qua de re nec in ventriculo, nec in inteſtinis tenuibus tunc integræ fiunt attritiones æduliorum, nec chyli elaborationes opportunæ; imò excitatur, & augetur eorum luſta, & quandòque ceſſat, iterumque novus fit tumultus inter liquida glandularum oris, œſophagi, ventriculi, epatis, paucreatis, & chyli malè elaborati; quorum omnium particulæ nimis luxuriantes, mutuòque ſibi occurrentes in cavitatem tenuium, atque craſſorum inteſtinorum inducunt illam agitationem, quæ potis eſt abdomen tumidum reddere, & alvui proluviem ſuſcitare, atque propemodùm reſolvere particulas ſulphureas, & ſalinas in ſua principia, quæ diſperſione propriæ ſubſtantix, & exploſione aeris circum-fu-



fusi vicissitudinem, & missionem fluidorum exsolvunt; nam adeò alternè jactantur, concutiuntur, æstuant, spumant, & fumant, ut aerem circumfusum impellant, & insinuent in spatium Hypochondriorum instar fumosi effluvi, cujus vi, quasi hypocaufti vaporario, rarescunt contexturæ intestinorum, & aer vaporosus, qui successivè solvitur, & successivè permeat membranas variis viribus, ac motibus, quibus universa vasa, & villi cientur, plùs, vel minùs in similitudinem venti urgetur, & reflectitur, percutit latera totius cavitatis, premit, tendit, & plùs, vel minùs agit corpus; ut observare est in cane benè nutrito, ac recentèr exenterato, cujus presso jecore, ac pancreate, bilis, & succus pancreaticus derivantur in duodenum, simul commiscuntur, ebulliunt, tumescunt, & non rarò in tenuissimos vapores abeunt.

Ex hac flatuum congerie, vi, atque Hypochondriorum tumefcentia adeò interdùm circumprimi- Color ictero-  
ricus. tur jecur, ut ejus glandulæ præpediantur, ne bilis separetur: five igitur vitiosæ evadunt machinulæ glandularum, five liquida plùs æquo contaminantur & congeruntur, bilis amarulentæ particulæ nec separantur, nec diametris vasculorum respondent, ideoque sanguine mistæ alluunt corpus universum, illudque icterico colore deformant.

Om nibus notum est, ab eodem spiritu nimis mobili spirandi difficultatem, œsophagi angustiam, ac deglutiendi imbecillitatem progigni, cum modò prædictarum partium nervi, ac fibræ, modò plexus Diversarum  
partium læsio. nervorum jugularium, atque intercostalium, modò pro-



protenfiones occupantes fauces, modò demum nervi octavi paris, ac recurrentes infarciuntur, atque tendantur, imo universi muscoli; adeòque quasi tot funes madidi, ac tenfi, convellant, vel diftrahant totam machinam pectoris, atque tracheolas pulmonis: neque dubitandum est, quin assignata causa producere etiam possit palpitationem cordis, ejusque tardas, ac imminutas vibrationes, cum ad has peragendas necessarius sit influxus spirituum per nervum cardiacum, atque ita necessarius, ut pro varia ratione, qua ille mutatur, mutetur, & pulsus. Videmus enim hoc ira, labore, dolore, aut qualibet alia causa, quæ efficit, ut spiritus frequentius ad cor fluant, ideoque velociori motu cor ipsum urgeant: Intelligimus ulterius spiritus modò frequentiores, modò tardiores vibrationes cordis elicere, prout aucto, vel imminuto eorundem momento, vel aliundè concepto impetu, vel retardato vehementius, aut debilius instillantur in fibras, ac villos cordis. Demum putamus tremorem cum cordis, tum corporis universi irritationem, atque torporem emanare posse à memorato lymphæ spiritu; qui nunc perperam commistus, ideoque impurus, involutus, & devinctus torpet, nunc autem in libertatem vindicatus turbine cietur; quare cuncti nervorum funiculi quacumque repentes inordinatè oscillant, ac proindè spiritus vim percussionis plus, vel minus perturbam progignunt, prout magis, vel minus fiunt turbulentis, aut organa majori, minoreque unione, ac resistentia ditantur.

Delirium, usus rationis impotentia comitatur  
hunc



hunc Morbum, sæpe exorientem à prava indole, & *Delirium*.  
 copia redundantis sanguinis, vel prementis, aut irri-  
 tantis glandulas corticis, membranas cerebri, atque  
 nervorum inchoamenta; seu, quod in idem recidit,  
 agitantis, diversisque stimulis exercentis in pluribus  
 circumferentiis spiritus, qui incurrentibus corpo-  
 ribus in medullam, aut spongiosam substantiam ner-  
 vorum, ac particulis effrenis lymphæ nervos alien-  
 tis commisti, multaque acredine referti, amicè si-  
 mul non conspirant; sed recedentes à debita dire-  
 ctione per varios circulos variè distorquentur, ac pro-  
 ptereà tam diversa agitatione, tumultuosoque con-  
 tactu multifariam nervos pulsant, & inordinatis un-  
 dis adeò se se in fugam conjiciunt, ac irruunt in fi-  
 bras, in vasorumque latera, ut eorum filamenta  
 modò nimis trudentur, modò nimis laxentur, ac id  
 circò rationis species commovent, nullam inter se  
 connexionem debitam habentes, in quo delirium con-  
 sistit.

Ingruit vertigo, ita ut res objectæ Mulieribus  
 Uteri spasmò laborantibus circumagi videantur, cum  
 privantur evacuationibus consuetis, earumque mate-  
 ries, aut quid simile sanguini miscetur; tunc enim  
 in naturali amplitudine vasorum contineri debet &  
 naturalis quantitas liquidorum, & addita etiam ma-  
 teries evacuationum; quare fluidorum copia fit de-  
 bito major, undè arteriæ ampliantur, intumescunt,  
 ac propterea cerebrum constringunt, multumque  
 inquinati sanguinis derivant in glandulas corticis; ex  
 quo fit, ut elutrietur in nervos non parum stimulan-  
 tis lymphæ, quæ ita supra resistantiam aliquandò pre-



mit tam nervorum principia, quàm eorundem pro-  
tensiones, ut hæ quodammodò evolvantur, laxentur,  
ac vix se se valeant sustinere: vasa igitur sanguinis  
ex subito infarctu, & conatu circumpressorio sive  
à visceribus, ab Utero, sive ab hypochondriorum  
tumescentia progenito, repetè dissociantur, & in tre-  
morem ducunt nervos, ac retinam, momentoque  
citiùs concitant succum nervorum, & speciei trepi-  
dationem ferunt; ideoque fit subitus virium lapsus  
ex confusa nimirum, atque inepta distributione spi-  
rituum in musculos sustinentes totam fabricam.

*Cæcitas.*

Visiónis igitur interceptio in Uteri convulsio-  
nibus fit ab infarctu arteriarum prementium nervos,  
quorum constructio exturbari potest ab ipsis arteriis  
nimio sanguine scatentibus, atque ab aliis liquidis  
plùs æquo fluentibus, ac refluentibus; ideoque si  
tanta fuerit pressio, ut penitus nervos opticos oc-  
cludat, nulli spiritus influent in oculos, ac propte-  
rea nulla visio, cujus privatio tandiu durabit, quan-  
diù materies alluens, infarciens, nervosque pre-  
mens præterfluat, & quasi liberet eos ab obsidione  
liquidorum, quorum interturbatio, ita membranas  
oculorum, & liquida contenta, atque interjecta fæ-  
dat, ut hæc fiant turbida adinstar atquæ lutulentæ,  
& illæ deformatur in modum laminæ laternæ fumo,  
ac flamma impura obnubilatæ.

*Surditas.*

Verùm si memorata symptomata excitentur per  
materiæ copiosioris influxum, non solum fluet per  
oculorum arterias, sed per omnes etiam, quæ ad  
aures internas deferuntur; undè prout magis, vel  
minùs tumidæ, atque humoribus imbibitæ evadent,  
plùs, vel minùs membranas, nervos, & ossicula di-



movebunt, eaque in tremorem aliquem agent, qui modò hunc, modo illum sonum representabit pro diversitate impulsuum, & pressionum, quarum ope aliis aliquandò tinniet, aliquibus sibillabit, vel pluviam decidentem imitabitur. Quòd si prædicta materies modum excefferit, adeòque nimis premat membranas internas, aut nervos auditorios occludat, surditatem gignet.

Doloribus quandòque sævissimis torquentur nonnullæ Mulieres hoc Morbo affectæ, cum pars aliqua trahjcit in sanguinem humores pravæ indolis, & præsertim in Utero redundantes, qui perducti ad cerebrum, aut meninges, ad pericranium, vel articulorum perioστia, seu, quod idem est, ad partes scilicet minimæ pressionis, præterfluere nequeunt ex vasculis, in quibus subsistunt; sed ibi aculeis, & spiculis, quibus scatent, illum pariunt dolorem, qui à dictis humoribus necessariò pendere debet, nunc mollem cerebri substantiam urgendo, nunc liberiori motu divellendo, pungendo, aut concutiendo nervos, eorumque expansiones: major ergò, aut minor est illis partibus vis doloris, quibus sunt majores, aut minores nervi directè ad cerebrum tendentes, ad ventriculum, viscera, &c. & præsertim si ex illis dimanent humores valdè mobiles, cujusmodi sunt, qui ab Utero profluunt, quorum acredo illum dolorem suscitatur, qui respondere debet rationi plurium nervorum, ac membranarum cujuscumque partis.

Urinæ item suppressio sæpissimè in Hystericis pendet à convulsione sphincteris vesicæ, ac cervicis,

*Dolores va-  
rii.*

*Urinæ sup-  
pressio.*



*Copiosa U-  
rina climi-  
natio.*

effluxum prohibentis, quod præcipuè fit, si adsit do-  
lor capitis, nervos valdè comprimens, ac memora-  
tum musculum in maiorem contractionem urgens;  
nam spiritus vagi tunc se seque turbulenter mo-  
ventes fibras convellunt, & tendunt, ideoque sphin-  
cterem abbreviant, & vesicæ os claudunt; at si plùs  
æquo se se spiritus exerceant, plùs æquo etiam mo-  
neantur partes, & fluvant oportet humores, quorum  
omnium nimia exercitatio inducit laxitatem in fibris,  
perturbatam confusionem in liquidis, urinæque co-  
piosam secretionem; quandoquidem laxitas molecu-  
larum solidarum villos, & fibras astruentium est re-  
motio cohesionis cujuscumque partis venientis in  
contactum certum tam in glandulis renum, quàm  
in fibris musculi vesicæ; quare cribra dictarum glan-  
dularum magis pervia evadunt, & fibræ sphincteris  
tum copia humorum, cum eorundem perturbato  
motu, atque acrimonia stimulantur, distrahuntur-  
que, ex quo fit, ut nimia urinæ copia eliminetur.

*Abdomi-  
nis tumo-  
rosa con-  
vulsio.*

Post validos itaque, & frequentes fluxus, ac  
effluxus succi nervorum augentur vires percussione,  
& machinulæ fibrarum vivido spiritu imbutæ adin-  
star vectis eriguntur, & tument; imò ægrotantium  
Mulierum Abdomen premitur, atque urgetur extror-  
sum, nec amplius restitui, nec contrahi potest in-  
trorsum; sed eò magis tumescunt singulæ fibrarum  
minimæ moleculæ, quò magis in quolibet earundem  
inanitates spiritus fervidus, & turbulentus sua inor-  
dinata vi insinuat, diffunditur, attollitur in bul-  
las aere plenas, ideoque omnia permeat, bullas dis-  
rumpit, & in modum fulminis earum semina disijcit;  
qui-



quibus disruptis cum impetu, ætherea illa, & subtilis materia exit, & nervos quaquaversum extollit, cunctosque villos contractiles, ac fibras tendit, concutit, & convellit nunc tremore, nunc contractione, non secus ac in malo super prunas cocto; materia enim illa ætherea igne soluta corticem exteriorem dilatat, tendit, oscillareque facit, quare sive frequentes isti motus sint universales, sive in una tantum corporis parte, subtilissimus lymphæ spiritus magno impetu repente ejaculatur eo fere modo, quo à granis salis super ardentes prunas injectis exit ignis cum crepitu, & violentia; sive ut ostendit sal nitrum cum sulphure mistum, cujus accensæ particulae tanto impetu moventur, ut impedimenta circumposita etiam fortissima diruant, atque convellant. Hæc eadem materies existens in nervis, & arteriis irregulariter irruit in musculos varios, & parit diversas confricationes, atque vires percussionis; quæ hic convulsiones, illic tremores, alibi tensiones, uno verbo innumeros motus præternaturales in qualibet fibra gignunt; nam in quocumque nervorum furculo, ac fibrarum loculo existunt infinitæ propemodum particulae activissimi succi, quæ varias directiones nanciscuntur tum in diversis nervorum circulis, quàm in variis eorundem protensionibus quacumque serpentibus; quare in omni ferè puncto nervorum momento citius excitantur innumeri conatus cum diversis velocitatis gradibus, qui itidem, penè dixerim, innumeros locales motus, tremores, divulsiones, & oscillationes exercere possunt: tot igitur erunt vires, conatus, & directiones, quot erunt particulae acti-

*Spiritus  
animalis  
varias  
convulsio-  
nes gignit.*



vissimorum liquidorum tum in villis, cum in nervis universi corporis.

*Rubor oculorum, & faciei.*

Quoniam verò in hoc Morbo obstructis venis Uteri prohibetur aliquantulum influxus sanguinis intra ramos per faciem excurrentes, subtilior tamen illius portio fluit semper, & confricat, & fovet, ac veluti irritat cutem, illique ruborem communicat; verum quia vasa per oculos repentina sunt omnium tenuissima, facile crassiusculis liquidorum moleculis diversarum superficierum infarciuntur, tument, inflammantur, ideoque color in tota ferè structura oculorum fit flammeus.

*Cur humores, & lacryma eliminantur.*

Non rarò autem liquidorum vitio effervescent spiritus, & fit nimis tumultuosus, ideoque ducit, & urget citissimè per vasa corporis quicquid est tenue, & maxime mobile; imò ab æstuosis particulis acrimonia affectis irritantur, ac ita pulsantur, & urgentur partes, & humores, ut lymphæ præsertim separentur in glandulis oculorum, & magna copia per oscilla secretoria secernantur, atque eliminentur.

*Garrulitas*

Garrulæ exindè si fiant nimis Mulieres, creditur naturali majorem copiam spirituum pravæ indolis, & summæ mobilitatis per universos nervos duci, & præsertim per illos, qui ad organa vocis feruntur; quò major enim deducitur quantitas memorati spiritus ad musculos, eò magis illos agere potest in contractionem, & propter facilem tiliarum, ac villorum flexionem, agilemque particularum cohæsionem cedunt illicò intillationi spiritus lymphæ, & contrahuntur veluti folia vento exposita; quare partes omnes asperæ arteriæ, musculi cartilaginum ejus, &



& alii quoque inservientes linguæ, & mandibulæ inferiori æquè contrahuntur, & distrahuntur; imò hiatus, & canales quilibet per circulares, ac rectos musculos extensi non secluduntur, ideoque perspirationis particulæ quæ hic, aut illic nervis occurrunt, hanc vel illam jugiter speciem movent; quæ motio specierum cohærentium, aut non cohærentium magis pervios reddit nervos, eosque constituit in majorem, aut minorem circumferentiam, per quam spiritus non possunt non sollicitè, & turbulenter fluere, se seque in musculos vocis diffundere, & verbis importunis eos magis exercitare.

Verùm enim verò si Mulieres obmutescant, eo pacto fieri propemodùm creditur, quo fontes salientes sola interceptione affluentis aquæ cessant, vel ejus *Vocis privatio.* quantitate imminuta depauperantur; ita influxus spirituum voci inservientium adedò interdum præpedi-  
tur, depravatur, ac imminuitur, ut nequeat superare resistantiam musculorum, ideoque nec formare aptas undas, nec debitam vim contactus in fibris exercere; sive veriùs minima succi nervorum copia, ea-  
que inidonea ad fulciendum, & ritè movendum villos, atque musculos, variis humoribus implicita agere non potest, nec intra inanitates fibrarum debitas vires exercere linguæ nimirum, laryngis, asperæ arteræ, vel quia villorum, ac filamentorum spongiolæ sunt lentis refertæ humoribus supra spirituum vim; vel quia glandulæ corticis cerebri sunt nimis dilutæ, flaccidæ, & concidentæ, ac idcirco cohibere possunt spiritus, eosque inertes, & vacuos suis conditionibus reddere; ac propterea hic impedire motum,  
illuc



illic tollere sensum, adeo ut quasi mortui Patient-  
tes appareant. Paucitas itaque spirituum, qui non ra-  
ro fiunt impuri, admixta pulveris pyrii aqua irro-  
rati, vel luto, aut quovis lento humore subacti non  
succeeditur, nec diffunditur; ideoque villi universi  
flaccescunt, & sensus, & motus intercipitur, cum  
parva semina vel in diffusionem alternè non responde-  
ant, vel moleculas astruentes fibras amicè non illu-  
strent.

*Madores, & sudores.* Quoties madores, sudoresque eliminantur, to-  
ties momentum spirituum augetur, unaque multi-  
plicatur liberiores eorum particulae, quarum vi  
fibrarum machinulae velocitatem contrahendi adi-  
piscuntur, & humores impulsu, majoremque atte-  
nuationem; quinimò adeo fiunt pervia, ac veluti  
perterebratae partes, ut extenuent resistentiam, at-  
que unionem, ex quo inde fit, ut cutis oscilla ma-  
gis obuvia, & patula evadant; ac propterea tran-  
spiratio prius excitetur, facile subinde mador, de-  
um fudor secernatur.

*Frigus, & Tremor.* Symptomatum molestissimum est tremor, atque  
frigus, quod vel fit à fuga spirituum, vel à crebra,  
jugique agitatione liquidorum irritantium, atque  
contrahentium musculos ad partes oppositas; sive,  
quod est idem, à mutua pugna sanguinis, ac spi-  
ritus lymphæ, scatentis seminibus nimis forsan  
mobilibus se se insinuantibus intra fibrarum inanes  
spongiolas, vel ineptè fluentibus per nervorum hia-  
tus, ibique mordicantibus, ac promoventibus ma-  
jorem, vel minorem interturbationem, & percus-  
sionis vim, prout magis, vel minus memorata se-  
mi-



mina violatur, & adinvicem non respondent; in haa autem perturbatione spiritus per Uterum fluentes inveniunt diverticula, atque occurfus lenti humoris, ideoque instillantur intrà musculos, è nervis interpolatè exploduntur, effundunturque inæqualiter; & sic tremula oscillatio exoritur cum frigore, quod tandiu durat, quandiu humores plùs, vel minùs jactantur, & nervorum excitant indicatas irritationes, quæ spiritus, & eorum undas interturbant. Variè autem in extremitatibus recurrit frigus, quod nunc fit ab humorum lentore nimis inhærescente villis, ac filamentis fibrarum, proindeque nervos præmente, & concutiente; nunc à vasorum laxitate diversas arterias, & venas pedum occupante, atque ita coangustante hiatus nervorum, ut spiritus ritè fluere, & agere nequeant, nunc à lymphæ alluente universa vasorum filamenta; nunc tandem ab impuris, & torpidis liquidis implicantibus ejusdem spiritus particulas; ac propterea adeò made-facientibus nervorum papillas, eorundemque protensiones, ut memorati spiritus aptè non fecundent, non confricent, nec lustrent solidas partes; sed potiùs se se in fugam conjiciant, ideoque partes extremas frigidas relinquunt.

Dilucidè constat in hoc Morbo effluvia sua-  
veolentia, quæ in orbem jugiter diffunduntur, ner-  
vos olfactorios facilè permeare, laxare, ac spiritus  
obnubilare, intervertere, irretire, ac veluti sopore  
quodam afficere; nam tenuissimæ illius particulæ  
effluviis odorosis, torpidæ, ac sopitæ fiunt, & cer-  
tam percussionis vim, & contactus haud imprimere

*Sympto-  
mata quæ  
ab effluvi-  
is suane-  
lentibus  
emergunt.*



possunt machinulis attruentibus fibras ea lege , qua decet , ut directiones , ac vires debitæ serventur , proindeque fluida congruenti ratione urgeantur , aptèque solidis partibus respondeant ; permittent igitur oportet momento citiùs humores vi corporum beneolentium missionem , impetum , temperiem , superficiem , atque figuram ; ideoque oblitteretur necesse est perspiratio , pervertaturque etiam pororum figura , cohæsiō , ac singularum machinularum unio ; hinc membranæ in lateribus distractæ minori vi restituuntur , minoremque impetum imprimunt contentis fluidis , ac propterea tam solidum , quàm fluidum totius corporis privantur mutua reciprocatione .

His præhabitis , nemo non intelligit ab effluviis beneolentibus quandòque tolli partium solidarum cohæsiōnem , & quandòque perfectam missionem fluidorum , nunc ope summæ concitationis eorundem , nunc ope motus intercepti , vel lentoris acquisiti : verùm si luxuriantium effluviorum vi , aliarumque particularum hujus indolis tollitur partium cohærentia ; cogitandum est memoratas fluidorum moleculas esse saturas adinstar aquæ fortis , salibus pungentibus , erodentibusque fibras , quæ invalescente agitatione adeò contrahuntur , & distrahuntur , ut semper magis urgeant , & circumprimant humores , eosque consueto calidiores , liquidioresque reddant ; ac propterea tollant cohæsiōnem , & nexum machinularum se se mutuò complectentium , quia tunc liquidorum particulae naturalibus suis motibus restitutæ agunt ea vi , qua pol-



pollent, in duriusculas partium moleculas, quarum superficiem elimant, & fœdus solvunt; quare co-  
hæfione sublata, si machinulas omninò non aufe- *Observa-*  
runt, saltem eas plùs æquo laxant, & abradunt: *tio.*  
hoc patet cum infunditur aqua Stygia, vel oleum  
tartari in aliquam venam, illius namque vi sanguis  
ita concrefcit, hujus verò adeò liquidus evadit, ut  
spiritus primò casu nimis coerceatur, secundo  
autem in tenuissimas auras abeat, ac proindè ani-  
mal moriatur.

Si igitur hæc liquidorum semina sanguinem  
pervertunt, & motum adeò incongruum singulis  
humoribus, ac spiritibus tribuunt, ut modò machi-  
nulæ solidorum dissolvantur, modò sanguis vel  
nimis attenuetur, vel nimis coalescat, modò spiri-  
tus evolent, tumultentur, aut extinguantur, ac pro-  
pterea animal tollatur de medio; cur in Passione  
hysterica non poterunt uno, aut altero temporis  
momento nonnullæ liquidorum particulæ in liber-  
tatem assertæ plures, ac plures sulphuris, salis, ac  
aeris moleculas nisu elastico, eoque validissimo se  
se nimis dilatare, & cuncta sibi circumposita veluti  
perterebrare? cur non superare multiplices occur-  
sus, reflexiones, inæqualitates, ac resistentias in  
solidis, & fluidis? cur simul congcri nequibunt post  
tot perturbatos motus, atque attritiones certa quæ-  
dam corpuscula, quæ referunt naturam, & indol-  
em minimorum aquæ Stygiæ, olei tartari, & ignis,  
ac idcirco eorundem producere effectus?

Oppositorum doctrina apertissimè suadet, cor-  
pora malè redolentia suis tenuissimis, ac acerrimis



*Quæ malè  
olent spiri-  
tus sopitos  
existant,  
& abor-  
tum ali-  
quando  
provocant.*

effluviis, adeò nervos olfactus ferire, ideoque totam cerebri substantiam, jam forsan nimis laxam, aculeis acutissimis stimulare, & penetrare, ut succus nervorum diu in vinculis retentus, torpidus, evanidus, vel in fugam, aut tremorem conjectus expergiscatur, vel à suis vinculis liberetur; ex quo fit, ut glandulæ præsertim corticis impuris liquidis circumseptæ, ac ferè sarcina gravatæ excutiant, & depellant fæculentiam, ac propterea in libertatem iterum assertæ revertantur ad suum obeundum munus, & spiritus ad eorum undas, atque illustrationes opportunas. Quamobrem in raræ præsertim texturæ corporibus effluvia hæc malè odorosa ita turbant spiritus, & nervorum substantiam, ut convellatur ventriculus, excitetur vomitus, sæpissimèque dolor cum tensione, atque laxitate totius abdominis, & quandoque etiam succedat abortus.

*Cordis Pal-  
pitatio.*

Rursus spiritus tumultuosus cordis musculum ita exagitat, ut arctè, & rigidè stringat illum, diuque sua vacet diastole; undè ingravescente paroxysmo Passionis hysteriæ de cordis spasmo, & constrictione cordis plurimùm coqueruntur Mulieres, cum ob impeditum cordis motum sanguinis sistat, onereque suo valde gravet, atque opprimat, & non raro vitam cum mortæ commutet.

*Observa-  
tiones va-  
riæ ex se-  
ctione de-  
promptæ.*

Hic non est reticendum Puerperas ita interdum laxari, ut parùm, vel nihil lochiorum eliminent, quorum præpedito cursu, nunc convulsionibus diversis, nunc tremore, & syncope, nunc vigilia improba, & febre corripuntur, & quandòque è vita discedunt: earum plura cadavera aperui, & per-  
spe-



spexi Uterum, & Vaginam sanie cumulatissimam; alia item examinavi, & inveni membranas Uteri valdè tumorosas, & aliquando hydatidibus, vulceribus, aut sphacelo exsolutas, & præsertim post secundinæ retentionem; ex quibus omnibus infertur, spiritus vitari, ideoque irrequietos evadere, tum quia lochiorum acrimonia irritantur nervi per Uterum repentes, tum quia inquinantur humores omnes, ac propterea memorati spiritus in eorum regeneratione turbulenti fiunt.

Nec minora affert incommoda Menstruorum defectus, quàm excessus, cujus præsentia humores priùs acres, fervidos, ac raros, indè succum nervorum æstuantem, & partes variè jactatas reddit; quod itidem videtur accidere Mulieribus nimis salacibus, Viroque carentibus, quæ cum humorum colluviem ova flaccida, sicca, & subventanea non depromant, irritationibus nervorum, assiduis divulsionibus, viribus consueto validioribus, commotionibus cerebri, fibrarum distractionibus, uno verbo, omnibus ferè morbis obnoxia fiunt, & aliquando etiam jugulantur. Quod idem prorsus evenisse observavi duabus Mulieribus decumbentibus in Xenodochio Pisarum; cum enim ambæ obiissent, in altero ipsarum cadavere, docta manu resecto, inveni testem sinistrum valdè rugosum, imminutum, prorsusque humoribus vacuum; in altero autem dexterum satis tumidum adinstar ovi anserini, cum inflammatione Tubæ Fallopiianæ usque ad Uterum, cujus membranæ, fibræ, & vascula ibi protensa non tam lymphæ, quàm aliis fluidis refertissima videbantur.

*Diversa  
causa hu-  
jus morbi.*

*Sectiones  
cadaverum.*

Hu-



Hujusmodi porrò symptomatibus torquentur Fæminæ cujuscumque ætatis, & conditionis, Virgines nimirum viri potentes, & impotentes, Viduæ, Conjugatæ, tam fæcundæ quàm iteriles, & potissimùm quæ pallido, aut nimis rubicundo colore afficiuntur; uti etiam Prægnantes pravis humoribus gravatæ, & Puerperæ lochia indebitè deponentes, quorum vi, & acrimonia nervi, & succi contenti vitiantur labe quàm maxima.

*A varia  
partium  
læsione exoritur morbus.*

Non enim semper ab Utero hæc symptomata originem ducunt, sed longè sæpius à cerebri vitio, aliarumque partium nervosi generis, ut rem mihi non semel confirmarunt Mulieres quædam rusticanae; quarum una sibi fortuitò amputavit digitum sinistræ manus, alia altè succidit pedem dexterum, altera sibi luxavit brachium, aliæ verò repentino timore perterrefactæ variis illicò affectibus hystericeis affici cæperunt, illisque diu vexatæ fuere.

*Differentia Passio-  
nis hysterice & Epilepsie.*

Discriminari videtur Strangulatio Uteri ab Epilepsia, quæ majori, jugique convulsionum contumacia lædit singulas facultates, & crebriorem respirationem facit, quàm præstat Passio hysterica, dummodò hæc non suscitet Epilepsiam, in qua pulsus etiam est naturali major, in hystericeis verò è contra; nam in fine paroxysmi, vel excitantur tamquam dormientes, vel Patientes habetantur, pulsus fit parvus, & rarus cum murmure ventris, sæpèque etiam, cum aliqua copia humoris effluentis ex Utero; sed esset res immensa, si differentias omnes inter has ægrota- tiones latentes enumerare vellem. At cum de iis quamplurima verba fecerint Viri exercitatissimi, quos



quos quisque ad libitum potest consulere, idè in his diutiùs immorari supervacaneum existimo.

Ex hætenus itaque positis infertur, omnem irritationem, liquidorumque acrimoniam à salaci fluidorum diffusionem ut plurimùm progenitam laxare, ac dissolvere fibrarum contexturam; hinc quisque rationis limine instructus affirmare non dubitabit, quod evincit experientia, salis moleculas variis angulis, & scabritie donari, ac propterèa diversas confricationes ubique molestas producere; Sulphurem pariter consimilibus propemodùm angulis ditari, saltem qua parte allidit ad latera vasorum, & diffunditur in orbem, tunc eò magis vires effusionis, ac stimulorum augentur, quo magis salis volatilis corpuscula, & sulphuris commiscentur, succenduntur, & consueta vi, qua pollent, invicem nituntur, urgent, atque ita penetrant vasculorum villos, ut tollant fluidorum cohæsiones, & nexum solidarum machinularum se se mutuò contingentium. Quare spectata tot virium exercitatione, admissoque tot stimulorum concursu, omnia ferè secretionum genera molliuntur, citissimèque dispescuntur inutilia, & supervacanea, quæ quaquaversum commeant tortuosa vascula, ac glandularum anfractus; imò graviore tunc olent odore, quàm quovis alio salutis tempore, uti colligitur in alvui proluvie, sudore, & fænie ex Utero, & Vagina exeunte, nec non ab urinarum copia, quæ omnia si quis sedulò tentet, malè redolere inveniet, quia sale, ac sulphure refertissima reperiuntur.

*Sal, & Sulphur, variè Uterum & corpus, universum vexant.*

Ut verò constet Mulieres Uteri convulsione affe-



Multa, Mor-  
borum g-  
nera post  
longum  
tempus  
exoriuntur

fectas carere ea relatione, quæ prius intercedebat inter humores, spiritus, & partes, non opus hîc afferre historias earum, quæ contrahuntur, corrumpantur, subsiliunt, immaniter distenduntur, & adinstar vesicæ inflatæ extumescunt; cum etiâ tota liquidorum massa nimis exagitata, nimis tenuis, calida, flatulenta, & aliquando debita lymphæ, & sero vacua fiat, ideoque lenta, tartarea, noxia, minimèque respondens meatibus fibrarum, & inanitatibus earundem. Nam pluriès sine ullo dolore in cruribus, ac pedibus contabescunt Patientes, etsi facies, ceruix, & brachia sanguine, aliisque humoribus ritè fecundentur; ex quo patet liquidum nervorum operi suo æquè non conferre, cum in partibus extremis, aliisque etiam abdomine contentis præpediatur, interturbetur magisque spasmis continuis absumatur, quàm in partibus superioribus. Quare post longum tempus hujus tam dissoni motus adeò convelluntur contenta potissimùm in abdomine, ut membranæ, & musculi item thoracis liberè restitui nequeant, ut glandulæ viscerum, atque mesenterii non separent, nec enomant inutilia; sed potiùs tuberculis variæ magnitudinis, & scirrhis tumoribus cumulentur, ut tenuia, & quandoque crassa intestina Erysipelate corripiantur, ut folliculus bilis tumeat virenti felle, ut omentum nunc corruptum, nunc consumptum fiat; demùm ut Uterus, Testes, Vagina, & Tubæ pustulis, tumoribus, vulceribus, excoriationibusque lædantur, ac propterea nihil quod non sit inquinatum, noxium, atque morbosum redoleant.

Quoniam verò in tanta motuum frequentia sanguis



guis fluens, & refluens tam per majores arterias, & venas celerius, ac validius urgetur atque circumfer-  
tur, quàm per minimas arterias, & venas texturæ  
Uteri adfitas, illic libero, ac veluti pleno torrente,  
hìc non nisi per varios anfractus, obices, atque va-  
sculorum angustias, non aliter forsan ac flumen  
aperto alveo magis celeriter decurrit, quàm si per  
cribrum trajiciatur; sed licèt non æquè effluat, ta-  
men non multò tardius fluit, ac effunditur per se-  
ctiones ferè innumeras vasculorum Uteri, quàm ex-  
currat per aliarum partium ductus; præsertim si ita  
invertatur ordo, & figura minimorum fluidorum,  
unaque augeatur momentum particularum vires a-  
gentium, ut diversi spasmi, atque tremores exori-  
antur, ut vasculorum latera quasi limæ morfu abra-  
dantur, scindaturque summa cum molestia, & Ute-  
ri, & Vaginæ, ac proindè eliminatione cruoris.

*Vasculo-  
rum disru-  
ptio.*

Verùm enim verò si inter moventem, & mo-  
tum quædam requiritur proportio, eaque consistit  
in facili communicatione virtutis percussione, emer-  
gentis à minimis spiritus lymphæ applicatis machinu-  
lis dimovendis; est rationi satis consonum memora-  
ta femina salis, sulphuris, & aeris, plus vel minus  
penetrare cujuscumque mixti compagem, prout  
major, vel minor est activissimarum particularum  
quantitas, sive rarior, aut densior partium unio;  
sed quamvis multa sit tenuitas vitiosi succi nervorum,  
tamen succus ipse non est adeò tenuis, ut in cunctis  
Mulieribus hoc morbo laborantibus fortiatur semper  
liberum undique transitum. Nam si fibræ, & villi  
convelluntur, dissolvuntur, aut concidunt, non ne



aliquantulum præpediuntur, ac retunduntur vivida corpuscula? Nonne alterantur, adinvicem pugnant, atque universas machinulas remonent à debito termino, easque exsolvunt? ex quibus fit, ut permulentur figuræ molecularum, oscilla cutis, fibrarumque inanitates; ac idcirco nimis mobiles particulæ ita permeare nequeunt interstitia, spongiolas, & loculos interjectos, ut in modum effluvii, quæ morbum ingenerant, evaporent, quemadmodum oporteret.

Hic ergo vitiosus liquor, exercens in quolibet Morbi tempore inordinatas vires, etsi omnia facultatum genera lædat, est tamen facile exsolubilis, & suapte natura ad transpirandum promptus, atque accommodatus; dummodo non implicetur, ac obtundatur variis angulis, occursibus, vasorum concidentia, constipatione meatuum, atque aliorum liquidorum lentore.

Congruunt autem transpirationi quotidiana ædulia, atque assidua exercitationes, quotiescunque testimonio Celsi *labores cibum, & cibi labores non superant*: si igitur inter hæc duo servetur proportio, servetur etiam transpiratio necesse est. At si multum fuerit alimentum, paucaque exercitatio, congeruntur excrementa, & minima in pollinem redacta, quæ deberent elevari, aliis supervacaneis humoribus involuuntur, fiuntque graviora, nec sponte sua, uti prius, deprimuntur; quinimò sensim, Mulieribus non sentientibus, adaugent hujus Morbi apparatus. Recta igitur victus ratio, & moderatum exercitium mutuò se debent excipere, ut illa transpiratio verè consistat, quæ ducit ad Morbi causam removendam,

Qua conveniunt transpirationi.

ut



ut doctissimus Ramazzinus omnium scientiarum eximius Cultor, ac Patavini Lycæi lumen fulgidissimum de Principum Valetudine tuenda nuper memoriæ mandavit.

Transpirationi item depellenti Morbi causam conveniunt certa humorum indoles, quantitas, mistio, & corpusculorum figura; uti etiam salubrioris aeris mutatio, animus lætus, proportio somni, & vigiliæ, ususque balneorum aquæ dulcis, &c. ut causæ impetum facientes in cerebro, nervis, Utero, fibrisque universis moderentur; ideoque relinquant contexturam villorum omnium, & mixturem liquidorum cum ea vi, connisu, figura, & superficie, quemadmodum decet; & hac ratione per cutis oscilla foras dejiciantur, quæ Uterum, & nervos inficiunt.

Convenire igitur videntur frictiones universi corporis, lotiones pedum, sectiones venarum, omnigenæque refrigerantium potiones, & potissimum aquæ agri Lucensis, Ficocellæ, atque Nuceriæ, tum ante, tum post paroxysmum ad hoc, ut dulci aquarum fræno coerceantur, devincianturque nimis mobilia corpuscula, falsa nimirum, acida, nimisque diffusiva.

*Quæ ad cutem attinent.*

Hinc non immeritò summis laudibus extollunt Medicinam facientes Opiata, Requiem, ac Triferam magnam, pulver. C. C. ppi, Ocul. cancr., aliaque hujus generis. Commendant alii serositates caprillas ritè chalybeatas, ut fulciantur fibræ jam laxæ, simulque retundantur, ac implicentur humores, qui plùs justo luxuriant.

Non sine magno præsidio utuntur nonnulli la-



cte, jure tenui, ac infulso, vel aqua hordei benè diluto, aptaque methodo propinato. Utuntur fonticulis, vesicantibus, cucurbitulis scarificatis, aliisque quamplurimis, ut videre est apud Sennertum, Bonetum, Mangetum, Etmullerum, Rodericum à Castro, &c. At pro varia temporis, atque causarum Morbi occasione summi præsidii observavi Corticem Peruvianum ad plures dies exhibitum; imò in hoc Morbo sævissimis symptomatibus involuto non inutiliter propinavi pulverem radicis Ipecacuanhæ ad scrupulum, aut alterum, itemque potiones chalybeatas ad plures dies.

Adnotatu dignum est pulverem Ipecacuanhæ esse præscribendum Mulieribus nimia vigilia affectis, ac transpiratione minimè perfruentibus. Verùm si ægritudo hæc aliis involvatur morbis, attendendum est ad id, quod magis urget, aliis non neglectis.

Tutum demùm erit usurpare ol. amygd. dulc., clyst. ex eodem cum drac. i. Trifer., mag., & alia multa, quæ in Consilio 88 89. commendantur ab Illustriss., & sapientissimo Malpighio.

## C A P U T VI.

### *De Furore Uteri.*

## A N T E C E D E N T I A.

**F**Uror Uteri est immoderatus, atque inhonestus appetitus, progenitus à minùs mobili copia, vividaque humorum vi, sale, & igne scatentium, quo-



quorum causa sæpiſſimè Mulieres infania laborant. Hujus Morbi ſubjectum crediderunt non pauci eſſe Clitoridem, alii Uterum, Vaginam, Teſtes, aut Tubas Falloppii; alii verò totam nervorum ſubſtantiam in Utero nimirum protenſam, ibique calidis irritaminibus plùs æquo jactatam.

Præcurrunt temperies calida, otium, ingluvies calidorum, lauta vivendi ratio, Animi ſollicitudo, irrequietus motus, emaciatio, loquacitas, cunctorumque vaſorum tumor.

### *C O N J U N C T A*

**H**ÆC ut plurimum eſſe experiuntur, audacia ſine ullo pudore, proritatio in univerſum, caloris mordacitas, vigilia, Uteri tenſio, vel laxitas, ſive teſtium tumor, vaſorum ſpermaticorum, ac partium adjacentium.

### *S U C C E D E N T I A.*

**D**E ſua fede mentem dejicit furor Uteri, cujus nimis mobiles cauſæ, nimisque irritantes ſingulariter laxant Uterum, ſtimulant corticem cerebri, ſpinalem medullam, totamque nervorum ſubſtantiam cum levi quadam mutatione eorum contexturæ, in qua, & vehementi motu, atque innumerabilibus cauſarum percuffionibus adeò exagitur ſuccus nervorum, adeòque levi titillatione, ac tremore concutitur nervorum ſubſtantia, ut Mulieres rationis uſum integrè exerere nequeant; nam  
ma-



machinulæ Uteri, cerebri, atque nervorum activissimis feminibus liquidorum potius percussæ, quàm lustratæ sollicitantur adinvicem, plùs justo urgent, quæ tangunt; plùs æquo agunt, eaque ita dissolvunt à mutuo fœdere, ut resistantiæ vasorum repentium per Uterum, cerebri corticem, medullam, aut nervorum protensiones debitè non respondeant viribus liquidorum, ac propterea illorum motus fiant oportet sinè proportionè, atque rationis lege.

Statuit Hippocrates in 6. lib. Aphor. tolli omne genus insanix, dummodò superveniant varices, vel hæmmorrhoides; ex quibus verbis infertur causam insaniam producentem admisceri fluidis tam fixis, quàm nimis fluxilibus, quorum semina partim inquinant succum nervorum, partim commeant, & vitiant eorum constructionem, partim contaminat lympham, eam absorbent, & exsiccant, partimque oculis interjectis cohærent, atque coucrefcunt; nam diffusa corpuscula sulphuris, olei, & adipis, aliaque salis divisi in minima fragminula aspera, & scabra non possunt ita quiescere in medio mobilium liquidorum præsertim calidæ temperaturæ, ut ob molis parvitatem, viriumque excessus non superent resistantiam, qua funiculi nervorum Uteri, cerebri, atque totius machinæ mutuò vinciuntur; ex quo fit, ut dissoluto aliquantulùm fœdere solidorum, ac abruptis vinculis, & reciprocationibus fluidorum particulæ luxuriantes circumfusi ignis, salis, succi nervorum, aliorumque hujus generis se se liberè moveant, totamque vim exercent urgendo quaquaversum, pulsando, ac per-

tur-



turbando spirituum undas, ne rectæ rationis species excitentur.

Postquàm verò sanguis, cæterique humores, in Furore Uteri igne, sale, aliisque diversis particulis se cumularunt, adeò noxii fiunt sales, ac impuri, suisque aculeis, quasi tot mucronibus, & spiculis ita pungunt, & mordent membranas Uteri, nervosque per illas repentes, ut collidantur adinvicem, ac propterea liquor nervorum nimis vexetur, cunctaque fluida æstum procellosum, concitationem, atque perniciosam corruptelam acquirant. Quare cum Uteri pars, Platone teste, sit animata natura, quæ formam æmulatur nuclei siliqua contenti, jugique interdùm prosequitur irrigatione, ac stillicidio liquidorum æstuantium, quorum alia fluunt, & refluunt tam per minutissima vascula Testibus, Tubisque Falloppii adsita, quàm per venas, arterias vasa lymphatica, atque interjecta canalicula latentia inter villos contractiles, nervorum filamenta, atque membranarum fibras; alia verò assidua stimulorum vi stabulantur in poris, ac meatibus memoratarum partium, ac veluti morfu aquæ fortis laxant, & lacessunt; imò licèt Uteri implicata substantia sit dura, & arctissimo vasorum fœdere copulata, nihilominus rarescit tum ope concitata circulationis, cum diversarum vellicationum, quassationumque accommodatur ad absorbendos illos humores, qui tam facile penetrant inanitates spongiosas, & diverticula vasorum, atque glandularum; imò villorum omnium, ut pervia, inanisque earundem machinularum substantia combibat, & exfugat indomabilis ignis,



ignis, ac salis particulas, easque sub prælo ponat, ideoque privet serofa substantia, eamque intra poros, ac interstitia, quasi intra parvas lacunas exciccet, & adinstar tartari ejus particulas crassiores ferruminet, summa cum prurigne & partium circumobsidentium, quod tandiu durat, quandiu restincta semina ignis, ac minima salium segmenta mirè solidis partibus irretita, nova, majorique motus vi dimoneantur, madescant, dissolvantur, uno verbo se se liberent à vinculis pororum, atque anfractuum; ex quibus post tot vicissitudines novi circuitus, post innumeras contractiones, & distractiones abraduntur à partibus mobilibus, cientur in motum vertiginis, evaporant, vel aliò asportantur.

Cogitandum itaque est villos internos tubulorum Uteri, Vaginæ, aliarumque partium indefinenter rigescere, & tendi, & distrahi, prout exiguam, aut validam constrictionem pati possunt, ac proinde operari eodem prope modo, ac tot arcus, nedum tensi, sed qui motum inchoarunt. Cogitandum, inquam, est dari corpora, quæ vi motiva, & impetu agunt contra gravitatem quiescentem alicujus humoris infarciæntis Uterum, vel contra resistantiam inertem Thoracis, ac tartarei liquidi. Et quia vis impetus proritantis fluidi major evadit quacumque resistantia quiescente, hinc fit, ut necessariò vis illa motiva hanc quantamcunque resistantiam superare queat; verùm cum hujusmodi machinulæ villosæ impetum acquirentes sint innumerabiles, percussiones, impulsiones quoque innumerabiles efficiant oportet. Alienum idcirco non est à



ratione putare luxuriantes humorum particulas ad-  
inftar pulveris pyrii accensi innumeris ictibus simul  
percutere singulas villorum machinulas, eas suble-  
vare, contrahere, resistentias inertes, & quiescentes  
superare; ac propterea vehementi motu rarefacere,  
& innumerabilibus illis percussionibus, ac impulsibus  
depellere huc, & illuc humores irritantes, at-  
que infarcientes totam Uteri fabricam, itemque  
nervorum tubulos accolentes ita, ut eorum motus  
interturbetur.

Superiùs exposita non solùm demonstrantur  
in qualibet fistula tormenti manuarii, vel muralis,  
dum ejus contextura magis, vel minùs dura, ejus-  
que interna cavitas magis, vel minùs aspera, & inæ-  
qualis ob nimis diuturnum, nimisque repetitum  
ignis usum eroditur, eliquatur, seu, quod est idem,  
leviter dissolvitur, ideoque in interjectis loculis fit  
pulverulenta, hoc est restincto igne inquinata;  
tunc enim si novo pulvere pyrio fistula ritè onere-  
tur, eique ignis apponatur, nec eodem prorsùs  
temporis momento minima granula pyrii succen-  
duntur, nec eodem valido nisu vicissim erumpunt,  
& diffunduntur; neque pilas plumbeas directè eja-  
culant, ac ejiciunt ad eandem, quam priùs, loci  
distantiam, neque aerem consueto fragore colli-  
dunt; imò pulvis succensus hebetatur, atque retar-  
datur à diverticulis, occurribus, ac lutulentis pro-  
pemodum reflexionibus, in quibus facilè contun-  
ditur, ac restinguitur per totam longitudinem fi-  
stulæ, atque pororum inanitates.

Verùm enim verò si polluta fistula purgetur



friccturque aliquo fluido, aut expolitè abstergatur, iterumque indè tentetur nitrato pulvere, cum ferri, vel metalli moleculæ, non uti priùs, sed aptiùs cohæreant, tunc vis percussionis, quæ à pulvere succenso progignitur, aeris fragor, latio pilæ plumbeæ ea certè, qua priùs ratione, ac temporis velocitate succedunt, & per æquales distantias diffunduntur; dummodò pulvis pyrius non sit uliginosus, aut scateat plùs iusto, vel minùs æquo sulphure, nitro, aut carbone; quod si contingat, vis succensi pulveris ducet, & impellet altiùs, vel demissiùs, cæterosque effectus diversimodè omninò præstabit.

Nec dissimili profectò ratione sulphuris, ac salis corpuscula, aliaque calida, & nimis mobilia principia liquidis variis interspersa vicissim agunt, fluunt, & diffunduntur, motusque suos ubique perperam exercent, imò superatis innumeris diverticulis, & impedimentis, propriam substantiam diversis directionibus, ac velocitatibus, quibus pollent, communicant singulis machinulis totius fabricæ, & præsertim Uteri, atque nervorum repentium per illius fibras; & quamvis poros impervios memoratæ particulæ commeent, & penetrent, tamen hâc, & illac inæqualiter, variisque morulis disperguntur, tum quia meatus, inanitates, & interjecta spatiola sunt variè obstructa, contracta, & diversis fæculentiis referta, tum quia non videntur certo ordine disposita, sed flexuosis tricis, atque interfecationibus invicem inclinata; ex quo fit, ut humores acres, & volitare nitentes, quasi naturam ætheris ( ut asserit Mainicius ) æmulentur, eumque in locum, in quem



quem errumpunt, motu celeri, & perturbato susci-  
tent æstum, suavem contactum, inde tumorem; de-  
nique deflectantur quocunque tanta cum virium  
inæqualitate, quanta videtur necessaria ad impuras  
species cæco impetu promovendas.

Quò major ergo fuerit Mulieribus copia par-  
ticularum calidarum, eò major erit læsio Uteri ner-  
vorum, & interrurbatio contenti succi; cum gra-  
dus caloris respondeant particulis nimis mobilibus,  
eorumque effluviis penetrantibus, confricantibus,  
ac penè dixerim erodentibus solidorum substan-  
tiam; quæ tametsi ad recipiendas motiones caloris  
diversam sortiuntur resistantiam, quæ in singulis  
corporibus, partibusque singulis est diversa; nihi-  
lominus caloris effectus irritationes, & laxitates cu-  
juscunque minimæ partis, potissimumque nervo-  
rum, cerebri, Uteri, &c. augentur, aut imminuun-  
tur, pro ut spirituum agitationes, sive ignis, falis,  
ac aeris exsolutiones, vel inutilium retentorum  
quantitas liberis feminibus refertissima plùs, vel mi-  
nùs intenditur, aut remittitur; quemadmodum ex  
accuratissimo, ac æquè doctissimo Roberto Boyle  
intelligitur, & ex antecedentium declaratione me-  
liùs forsitan quisque percipiet.

Calida itaque temperatura igne, ac sale satura,  
juxta naturæ leges ubique præsens est, omnibusque  
in locis vires suas exercent oleosæ nempe, salisæ,  
ac ferè vitriolicæ particulæ; dum solidorum, ac flui-  
dorum spongiolas subeunt, eas veluti rubigine con-  
taminant, extinguunt, tumulant; vel, quod minimum  
est, retundunt ignis moleculas, indèque paulatim

*Calida  
temperies.*



onerant partes magis laxas, & raras humoribus huius indolis; qui cum ab aliis fluidis non cohibeantur, nec moderari queant, si non illicò, & maxima velocitate, saltem plurima, dummodò tanta sit, uti decet congestio molecularum luxuriantium, urgent, & irritant singula glandularum vascula, aliaque in Uteri structura conferta, eorumque laxis fibris adeò adhærent, ut alios ductus nimis perstringant, alios patefaciant, aliosque ductus convellant, exsiccent, & claudant; ex quibus fit, ut plurima, alteriusque naturæ femina, nec æquali gaudeant momento, quiete, figura, velocitate, atque secretionem: quantacunque ergò fuerit colluvies liquidorum, tanta erit vis, vellicatio, & tumultus retentorum fluidorum exaratis principiis scatentium ad motus illos caloris, & salacitatis excitandos, qui possunt Uterum, nervos, atque spiritus inficere, unaquè eorum undas, ac species honestatis invertere.

*Otium.*

Nec minoris noxæ videtur otium cum villos, & fibras universas propria natura distrahibiles laxet, machinulasque solidas se mutuò tangentes leviter dissolvat; ac idcirco eas transpiratione debita privet, & paulatim circumsepia tam inutilibus, quàm utilibus humoribus; qui si ubertim, uti decet, regenerantur, redoleant etiam oportet salis, & ignis temperiem, quorum vi, & quantitate adaucta producentur, & fluent per singula Uteri vasa liquores eo scatentes momento, quod valet excitare indomabilem salacitatem, ac Mulieres reddere summo furore percitas.

Otio



Otio plerunque jungitur mæstitia, animique sollicitudo, quæ ob maximam spirituum concitationem, & impetum plurimum humiditatis absumit, fluidaque debito privat vehiculo. Quamobrem si humores aliquantulum sicci salis, & igneis seminibus cumulati per consuetas vias deriventur ad cerebri glandulas, progignatur oportet succus nervorum eisdem prorsus scatens feminibus, quæ sua mobilitate, calore, & acrimonia nullo ordine fuscitant in nervis ferè singulis talem contactum, qui non modò superat villorum continentium resistantiam; sed ita præpedit, atque exagitat in illorum laxis hiatibus fluentes, & refluentes undas, ut agat, & promoveat illas species, quæ furorem memoratum impudenter ostendunt.

*Mæstitia,  
& sollicitu-  
do.*

Irrequietæ profectò evadunt Mulieres, quotiescunque spiritus fieri incipiunt nimis liberi, atque mobiles, præsertim si expirent, penetrent, & transeant per venas, ac arterias, sanguinisque minimis involvantur; sive veriùs, quando lymphæ scabris, ac asperis salium principiis refertissima sui aliqua saltem tenuiori portione refluit, atque humoribus intermiscetur, tunc derivatur intra villorum inanitates nec purus ignis, nèc sal integer; sed quicquid fingi potest uni, & alteri simile saltem ratione velocitatis, confricationis, atque momenti, tunc fluunt, & undatim refluent spiritus plùs æquò provocati; fluunt, inquam, & per omne vasorum genus circulum agunt humores æstuosi, adeòque acres fiunt, ut illorum minutissimæ particulæ adinstar pungentium, atque acutorum stimulorum pertenebrent partes ad con-

*Cur Mulie-  
res sint ir-  
requietæ.*

ta-



tactum, ac propterea exoriantur tot contractiones, & distractiones, quot sunt fluxus, & refluxus undarum emergentium à nimis jactato, atque irritato nervorum succo; imò quot sunt contactus particularum sanguinis, instillationes spirituum, ebullitiones, mitionesque unius, ac alterius liquidi; uno verbo, quot sunt incisiones, diffusionesque agentium fluidorum in singulos villos, ex quibus omnibus fit, ut Mulieres nesciant ferè loco stare.

*Loquaci-  
ta, & Sa-  
laci-  
tas.*

Similiter à vi ignis, & salis fluentis cum humoribus, atque solidis partibus circumfusi, nec non à libertate spirituum hujus indolis proveniet item loquacitas, frequens scilicet musculorum linguæ motio, quæ tandiu durat, quandiu durat, & viget copiosus, celer, ac varius influxus spirituum, unàque perennat sanguis ditatus illis aculeis, qui necessarii sunt ad agitandam quamlibet partem, simulque agendam salacitatem.

*Siccitas &  
emaciatio.*

Ab hac ipsa mobilitate rei calidæ, & luxuriantis in sanguine, & in nervis progigni solet siccitas, sive emaciatio membranarum, & villorum, adipisque eliquatio in tota fabrica, quæ major, aut minor apparet, prout major, vel minor est quantitas salis, ignis, aliorumque principiorum, acrimonia, atque vellicante materia scatente; quorum omnium jugi energia tot fiunt contractiones, & distractiones tum naturales, cum superadditæ, quot videntur necessariæ ad eliminandas, ac veluti corrodendas solidas moleculas, quæ quò plùs stimulis, ac irritamentis sollicitantur, eò magis semper contrahuntur, & distrahuntur, laxanturque vasa continentia humores, qui



qui hac de causa adeò premuntur, & circumprimuntur, ut valdè, ac ferè supra naturæ institutum atterantur, ac volatiles fiant; proindèque nativa priventur ferofitate, commeent cuncta pervia, & impervia organa, foràsque quaquaversùm erumpant summa cum corporis jactura.

Quoniam verò singula vascula sunt fistulæ molles, & dilatabiles, facilè turgescunt, quotiescunque liquidorum cumulus sufficit repletioni, atque dilationi earundem; vel tales sint humores, quales debent esse ad hoc, ut proprio æstu urgeant vasorum latera, sive spiritus tanti roboris recensentur, ut exerceant magnum impetum, musculosque satis contrahant & tendant. Quantò major igitur fuerit liquidorum copia, eaque onusta rarefcentibus, ac liberis principiis, tantò major sit oportet cohæfio solidarum molecularum astruentium vasa; præsertim si memoratæ liquidorum particulæ fluant per loca, in quibus minores sunt resistentiæ viribus illorum, uti evenit Mulieribus Uteri furorem percitis; quæ sunt mobilibus, calidisque liquidis onustæ, quorum substantia adinstar vini ebullientis diffunditur, & cana-

*Cur tume-  
scant.*

Ex antecedentibus jam expositis constat, à quolibet sanguinis portione progigni spiritus ejusdem rationis, eosque in nervos derivare, quantò magis ergò massa sanguinis per intervalla vitiabitur à Menstruis, vel hæmorrhoidibus suppressis, tantò magis contaminabitur nervorum succus, qui propterea nullo ordine, ac certo motu irrumpet in partes; sed tan-

*Audacia,  
temeritas,  
& impu-  
dentia.*

ta



ta vi, atque conatu in eas irruet, ut suscitet species momenti majoris, ac patitur naturæ ordo, hujusmodi censentur audacia, & temeritas, nec non impudentia.

*Caloris du  
ratio.*

Verùm enim verò si humores in hoc Morbo ita redduntur sicci, & fluxiles, ut eorum tenuissimæ particulæ cohiberi nequeant, ne angulis, & scabris figuris, quibus ditantur, mordicent partes solidas, five pungant, confricent, ac veluti abradant internas vasorum fibras; tunc non poterunt, quin conflent, & foveant calorem, qui tandiu durabit, quandiu villi, & fibræ in Utero, in nervorum involucris, atque in tota fabrica spiritu nimis mobili lustratæ, jugi motu concitæ, ac sale, tartaro, aliisque impuris particulis imbutæ stimulantur.

Tandem in longa irritatione Mulieres interdum vim hujus caloris vix, ac ne vix quidem sentiunt, quia in villorum inanitatibus, & loculis interjectis, partes alioquin sensibiles adeò falsis, ac sulphureis humoribus saturantur, ut quodammodò hebescant.

*Vigilia.*

Cum autem hic morbus calidus communiter existimetur, debent liberiores liquidorum particulæ per corpus ita divasari, ut per quamlibet partem etiam cutis deprehendantur, aut avolent, ac propterea multum humiditatis absumant; quare succus nervorum debito humore privatus nec uti prius moderatur, nec devincitur, nulloque certò ordine fluit, & undatim refluit; imò ita villos, & fibras consueto magis permeat, ac indefinenter exercet, ut tota ejus substantia fiat irrequieta, ac volatilis, ideoque hæc, & illac violenter cursitet, corpusque nimia vigilia afficiat.

Quo-



Quocumque autem hujus Morbi tempore pati solent Mulieres ne varias quidem, sed continuas dimotiones in Utero, in nervis, singulisque minimis tiliis corpus astruentibus; nam vis cohæſionis inter exillima corpuscula consistens imminuitur, adeòque laxatur villorum, ac filamentorum connexus, ut humores nimis mobiles solvant etiam Testes, Ova ibi conferta, Tubas, Vasa spermatica, cæterasque partes adjacentes; in quibus non modò congeruntur humores diversę indolis, sed variæ etiam energiæ, qui ob particulas tenuiores motu frequenti quaqua-  
versum nitentes, ideoque extendentes extrorsum singula vasorum genera ibi circumeuntia; quinimò ob diffusionis vim adeò interdum contrahuntur, & distrauntur villi, unàque rareſcunt glandulæ Mesenterii, Pancreatis, Lienis, Uteri, Vaginæ ac propterea ita laxantur filamenta, ac tiliæ cujuscumque alterius *Varia laxitates.* partis in Abdomine contentæ, ut earum aliæ madescant adinstar spongiæ, illarum aliæ tanquàm cera molliantur, aliæ demùm in similitudinem folliſ tumeant; quod satis colligitur in Clitoride, in hæmorrhoidibus tumorosis propter subsistentiam liquidorum, aut fluxus diminutionem, sive eorundem lentorem, sive veriùs uti hoc percipitur ex Vagina, quando in ejus lacunas per debita vasculorum immissaria intrant inutiles lymphæ, & coalescunt; quarum causa canales omnes mutant inclinationes, præpediuntur adinvicem, dilatantur eorum membranæ, infarciuntur, valdeque crassescunt glandulæ illi adfitæ.

Si igitur sanguis, aliique humores congerantur



*Cur calor & frigus.* versùs Uterum, & abundant igniculis, aliisve particulis acrimoniam producentibus, quæ à salium divisione proficiscitur; tunc eorum angulosa fragminula sollicitant filamenta vasorum, & diversos caloris, & quandoque etiam frigoris, & tremoris effectus producunt; nam sulphuris constitutio, teste Dominico Guglielmini, conitat similibus angulosis minimis, quæ ea saltem parte, qua allidunt latera vasorum, cum diffunduntur in circumferentiam, varios efficiunt contactus, diversasque sensationes.

*Deliriosa.* Ex his porrò liquet delirium hoc emanare, tam à copia, & itagno Menstruorum, quàm à libertate partium mobilium, quæ tum in sanguine, cum in nervis continentur; ex quibus dubio procul oriuntur vires dissonæ, ac vagi spirituum impetus, quorum vitium, atque læsio præsertim in nervis Uteri robustis connectitur ligamentis, communicatur toti cerebro, & præcipuè nervorum tirociniis; in quibus talis fit tremor, & concussio; qualis videtur opportuna ad tollendam consuetam nervorum rigiditatem; ac idcirco ad confundendas rationis species, quæ toties recurrunt, & desinunt, quoties absumitur materies, quæ Uterum aut nervos inficit; ac rursùs per intervalla derivat ad Uteri vasa, finè exitu, iterumque nervos occupat, & cum tumultu undas, ac species turbat.

Furor hic, sive impurus appetitus vehementer excitat partes generationi dicatas, easque veluti inflamat, & ustulat tam in Puellis Viro maturis, quàm in Viduis, Sterilibus, cæterisque ægrè ferentibus castimonix prælia; cum in istis constans memoria,



ria, diuturnaue cogitatio rei nimis notæ fit calcar furoris: & quemadmodum Cælibes, aliæque diu jam Viro pressæ cæteris magis vexantur, ita Mulieres carnosæ pinguibus, desidiofæ exercitatis, graciles carnosæ magis uruntur; nam quò exquisitior illis est contactus, rariorque partium exillimarum contextura, eò vividior est impetus, ac delicatior titillatio sensus.

*Quæ, & quales magis vexantur.*

Sæpissimè perennat in vasculis Uteri, & Vaginæ vel in aliis prope Uterum repentibus, sive mavis in omnibus disjunctim congeries humorum fervorem produciens, quæ adeò firmas ibi radices figit, ut faciliè Morbum degenerare faciat in insaniam; de qua toties est hæsitandum, quoties Mulieres lenta tabe depascuntur, aut vehementi motu, atque elastico exsolvitur, ac diffunditur myriades luxuriantium molecularum, quæ in omnibus humoribus, atque corporis machinis vim flammæ quodammodò impertiri, atque alere videntur: quarè in his violenti, ac continui quidam motus observantur, quos nondum satis intelligo, an à sola memoratarum partium læsione, an à commistione fæda, vel à diffusionem volatilium fluidorum in partibus superioribus, laterilibus, aut imis procedere possint. Ego tamen puto hos supperadditos motus, aliaque fæva Maniæ Uteri symptomata plerumque exoriri ab interpositione sulphurearum particularum, sive à salium spiculis in fibrarum inania intrusis, quorum inæqualis, ac aspera materies debito vehiculo carens fit acutior, ficior, atque calidior; ideoque stimulat, lancinat, ac quodammodò convellit fibras, & vasa ita distorquet,

*Varia causa hunc Morbum produciens.*



porosque cunctarum partium obtruit, ut materies memorata inhæreat lateralibus fibris, ac proinde eas subeat, & obftet motui succedentium igniculorum se se diffundentium, sive etiam obftet aeri necessario commeanti; & quamvis impetus moventium liquidorum major sit eo, quo mobiles villi ictum perferunt, ac nituntur hujusmodi impedimenta de medio tollere disjiciendo hæc, & illac objectas particulas, tamen eas satis comminuere, & in pulvisculum resolvere nequeunt, donec mutata superficie, & libertate transitus recuperata non restituantur irritantes salis moleculæ pristina constitutioni, unàque restinctæ igniculorum minimæ portiones non cieantur; indeque impellant supra certum resistentiæ gradum angulosas, asperas, atque miris modis involutas particulas salium, & alterius genesis se se constringentes. Quo facto exerceant oportet tantò majores nervorum irritationes, quantò majora fiunt effluvia, quæ excitant illorum principiorum vim maximam, vagumque impetum succi nervorum cum tensione quadam funiculorum, ac totius eorum substantiæ siccitate rationem prorsus labefactante.

*Cur verno,  
ac æstivo  
tempore in  
maniam  
commute-  
tur.*

Sæpè autem verno, atque æstivo tempore Furor Uteri in Maniam commutatur, cum aer ditetur plurimò sulphure, eoque admodum exsolubili, parique copia exundantis salis; quorum circumfusa femina ab assidua rotatione in majoribus, minoribus, ac minimis vasculis, sive vasculorum circulis debent invicem atteri, & consequentur celerrimè exsolvi, mutudò occurrere, tandemque tale producere effluvium, quod valeat cuncta solida penetrare, & fluida divi-  
de-



dere, atque calefacere; ac idcirco lympham resol-  
vere, nervos percutere, spiritusque semper magis ac-  
res, atque irrequietos reddere, imò eorum maximo  
impullu, jugique duratione percussione varias un-  
das elicere, diversasque impuritatis species fuscitare,  
uti de Mulieribus varias historias scripserunt Olaus  
Borrichius, & Meniotius.

Non rarò autem humores pravæ indolis conti-  
nentur intrà sinulos villorum in tanta copia, ut fo-  
ràs depelli facilè non possint; quo igitur illi fuerint  
viscidiores, ac asperiores, sive omninò destituti ex-  
polita superficie, ac respondente levitate, eò magis  
consistent, atque stimulant, & ad contactum irre-  
tient quicquid solutum, & facilè mobile est: Quare  
sinuli, & inanitates in partibus cedentibus, curvis,  
& flexilibus inæqualiter dispersæ fient magis inæ-  
quales, & profundæ, tum propter scabras, ramo-  
sas, & asperas superficies molecularum venientium  
ad contactum fibrarum Uteri, &c., tum propter di-  
versum cohærendi modum villorum, atque filamen-  
torum. Quantò magis ergo mutabitur directio ni-  
suum, & cohærendi vis, tantò magis copiosa evadet  
retentio, seu congeries inutilium, vel magis, aut  
minùs libera erit materies, quæ impetum facit, no-  
vumque terminum solidis machinulis tiliarum, ac  
villulorum impertit: si igitur humores sicci, crassi, &  
lenti, aut alterius speciei superent plexus retiformes,  
subeant necesse est vasculorum sinulos, glandularum  
scatebras, earumque plateolas, nec poterunt se di-  
vellere ex Utero, Vagina, & ab aliis partibus, &  
præsertim à Testibus, sive à reticularibus texturis ar-

*Quomodo  
humores in  
villis exi-  
stentes Mor-  
bum produ-  
cat.*

te-



teriarum, quæ moliri nequibunt illam pressionem, atque liquidorum solutionem, uti decet; nam Uterus, & partes nimis forsam memoratæ evadunt uti arcus tensi, qui quousque intenduntur, sagittam non excutiunt, sed hoc opus solummodo absolvunt, cum post tensionem illicò laxantur; sic fibræ, & villi contractiles infarciti, tensi, & laxi humorum concretiones non solvunt, nec atterunt, non urgent nec fecernunt, donec vi tensionum, & laxitatum compressos, illic veluti confidentes humores se se exsolvant, & à statu compressionis transeunt ad libertatem; tunc non modò consēpultæ ignis, ac salis particulæ, verùm aliæ etiam ejusdem ferè energiæ occurrentes ita sollicitant, & paulatim excutiunt vasorum villos sarcina gravatos, ut succus nervorum reginitus mutet impetum, atque agendi vim; imò dictæ calidæ particulæ ab Utero erumpentes incredibili quadam velocitate agunt in circuitum, ideoque etsi suapte natura, si seorsum fumantur, sint innocentes, noxiæ tamen, acerrimæ, & erodentes evadunt, si perperam, & pessimè simul commiscentur: quamobrem nervos etiam atque etiam percutiunt, atque adeò agitant, ut non modò subeant, & permeent poros, verùm etiam in his proprium motum invertant, æstum suscitent, unàque progignant varios tumultus, qui proinde sunt in causa, ut magis magisque irritentur ad invicem solida, & fluida, quorum tenuiores particulæ propria vi, & æstu semper magis concitantur, æstuant, & diffunduntur ad instar effluvii, non secus ac quandò insufflatur supra prunas. Quare partes genitales Mulierum humoribus



calidis onustæ furenti quodam libidinis stimulo agitantur, ac veluti convelluntur, & tremunt, uti accidit rabie furiosa correptis corporibus.

Quoniam verò non eodem modo se habent effluvii calidi particulæ erga omnes Uteri partes diversa contextura, unione, ac temperie pollentes, cum ab his citiùs dimittuntur, ab aliis verò mordicùs retinentur; mirum propterèa non est quædam corpora, nonnullas eorum partes calorem semel conceptum diutiùs fovere, & igniculos semel intrusos cohibere ne effluant. Id quisque ad libitum observare poterit in vestibus, stragulis laneis, vel holosericis, præsertim si eorum aliquanto laxior textura sit, non minùs ac in plumariis, culcitris, &c., quæ veluti igniculorum retia vulgò habentur. Excogitare itaque quisque potest Uterum, ejusque partes adjacentes retinere confluxum igniculorum, salinarumque particularum mutuò coalescentium, quarum vi in tanta filamentorum, ac fibrarum laxitate adeò irritatur substantia nervorum, ut eorum succus omnem motum depravet.

*Variè effluvia exeunt*

Cæterum Hipp. testimonio 6. aphor. statuitur metum, & tristitiam longi temporis constituere Melancholiam, in qua facile est percipere impuræ rei species perturbato Mulierum animo obversari. Tunc enim adeò firma, & expolitè exacta fiat oportet cohærentia nervorum Uteri, & partium ejus ad circumferentias undarum, ut nervi per totum Uterum, ac abdomem repentes siccis, pravisque humoribus respersi non possint restitui; & quamvis succus nervorum nitatur in nervos ipsos, in eosque

*Nervorum siccitas.*

in-



inducat tremorem, eundem tamen semper tremorem dissonum faciunt; postquam verò diu dimoti sunt, debita lymphæ privantur, ac idcirco restitui nequeunt, quia densiori contritione, siccioribusque liquidis donantur.

*Cur exci-  
tantur vi-  
res, & mo-  
tus dissoni.*

Ab insinuatis ergò minimis liquidi nervorum naturam ignis æmulantis in fibras, & villos, veluti à tot cuneis in immensum multiplicatis excitantur vires, motus, impetus, atque percussiones contra inertem, ac quiescentem resistentiam omnium partium; imò contra gravitatem quiescentem, liquidorumve tenacitatem: veruntamen spectata multitudine inter se agitarum molecularum succi nervorum, totidemque spectatis villorum machinulis, quæ simul, & assidue impulsione, & percussione suam ubique efficiunt, vix ullus concipi potest locus, per quem non transeant, & in quo vires non exerceantur indebitè; cum adeò exagitentur, & laxentur nervorum incohamenta, ut spiritus, qui tunc regenerantur, luxuriantes nimis, & quasi flammei, ac ætuoosi fiant, ideoque depravent omnes functiones: tandem spectatis pruritionibus, vel confri- cationibus, innumerisque porositatibus partium Uteri, quæ certa quadam proportionem debent respondere, itemque certum robur retinere, & magnitudinem circumscribere; tamen ex igniculorum multitudine, ac implicatione fluidæ materiæ, qua coagmentantur, quæ partes partibus ferè agglutinantur, deflexionem, adeòque conspicuam mutationem patiuntur, ut machinulæ solidæ quasi mutud addensentur, commodumque aditum interjectis par-



particulis calorem excitantibus præcludantur, ne alio transferantur, aut disjiciantur. Patet ergo necessario structuram fibrarum, earumque tensionem non omnino differre à contextu, & operatione madefacti funis, in cujus nexu, cunei aquæ laxant inanitates tiliarum; imò minima tiliarum tendunt, madefaciunt, & tumorosa reddunt, ex quo fit, ut tardè aqua insinuetur, tardèque egrediatur; sic quandoque in villos, & fibras Uteri, partiumque proximarum, imò viscerum, & vasorum se se diffundentium per hypocondria Mulierum tardè motu insinuantur cunei liquidorum cujuscunque generis, lentè aptantur, lenteque egrediuntur, vel quia resistentiam, variamque meatuum figuram à tensionibus, & pressionibus exortam inveniunt, aut quia magis retunduntur, mutuò opponuntur, atque ita acervatim congeruntur, ut indefinenter mordeant inanitatum parietes, talique stimulorum vi, ut fibrarum pori, & inanitates dilatentur, in eisque congestæ mobiles, atque elasticæ molecule sensim diffundantur; ac ideo Mulieres nunc convulsionibus variis, nunc tensionibus universi abdominis laborare videantur.

Jure meritò tunc solidæ partes haud integrè reficiuntur, dum pororum configurationibus minima liquidorum partes non respondeant; quandoquidem prævia incuneatione memorata, non solum natura non consequitur debitam reparationem, verum nec expurgationem in Utero, nec alias separationes in cæteris visceribus; ex quo fit, ut succi spirituosi, qui iterum regenerantur, eam indolenti

Cur tensio,  
& convul-  
sio.



*Quare  
non fit re-  
paratio.*

fortiantur, quæ potis sit canales omnes ita sollicitare, urgere, & contrahere, ut sanguis rapida quadam velocitate, & circuli vehementia multum lymphæ absorbeat, ac veluti abradat fibras; ac proinde secum transferat innumeras alias particulas amovibiles, quæ consueto citius ex canaliculis glandularum, & potissimum omnium viscerum dispescuntur, nec eo tempore labefactatam sanguinis, aliorumque liquidorum constitutionem reparare queunt.

Sint igitur humores inertes, satiseve concitati sint, fibræ Uteri, Vaginæ, Testium, aliarumque proximarum partium tensæ, rugosæ, convulsæ, exesæ, sive laxæ usque ad certum gradum; si liquidorum vires, & motus ad fibrarum vim, & resistantiam illam proportionem habuerint, quam servare debent, tametsi humores fuerint inertes, aut valde jactati, fibris nihilominus laxis, aut tensis quodammodo respondebunt; secus verò, si illa relatio, quæ debet intercedere inter fluida, & partes memoratas, violentur, aut pereat, invertatur oportet quicquid in Utero, imò in universo corpore peragi solet.

His præhabitis, est rationi consentaneum putare Mulieres hac furoris labe affectas priorem molecularum nexum, & motum non fervare, nec pervios meatus concinnè fluidis respondentes, neque figuram, temperiem, firmitudinem, densitatem, mollitiem, & raritatem, quibus naturaliter donabantur; nam in nonnullis ægris fibræ, in quas longa consuetudine humores abundantius confluunt, summoperè imbecillæ evadunt, præsertim si eis inharescant ad modum glutinis, vel pigmenti, sive ve-

*Quid ex  
carentia  
relatio-  
num.*



verius in fibrarum rugis, aut earum spongiolis, atque inanitatibus coalescant; tunc porro rigent, solita vi privantur, curvæ fiunt fibræ, neque spirituum opportuna illustratione, quæ respondere deberet singulis motibus, muniuntur, ac propterea non expellitur, quod infestum est. Hinc Uterus, Tubæ, Ovaria, Vagina hujusmodi humorum colluvie infirmantur, nunc Erysipelate, aut quovis alio tumore, nunc adeò fluidis imbuuntur, ut quodammodo hydatidibus cumulentur; nunc dolidè tenduntur, vexantur, & convelluntur, nunc scabræ crustulosæ, ac veluti squamosæ fiunt; nunc tandem siccæ, abbreviatæ ad instar corii propè ignem, uti dilucidè percipitur à diversis Mulieribus hac dira ægritudine correptis.

Hic animi angor semper defixi in hac una, & quidem impurissima cogitatione, ut vult Aretæus, sive ab hypocondriorum læsione, sive ab Utero exurgat, Passio hypocondriacæ, atque hysterica appellatur; verum si emergat à parvitate materiæ, multa quidem velocitate, parique momento citatæ, quæ nervos Uteri inficiat, & spiritus interturbet Uteri Furor optimo jure nocitatur; cujus curatio eò dirigenda est, ut corrigatur quod impetum facit, & proritationem, ac colorem suscitatur. Quare vena-

Curatio.

rum sectiones non improbantur, & adhuc minùs refrigerantia, quæ acres humores retundunt, uti sunt potiones aquæ Ficuncellæ, Nuceriæ, Agri Lucensis, &c.; quæ mirificè calorem moderantur, & salem combibunt, uti fatentur doctissimi Medicinæ Cultores, & nuperrimè ingeniosissimus, ac celebra-



tissimus Franciscus Antonius Bertini in lib. Medicina vindicata; accedunt balnea aquæ dulcis, quæ Uterum, & corpus universum refrigerant, madefaciunt, & opervium pro transpiratione reddunt. Si verò obstructa fuerint Uteri vasa, sive hypocondria tensione, aut siccitate afficiantur, tunc aliis etiam remedium generibus utendum est; tandem vitentur noxia, exerceatur corpus, Animusque versetur in rebus honestis ad hoc, ut lues hæc tam impura resolvatur.

## CAPUT VII.

## De Sterilitate.

## AN TERCEDENTIA.

**S**terilitas est concipiendi impotentia, tam vitio Genitalium, & feminis, quam Uteri, ejusque finitimarum partium, sive liquidorum eas ineptè foventium. Præcedunt nimius calidorum usus, & præfertim vini meri, ira exardens, immodica corporis motio, partium colliquatio, obesitas, eduliorum improba ingluvies, vasorumque plenitudo.

## CONIUNCTA.

**R**eduntur signa Sterilitatis vitium Uteri, ac partium circumobsidentium, mala scilicet organorum conformatio, nimis tenella, atque adultætas, Morbus, cachexia, & congeries fluidorum præ-



væ indolis in qualibet interna parte Uteri, aut quicquid privat solidum, & fluidum mutua, quæ decet, relatione.

*SpU G C E D E N T I A*

**I**nnumera ferè sunt organa, quæ facilè, ac sinè noxa moventur, & ad opus Conceptionis conspiciunt; & quamvis non satis firmo vinculo inter se se conjungantur, facillimè tamen in una, penè dixerim, sede conveniunt, dum ea, quæ inter se dissimilia sunt, ad invicem copulantur; hujusmodi sunt humores, spiritus, & partes Viri, & Mulieris, quorum vires, agendique rationes debent adeò alternè respondere, ut secundum naturæ leges Generationis organa simul uniantur, contrahantur, tendantur, atque distrahantur; proptereaque spiritus impetum faciant, ea plenè lustrent, ac molliter moveant, ut tandem humores foveant, commeant, & penetrent Uterum; imò ut vividissimæ molecule peculiari vi percussionis Ovum, ejusque moleculas solvant, & moveant.

Concipiendi itaque impotentia innumeras supponit causas in partibus Generationi dicatis, in humoribus, atque spiritibus; sæpè namque supponit Uterum valdè tensum, cujus tensionis vi veluti sub prælo ponuntur humores, & à singulis loculis, ac spongiosis fibrarum depelluntur lymphæ, quasi aqua intra innumeros poros funis sub stinentis grave pondus insinuata; quarum privatione non parùm aestuant humores, nec parùm Uteri partes arènt, sed ad instar membranæ coriaceæ satedè contrahuntur, & abre-



abreviantur, ac si essent propè ignem.

Villi igitur contractiles, si plus æquo tendantur, & convellantur vi motiva, qua scatent, agunt, tunc temporis contra naturalem motum liquidorum, quàm memorata vis sit major omni liquidorum resistantia; quare machinulæ villosæ tot, quot sunt, contractionibus etiam superadditis, impulsus, percussiones, & contactus violentos eliciunt contra impetum fluentium liquidorum; hinc villi Uteri spiritaliter convoluti, & in complicatione inæquales, & in memorata inæqualitate hic crassi, illic tenues, inæqualiter moventur, permutant positionem machinularum, & magis in uno loco, minùsque in altero nituntur ad contactum; proindèque deflectunt plures, & variè combinationem musicam perturbant, villorumque omnium virtutes invertunt. Si igitur fibræ, ac villi contractiles constituentes folliculum Uteri, simulque vascula diversi generis ducantur spiritaliter, & inæqualiter ad superficiem cujuscunque membranæ, suis nimirum cum filamentis plus minùsque invicem irretitis, variaz dispositionis, & ordinis, diversas vires, & motus exerceant oportet.

Patet ergò momenta contractionum esse inæqualia, quia oriuntur à diversis facultatibus contractentibus, à variis villis, & fibris diversa crassitie, & connisuditatis, iterumque à diversa spirituum vi, & quantitate villos, & fibras lustrante. Quare ubi villorum crassities est major, ibi major sit oportet virtutis conatus, & ubi minor cohesio, & machinularum moles, minus absque dubio & momentum. Si igitur circumferentiæ innumerabilium, penè di-



xerim, vasculorum serpentium intrà, & extra Uteri comprehenduntur à villis æqualis crassitie, varix dispositionis, & ordinis; si aliæ, & aliæ arteriæ, totidemque venæ, & vasa lymphæ; si glandulæ molis diversæ, constructiones musculi mutuo non consonant, & vario gaudent nisu; si urgentur in nimia contractione, & tensione machinulæ villos componentes; si dimoventur millæ inæqualibus motibus, etiam pressioni, & circumpressioni, ac præ multitudine mutuò obscurantur propter inæquales impulsus, & vires; liquida etiam fluent, & refluent, agent summa cum agitatione, se se undique perturbabunt, & agent tam per medias canalium partes, quàm per alias ad superficiem, quæ omnes, sicut inæqualiter dimoventur, inæqualiter, & confuse urgeantur, moveanturque necesse est contenti humores. Hinc deduco liquida etiam incredibilis exiguitatis disposita in seriebus minutissimorum globulorum esse necessariò mutanda penes ordinem, & contactum humorum succedentium, penes velocitatem, figuram, superficiem, atque missionem; ex quibus fit, ut in fluxu, & refluxu proportionem debitam invicem non succedant, sed jactentur, mutuò concutiantur, atque ita invertantur, ut nullo pacto respondeant sibi invicem, & multò minùs Uteri partibus pro fecunditate ritè consequenda.

Cum autem Uteri partes, aliæque ipsi conjunctæ præ nimio motu, eoque non naturali haud consistent in debita positione, nec consentiant alternè, nec benè respondeant cæteris partibus, quæ satis quiescunt; quinimò cum sejungantur ab illis, divellantur,



tur, atque laxentur, tunc veniant oportet ad contactum tot inæqualitatum, quot sunt illæ cedentes moleculæ, quæ villos, & filamenta componunt, in quorum interjectis loculis multum congeritur humoris irritantis, erodentis, magis magisque laxantis, & madefacientis machinulas, ac proinde eas à naturali connifu adedò remonentis, ut quaquaversum humiores exfudent, & quodammodò alluuant exaratas partes, sive veriùs extra proprium cohesionis terminum dictas moleculas redigant, & tandem turgidas eas faciant, ideoque vascula reddant adinstar tot Aneurismatum; quo in casu armonicus illæ partium consensus Conceptioni conveniens perit, unàque perit relatio intercedens inter partes maximas, & minimas; &, quod rei caput est, restinguuntur vegetiores particulæ ignis tum Ovum, cum Uterum foventes, simulque liquida, & semina utrumque fecundantia.

Res hujusmodi evincitur, cum semina frumenti consistunt in terra nimis diluta, inundata, ac prorsus vi ignis destituta; singula etenim inchoamenta frumenti tunc paulatim laxantur, sive plus, quàm decet, imbuuntur aqua, nec in tanta laxitate, atque alluvione alternè explicantur rudimenta plantæ, sed dissolvuntur; quinimo activiores particulæ germinationis opus promoventes prius hebescent, restinguuntur, cætera verò minima mollescent, flaccescunt, ac veluti putrescent: Terra item nimio liquore subacta caret debita vi atque cohesione suorum principiorum, ideoque salis, ac sulphuris circumfusæ particulæ retunduntur, ac delitescunt, uno verbo, tam partes terræ, quam feminis privantur consue-



fueto momento, debito contactu, atque mutua relatione; quorum defectu semen non aptatur terræ, tanquam Utero, nec terra femini, tanquam ovo, ac idcirco germinatio deficit.

Cum itaque per vim naturalis cohæſionis ſingula partes eo modo, quo poſſunt, ſeparationi reſiſtant, aſſero jam ſpiritus, & humores rerum calidarum abuſu nimis diffluere, ac dilabi; ideoque nec aptè fulcire fibras, nec ita eas inſtaurare, ut villorum machinulæ obnixè hæreant adinvicem, diviſionique reſiſtant; & quantò magis Uterus, ejuſque filamenta ſunt fragilia, & languida, tantò magis memorati ſpiritus, & humores ignis, & ſalis particulis imbibiti eorum tiliæ, & machinulas variè adinvicem inhæreſcentes commeant, penetrant, ac veluti diſcindunt. Tam facilè igitur diffluunt humores ex ſe iſtis, & tam facilè divelluntur à complexu minimarum partium, ut nulla particula ſit, quæ ignis naturam non redoleat, & vim ignis, ac ſalis non exerat, & propterèa quicquid venit ad earum contactum non diſſolvat. Ex hoc quiſquis arguere poſſe liquorum particulas huius indolis haud reſpondere poſſe cuicunque parti Uteri, neque finitimis partibus Tubæ, Teſtium, earumque omnium cohæſioni: quamobrè in ſingulis fibris vires, & facultates, reſiſtentix, & relationes adeò invertuntur, ut nulla fibra, aut machinula ſit, quæ proprio, ac naturali fungatur munere.

De re hac perhibent teſtimonium Mulieres ut plurimùm madidæ vino, cujus ſpirabiles particulæ quaquaverſum diffuſæ adeò laxant, & dilatant con-

*Immodicus  
uſus vini  
meri.*



texturam fibrarum, ut tumeant singula vasa, ac propterea fiant tam pervia, & dissoluta, ut invicem præpediant, ne concinnè sibi respondeant, nec debita virium proportionè contrahantur, & distrahantur. Quare humores omnes falsis, & igneis vini particulis circumfusi ad instar maris procellofi concitantur, jactantur, & violenter percutiunt parietes vasorum; imò tali vi, ac impulsu fluunt, & refluent, ut omnes partes Uteri, Testium, Tubarum, &c. potius alluant quàm valant, ac propemodum ultra illarum resistentiam exagitent, irritent, concutiant, atque excalefaciant. Humores igitur tumultuosi nedum per arterias, & venas summa velocitate vehuntur, verùm ignis particulæ ea, qua pollent vi, penetrant, & elimant quicquid venit ad eorum contactum; & tanto tumultu se se insinuant in omnem quamvis minimam partem Uteri, Testium, Ovarum, Tubarum, &c. ut nulla sit machinula memoratarum partium, quæ vim non patiatur, laxetur, atque commutet figuram, & contactum, ac propterea non perdat multum propriæ substantiæ, & facultatis; quum his quodammodò accidat, uti ligno supra ignem coniecto, cujus fibras discindit, comburit, & resolvit. Nulla igitur est Mulieribus vinolentis fluidorum molecula, quæ non æstuet, non concitetur, concutiat, ac veluti sub prælo innumerabilium virium non prematur, & mille miris modis non stimuletur, ac propterea non solvat alium ignem illis circumfusum, nulla namque est glandula, & præsertim corticis cerebri, quæ tunc tremore non corripiatur; nulla demum reperitur pars, quæ ita non oscil-



cillat, & nutat, ut evomere haud cogatur multum lymphæ, ac paulatim arefcere: vinosæ ergò Mulieres præpediunt consonam succi nervosi regenerationem, cujus vivida substantia tam valdè agit, atque adeò perturbatè cietur, ut humores summoperè exagitentur, & quasi flammei, & æstuosi fiant; quare Ova igneis particulis quocunque circumsepta nunc elixata, & arida evadunt, nunc ita suis capreolis, membranis, & vasculis involuta, ut præ molis parvitate sensum fugiant; quemadmodùm semel oculis armatis sedulò observavi in cadavere vinolentæ Mulieris, quæ repentè de medio ablata est ob immodicum generosi vini usum, cujus vi Ova, & Ovaria ita oculis obversabantur arida, & contracta, & Testes, Ova, Tubæ, aliæque partes illis adsitæ prorsùs tabidæ adinvicem involutæ, & implicatæ viderentur.

*Observatio  
cadaveris  
vinosa Mulieris.*

Dantur profectò hæc omnia sine evidenti fervore, & sive ullo ex iis indiciis, quæ sensibus ostendunt similes mutationes fieri per vehementes agitationes partium, ac earundem motum localem; igitur in omni parte Uteri dantur motiones locales, & sunt tantò majores in numero, quantò majores in numero recensentur minima componentia cujuscunque filamentum, ac villi; & licèt motiones indicatæ non sint vehementes, nec validæ, sed leves, atque lenes, tamen sunt præter ordinem, ac idcirco dantur impulsus, pressionesque præternaturales in omni liquido per Uterum dilabente, cujus minima corpuscula usu vel abusu calidorum veniunt in agitationem, & impetum, ac proindè vividiores faciliè divelluntur à cæteris. Toties ergò tollitur cohæsiō par-

*Vehemens  
agitatio.*



tium, tolliturque impedimentum, quo fiebat, ut particulæ liquidorum in tardum motum venirent, quoties à resistantia aliqua contranitente non cohibentur humores facientes tumultum; sublata igitur cohæſione memorata ope nimii corporis motus, aut concitationis animi, tam solidæ, quàm fluidæ particulæ in quandam libertatem, & vehementem confricationem veniunt; ex quibus indè oritur universalis tremor, atque luxatio in singulis partibus, quæ idcirco minutatim exſolvuntur, & reſtituuntur: hinc mirum eſt quantum poſt immodicam ingurgitationem calidorum ſolvantur particulæ ignis ſanguine, & liquido nervorum circumfuſæ; quantum dura ſolidorum, & fluidorum componentia atterantur; quantum momenti invicem acquirant; quantumve fervoris excitetur in ſanguine, atque ſpiritibus ſe ſe ubique effudentibus: ſed hæc ſolutio illico, & continuo facta à jugi fervore, ac ſpirituum agitatione varios producit effectus, quorum alii hîc urgent, rarefaciunt, & cohæſionem tollunt, illic contrahunt convellunt, & rugas, ſive minutiffimas criſpaturas pariunt, alibi fluida reſolvunt, fundunt, indurant, atque eliquant; demùm faciunt areſcere, imò ita pervertunt fluida, atque Uteri partes, ut ibi Ova fæcundari nequeant.

Dum igitur paulatim, & continuo per ſingulas Mulierum partes viſ ignis jam humoribus intermixti protrahitur, tiliarum, ac villorum machinulæ certis privantur liquidis, & Ova Teſtibus conferta, eorumque particulæ partim elixantur, partim in tenuiſſimas auras abeunt; cæteræ verò lymphæ craſſiores du-

*Nimii caloris effectus.*



durefcunt, uti obfervatur in non cubatis gallinæ ovīs, dum per elixationem coalefcunt; quod item tempore fummi æftus experitur in arida terra, cujus partes igne valde imbutæ adeò arefcunt, ut nullo fædere invicem conjungi videantur, ex quo fit, ut frumentum in terra conditum quodammodò uftuletur, abſque eo quod germinare queat.

Verùm enim verò ſi ex immodico corporis motu, ex hætenus dictis, tollitur naturalis conniſus partium, tollantur, ſimulque turbentur oportet operationes, quas poſtulat, & exigit uniuſcujuſque organi contextura, atque facultas: his poſitis, dico Uterum & partes Generationi infervientes vi confricationum, & preſſionum nimis forſan repetitarum, vique immodicæ iræ, aut cujuſvis pathematis animi permutari, ac propemodùm deſtrui humores, proindèque turbari ſpiritus, & ſuccendi tam per vim inſitam, quàm per externam; ideoque violentiam pati, vel, quod minimum eſt, impetum nanciſci, urgere, cogere, atque elimare, imò exolvere, & quodammodò ceream, ac mollem reddere Uteri ſubſtantiam, ac idcirco præpedire quæ ab exertationibus ejus pendent; nam ab incurſu igniculorum molles, nimis flexiles atque raræ evadunt fibræ, quæ quaſi abſorbent, aut diſſipant ejaculatum ſemen, & languidum, ac evanidum calorem naturalem conſtituunt; quia omnis cavitas pororum, atque meatuum depletur, & obſtat tentanti liquido nervorum, cujus ſubſtantia, & momentum adeò immittitur, ut nihil Generationi congruere videatur.

*Corporis  
motus nimis.*

Patet autem liquida ad Ovum perducta aliquem ſem-



*Semina li-  
quidorum  
ovi indi-  
gent motu.*

femper motum habere, quo se subducant à coalescentia, quod quidem fit tam ratione pressionis, & circumpressionis, quàm ratione æquilíbrii, & oscillationis cujuscunque partis internæ; sive igitur per unum, aut per utrumque id contingat, necessarium est, ut liquidum fæcunditati opportunum, & ad Ovum perductum non omninò quiescat; sed placidè urgeatur, seu, quod est idem, concinnè moveatur quousque expectet tempus maturationis, initiumque sumat æstus, quo lustretur, penetretur, ac femine fæcundetur; verùm si post certum maturationis tempus, ac æstus Ova non illustrentur, evadunt sicca, aut tabida, ideoque Generationi inidonea.

Quoniam vi nimix exercitationis, aut cujuscunque alterius causæ invertentis, ac absumentis humores valdè laxantur, elimantur, atque gracilescunt partes omnes, debent tam liquida intermixta, quàm contenta intra canales fibrarum, atque membranarum poros ita agere in motum reciprocum, ut singulæ quæque particulæ humorum, dum urgentur, comminuantur, jugiterque adeò oscillent, ut in varios occurfus veniant, commisceantur, atque turbentur itemque ut machinulæ fibrarum violentur, contrahantur, & distrahantur; ac propterea ignis priùs delitescens liberè agat, se seque trumat intra liquidorum semina, sed intra ea diu non sistat, at quasi fluens, & refluens erodat, ac veluti comburat; quin imò dum præterfluit, adinstar tot cuneolorum, quot sunt ejus particulæ, removeat à contactu quicquid priùs cohærebat; sed quum quod dicitur de fibris, in universum dici debeat de Utero, & partibus

Ge-



Generationi dicatis, nec non de infanti indole humoris replentis Ovum, cujus primordia vi agitati *Vis agitata ignis.* ignis illicò penetrantur, omnique utili, ac superfluo fluore privantur; quo fit, ut non solum Generationis organa æstuent, verum etiam humores resolvantur, aut coalescant, quare universi canales suo jam liquido pleni quodammodò inanes fiunt, corpus arefcit, & fecunditas perit.

Si igitur quæ deplent nimis cavitates steriles reddunt Mulieres, idem è converso præstare poterunt humores plus justo canales replentes; nam ingluvies plenitudinem faciens, & obesitas igniculos humoribus intermixtos, atque circumfufos vel re- *Ingluvies, & obesitas nimia.* tundunt, aut indebitè retardant; ideoque vis contractionum hebescit, & fluida tardè fluunt, quæ proindè obitènt oportet influxui tentantis liquidi nervorum, cujus causa fibræ universæ, & præsertim illæ, quæ Uterum, Tubas, Vaginam, &c. componunt, ita infarciuntur, atque fædantur, ut concinnam unionem minimè conservent; ac proindè motum, sensum, cæterasque naturæ facultates depravent. Quamobrem rationi consonum videtur, humorum moleculas tunc in Ovis congestas circumprimi, fieri inæquales, adaugeri, & turbari; ideoque Ova, eorum Capreolos, Tubarum frenulos, atque vasorum premi, & cumulari adipe, lymphâ, aliisque liquidis, ita ut nec Ova facile præterfluant, nec in Uterum derivent, nec sensum, nec motum Generationi respondentem partes memoratæ relin-  
ciant.

Jam verò ut Antecedentibus finem imponam, con-



*Si lymphæ  
consistit.  
vel humor  
cujuscun-  
que indolis*

consulamque Conjunctis, & prius affectionibus illis, quæ contexturam Uteri, & partium circumobstantium lædunt; consentaneum est putare in omni fibræ, ac villi Uteri distractione intercipi distantiam inter terminos singularum partium, atque aded inter earum spatiola derivare, & consistere aliquid lymphæ, vel alterius indolis produci non solum ætium, sed omnem inanitatem replens, & quamlibet resistantiam superans; unde quantò majores fient distantie distractarum machinularum, tantò minores evadunt vires, & resistantiæ, quarum defectu replentur quæcunque longitudinis vasa, dummodò momentum, quo repletioni resistunt, fiat minus momento, quo fluida defluunt; hinc fibræ quasi spongiolæ, fædo humore imbibitæ, secretionibus carent. Dico igitur in Utero, & partibus proximis aliquandò contineri quicquid læsionis est, aut esse potest in arteriis, venis, vasculisque lymphæ, quicquid esse potest in fibris, glandulis, & membranis, imò quicquid vitii insinuari potest in fabrica muscutorum, atque nervorum; adde quicquid agglomeratur in glomerulis glandularum, Uteri, & Vaginæ, quicquid crispaturæ, laxitatis, atque Aneurismatis in vasculis reperiri potest; adde demum quicquid tollit resistantiam, debitam figuram, connisum, & contactum, & alia, quæ Utero, ejusque fecunditati sunt necessaria.

*Quæ con-  
gruunt fe-  
cunditati.*

Ut igitur Uterus sit fecundus, ejus fibræ, & villi, vasa, nervi, & glandulæ donentur oportet congruenti liquidorum copia, proportionali motu, contractione videlicet naturali, & quandoque etiam



etiam superaddita, ea scilicet, qua fit, ut ejus muscularēs membranæ, vasaque universa arctiùs tendantur, premantur, validèque circumprimantur, ac propterea se se quaquaversum excutiant; imò ut villorum, ac fibrarum moleculæ naturali fœdere conjunctæ solvantur, evadantque majoris, vel minoris longitudinis, atque latitudinis absque ulla dilaniatione, scissura, ac divulsione, indèque ut invicem coeant, mutuoque gaudeant consensu. Sed postquam hæc omnia distracta sunt per vim contractionis superadditæ restituantur necesse est in naturalem longitudinem, latitudinem, figuram, terminum, & unionem; quod quidem non consequitur natura, dummodo Uterus non ditetur debita partium conformatione conducente hisce motibus, aliòquin Uterus malè conformatus divulsus, tumidus, sive major, aut naturali minor factus, retinebit in sinulis qua qua distributis per longitudinem villorum, & in eorum interjectis loculis aliquid alterans, retundens, aut restringens caloris vim, sive veriùs evertens tam momentum contractionis naturalis, quàm contactum, energiam, & figuram partium intrà, & extra Uterum existentium; quod si contingat, motus vasorum Uteri, & villorum contractilium erit compositus ex distractione per longitudinem, & contractione per longitudinem; qui quidem motus nititur invertere momentum contractionis naturalis cujuscunque machinulæ astruentis Uterum, aut quamlibet aliam partem illi adsitam. Quare tempore Generationis fibræ agglutinatæ, ut Hipp. utar verbo de Natura Muliebri, villi divulsi

*Facunditatem obliterant.*



obliqui, aut curvi magis fient rugosi, distracti, ac ferè cerei, & in suis spongiolis potiùs fædo humore inquinati, quàm saturi; ac propterea nec aptum locum, nec proportionalem motum, neque forum impertient illis Ovorum exordiis, quæ abire deberent in partes animalis, & in motum venire; tum quia hiatus vasorum satis non aperiuntur, tum quia singulæ partes non sunt eo ordine dispositæ, nec eodem modo perfectæ, uti decet, ita ut Ovi rudimenta non invertantur; nam dissoni motus, cæteraque superiùs indicata Utero, Ovariis, ac Ovis, tanquam igniario fomiti accendendo, ac veluti turbini excitando inserviunt.

*Violatus  
motus, &  
instrumen-  
ta lasa.*

Quotiescunque ergò Malpighii testimonio Consilio XC. de Sterilit. violantur motus leges, motuumque instrumenta, & præsertim Uteri, ac partium adjacentium, præpediantur necesse est Menses, vel si prodeunt sinè ordine, uti monet Hipp. de Muliebri Natura, aut pauci, vel pravi sunt, ex quo Morbo maximè steriles fiunt; nam combinatio minutissimarum particularum, quæ sunt in Ovo, adeò vitiantur, ne istæ Ovi activissimæ substantiæ se nimis aptè delineentur, vel si jam censentur in Ovo designatæ, ne vi spirituosæ contactus satis solvantur, in motumque veniant; quod plerunque evincitur in Mulieribus affectis aliquo pudendi tumore, ulceribus, scirrhis, Uteri procidentia, clausura primi sinus, aut cervicis, vel præternaturali tensione, laxitate, aut quacunque alia labe, atque concretionè humorum tum in Utero, Ovis, & Ovariis, cùm in membrana muscolari communi Tubæ Falloppii, nec non



non vasculis vespertiliformibus, quorum labe improporcionales fiunt motus; ideoque muscularis membrana haud potis est inservire Ovis loco infundibuli. Quocunque igitur modò memorata organa, aliaque Utero proxima plus æquo [ Mensibus non expulsis ] quasi sarcina gravantur, vel circumprimuntur Ova, atque Ovaria, faciliè os infundibuli claudunt, imò Ovi membranam omnium tenuissimam scindunt, ac idcirco concinnatam combinationem rudimentorum Ovi singulari ténèritudine scattentium contaminant, ac perdunt; & quamvis tensiones, atque circumpressiones interdum non sint tanti momenti, ut omninò impervium reddant dictum infundibulum, tamen tensiones, concussiones, & circumpressiones Uteri adeò Ovum jactant, & Uterum urgent, ne Ovum ipsum Utero cohæreat, ne aptè consistat, ac idcirco ne donetur eo, quo decet partium ordine, fotu, ac perfectione; ne demum ovi inchoamenta etiam semine sparsa explicentur, & debitum motum fortiantur.

Quoniam ex hætenus expositis Uteri sæcunditas nihil aliud est, quàm quedam Ovi tyrocinia semine illustrata quodammodò invicem coalescere, *Quid sæcunditas.* sive veriùs plicata, atque mutuò implicata explicari, crescere, & venire in illas operationes, in quas nondum venerant, antequam per Generationem se mutuò tangerent, aut à primò recederent contactu, fædere, se seque explicarent; hinc videtur rationi consonum Uterum constare debere ex partibus mutuò operantibus, se seque placidè moventibus; secus autem si in Generatione contingat,



*Quæ semen  
infirmant.*

*Quæ  
Ovum. li.  
quidum,  
& vasa  
præpe-  
diunt.*

verisimile est substantiam feminis invenire rugas in-  
numeras satis laxas, inæquales, & asperas, vel fibras  
callosas, nimisve inclinatas, sive contractas, uti de  
Sterilitate memoriæ mandavit Hipp. ; imò est satis  
consentaneum credere varios dari occurfus, variaf-  
que resistentias, quæ præpediunt liquidum agens,  
ne agat intra Ovum adhuc immaturum ; imò si  
parva, aut minima fuerit Ovi moles, proindeque  
imperfecta, atque expers combinationis mixtæ ru-  
dimentorum suorum, ac idcirco impotens con-  
gruentis æstus, ac virtutis, quæ sufficiat ad resisten-  
dum semini, & ad superandas resistentias vasculo-  
rum, ad disclusionem canalium, atque anfractuum  
remotionem ; tandem ad directionem, certamque  
dimensionem, atque partium positionem, tunc nullo  
modo Ovum profiliet è loculis, sinulisque suis ;  
sed adinstar fructus ad maturitatem non perducti,  
procelloso aere jactati, arctè consistet, nec concidet,  
vel in similitudinem alicujus feminis plantarum,  
quod non germinat, dummodò non sit perfectum,  
debitaque maturitate donatum.

*Ætas te-  
nella.*

In tenella igitur ætate Uterus est valdè alliga-  
tus, & quaquaversum adinstar folliculi constri-  
ctus, cum vis, quæ pertinet ad canalium ejus dis-  
clusionem, sit imbecilla, & membranæ singulorum  
canalium ad contactum positæ sint valdè fœderatæ,  
nec se trahant ad oppositas partes illius amplitudinis,  
in quam venire possunt ; & quamvis vasa sanguinis,  
quæ protrahuntur ad Uterum, & ad cæteras par-  
tes proximas, affigantur singulis canalibus, & intra  
eorum fibras, atque cavitates hient, itemque aliqui  
cana-



canaliculi à canalibus majoribus memoratarum partium diducti hient in cavitatem arteriarum eo planè modo, quo extrema venarum lactis hiant in cavitatem intestinorum tenuium; tamen Uterus satis non discluditur, ut fœcundari possit; nam hæc Uteri fabrica congruentem canalium disclusionem non admittit, nec sortitur aptam liquidorum derivationem, nec eam vim, quæ conducit ad eorundem solutionem, ac separationem liquidi à liquido, nec quicquid attinet ad modum exprimendi, atque agendi intra canales suos per quamcunque longitudinem, atque plicaturam glandularum; nec postremò consequitur quicquid est naturalis motus conducen-  
tis ad Generationem, nec quicquid pertinet ad maturationem Ovi; & licet in tanta brevitate loci, ac parvitate molis ubique prestò sint resistentiæ, tamen illæ erunt minimæ, & superari facillè poterunt ante decimum quartum annum, vel paulò post per solam vim ætus, per solam vim liquidi nervorum, aut per solam exercitationem corporis, sive confricationem liquidi cum solido.

Tranfacto autem quadragésimo quinto, vel, quod plurimum est, quinquagesimo anno, partes omnes & præsertim Uteri si non sunt omnino laxæ, atque solutæ, saltem maxima ex parte fiunt ita ad solutionem dispositæ, ut nihil aliud supersit quàm languida quædam cohæsionis vis superabilis per quacunque irritationem, atque alluvionem lymphæ, per quamlibet pressionem, ac liquidorum congeriem infarcientem villos contractiles, per levem, modicamque privationem ætus, cujus causa fibræ, & villi

*Post annum quinquagesimum in fecunda fiunt mulieres.*

vaf-



vasculorum per Uterum repentium vim consuetam exercere nequeunt ; vel quia illorum machinulæ nimis forsan laxæ sunt , inutilibusque humoribus subactæ , vel quia fluida vim promoventia eo , quo decet impetu , non fluunt per canales suos , nec ita pura , nec in tanta copia regenerantur , ut partes cunctas scitissimè illustrent ; vel demum quia humores igne vacui quodammodo congelascunt , ideoque contaminant , adeòque vitiant Ova , ac filamenta fibrarum Uteri , Testium , Tubarum , &c. ut nequeant depellere Ova ipsa è suis sinulis , neque exprimere liquidum à liquido , & propria secernicula eliminare supervacanea ; quò igitur major fuerit laxitas , & impuritas liquidorum , eò major fiet deformitas cutis , partium languor , & Sterilitas Uteri .

*Morbi acuti, & tales in fecunditate generant.*

Sæpè numero Sterilitas insurgit post acutos Morbos , præsertim si ita contabescit Uteri textura , ac totius corporis , ut omnium villorum machinulæ aridæ , raræ , inanes , laxæ , atque exsuccæ fiant ; ac proindè ita extenuatæ , & adinvicem disjunctæ , ut filamenta , stamina vasorum , & membranarum Uteri nectantur adinstar lanæ , gossipii , vel indistentæ aranearum telæ ; quocirca singulæ fibræ , ac membranæ Uteri , Vaginæ , Glandularum , Testium , Tubarum Falloppii , atque Ovarum evadunt rugosæ , friabiles , flaccidæ , ac dissolutioni abnoxia ; imò adeò inertes fiunt vires horum organorum , ut resistantiæ , & vires invicem non respondeant , ac propterea nullius prope momenti sint ad Generationis opus peragendum .

Solvitur interdum vi Morbi liquidorum mistio ,  
or-



ordo scilicet, cohæfio, ac solidarum machinularum figura & unio, adeòque turbatur tenue, crassum, lentum, molle, atque durum, ut omnino alterentur humores, eorumve motus, & quandoque etiam invertantur superficies contexturæ, & musivus ordo machinularum totius corporis, nec solùm aliquando humorum vitio, acredine, ac salacitate fibræ, & villi flaccescunt, sed ossa etiam mollia, ac veluti cerea evadunt; imò tam variè pervertuntur combinationes, & mutæ mistiones fluidorum, ut non rarò fibræ summo lentore, atque tartaro imbutæ osseæ quodammodo videantur; ac propterea ossa ipsa adeò areant, ut adinstar vitri facilè confringantur, quo tempore partes Generationi dicatæ non donantur apta temperatura, certa humorum copia, activissimis succis, aliisque conditionibus ad opus fecunditatis secundum naturam exercendum necessariis.

Irrunt quandòque tempore morbi humores, ac spiritus tumultuosi in Uterum, ejusque singulas partes, tum proximas, cum remotas penetrant, ac veluti repetito fluxu, & refluxu perterebrant, ac eliminant, ideoque fibras, & villos infirmant, atque ita extenuant, & exsiccant, ut per consueta Uteri se-  
cernicula inutiles humores non abscedant, sed exarescant, & humores absorbeantur, ac deficiant non secus ac rivuli ex pluriarum penuria.

*Humores,  
& spiritus  
tumultuosi.*

Depauperatis verò nervorum succis languescit omnis motus, fluxus, & refluxus intercipitur, ideoque vasa nec satis contrahuntur, nec distrahuntur; & quò magis privantur debita spirituum quantitate, eò magis à præterlabente sero, atque lymphâ acris

*Depauperatio  
succu  
nervosi.*

na-



naturæ eroduntur, & laxantur; quare sub tanta viscosi humoris gravitate, filamenta, villi, & tiliæ, earumque moleculæ lymphæ, aliisque impuris humoribus saturæ, ac distentæ vim patiuntur nunc tensione, nunc pressione, atque circumpressione; ac idcirco nec moventur, nec covantur ea vi, quæ est necessaria, ut inutilium aggeries in vasculis contenta, atque inanitatibus interjectis Testium, Tubarum, cæterarumque partium sibi viam patefaciat, unàque Ova fecundari possint.

*Mutatio liquorum  
& fabricæ  
Uteri.*

Mutanda item est fabrica fibrarum Uteri per affluxum sanguinis, lymphæ, Fluoris albi, aut humoris saniosi; imò permutetur oportet paulatim contractionum ratio in singulis fibris, & vasculis ibi confertis, quum per memoratas contractiones, & distractiones etiam superadditas nec scitè constringuntur cribra, neque aptè occluduntur ductus serpentes per Uterum, Vaginam, Urethram, & per totum meatum urinæ; ideoque in villos majores, atque minores, illorumque inanitates nec satis constrictas, nec ritè occlusas minimè insinuari possunt spiritus, & sanguis; qui licet nitantur influere in quamlibet fibram, tamen liberè influere nequeunt, impediente nunc laxitate fibrarum, nunc humorum sarcina, & plenitudine, nunc constipatione pororum, nunc maceratione filamentorum: hæc enim omnia, ac singula obstant devolutioni humorum, & in jugi distractione detinent quicquid ad Uterum spectat, imò hujusmodi distractio ulterius occludit emissaria nervorum, quorum ope præpediuntur villi contractiles, ne urgeant humores, neque eos in vasculis re-



retineant; per totum igitur tempus, quo partes Uteri erosione, vasorumque non exigua laxitate laborant, infarciuntur & conspurcantur tetrif liquoribus, qui sunt in causa, ut spiritus parùm vel nihil influant, aut influere frustra nitantur, ut sanguis, alique humores eo, quo decet, motu nec Uterum, nec Testes foveant, sed potiùs mutant naturalem indolem, assiduè fecernantur, & eliminantur, ac propterea Sterilitatem inducant.

Quotiescunque igitur humores carent debita missione, qua respondere debent partibus singulis, & præsertim machinæ Uteri, contaminetur oportet succus nervorum, simulque turbetur proportionalis motus, resistentia fibrarum, earundem connexus, & consensus innumerabilium propè molecularum, quibus omnibus eget natura Generationi studens: quomagis ergò Mulierum corpora impuris humoribus gravantur, eò magis inficiuntur, ac dissolvuntur filamenta, & quò abundantius fluunt hujusmodi liquida, eò copiosius circumsepiunt villos, tilias, & solidas moleculas; ac propterea ad instar glutinis, vel pigmenti adhærent lateritiis partibus vasorum, imò hic in rugis, atque plicaturis, in porulis, ac intestinis inanitatibus coalescunt, illuc glomerès dissolvunt, & proluunt, alibi lacunas laxant, easque lymphâ refertissimas reddunt, ita ut Uterus, Vagina, Testes, & Tubæ, &c. alluantur, ac veluti macerentur, ideoque Mulieres infecundæ fiant; quod etiam Hipp. fancivit de aere, aquis, & locis his verbis, *Ut plurimum Mulieres fiunt steriles, quia nimis sunt humida:* nonnunquam verò tam torpidò, densoque Utero sca-



tent Mulieres, tantaque vasorum angustia, & sanguinis Menstrui tam pauca copia ditantur, ut facile villi, & fibræ referciantur hac impuritate, ac veluti filamenta congelascant, atque semen restinguant; quod evidentur evincitur in terra palustri, ac gelida, in qua si germina inundantur, diuque frigore densantur, moriuntur.

*Vitium li-  
quidorum,  
& laxitas  
partium.*

Quò diutiùs itaque liquidorum vitio vasa per Uterum protensa laxantur, ac præterlabentibus humoribus falsæ, & acidæ naturæ eroduntur, eò faciliùs Mulieres fiunt steriles; nam ex omnibus vasculis raris & quodammodò dilaniatis, quasi ex totidem secerniculis abscedunt humores variæ indolis, qui cum scateant irritantibus feminibus faciliè elimant, & abradunt membranas, vasorumque oscilla, & potissimùm emissaria glandularum dilatant; ideoque glandulas, & lacunas exsiccant, unàque totum Uterum, & partes ei adscitas debito humore privant; ex quo fit, ut fibræ motu, & sensu donatæ languescant, ideoque præpediantur, ne ulterius potiri valeant eo contactu, ac relatione virium, uti postulat operosum opus Generationis.

*Obstructio  
laxitas, &  
alluvio.*

Si verò universa Mulierum fabrica, quæ constat innumeris instrumentis perviis, mutuò fæderatis, & adinvicem agentibus, obturetur, ac stipetur superflua humorum copia; si Uterus, ejusque proximæ partes, quæ debent certa, ac statuta quantitate sanguinis foveri, & reparari, alluatur, & quadam veluti humorum lacuna quaqua obsideatur, ut contingit Anasarca laborantibus, &c.; si denique Uterus, qui tot motus, totque sensationes vi fluidi, & solidi vicissim agentis, & patientis debet exercere, incidat



in nimiam laxitatem, & plenitudinem, nulla operatio erit integra, nulla facultas, nulla vis, nullus motus erit inoffensus; nam fibræ contexentes Uteri vasa destituantur oportet vi contractionis, & distractionis naturalis, cujus privatione lentescunt humores, qui proindè obstructions, & maxima inquinamenta pariunt; ex quibus fit, ut spiritus vitiosi regenerentur, ut vires, cohaesiones, figuræ motus, & resistentiæ in opere Generationis sibi aptè nequeant respondere.

Ex allatis satis percipitur fluida cuncta in diversa ætate, temperie, habitudine, & anni tempore multifariam commisceri, varia semper vi adinvicem agere, copulari, & dissolvi juxta diversum contractionum, distractionum, atque pressionum momentum, juxta diversitatem principiorum, vasculorum, atque cribrorum figuram, nec non agendi ritum cujuscunque partis; deducitur ulterius sanguinem magna feri copia imbutum inæqualiter Uterum, cæterasque partes ei adfitas madefacere, ac magis, vel minùs infarcire singulas villorum machinulas, illisque vires, & resistentias majores, aut minores gravitatem, inertiam, ac hebetudinem impertiri; ex quibus fit, ut motus liquidorum præsertim in optimis corporibus retardetur; ut ignis, & aliæ particule activiores etiam nervos accolentes retundantur oleosis, atque adiposis fluidis, ut fibræ os Uteri adstruentes, aliæque in toto abdomine confertæ supra vim propriam pinguedine gravatæ quodammodò concidant; ut tandè villi Tubarum, Testium, & Uteri irretiantur, & hebetentur, ac idcirco motum,

*Sanguis nimis fero imbutus, pinguedo.*



& sensum vires, & facultates fecunditati congruentes non exercent.

Alia item corpora gracilia igne, & sale nimis referta, naturaliter laxa, mollia, & nullius ferè resistantiæ, dum tempore præsertim æstus in qualibet pressione immodicè laxantur, atque debita resistantia, & necessaria humiditate privantur, illicò emolliantur oportet adinstar ceræ, quæ cito calore funditur, vel in similitudinem chartæ bibulæ, aut telæ rari subtegminis, & consumptæ, quæ si madeant quocunque modo tentantur, premuntur, vel contorquentur, aquam faciliè evomunt, & contexturam discindunt; sic organa Generationis Mulierum rara, & laxa mutant facillimè in congressu contactum, se seque prorsus emolliunt, ideoque vires, atque uniones Generationi congruas nequeunt servare, easque ita exerere, ut separationes, ac percussiones, siue contactuum vires conveniant fertilitati; nam membranæ, fibræ, nervi, & villi cujuscunque partis, existentis intrà, & extra Uterum ita à suo fœdere solvuntur, ut in modum gossipii dissoluti, & aqua calida madidi aliam figuram, contactum, & terminum nanciscantur; ideoque in interjectis spatiolis, atque inanitatibus intestinis irretiatur, inquinetur, aut tumuletur semen ejaculatum.

*Febris.*

Febrilis porrò calor quæcunque agitans Mulieres officit naturali rerum ordini, nunc concitando liquida, nunc irritando membranas canalium, nunc contrahendo, & ustulando plùs æquo fibras, quæ cùm ad Uterum, tum ad alias partes Generationi inservientes attinent, ut accidit chordis musicis, quæ diu calore tentatæ contra-

tra-



trahuntur, valdèque abbreviantur, & arescunt vi ignis concitati corpora Mulierum; & quò magis siccitate contabescunt, eò majores subeunt mutationes, ac læduntur Generationis organa, cum non modo impuro sanguine, fale, igneque refertissimo affundantur; sed quandoque etiam tartari coacervatione & infarctu ita contaminentur, ut hìc in crustulas, illic in squamulas, atque scabiei fuligines faceffant. Quare Ova jam depleta inania, ac veluti à subjectis partibus divulsa apparent, & quamvis sedula indagine in tabe consumptis, ac marasmode enecatis perquirantur, nihilominùs præ molis parvitate, inedia, atque siccitate vix oculis obversantur, & sensum fugiunt.

Adnotatione hìc dignum est, vim caloris excitati se se opponere calori feminis, ac illius tyrocinia perdere, cum vis diffusionis feminis, & motus acceleratus omnium vasorum, nec ab æqualibus viribus, nec ab æqualibus velocitatibus progignantur; sed unus, & alter vicissim turbantur; & quamvis memorati motus non oblitterentur, saltem omninò invertuntur non solùm causa discriminis, quod latet inter motus, vires, directiones, & velocitates, verùm etiam propter momentum caloris naturalis, ac præternaturalis, vel propter differentiam liquidorum, ac eorundem molecularum æstum. Quamobrem spirituosa substantia liquoris feminalis ad contactum Uteri febrili calore concussi in medio tot corpusculorum perspirabilium, totque effluvi-  
rum, quasi in medio fumi, hoc est ignis impuri, resolvitur in auras, non secùs ac si supra laminam  
can-

*Vis concita-  
tati calo-  
ris.*



candentem laberetur, seu, quod est idem, non fecus ac, si supra vaporarium aquæ ebullientis corrueretur; hinc ætherea feminis substantia nec ad Ovi contactum, nec ad fecunditatis illustrationem ea, qua par est, percussione vi pervenire potest.

Juxta communia ferè Doctorum vota illæ Mulieres planè recensentur steriles, quæ etsi uno, aut pluribus utantur, & quandoque etiam opportunis remediis adjuventur, nunquam tamen concipiunt.

Aliæ verò, licèt uni Viro conjunctæ, non concipiant, fecundæ tamen evadunt cum alio; nonnullæ autem aliæ ob aliquem Uteri affectum se diu steriles demonstrant, quo curato evadunt fecundæ.

Aliæ demum, etsi semel in Utero jam habuerint, indèque ob contractum vitium in partu fœtum non procreant ulterius, uti evenire solet in detentione secundinæ, & in lochiis non expulsis; quorum causa Uterus facilè divellitur à suis partibus, quæ imbuuntur saniosis, putridis, ac tetris humoribus, quorum vitiosæ particule, singulam inanitatem fibrarum, vasculorum oscilla in partu excoriata, & soluta commeant, nervos obsident, fibras, & filamenta irritant, ac quodammodò macerant; imò totius contexturæ Uteri, & partium adsitarum machinulas ita remonent à proprio termino, ut Tubas exsolvant, vel nimis constringant, ideoque Uterum impervium, aut forsan nimis laxum reddant, ac idcirco fertilitate privent Mulieres.

*Vitium  
Uteri in  
partu  
acquisitum,  
detentio  
secundinæ,  
& lochiorum.*

*Medicamentorum  
abusus.*

Nec minorem aliquandò noxam ferunt medicamenta purgantia, quorum abusus magis, vel minus convellit, laxat, fibrasque elimat, & non rarò

cas



eas naturali privat humore, quinimò aliorum etiam medicamentorum improba administratio majorem, vel minorem æstum impertit, interturbationem virium, relationum, atque vicissitudinum latentium inter fluida, & fluida, unàque inter solida & solida, vel inter solida, & fluida progignit. Tandem, quod non minimum est, alia remediorum genera adeò corpus eliquant, vires extenuant, caput hebetant, nervos, Uterum, Ova, ac Ovaria ita alterant, ut debitam partium simetriadem permutent; proindeque motus, & sensus fecunditati respondentes novo combinationis contactu machinularum, novoque fluxu, & refluxu, demùm alia mixtione liquidorum deturbant, & invertunt.

Præfens hæc nostra tractatio rationem postulat Sterilitatis emanantis ab Utero semen respuen-  
te, quam Hipp. breviloquio enucleavit lib. de Sterilit., eamque reposuit in nimia laxitate, & in sect. 5. Sententiarum aliter rem his verbis exposuit; quæ præternaturam crassæ non concipiunt, iis os Uteri, ab omento comprimitur, & priusquàm extenuentur, non concipiunt. Viri autem gravissimi, inter quos Roderic. à Castro, Primerosius, Wedelius Waldschind., Mauriceau., Platerus, Bonet., Veslingius, &c. hoc fieri posse affirmant à quamplurimis causis non naturalibus, & præternaturalibus, uti ex supra allatis, & ex paucis hìc infra dicendis benè infertur; nam vasa, quæ per Uteri, ac Vaginæ texturam sparguntur, inflantur, & fiunt duplo, vel triplo majora, imò suis tortuosis anfractibus evadunt adeò tumida, ut inter fibras, & rugas colli

*Uterus semen respuens, obest, vasa que tumida.*

Ute-



Uteri, atque Vaginæ hydatides diversæ magnitudinis repræsentent; imò ita implentur vasa, ut plùs æquo laxentur, in eisque Polypi progignantur, ac idcirco humores in his vasculis consistentes in callosam quasi substantiam degenerent, & sterilitatem inducant.

*Vitium virilis feminis.*

Vitio virilis feminis sæpè Mulieres creduntur steriles, quandoquidem illius substantia impuris humoribus valde diluta, atque fœdata etsi in Uterum benè temperatum injicitur, languescentes, ac fere restrinctas ignis particulas, quas secum trahit, per Tubas ab Utero ad Testes, & Ova in illis contenta diffundere nequit; vel si defluit ad Testes ea vi percussione, quæ congruit fœcunditati, Ova ipsa non pertingit, nec tantum momenti in Testibus exercet, quantum fas est, ut Ova suis involucris, & capreolis contenta excidant è finulis suis, ac proinde excipiantur ab infundibulis extremitatum Tubarum, atque insinuentur in Uterum.

*Virile semen calidissimum.*

Non rarò autem inchoamenta feminis virilis igne cumulatissima ita dilatant torpida Tubarum principia ab Utero protensa, ut nimis pervia fiant, vel ea quodammodo clement, aut adinstar membranæ, quæ igne tentatur, nimis crispentur; quo tempore ductus Tubarum, veluti Capreoli pluries contorti, ac circa Testes variè implicati, & in fimbrias divisi, sive veriùs in multiplices crispaturas inæqualiter efformati clauduntur; quinimò, furente etiam libidine, vascula per Uterum, Tubas, ac Testes repentia, itemque singulæ membranæ variis aqualiculis ditatæ illic majori affluxu sanguinis, huc

ma-



majori, quàm decet, lymphæ copia tument, quæ quaverſum urgent, premunt, ac propterea Oviductus omninò claudunt:

Verùm ſi ſemen virile tanto igne refertum corrugat, vel laxat Tubarum protenſiones, ſi eadem ignis vi ſuperat reſiſtentias, & occurſus; ſi inquam, permeat dictas Tubas, & Ova penetrat, non poterit quin uſulet Ovorum membranas omni teneritudine donatas, Ovorumque minima componentia elixet, ac idcirco Ova ſubventanea reddat.

Meum hîc non eſt innumeras, penè dixerim, reſcolere virilis ſeminis labes, quarum unaquæque ita agit, ut Maſculi ſemen haud congruat Utero, ejuſque finitimis partibus, nec non Ovorum tirociniis; nec mea refert Conjugatorum malam temperaturam, vel diſſimilem, aut nullo modo reſpondentem, ſive adinvicem oppoſitam humorum indolem hîc refricare, nec morum, naturæ, atque Animarum diſſonantiam in medium ponere, cum de ſingulis iſtis verba fecerint Rodius, Ballonius, Spiegelius, Pineus, Van-Hornes, &c.; mea tantùm intereſt coronidis loco affirmare, ea Sterilitatem ferre, quæ proportionem in qualibet Uteri, & adjacentium organorum parte non ſervant; quod utique evenit, quotieſcunque cauſæ motuum, atque ſenſationum, imò contactuum, ſibi viciffim non reſpondent, ſeu veriùs quoties vires, & figuræ memoratarum partium non congruunt unioni, atque mixtioni, nec mixtio unioni, nec unio mixtioni: ſi igitur naturæ modum excedant tenſiones, & laxitates, ſecretiones, aut detentiones inutilium li-

*Quæ proportionem tollunt.*



quidorum, pervertantur oportet Uterus, Tubæ, Ova, & Ovaria, imò machinulæ solidorum, & componentia fluidorum, depraventur necesse est vicissitudines, & relationes, motus, & mixtiones, quæ fieri debent in Utero, atque Ovis pro inoffenso opere Generationis peragendo.

*Quæ conferunt fertilitati.*

Ad promovendam igitur Uteri fertilitatem summoperè conferunt apta seminum, ac animorum concordia, universæ temperiei, atque ætatis mutatio, unàque remotio abusus rerum non naturalium: fæcunditati item congruunt indicationes respicientes ea, quæ Utero recensentur præternaturalia, aut quæ universo corpori, unive partium ejus averfantur. Quarè Mulieres plurimùm tenues, & extenuatæ reficiendæ, pingues macerandæ, calidæ refrigerandæ, & nimis frigidæ modicè sunt calefaciendæ.

*Curatio.*

Præmissis ergò universalibus, locum habent ferositates caprillæ chalybeatæ, balnea, usus aquarum Agri Lucensis, Nucerinæ, &c. item lactis usus, aquæ hordei, jurisque cum hordei farina: sedulò verò cogitet Medicinam faciens de restituenda firmitudine fibræ Uteri, de temperie optima fluidis restituenda, de amicabili animorum reciprocatione; uno verbo de inoffensa administratione rerum non naturalium, ut harum omnium auxilio fæcundentur Mulieres. Hæc, & alia præscribere viri in praxi facienda exercitatissimi, & præ cæteris Marcellus Malpighius Mædicorum facile Princeps in Consilio de Sterilitate, &c.



## CAPUT VIII.

## De Gonorrhœa.

**Q**Uoniam Gonorrhœa, excretio scilicet crassiusculi, & albidi liquoris, sivè alterius noxii coloris erumpit ex Prostatis, vel glandulis circa urethram positis, aut ex lacunis, vel ductibus hiantibus per totum meatum urinarium; & potissimum in ejus extremitate, cum virium languore, molesto sensu lumborum, atque ossis sacri; præferre videtur prius solutionem, sive laxitatem vasculorum totius membranæ nervosæ cingentis urethram, universumque meatum urinarium, indè erosionem, & vitium partium proximarum.

Hoc Morbo sæpe laborant Mulieres nimia pressione, nimia vè ignis & salis copia gravatæ, quorum secretionem peracta, cesset oportet Morbus; at tempore, quo maximè vigent salacissimæ lymphæ, & feri particulæ igne saturæ, interque minima sanguinis interceptæ, ne dum ea dissolvunt, sed veluti rotæ ea atterunt, vel adinstar materiæ unctuosæ, & facile fluxilis commoditatem eis præstant, ut possint excurrere, agitari adinvicem, atque adeò intermisceri; ut lutulentam quasi crassitiem, & lubricitatem cum exitu fortiantur.

*Calidi humores & salsi.*

Ab intestina itaque erodentis lymphæ, aliorumque liquidorum agitatione majorem fluxilitatem impertiente, à perpetuis ictibus, exercitationibus, atque impulsibus spirituum vasa lustrantium,

*Humorum agitatio Gonorrhœæ producit.*



dispergi constat minutissimas salium particulas, easque item transferri ad loca etiam remotissima, & vi, qua perpetuo urgentur, & circumprimuntur, imò propriæ gravitatis momento ita insinuantur intrà ductus, poros, inanitatesque urethræ, & totius meatus urinarii, ut spontè effluant.

Sortiuntur igitur nimis calidæ Mulieres humores superandis vasorum resistentis apprimè idoneos, quorum indoles, & energia ita vascula Prostatarum, & glandularum urethræ; ita membranam meatus urinarii poros, cribra, villos, atque stamina membranarum ad contactum posita irritat, & trahit in diversa latera, eaque ita à mutuo contactu removet, ut interjecta cribra, & coeuntium vasorum oscilla discludat; verùm si eodem tempore, quo hæc disclusio peragitur, eadem discluditur, discludetur certè canalis, & cumulabitur novo semper confluyente humore, foràsque stillatim ejicietur. Ex his jam intelligitur arterias, venas, nervos, vasaque lymphæ, uno verbo, vasa ab hæmorrhoidibus, atque hypogastricis progenita, itemque ad Uterum, Vaginam, Renes, Testes, Uretram, &c. protensa ob quamlibet luxuriantium humorum pruriginem, ob impulsam, & violentiam intrà, & extra eorum cavitatem illatam adeò laxari lacunas, poros, & villos vasculorum, ut quacunque diducti canales hient, eo planè modo, quo hiant extrema venarum, si discindantur: fiet igitur in hac rara, maximè pervia, & implicatissima fabrica non solùm disclusio canalium, & cribrorum dilatatio, nec solùm, inquam, omnigenorum liquidorum confluxus, sed quicquid est insuper intra

*Vasorum  
laxitas, &  
disclusio.*



trà lacunas, & vasorum myriadem, unàque quicquid spectat ad solutionem, ac separationem liquidi à liquido, atque ulteriùs quicquid pertinet ad agendi vim, nervorum contactum, & sensus dulcedinem omnium villorum astruentium canales cujuscunque longitudinis, & protensionis.

In actione autem sensuum constat, voluptuosas species ab externis objectis advenientes communicari per nervos ad cerebrum, hoc est ab extremis propaginibus, sive papillis nervorum ad eorum principia; & è contra ea forsan ratione, qua sit in fidibus variè tentatis, quæ illicò tremorem concipiunt, & ab uno ad alium terminum ille diffunditur; quod idem prorsus contingat oportet contento liquido nervorum, cujus substantia, si eodem undarum tenore fluat per nervos tam ad Uterum, quàm ad alias partes protensos, eodem ipso tenore diffunditur, & communicatur à sensuum organis Utero, Vaginæ, ac cerebro; & à cerebro iterum petit ad Vaginam, Uterum, aliasque finitimas illius partes. Quare hujusmodi reciprocus motus alterius undis persolutus oppositas urget, & premit nervorum extremitates, non secus ac, si hæ concuterentur, nimisque impuris speciebus, aut instrumentis uterentur contra honestatis mores excogitatis; & quamvis ob tot ictuum frequentiam, & exercitationum, ac motuum celeritatem non distinguantur sensationes, sed potiùs mutuò obscurentur, possunt nihilominus in tanta spirituum mobilitate, atque ictuum repetitione fibræ, villi, minimi ductus, inanesque spongiolæ succo spirituofo,

*Species voluptuosa quo modo agunt.*

at-



atque luxuriante turgidæ adeò vellicari, confricari, jactari, & dehiscere, ut ab horum omnium emissariis, & oscillis exprimantur, ac depromantur guttæ falsæ, ac sulphureæ lymphæ innumeros promoventis motus, & quandoque etiam excoriantis tum meatum urinæ, tum alias Pudendi partes.

*Torpor organorum,  
eorumque  
laxitas.*

Verùm si motus memoratarum partium exquisitissimo sensu præditarum, quas nervorum stamina pertingunt, & fulciunt, aliquandò ita torpescant, ut satis excitare nequeant colluviem liquidorum, quibus Uteri organa infarciuntur, inquinantur, & tument; ideoque ignis sopitas particulas, ac veluti, conssepultas, sive relictas nec liberare, nec adeò refricare, ut ita rectè agant in solidum, & fluidum etiam minùs iners, maximè involutum, aliisque humoribus implicatum; ac propterea contenta liquida, nec naturaliter permixta, nec adeò satis agitata reddant, ut imminuant cohæsiones à superficie canalium, nec sibi viam parent pro exitu, uti videre est in arcu tenso, qui sagittam non excutit, sed hoc tantum molitur, cum subitò laxatur; sic concretiones falsæ, & sulphureæ mutuò irretitæ, atque malè permixtæ, nec calidæ, nec igneæ sunt, donec inexsolutæ, & nimis compressæ manent; verùm dum exsolvuntur, si sunt arcui tenso similes, illico diffunduntur, luxuriantes fiunt, & æstuant. Tunc porrò vasorum fibræ, glandulæ, lacunæ, villi, & membranæ Uteri, Vaginæ, Uretræ, Prostatarum, atque mæatus urinarii, etsi humoribus imbuuntur, atque aculeis salinis tentantur, paulatim tamen, præsertim in Juvenibus, machinulæ cujuscunque partis, atque

tex-



texturæ ab interjectis particulis falis, & ignis sollicitari incipiunt, ac repetitis stimulis nunc adinvicem jactantur, nunc tenduntur; imò ita urgent, agitant, & quandoque sub contractionum prælo ponunt contentum liquidum, sive humorem quaque circumfusus, ut facilè elimentur molecule vasorum, ac veluti perterebrentur; ac idcirco aliquid falacis humoris ab interjectis machinularum spatiolis, veluti ex tot cribris guttatim effluat; nam irritata canalium fibræ tam propria, quàm adaucta contractionum vi ducunt introrsum canales, & trudent majori impetu extrorsum humores; si igitur, ut assereram, moventur paulatim inertes humores fale, & igne cumulatissimi, & in Utero, ac in partibus proximis, earumque oculis congesti; si indè sollicitè, uti decet, fibræ ductus, & glandulæ impuris humoribus imbibitæ moventur, concutiuntur, & quodammodo divelluntur, stimuletur item oportet tota nervorum substantia in Utero, & partibus adjacentibus extensa; ita ut post repetitos motus ab eorum forsan emissariis erurentur aliquæ guttæ agitati succi intra villorum insertiones, cujus vi excitentur contractiones superadditæ, tremores, & convulsiones, quæ etiam atque etiam humores alluentes attrunt, poros laxant, eosque dejiciunt adinstar fluoris, vel falsæ lymphæ, emulantis naturam Gonorrhoeæ.

Adnotatione dignum est, humores hujus indolis nunc placido, nunc valdè molesto sensu ex ductibus proflire, tum Clitoridis, Urethræ, & totius meatus urinæ, tum nervosæ tunicæ, & glandularum Vaginae pro ut Mulieres afficiuntur majori, vel minori

*Ignis, & falis particula stimulant & jactant organa.*

*Humores falsi laxant vasa, forasque erumpunt.*



ri laxitate vasculorum excurrentium per dictas partes, vel quatenus majori, vel minori cumulo scatent liquidorum unius, vel alterius temperaturæ, seu verius, pro ut irritaminibus variis impudenter utuntur; sales etenim quandòque humoribus foventibus Uterum circumspersi, inanitatibus æquè, ac igniculis refertissimi si miscentur, & demerguntur sero, ac lymphæ, facillè dissolvuntur, & minima ignis è carceribus salium liberant; penetrant idcirco, & dispergunt salium porositates, redduntque universam lympham nimis salisam, & acidam, valdèque agitatam, & fluxilem, quæ proindè vasa com meat, penetrat, & supra membranarum resistentiam dissolvit, ac foràs emergit: hoc non obscurè liquet in exiguis calcinati saxi porositatibus tegentibus innumeras particulas ignis, quæ dum calx in vase continetur, & ab aquæ pondere, & fluxili ejus copia in libertatem vindicantur, dissolvuntur nimirum prius particulæ calcis, seu, quod in idem recidit, laxantur vincula igniculorum, quibus patefactis egrediuntur minima ignis, expromuntur scilicet, ac nativo aquæ pondere sursum per eam cum magna agitatione ascendant, & in hoc ignis transitu ita concitantur, & concutiuntur particulæ aquæ, ut ebulliant, tumescant, & extra vas erumpant.

Addendum hoc in loco est multa, & quidem noxia adnasci Clitoridi, Vaginæ, Urethræ, glandulis, universæque longitudinis canalibus; nam falsi, & calidi humores variè, diu, & celeriter per varicosos ductus diffuentes, proindeque alii quocunque diffusi, sive circumfusi, atque consistentes in spongiosis



lis cujuscunque fibræ, & in loculis, cujuscunque membranæ raræ, & laxæ texturæ, ita agglutinantur, & præsertim in spongiosa raritate Clitoridis quasi concreſcunt, ut arteriæ, venæ, nervi, & ductus lymphæ mirè implicati aliquantulum areſcant, ac mutuò ferè nexu coagmententur; ac idcirco huc duritiem, & inæqualitatem, illuc glandularum tumorem, alibi puſtulas, exulcerationes, foveolas, & ulcuſcula ferant.

*Areſcunt hu-  
mores, &  
tumores,  
ac ulcu-  
ſcula fe-  
runt.*

Machinulæ igitur Vaginæ, & meatus urinæ, aliæque partes proximæ participare quodammodo videntur naturam gracilium laminularum, quæ ſi modico igne tentantur, illico caleſcunt, ſeſcuntur, laxantur, ac veluti liqueſcunt, non ſecus ac ſi eſſent cereæ; ſi verò confricationis vis, ſive ignis actio ceſſet, refrigerantur, rigeſcunt, & reſiliunt quacun- que: Ignis itaque, ac ſalis ratione, qua confricantur, ac vellicantur memoratæ partes, fortiantur oportet inſignes mutationes, uti contingit vi ignis, glaciei, vitro, ferro, &c., ſed in tam magna molecularum ſolutione adeò diſtrahuntur, ut capacita- tem adauctam cumulent impuris humoribus; qui ibidem variis in locis, & vaſculis congeſti ſimilitu- dinem referunt nunc unius Ovi anſerini, nunc plu- rium minoris, atque minoris molis, quorum pon- dere, & preſſione adinſtar tot torcularium con- ſtringentium quaquaverſum ita urgentur, & cir- cumprimuntur vaſa, ut neceſſariò aperiantur ductus glandularum, pororum, & cribrorum, hiatusque lacunarum; ac propterea adinſtar fonticuli, aut copioſæ exſudationis ex lata memoratarum par-

*Calor ſe-  
ſcit, & la-  
xat ſingu-  
las partes  
Uteri.*



tium laxitate, quasi ex filtro, albus, & crassiusculus humor eliminetur.

*Humorum  
congestio-  
nes tumo-  
res, exco-  
riationes  
producunt  
in variis  
partibus.*

Has varias liquidorum congestiones pluries observavi in Vagina, pluriesque propè Clitoridem, Urethram, nec non extremitatem meatus urinæ, præsertim in Gonorrhoea diutissimè vexatis Mulieribus, quarum aliæ febræ lenta fuerunt extinctæ, & earum aliæ diversa morborum complicatione de medio ablata. Cupidus modò intelligendi causam tam diutinæ Gonorrhoeæ cadavera sedulò secui, & sensuum testimonio perspexi alteram laborasse tumore inhærente fornici Urethræ; alteram, & alteram duro tumore in extremitate meatus urinæ; unam tumore inter Urethram, & Vaginam; aliam variis liquidis, existentibus in valdè laxis lacunis in modum glaciei, & tartari. Demum alia cadavera inveni diversis affecta excoriationibus, sinibus, ac tumoribus potissimum in Tubis Falloppii, & Testibus; ex quibus omnibus arduum esse deduxi veram invenire causam Gonorrhoeæ.

*Gonorrhœa  
vera, &  
notha.*

Ad totius rei non solum perspicuam methodum, verum etiam ad ratiocinii majorem facilitatem tradunt Viri gravissimi, distingui veram Gonorrhoeam à notha. At quomodo res, hæc evincitur? Si per intervalla sensim calidis humoribus onerantur vascula serpentina per Uterum, & Vaginam, alique pauci, parumve patentes ductus in cervice protensi, item si exilia vasa Tubarum, Testium, meatus urinarii, & Clitoridis, alique multa Prostatarum, si rugosa Oviductus interna substantia, si cæca lacunarum per glandulosum corpus perrep-  
tan.



tantium foramina, si glandulosa corpora super, & inter Urethram, atque Vaginam existentia; si denique arteriæ hypogastricæ rami ad Tubas, earumque fimbrias excurrentes, aliique rami arteriæ præparantis tendentes ad Testes valdè tumescant; si itidem turgeant hæmorrhoides, umò verbo, si interjecti pori, & spongiolæ cujuscunque fibræ acquirunt majus spatium, & multiplicant in suis oculis cùm salaces lymphas, tum cætera liquida igniculis ditata, eaque invitò, & ad longum tempus Mulieres depromant; tunc utique ab exaratis vasculis, nimio humorum cumulo imbibitis, nimioque pondere pressis effluat oportet tenuis liquor redactus in majorem facilitatem excidendi ex se ipso, & ex locis, in quibus continetur; cujus proindè uberi copia Mulieres quandoque citiùs quàm à Fluore albo contabescunt, quia eo tempore vires motivæ congesti humoris pendentes ab igne, & sale non sunt semper inter se æquales, sed magis, vel minùs fervent, atque atteruntur; ideoque premunt, distrahunt, & laxant vasa, quæ modò majorem, modòque minorem vim impulsivam nanciscuntur, qua singulos humores ad contactum venientes urgent, & dissolvunt; ac idcirco laxant moleculas fibrarum astruentium vasa, eorum emissaria aperiunt, cribra dilatant, foràsque contentum depellunt, non secus ac è vase figulino aufugit aqua calida, cujus tenuiores particulæ igne obsecundatæ penetrant, & quodammodò laxant moleculas terræ, quas indè commeant, & per interjecta etiam spatiola extra vas erumpunt.



Ex hætenùs expositis apertè intelligitur, veram nominari Gonorrhœam à Viris sapientissimis, quandò ex solis Prostatis, glandulis, atque ductibus meatus urinarii effluit humoralbus, vel alterius noxiæ naturæ; & quò magis, vel minùs vitio afficiuntur Prostatae, & glandulae circumobsidentes Urethram, eò magis, vel minùs noxia, & inquinata evadit substantia labentis humoris, cujus perennis decursus cùm perseverat, quandò fluunt Menses, tum quandò dejicitur albus Fluor, quoniam iisdem vasculis non videtur egredi pravus Gonorrhœæ liquor.

*Gonorrhœa  
vota.*

Notha verò appellatur Gonorrhœa, quum prodit tenuis ichor, seu liquidum serosum variis coloribus fædatum sinè sensu doloris, atque erosione, sinè corporis vitio, atque tabe. Verùm huic Morbo copulatur cachæxia totius corporis, tunc progignitur Gonorrhœa vitio liquidorum, quorum depravata substantia partes non instaurat; sed eas leviter laxat, unàque aliquantulùm flaccidas reddit Prostatas, aliasque glandulas ibi adfitas, ex quibus proindè secernitur lymphæ tenuis, flava, cerulea, vel alterius coloris.

*Symptoma-  
ta virulenta  
gonorrhœæ.*

In virulenta autem Gonorrhœa non est hæsitandum, an Urethra, urinæ ductus, aliæque supra memoratæ partes inficiantur, nec ne; cum urinæ ardor, pessimæque differentia humor effluens, totius Pudendi dilanationes, foveolæ, ulcuscula, virium languores, & dolores in universum probant totum solidum, & fluidum valdè contaminari. Nam quemadmodum lymphæ, quæ tempore veris  
è vi-



è vite ubertim profilit, supponit aeris æstum, vel aliquam vitis amputationem, ita noxius humor emanans ex meatu urinæ supponit ignis vim penetrantis, & laxantis vasa; item supponit acutissimos falium angulos perterebrantes, ac erodentes fibras vaforum, unàque inducentes ulcus. Præmissis igitur impuro concubitu paulatim totum liquidum ita venit in novam agitationem, & æstum, ut tam liquidum circumfufum, ejus membranas, aliasque partes proximas agat, mutuòque urgeat, & oscillet, quinimo se se violenter exerceat; particulæ igitur ignis, & falis dum penetrant, & agitant liquida summoperè diffusa, ita inquam agunt intra sales, ut eorundem igniculorum particulæ intrà binas quasque moleculas liquidi se se ulteriùs trudent; & postquam se insinuarunt, non consistunt inter easdem, sed quasi fluentes illico præterfluunt, undè debita relicta cohæsiōe moleculæ, quæ per igniculorum insinuationem à contactu recesserant, non aptè redeunt in mutuum contactum; ex quo fit, ut ignis particulæ, sales activissimi, aliaque minutissima effluviorum corpuscula se se trudent quasi cunei inter singulas partes, quæ redierant ad contactum, & inter cæteras, quæ non recesserant ab eodem, absque eo quod præterlabantur. Et quum quod dicitur de quibusdam duntaxat Uteri partibus, & humoribus, dici debeat de omnibus liquidis, & de universa fabrica Mulierum; mirum non est, humores fædari, & privari debita missione tam propter inæquabilem agitationem, promotam & ab igne, & ab effluviis pravæ naturæ, quàm à novo contactu, quo alterantur



tur, & vitiantur partes solidæ five ab insinuatione cuneolorum tenuissimæ substantiæ se se quaquaversum volventium, soloque transitu erodentium, ac exsolventium earundem contexturam; ex quo propterea fit, ut liquida æstuent, & solida magis confricent, ac idcirco liquida per vim æstus violenter diffundantur, citissimèque membranas, & fibras penetrent, easque cieant in non leves oscillationes, atque contractiones; quibus proindè & exauritur, & absumitur multum necessarii humoris; quare cæteri humores canales accolentes per vim diffluxus agunt plus æquo, & semper magis acquirunt impetum usque ad exiliorem canaliculorum partem; & dum eam pertingunt facilè dissolvunt, elimant, vel adinstar papyri madefaciunt. Et quamvis resistentiæ canalium Urethræ, totiusque meatus urinæ, glandularum, & ductuum lymphæ variis implicationibus, ac reticulari contextu non permittant discludi ex toto, nec humores ex toto preterfluere patiantur; tamen fluxus, & refluxus humorum erodentium, vel alterius depravatæ indolis indies magis laxat, & inquinat, & lacerat vasorum villos Uteri, Vaginæ, Urethræ, & meatus urinæ, adeò ut adinstar stillicidii ubertim fluat, & erumpat liquor sordidus, Gonorrhœa dictus.

Supereſt igitur ostendamus non solum vim effluviolorum salis, & ignis agitare humorem lymphaticum accolentem Urethram, & lacunas; verum etiam vitium impertiri fibris, & glandulis totius mæatus urinæ, aliarumve partium adjacentium, cum effluvia tam noxiæ indolis, ultro citroque commeent,  
&



& agant in aliis liquidis fœventibus Uterum, & Vaginam; quod idem prorsus contingat oportet cæteris liquoribus in universa per vim caloris, cujus energia dicitur agitatio, vel quoddam motus genus *Ignis, & salis effluvia solidum, & fluidum vitiant.*urgens, ac rarefaciens tam liquida circumfusa, quàm contenta intrà canales; ac propterea hìc ea jactat, & illic magis concutit, sive in motum reciprocum, atque oppositum constituit, adeòque ut singulæ quæque partes liquidi variè oscillando permutent vim, figuram, consistum, superficiem, atque missionem; unàque villi, & fibræ vasorum omnium Urethræ, Uteri, & Vaginæ oscillent, convellantur, & distrahantur, ideoque recedant à proprio termino; & si non repentè, saltem post datum tempus inficiuntur ab illis, angulosis salium particulis, quæ interjiciuntur adinstar cuneolorum inter machinulas jam flaccidas, & solutas; ex quo fit, ut vires languescant, & dolores exsurgant, quinimò ut minimæ partes solidæ, & fluidæ nec simul amicè concurrant, nec invicem respondeant.

Humor ergò effluens priùs forsan nitrosus, postmodum acris, falsus, & acidus, si æquè penetrat, laxat, & erodit tam Prostatas, quàm totum Uterum, & Vaginam, debet continuò à qualibet parte emitti ea fere ratione, qua lacrymæ ex fistula oculorum, & sanies ex ulceræ præsertim post longitudinem Morbi, in quo tum vasa lymphæ, cum totus Uterus naturæ membranosæ, & glandularis impuris liquidis subactus eliminantur, tumescunt, & in similitudinem spongiæ madidæ guttatim contaminatum humorem eliminant. In hac ergò par-

*Eliminatur guttatim à singulis Uteri partibus impurus humor.*

tium



tium raritate spongiosæ, cedentis, & distrahibilis consistentiæ, nec aptè, nec diu retinentur humores, nec multùm premuntur, nec præpediuntur ne diffluant; & licèt in interjectis loculis facilè stabulentur, mirisque modis agitentur, nihilominùs sphericam rotunditatem acquirere nequeunt, quia minima femina constituentia liquida ita contornari non valent, ut omnes tendant versùs unum punctum; imò in memorata partium distractione fluidæ particulæ magis raræ, scabriores, & asperiores fiunt, ac veluti variis anulis implicantur, & incurvantur ad modum arcus, ideoque præpediuntur, ne magno impetu descendant; nam præter resistantiam, quam sibi ipsis faciunt adinvicem, superare debent asperitatem parietum, vasculorum occursum, & inæqualitatem, ac rugositatem machinularum dissitarum, quarum ope ubique humores detinentur, & semper magis adinvicem irretiuntur; præsertim quia scabrities, & inæqualitas expeditam, & liberam vim motivam non suppeditat, qua repente excurrere possint dicti humores, qui quidem tenuiori tunc lymphæ privantur, crassescunt, & semper magis mutuò adhærent, ideoque magis, magisque exurunt, dilaniant, & dilacerant vasa, quæ tangunt, per eaque idcirco guttatim effluunt.

Solvuntur certè, ut nemo non novit, & plusquam Uterus, & Vagina laxantur Prostatae, tum quia minori vasculorum nisu, machinularum fædere, & resistantia scatent; tum quia majori, ac fallaciori alluuntur lymphæ, copiosiori ductuum frequentia, ideoque calidis, & luxuriantibus fluidis



referciuntur, quæ stimulis, quibus pollent, prævia qualibet violentia motus, madefaciunt, laxant, & exedunt glomerulos glandularum Urethræ, quæ jugi etiam urinæ transitu, quasi continuò limæ morfu elimantur, & supra alias partes infirmantur cum tota interna membrana meatus urinæ. Quod major igitur, aut minor fuerit excretio, eò major, aut minor sit oportet exsolutio, & confluxus vitiosæ lymphæ; quæ, si indè perseverat, alluvit universum Uterum, & Vaginam, ac propterea cæteros (quamvis resistentiæ majoris) lymphæ ductus, glandulas, lacunas, & spongiolas rarefacit, aut dilacerat, servata semper ratione resistentiæ, ætatis, temperiei, habitudinis, & contexturæ corporum.

*Causa majoris: vel minoris quantitatis humoris effluentis.*

Cessat autem defluxus hujus cœnosi humoris, vel quia nervi in memoratis partibus conferti dolenter vellicantur, contrahuntur, atque adeò conveliuntur, ut singuli villi, fibræ, & filamenta vasculorum abbrevientur, ac propterea eorum oscilla perstringantur; aut quia in postremis fistularum, & ductuum emissariis lanuginosæ, atque crassæ lymphæ, aliorumque simul liquidorum scabræ particulæ inter se se connexæ ulteriùs distrahuntur, atque adeò tenaci fœdere, & resistentia devinciuntur, ut evadant, veluti rete adhærens extremis fistularum, & ductuum emissariis. Verùm si vis dictarum molecularum distractarum major fuerit vi ponderis eorundem liquidorum, quæ in vasculis continentur, suspendatur oportet eorum defluxus eo forsan modo, quo sustinentur guttæ aquæ pendentes ex ramis arborum.

*Causa carentis defluxus.*



Curatio.

Meum non est hic ea symptomata recolere, quæ ad virulentam Gonorrhoeam, ejusque indicationes curativas attinent; sed eas tantum indicare proposui, quæ spectant ad simplicem Morbum Gonorrhoeæ Mulierum, qui ut plurimum ea petit auxilia, quæ albo congruunt Fluori. Parum itaque se exerceant Mulieres, utantur aquis Thermalibus, fotibus aliis abstergentibus, & mundificantibus partes affectas, relinquant ea, quæ in rebus non naturalibus censentur noxia, & quum Medicinam faciens cognoverit emergere Gonorrhoeam à cachexia, utatur illis pharmacis, quæ leviter purgant.

## CAPUT IX.

## De Hydropse Uteri.

## ANTECEDENTIA.

**E**ST Uteri Hydrops lymphæ serive collectio laxitatem, & tumorem inducens, tam humorum vitio, quàm ejusdem Uteri, aliarumque partium labore. Futurum prænutiant Morbum impuritas liquorum, otium, mæstitia, laxitas universæ habitudinis, & præsertim Uteri imbecillitas, abortus, partus difficilis, nimius Mensium fluxus, ac eorundem suppressio.



*C O N J U N C T A.*

**H**Anc ostendunt ægritudinem tumor ventris, Uteri trina dimensio, paucitas, & pravitas Mensium adinstar loturæ carnis, gracilitas mammarum, rigor, ac febris.

*C O N S E Q U E N T I A.*

**U**Niversi corporis Mulierum constructionem contemplanti planè constat organa cuncta situ, dispositione, motu, consensu, & communicatione quandam inter se proportionem servare; nam quemadmodum pars parti, & partes toti sibi invicem omnes respondent, ita stamina Uterum astruentia tum inter se, cum toto composito congruant oportet; & quamvis inter partes majores, atque minores intervacui loculi, atque spongiosæ inanitates existant, tamen humores circumfluentes adeò per suos ductus debent necessariò fecundare, & replere, unàque per poros undequaque labi, ut aptam missionem, atque inoffensam unionem servant; ac proinde in varia fluida se se commutent, tandemque per innumera fecernicula separentur, & quæ supervacanea sunt, detrudantur. Est enim Mulierum textura rara, laxa, atque omnino pervia, & humores suapte natura graves, subtilis substantiæ, ac penetrabilis eam debent, necessitate cogente, permeare pro varia machinularum instauratione, & secretionem, prove partium æquilibrio, & relatione in-



corruptè tuenda : verùm enim verò si invertitur ordo naturæ, hìc obstruuntur ductus, illic laxantur, alibi incurvantur, vel decidunt minima vascula, quæ priùs varia fluida urgebant, imò fibræ, villi contractiles, glandulæ, omnigenaque vasculorum filamenta debitam liquidorum quantitatem nec impellunt, nec separant, nec perdunt, nec absorbent; sed potiùs eam retardant, illaque plùs æquo imbuuntur, ac veluti perterebrantur, & macerantur; sive veriùs hujusmodi canalium series ita disposita adeò demergitur intra liquidum quodlibet, quod continetur in interjecto spatio ambiente undique expositam rerum constructionem, ut obstet influxui tentantis liquidi, unàque retardet, atque præpediat facultates contractiles, ne per totam longitudinem, & amplitudinem canalium influxus agentis liquidi diffundatur, agat, & trudat à contactu, quod est inutile, nam quemadmodum gutta guttam auget, atque longo tractu aquæ à diversis hinc indè rimis confluentes in magnam augentur copiam, & lacunam constituunt; ita humores stagnantes versùs Uteri regionem congeruntur in vasculis ibi repentibus, influunt per poros fibrarum Uteri, aut per glandularum vascula rara, vel discissa erumpunt, & paulatim totum Uterum laxant, & alluunt.

Res etenim certa, ac evidentissima est, si quis cogitet aquas puteorum non aliam ferè habere originem, quàm per exsudationem occultam ab aliquo proximo lacu, aut flumine, & quò magis terra est diluta pluviis, & frequentibus imbuta nivibus, eo magis excrescit puteorum aqua; sic partes Uteri,  
alie-



aliæque Utero proximæ vasculis & humoribus perpetuò refertissimæ ope cujuscumque labis impuris liquidis citò infarciuntur; indè quodammodo ita madescunt, & eroduntur, ut sensim laxentur, ac veluti tot stillicidiis, quot sunt pori, meatus fibrarum, disruptaque oscilla vasorum lymphæ alluuantur.

Causæ vero hujus collectionis stagnantium fluidorum in Utero, & nequeuntium sursum ascendere, emergere solent à liquidarum molecularum pondere, à jugi motu decidentium guttularum, vel à machinulis villorum, atque fibrarum valdè distractis, & ferè laxatis; quæ etsi sponte sua aptæ natæ sint denuo se se restituere ad naturalem situm, uti contingit in arcu, & in qualibet machina, quæ post violentam distractionem, extensionemque reducitur ad pristinam cohæsionem; tamen in Utero madido minimè fieri potest hæc restitutio, neque fieri sursum potest integrè circuitus, & regressus liquidorum omnium eo, quo decet impetu; ideoque humores aliquantulum sistunt, & cohærent, nec eorum stagnantes particulæ sursum impelli possunt; tum quia resistit naturalis eorum gravitas, & laxitas fibrarum, atque villorum Uteri, tum quia affluentes, & circumvertentes fluidorum particulæ ita augentur, ut ex earum jugi concursu madefaciant texturam fibrarum, vires, & resistentias extenuent, pondusque stillantium guttularum sustinere non valeant, ita ut non præterfluant, ac decidunt in cavitatem Uteri, ut clariùs ex Antecedentibus res illustrabitur.

Solent porrò Hydropem Uteri portendere for-

di-



*Sordida  
humorum  
temperies.*

dida corporis temperies, lymphæ illuvies, sædæque congeries liquidorum pravæ indolis, quorum substantiæ adinstar fluminum, quæ non parcas habent aquas, exque lentè fluunt, aut stagnantes alicubi sunt, vel aliquo secessu desides, aut ex natura alvei limosæ, maximè si alicujus Civitatis proluviis contemerantur, non possunt quin deturpent totam corporis facturam, unàque Uterum contaminent; ex quo fit, ut filamenta flaccescant, impurissimisque liquidis prorsus subacta reddantur; ac proindè Uteri attenuatas fibras, earumque inanes spongiolas permeant, tanquam sudor è corpore, vel tanquam lac ex ubere; ac propterea paulatim villos Uteri laxent, & macerent, quin imò ejus cavitatem diffundant, atque extendant, ideoque eam humoribus repleant.

*Cur Otium  
hydropem  
ferat.*

In otio itaque, vel totius corporis inertia, nec non animi mæstitia humores nec ritè agunt, nec aptè defecantur; ideoque materiam regenerationi spirituum necessariam non præbent, quorum quantitate, atque vi diminuta, vel magis impura substantia depravetur oportet sæcunda illustratio villorum, inservientium motibus necessariis; proptereaque infirmentur resistentiæ, laxentur fibræ, earumque moleculæ nec satis cohærent, nec sibi mutuò occurrunt; sed in propriis porulis, atque spongiolis, sive inanibus oculis dant locum ineptis liquidorum particulis, ita ut se se insinuent in interjectos loculos, in quibus dum plùs justo stabulantur, modò cum agitatione, modò sive ullo tumultu, fervore, impulsu, & concussione tot constituunt lacunas, quot sunt



sunt inanitates, in quas derivant; verum in diutino otio, atque mælitia si fibræ Uteri, & partium coherentium fædo sanguine, lymphæ, & sero adeo proluuntur, ut in modum chartæ madidæ laxentur, vel alterius genesis humoribus indebitè onerentur, aut membranæ vasculorum tumeant adinstar malè conditi corii; vel humores parum fluant in similitudinem lenti fluminis, quorum contaminata quantitate, difficilique transitu ripas ut ita dicam, vasculorum superant, rarefaciunt, effringunt; &, quod deterius est, cohæsiorem texturæ Uteri tollunt, eumque alluunt, imò vis motrix tunc adeo languescit, humores, & spiritus tam vitiosa labe inficiuntur, partes Uteri cænosa lymphæ imbibitæ ita intervertuntur, & macerantur, ac quodammodo acerbis humoribus cuncta vasorum genera ita eroduntur, ut exesa, & extenuata fiant, ac idcirco Uterus incidat in Hydropem.

Hoc facile occurrere potest Mulieribus cujuscunque ætatis, temperiei, atque habitudinis, præsertim si earum minima componentia, staminaque villorum, & fibrarum adeo attenuantur, eroduntur, ac veluti exsolvuntur, ut connisum, firmitudinem, unionem, vim, ac priorem resistantiam non servant, proculdubio membranæ, villi contractiles, glandulæ, venæ, arteriæ, nervi, ac cæteræ corporis partes, & præcipuè Uteri, quæ hîc referunt similitudinem cribrorum, alibi telæ rarissimi subtegminis, majoris, vel minoris crispaturæ glomeris, stillicidii, atque filtri, ita consumuntur, eliminantur, laxantur, & flaccescunt, ut perfrui nequant ulterius debita spirituum,

*Vasorum  
erosio & laxitas  
violant corpus.*



um, aliorumque fluidorum comitatu, ideoque privantur contractionum, distractionumque vi, ac propterea pressio, ac circumpressio momento; tunc inquam, fibrarum, & organorum omnium laxitas, imbecillitas villorum, Uteri, Tubarum, Testium, cæterarumque partium concidentia, membranarum distractio, atque vasculorum occlusio præpediunt virium facultatum, ac resistentiarum exercitationes; ac proinde violatur tota liquidorum massa, ne reparet fabricæ jacturam, ne agat intra machinas, ne istæ moliantur separationes opportunas, ne ab ipsis defluant superflua, atque expellantur: saturatur igitur Uterus tanta liquidorum colluvie, ita ut tumeat, se se aperiat, & in propriam cavitationem supervacaneos humores congerat, ac Hydrope laboret.

*Vasorum  
Uteri dilata-  
ceratio.*

In abortu, partuque difficili Uterus plaga maxima afficitur, & omnia quot sunt vasorum genera per ejus membranas repentina præ dolorum lævitia, nimioque conatu valdè solvuntur, & lacerantur; ac idcirco villi contractiles, eorum minimæ machinulæ haud restitui possunt ad naturalem cohærentiam, debitum terminum, atque rugosas crispaturas; ex quo fit, ut in interjecta spatiola latentia inter oscilla infracta vasculorum, inter filamenta, spongiolas, atque moleculas fibrarum, extra suum locum sitas derivent humores falsi, & potissimum lymphæ, quæ tum à vulnere Uteri, cum ab hiantibus ejus oscillis, quasi ex tot stillicidiis erumpant, & diversas lacunas constituent; sed in tantam molem serositates, & humores excrescunt in memoratis sinulis, ita ut circumprimant supra resistentiam vascula propè os Uteri

con-



conferta, quæ post datum tempus nimio humore cumulata incurvantur, & flectuntur in modum arcus; imò os Uteri non parùm premunt, & omnino claudunt, absque eo quod illis tantum sit virtutis, quantum oportet, ut alluentes humores pellantur, & illi, qui in vasculis continentur, revocentur sursum ad circulum; quare stagnantes humores, spectata dicta partium laxitate, sensim commeant, penetrant, & per raros Uteri poros modò citiùs, modo tardiùs Tubas, Uterum, Testes, vel omnia simul replent, atque Hydrope contaminant.

Historiis sunt plena Doctorum monumenta, produci scilicèt Uteri Hydropem ab immodico, Mensium fluxu, cujus exordia sæpè natalia ducunt à vi gravitatis feri, sanguinis, vel alterius liquidi se se intra poros salium insinuantis, eosque dissolventis; ac proindè impetum, atque fervorem ingenerantis, seu veriùs exoriuntur ab igne humoribus circumfuso, cujus immodica diffusionem disperguntur tum particulæ salis, cùm aliorum liquidorum erodentium, quæ agitationem, fervorem, & fluiditatem novis ictibus, & igniculorum impulsibus nanciscuntur ad instar aquæ, quæ valdè ebullit, attollitur, & incenditur, dum vivam calcem perfundit. Sic humores effervescent à repetitis convolutionibus, percussionibusque ab igniculis suscitatis, & à minimis salium particulis huc, & illuc jactatis; laxantur igitur singula Uteri vascula, quinimò eroduntur, & hiant, ideoque plùs jùsto contentos humores evomunt, ita ut post longum tempus sanguis non parùm imminutus, aliorumve liquidorum superstites particulæ

*Immodicus  
fluxus  
mensium.*



segniores æquo factæ, ac veluti feminibus vividissimis vacuæ, nec benè corpus foveant, nec latera vasorum pulsant, & urgeant, nec turgentibus particulis, nec tanto igne scateant, ut satis permeare, fluere, munire, atque irritare valeant facultates promoventes vires. Quare si contractionum momenta ita imminuantur, ut minora fiant momentis distractionum, sanguis, & lymphæ inutiles ab Uteri etiam emissariis minimè detrudi possunt, villi se se magis debent remove à contactu, nec se in mutuum recursum restituere; præsertim quia lymphæ, alii-que satis diluti, & languidi humores villorum filamenta, atque machinulas non reparant, sed potiùs proluunt, & alluunt; imò eo fere modo, quo aqua papyrum humectat, madefaciunt, laxant, & exedunt Uteri fibras, quæ proinde explosiones consuetas excitare nequeunt; hinc partium consensus recedit à mutuo amplexu, earumque usus ita infirmatur, ut sinus, & contextura Uteri jam labefactata, atque laxa valdè dilatetur, impuris-que fluidis referciatur.

*Fluor albus.*

Neque solùm immoderatus Mensium fluxus, sed Fluor etiam albus diù nimis perdurans universalem cachexiam pariunt; ac idcirco singulas Uteri spongiolas, ejusque inanes machinulas madefaciunt, simulque cunctas Uteri facturas, & præsertim glandulas, atque villos adeò dissolvunt, & distrahunt, ut facilè oscilla vasculorum Uteri, ibique excurrentium vasorum emissaria concidant, & quodammodo demergantur absque eo, quod lymphæ, alii-que inutiles humores fecerni queant.

Nonnunquam autem hæc impuri liquidi congestio



stio appellatur Uteri aquosa moles, ut statuunt Tulpius, Hildanus, & Schenchiuss, qui sedulò observarunt lympham modò viscidam, modò aquosam, nunc una, nunc pluribus, & quidem distinctis vesiculis coacervatam: ab Etmullero, aliisque gravissimis Scriptoribus falsa vocatur Conceptio, plurium scilicet Ovorum infæcunda generatio, quorum in Uterum descensus cum multiplex esse possit, item multiplex sit oportet liquor diversis in sacculis congestus ope affluentis succi nutritii, qui inter Ovorum panniculos derivatus, & conclusus unicam in singulis Ovis quasi constituit vesiculam: quare in Ovariis ipsis fiunt interdum tantæ numero vesiculæ, quanta sunt Ova Testibus adsita, quæ etsi mole parva citissimè tamem, cum summa donentur teneritudine, imbuuntur lymphâ, excrescunt, & tument; sed facillè, ut multis arridet, vi Purgantium disrumpuntur, nisi violentia vomitus, sternutationum, casus, ictusque inopinati summoperè concutiantur, unoque simul tempore scindantur.

*Varia humorum congestio.*

Evenit hoc idem aliquandò in Mulieribus Menstruibus suis carentibus, & præcipuè si Uteri glandulæ, lacunæ, Vaginæ, venæ, arteriæ, & lymphæ ductus laxentur adinstar gossipii indistenti; vel si ita rarescunt fibræ, ut in modum spongiæ fiant earum inanitates, ac proinde excipiant multum inutilis humoris, cujus superflua copia imbibitæ destitui debent opportuna vi contractionis, & distractionis; imo hac longa motus privatione, sive inertia magis magisque humores debent lentescere, & in similitudinem veluti aquarum stagnantium undique obsidere, & submer-

*Mensium carentia.*



gere fabricam Uteri, fœdusque molecularum cujuscunque filamentum ita dissolvere, ut tenuiores humores, & lymphæ permeent, congerantur, & stabulentur in Uterum, ut clariùs ex Conjunctis liquebit.

*Duplex Uteri Hydro-  
ps.*

Duplex communiter creditur Uteri Hydrops, alter videlicet à flatibus, qui Tympaniti quodammodo assimilatur; alter à liquidis diversæ indolis pessimè congectis, & hic Asciti respondet: horum primus, etsi à flatu illicò irruente exoritur, dolorem jugiter excitat, & Uterum protendit, uti in hysteriis affectibus quandoque contingit, quinimò si Uteri trina dimensio valdè adaucta diu non perennet, sed priùs adinstar tumidi veli, indè laxi brevi discutitur, jurè Hydropis nomen non meretur. Addunt horum alterum gravissimæ auctoritatis Scriptores, Tubarum nempe, Testium, Uteri, ac aliarum finitimarum partium Hydropem Leucophlegmatiam dictum, cujus præsentiam ostendit congectio lymphæ crassæ, & lentæ in similitudinem vitri fusi, vel feri albi adinstar lactis, ut non semel observavi in Pisarum Xenodochio; & cum rusticandi consuetudine gauderem, in Muliere hoc morbo diutissimè vexata, quæ post undecimum mensem repente non paucas libras crassi, & viscidum humoris excrevit. Elapsis verò duobus aliis annis iterum laborare cepit eodem morbo, demum pleuritide correpta occubuit, in cujus cadaveris sectione inveni Uteri cavitatem, Testes, & Tubas diversis veluti marsupiiis cumulas, in quorum sacculis, ac interjectis spatiolis viscidam, ac ferè lacteam lympham observavi.

*Observatio*

Tumorosa igitur hæc Uteri extensio adinstar



vitis uvis onustæ, quæ suapte natura sustineri nequit, dummodò arbore, aliove sustentaculo suis capreolis non fulciatur, concidit, quia ab universa vasorum ferè integris viribus sursum, deorsum, & alternè, in cænofo, molli, ac madido situ non comprimitur; facile idcirco in hujus loci humilitate progignitur Hydrops vel ab exiguo, & languido fulcimento singularum fibrarum, vel à filis ductis in orbem, ideoque spheræ, aut arcus figuram representantibus; siue mavis, à nimia laxitate, atque mutua disunctione; vel denique à tanta molecularum compressione, qua memoratæ fibræ, & vasa cuncta adinvicem nituntur, nimis urgentur, & sibi ipsis resistunt; sed quamvis humores lentoris naturam æmulantes in cavitatibus vasculorum contenti inertiam, tardamque attritionem, & motum fortiantur, à languescente tamen villorum, atque vasculorum impulsu leviter urgentur, & minus, ac res poscit, cientur; præsertim quia machinularum constructio Uteri impuris semper humoribus fatura, ac ferè visco oblinita activissimis opponitur liquidis, ideoque torpentibus viribus, variisque resistentiis donata situs, ac majoris termini mutationem ægrè nanciscitur, & ab incumbente pondere, nec non à gravi lutulentorum humorum pressione deorsum tendente præpeditur; ex quo fit, ut liquida, quæ infarciunt moleculas fibrarum eas deforment, superficies scabras, asperas, & inæquales reddant; ac propterea earum vires, & resistentias adeò infirment, ut inæqualiter fluida ipsa retardent, nè sursum liberè revehant: otiosi igitur villi Uteri se se contrahere, & distrahere liberè non

*Fulcimentum languidum fibrarum.*



valentes nec vim naturalem exercere queunt, nec aliud pondus sustinere præter infarctum, & constrictionem progenitam à circumambiente pressione, aut ab alluvione circumfusi humoris ita fibras extenuantis, ut liquores intrà quamlibet inanitatem stabulantes permeent, diffuant, dirimant vascula, latibula, inanesque spongiolas cujuscunque filamentum Uteri.

*Varia partium læsiones.*

Hæc itaque tumorosa labes nunc à totius corporis malè affecti vitio, nunc à læsione tantum unius partis ingeneratur, uti etiam post febres acutas, post vitium unius, aut alterius visceris, vel post rheumaticas passiones, &c observare licet; nam si quis Uterum sedulò examinet, in confesso habebit, componi ex machinulis flexibilibus, & resilientibus in modum arcus; & in hisce machinis villorum, atque tiliarum consistere tumidam elevationem Uteri, cujus instrumenta magis, vel minus flectuntur, & explicantur pro ut magis, vel minus ab externa, atque interna liquidorum quantitate, vi, acrimonia, aut fædine urgentur, irritantur, atque læduntur, sive in alium terminum, amplioremque locum venire conantur. Hoc integrè assequitur, qui hoc jugiter meditatur, præsertim si concipiat liquidorum substantiam conflari & ipsam ex innumeris machinulis juxta se positis, & in hujusmodi fluidorum aggregato reperiri non paucas particulas conicas, aliasque virtute elateria donatas; quæ postquam se se insinuarunt in meatus, atque inanitates villorum adeò comprimuntur ab aliis, & aliis ibi irruentibus, ut se se diffundere, ac dilatare nitantur; atque id-

cir-



circò irrumpere intra aliam cavitatem, quo tempore fibrarum, ac villorum machinulæ vel laxari, vel torqueri, aut flecti, & arcus figuram acquirere conantur.

Totam igitur Uteri fabricam in qualibet ætate, atque corporis habitudine ex hæcenus jam dictis componi liquet à variæ contexturæ particulis, conulis, ac tubulis magis, ac minùs gracilibus, eosque astrui ex materia magis, vel minùs resiliente. Item liquidò constat, memoratas machinas foveri, & in-  
 staurari ab optimæ indolis humoribus, qui si sale, *Humores falsi, & sulphurei.*  
 ac sulphure indebitè referciantur, vel aliis semini-  
 bus elaterio scatentibus, aut acidis particulis erodentis naturæ adinstar aquæ fortis cumulentur, tunc rarefcant oportet vasculorum, atque machinularum contexturæ; imò contrahantur, ac tendantur villi necesse est, simulque humores concitentur, ebulliant, evaporent, & aerem circumfufum laxent, atque explicent, eoque quasi nova vi Uteri membranas, earumque vascula tendant, & adinstar veli vento expositi repleant.

Quoties libero impetu non fluunt Menfes, toties humores debita igniculorum præsentia, & vi  
 carent; ideoque retardantur, atque turbantur, & *Menfes retardati.*  
 quod deterius est, fabrica Uteri hebescit, ac priori contractionum vi destituitur, proptereaque contaminetur oportet materies fluidorum, quæ nec proportionè respondet machinulis, poris, vasculis, atque vasculorum emissariolis totius Uteri, nec adeò urgetur, premitur, atque atteritur, ut aptè fecerni, ac depelli possit. Quamobrem Uterus paulatim



latim laxatur, atque alluvione quadam afficitur ad-  
 instar ligni raræ substantiæ diu in aqua demersi,  
 cujus laxa materies aquæ gravitate, ac tenuitate fa-  
 cilè madet, penetratur, & nimis forsan aqua ipsa  
 imbibitur, non secus ac si esset spongiæ frustum;  
 item Vagina, cujus rara, ac spongiosa substantia,  
 quemadmodum minimis donatur lacunis, vasculis,  
 & glandulis variè dispositis per series tenuissimorum  
 filamentorum adinstar capillitii scatentis inæquali-  
 bus crispaturis, ita facilè in ejus rugis, & vasorum  
 superequitationibus filtere debent humores, vasa re-  
 plere, tumefacere, omniaque alluere.

*Prava se-  
 cretio  
 Mensiam  
 adinstar  
 lotura car-  
 nis.*

Prava item Mensium secretio in modum lotu-  
 ræ carnis prænuntiat crassas, atque terrestres sangui-  
 nis particulas malè commisceri, difficilè ab invicem  
 dissolvi, ac separari; quinimò unam liquidorum  
 partem igniculos ferè tumulare, ideoque innume-  
 ras humorum particulas mutuò conjungi, ac veluti  
 sphæricè conglobari; alteram itidem humorum par-  
 tem vasorum lateribus inhærere, quotiescunque in  
 villorum Uteri laxitatibus, ejusque loci humilitate  
 sibi mutuò approximantur, uti colligitur ex dua-  
 bus, aut pluribus aquæ guttis, una super aliam  
 existentibus, seseque vicissim amplectentibus, ac  
 ampliorem guttam efformantibus. Variè enim in-  
 dolis, figuræ, ac superficiei particulæ missionem,  
 contactumque diversimodè constituunt; & quamvis  
 à pressorum vi, aut ab aliqua violentia distrahan-  
 tur vascula, cunctaque organa solida, sive atte-  
 rantur fluida, & perturbentur; sive veriùs, quam-  
 vis sub pressorum prælo pluries, & quidem variè

re-



reponantur humores, ac proinde segregentur, & exprimantur tenuiores substantiæ redolentes naturam lymphæ, vel feri, seu mavis spumæ, aut loturæ carnis; tamen recolliguntur, arctiùsque denuò conglobantur tartari, salis, aliæque lentæ, aut scabræ liquidorum moleculæ, quæ nervos protensos pungunt, spiritus concitant, & jactant; ac proinde Uteri tendunt vasa, ea sensim indurant, & pungunt, imò Uterum laxant, & replent, & sæpissimè tumorem aliquem procreant.

Congeries ergò iners, ac viscida inutilium liquidorum diu in Utero existentium semper magis depravat, & invertit humorum particulas, villorumque machinulas contaminat, infarcit, & mace-

*Inutilium  
viscida  
congeries.*

rat; ideoque relationes, vires, & resistentias adeò infirmat, ut circularis liquidorum motus languescat, aliique motus minimè propagari possint usque ad summitatem præsertim illorum vasculorum, quæ in mammas protenduntur; nam in fistula angusta, & alta non æquè commodè, ac facilè aqua agitari potest; vel si semel agitur diu non perseverat, quum crassiores, ac duriores particulæ non ascendant usque ad supremam aquæ altitudinem, dummodò agitatio non sit vehemens, sive non superet inertiam, crassitiem, & resistentiam totius molis aquæ: sic humores foventes Uterum, & in quadam constituti quiete, ac veluti stagnantes, impressos motus, impulsus, atque circumpressionis vires vix percipiunt tum ob figuras ramosas, quibus invicem irretiuntur, cum ob resistentiam eorundem adversus minimas contractiones, debilesque agitationes,



& hac de causa motus in tota Uteri fabrica languidè persoluti haud sursum urgere queunt humores usque ad mammas, easque nutrire, respergere, ac reparare; potissimum quia ob memoratam Uteri lacunam fluida cuncta tam ratione majoris gravitatis acquisitæ, quàm vitio figuræ, superficiei, & naturæ permutatæ ita inquinantur, ut attolli, ac insinuari nequeant intrà inania spatiosa glandularum, quæ sunt in mammis confertæ.

*Quomodo  
rigor exci-  
tatur.*

Ex pluries allatis ulterius constat substantiam Uteri continere innumeros poros adinstar spongiæ, vel pumicis, eosque exiguos, & inter se communicantes, qui vel lymphæ, aut aere replentur. Nemo propterea negabit lympham proprio, ac naturali pondere se se insinuare intrà meatus, atque inanitates fibrarum Uteri, at cum aliqua agitatione, ut in spongiæ madefactione contingit; simulque cum motu congruente lymphæ sale refertissimæ, cujus angulares, & scabræ moleculæ jam commotæ, & ad diversas partes tendentes impetum concipiunt; & supremis, infimis, ac lateralibus porositatibus percussiones inferunt, hoc est tum fibris, & villis, cum nervis, vasculis, & glandulis ibi confertis; ex quo fit, ut agitatio, & commotio exarata irriter, & stimulet nervos Uteri, ideoque pungat, molestissimamque vellicationem, convulsionem scilicet levem, vel rigorem in universum corpus excitet.

Supposita ergò agitatione, & commotione, lymphæ alluentis Uterum, dum hæc vi suæ gravitatis insinuatur intrà spongiam Uteri, facilè ab invicem dissociantur oportet particulæ eam compo-  
nen-



nentes, tum ob ejus injectionem intrà inanes loculos, tum ob percussione, & contactum aliorum fluidorum elaterio scatentium; ex quo necessario fit novus motus, nova commotio, ac veluti novus fervor, cujus ope à vinculis solvuntur semina delitescantis ignis, implicati falis, vel cujusvis alterius principii, quæ indè omnia sæpissimè acquirunt tantum momenti, quantum oportet, ut stimulent, & interturbent spiritus, fibras confricent, & urgeant humores, imò ut febres exfufcitant.

*Lympha  
commotio  
febrem sus-  
citas.*

Post suppressionem Mensium Mulieres se Utero gestare existimant, etsi loco fœtus lymphas tantum in Utero collectas diu ferant; ideoque motus fœtui congruentes statuto tempore sensibus non percipiunt, sed undas solummodò contenti humoris sine siti, orisque ariditate persentiunt; hinc durities, & renitentia pendent à flatibus, quemadmodum fluctuatio à sero, & lympa generatur, quæ si in Utero solùm congeritur, tantum spatii non occupat, quantum in universali Hydrope, uti per occasionem observatio demonstrat, quandò flatus, vel serofus humor ab Utero duntaxat erumpunt; quod dilucidè patet ulterius in lochiorum suppressione, quorum lutulenta congestio brevissimè Uterum in magnum tumorem attollit, & Hydropem constituit. Verùm si postmodum lochia iterùm fluere incipiant, citissimè Uterus detumet.

*Quando  
lympa ab  
Utero.*

Post Mensem unum, aut alterum à Conceptione incipiunt quandòque Mulieres Uteri Hydrope laborare, uti non rarò ex abortu mortui fœtus secundi, aut tertii mensis, nec non à magna lymphæ



*Abortus  
Conceptio.*

excretionem evincitur. Concipiunt, item alia, indeque præ molli, ac veluti cerea Uteri substantia paulatim dissolvuntur fibræ semine sparsæ, & plus æquo laxantur texturæ vasorum lymphæ, cujus rei causa lymphæ ipsa Uterum in lacunam convertit, & corpus universum commaculat, & madefacit; nihilominus non paucæ sunt Mulieres, quæ ad legitimum usque tempus gestare possunt fœtum, sed adveniente tempore partus utroque exonerantur; verum si interna Uteri stamina, & vasa superequitantia lacerentur, aut aliquantulum membranæ dilanientur, nec eo, quo prius arcto fœdere fulciuntur adinvicem machinulæ Uteri, atque vasorum ejus, nec ita concinnè revertuntur ad priorem connitum, ut Mulieres recidivam pati nequeant.

Consulat qui hæc perpendit Hildanum, Sal-muth, Etmullerum, Vesalium, Platerum, Fabricium, aliosque plures, in quorum commentariis inveniet innumeras ferè historias, quæ ad evidentiam usque probant exposita.

Ne igitur Uteri simplex tumefactio in verum Hydropem degeneret, cogitandum est prius, ut monet Tulpius, Brunet., Primerosius, Roderic. à Castro, alique eximii viri de illius interna causa, an scilicet à vitio viscerum, an ab Uteri imbecillitate, aut à tumore progignantur, inde certa elicta indicatione, prompta est instituenda Curatio. Cogitet ergo Medicinam faciens, an hic Morbus Uterum alluens sit cum, aut sine fœtu: si primum, relinquat opus naturæ, dummodò sævissima non urgeant symptomata, quo tempore blandè aliquandò evacuet; si secundum

*Indicationes & curationes.*



dum stimulet Uterum, ac partes proximas nunc vomitoriis, nunc clysteribus, demum mitioribus prius Purgantibus, indèque validioribus.

Verùm enim verò si à Suppressione, vel à nimia plenitudine Morbus exurgat, locum habere videtur venæ sectio, secus autem si ab alia progignatur causa, evadit noxia: sola igitur Purgatio tutius ægris præbet auxilium, eaque non inconsultè peracta diu aperientibus, & diureticis utendum.

Me autem non semel docuit observatio, *Observatio practica.* Mulieres urbanas post partum variè laborasse, modo nullo non mense, modò cum interjecto spatio trium, vel quatuor mensium Uteri tumorosa elevatione, sed expulsionem peracta quatuor, vel quinque librarum lymphæ, Uterus se se restituebat, forsan quia congestio lymphæ, quæ in vesiculis, Utero, ejusque confertis vasculis hospitabatur, propria, qua scatebat gravitate, atque erodente vi tam obstructa vasculorum oscilla, quàm Uteri os patefaciebat, ac propterea vesiculas memoratas scindebat; sed nè diutius Morbus Patientes gravaret, atque rueret in pejus, singula hebdomada leve leniens propinabam, cujus auxilio multum ferofi humoris Mulieres hoc Morbo affectæ per alvum pellebant; nec ampliùs post sextam vicem Uteri tumore, nec improba humorum eliminatione gravatæ fuere.

Laudat Malpghius Consil. 64. Tincturam Chalyb., Remedium Poterii, Jus pullæ alteratum radic. gram. foliis primulæ veris, &c. Quæ omnia variè adhibita integram curationem absolvunt.



## CAPUT X.

*De Uteri Procidentia.*

## A N T E C E D E N T I A.

**U**teri Procidentia est descensus, vel ejusdem è suo loco remotio causa laxitatis, aut solutionis ligamentorum illum appendentium.

Ut plurimum anteire solent partus difficilis, Mensium suppressio, profluvia, fluores, dolores in qualibet hypogastrii parte, ictus, casus, percussiones, labores improbi, cæteræque violentiæ laxantes, nec non exsolventes memorata Uteri ligamenta.

## C O N J U N C T A.

**C**omitantur ægritudinem molestus Uteri sensus, pondus grave, difficultas ad motum, è sinuque pudoris exitus ipsius Uteri repræsentantis tumorem adinstar Ovi anserini.

## S U C C E D E N T I A.

**H**ÆC Uteri factura rarè in tenellæ ætatis Virginitibus, sæpè in Conjugatis, ac Vetulis descendit; & licèt in istis fibræ, ac villi contractiles sint in omni contextura canalium variè implicati, atque explicati, tamen nihil continent, quod sit firmum, & laxitatem non redolet, aut quod obstare possit ten-

tan-



tantibus liquidis, ne flexiles, & ex sui natura contractiles, atque distractiles machinulæ ab aliqua interna vi, aut externa dissociantur; ne membranæ ad contactum positæ contrahantur intestino conatui liquidi circumfusi, ne madeant, atque plûs æquo protendantur, ac idcirco alium acquirant terminum; nam glandulæ, membranæ, villi, & fibræ canalium per Uterum repentium satis aliquandò foras trudere nequeunt supervacanea per influxum agentis liquidi, quia sunt nimis distractæ, & humoribus imbibitæ; ideoque urgent tantùm ad exteriora eodem illo conatu, quo urgentur à liquido quiescente. Verùm si hujusmodi conatus est æqualis nisui, quo eadem membranæ urgentur à circumfuso liquido versùs interiora, si item paulatim augetur liquidum quiescens, non poterit non macerare fibras, easque magis distrahere, & præ nimio infarctu, ac pondere circumfusi humoris, earum superare vires, & resistentias; ac idcirco Uterum immodica humorum farcina gravare, ejusque ligamenta exsolvere, ac diruere.

In Senibus autem sæpissimè observatur hoc Morbi genus, quum quacumque solidi labe, fibræ, villi, atque tilia musculares ligamentorum Uteri fiunt inæquales, cruentæ, asperæ, ac veluti crustulosæ; nam earum omnium constructio, ne dicam inanis aggestus diversarum particularum facilè cedit, & extenuatur; ac propterea benè adinvicem filamenta non coeunt, nec mutua concinnitate implicantur, nec proportionem congruente sibi respondent; imò dictæ fibræ, & villi contractiles, eorumque machinulæ debita



bita unione, ac virtute privantur, sive, quod in idem recidit, spirituum activissimis particulis destituuntur, fluidaque cuncta naturali mixtione carent; ac propterea utraque viribus, & resistentiis inter se agentibus adeò vacant, ut languida prorsus, infirma, atque inepta evadant ad Uteri pondus sustinendum.

In quacunque igitur ætate, Uterique positione singulæ ejus partes laxitatem pati possunt, ut de Morbis Mulierum statuit Hip. Si igitur conceptus liquorum impetus extrusioni conducens non est tantus, qui superare possit occursum, ac resistentias tum à solidis, cum à fluidis exortas, aut superfit, vel redundet liquidi circumfusi pars aliqua, tunc membranae Uteri laxant suas rugosas plicas, nec discludunt hiatus vasorum, imò liquidum diversa vasa accollens tardè, & languidè derivat tam ad nova vasculorum immissaria, quàm ad eorundem emissariola; ex quo demùm fit, ut ad certum usque terminum deductum liquidum nec influat, nec effluat; nihilque urgeat, sed pondere, quo scatet, paulatim devolvat Uterum, eumque è sua dejiciat sede: fibræ ergò carnosæ, omnigena vasa, variè inter se contexta, communis Peritonæi membrana Uterum circumsepiens, unàque fasciculi fibrarum, lata, & rotunda, ligamenta dicti suspendunt Uterum, & suspensum alligant partibus proximis, eumque adeò firmant, & detinent, ne situm mutare, & extra pudendum prolabi possit: verùm si vitio corripuntur non levi, aut plus justo laxatur, Uterus foràs procidat necesse est, quemadmodum ex Antecedentibus priùs dilucidè res illustrabitur à Conceptionis tempore usque ad



ad partum, totius Uteri substantia augetur, & quò magis dilatatur, incremente fœtu, eò magis tument, & incrassantur fibræ, atque tenduntur; imò ejus stamina carnosæ, ac nervosæ priùs solida, vel duriuscula, sensim fiunt mollia, ac veluti spongiosa, humoribus nempe satura; ideoque postremis mensibus ita explicantur, crassescunt, & turgent, ut, dum in gratiam fœtus magna alimenti copia ad illum confluit, pollicem, aut ferme duos digitos transversos quaquaversum æquent; nam arteriæ, & venæ spermaticæ, hypogastricæ, lacunæ, atque glandulæ, spongiolæque fibrarum valdè humoribus cumulantur, Testes, Tubæ Falloppii dextera, & sinistra, Uteri fundus, & cervix, quin etiam Vagina anterior, cui Vesica incumbit, posterior, cui adjacet intestinum, superior, cui cervix propendet, unaque inferior, quæ Pudendis annectitur, quodammodo infarciuntur, adeòque liquidis onerantur, ut facilè distrahantur, & laxentur: hæc etenim omnia sic humoribus imbibita tempore partus exitum valdè præpediunt, ex quo fit, ut conatus, dolores, & cruciatus ita insæviant, ut vires, labores, & motus violenti summoperè augeantur, unæque partes memoratæ maximis stimulis concussæ, & jactatæ, imò in interjectis spatiolis, & loculis, spongiolis, superficiebusque scabris, & asperis, simulque liquidis diversæ, & inæqualis figuræ onustæ perterebrentur, propriam resistantiam amittant, ligamenta distrahant, dissolvant, & lacerent, ac idcirco Uterus è suo loco versùs Pudenda necessariò descendat.

*Uteri gestationes,  
& partus  
difficiles.*

Mensium Suppressio, Profluvia, albique Fluores



*Mensium  
suppressio,  
Profluvia,  
& Fluores  
albi.*

res contaminant, & exedunt Uterum, eumque adinstar chartæ madidæ fædis humoribus imbuunt, ita ut fibras falsis & acidis humoribus subactas exolvant, ideoque vires, & resistentias infringant; quare spirituosæ particulæ Uterum languidè perlustrantes, si sunt nimis dilutæ, atque impurissimis liquidis irretitæ, ac veluti omninò pessundatæ fibras, & villos ita munire nequeunt, ut vix fabrica Uteri in debito æquilibrio exsistat, quinimò majori indies pondere pressa, sue veriùs combinatione, atque coalitu diversarum molecularum se se in fibrarum, ac villorum spongiolis associantium obruta, vel fluxu, & refluxu rei acris, falsæ, & sulphuræ erosa, eliminata, ac dissoluta nequeat suo in loco persiltere.

*Dolores in  
partes by-  
pogastrii,  
sive Uteri.*

Dolores verò occupantes, exteriorem Uteri membranam ortam à Peritonæo, sive mediam, aut muscularem, sive intimam, aut nervosam concutiunt, convellunt, ac sæpè solvunt tendines, fibras, & machinulas totius substantiæ Uteri; imò si harum ultima torquetur, quæ est tenuis in fundo Uteri, maximèque rugosa in collo, atque multis obsita foraminulis, vasorumve oscillis, ex quibus ope pressionis exilire solet multum lymphæ, & crassiusculi humoris, si diu, inquam, altera, aut altera membranarum fævis doloribus vexetur, distrahantur etiam oportet ligamenta lata, processus nempe Peritonæi lateribus Uteri, & Vaginæ alligati; itemque alia rotunda exorta ab Uteri lateribus, ab eo loco potissimùm, ubi Tubæ Falloppianæ committuntur; hæc enim ligamentorum substantia omni vasorum genere donata, venis scilicet, arteriis, nervis, ac du-



ductibus lymphaticis prædita, si prava liquidorum congerie irritetur, si quælibet alia pars Utero proxima vitiosa labe afficiatur, interjiciantur quoque necesse est quæqua inæquales, asperæ, & angulosæ humorum particulæ, acidæ, falsæ, ac veluti igneæ naturæ, quæ adinstar aquæ Stygiæ, vel scabræ arenæ erodant, perfodiant, ac lacerent oportet villos, ac omnigena filamenta; ex quo fit, ut fabrica Uteri in hoc, vel illud latus inclinet, laxetur, aut extra Pudenda descendat.

Hoc idem prorsus evenire potest tam singulis Uteri partibus, quàm aliis in Abdomine contentis, præsertim si humores sint igneæ, acris, ac falsæ indolis; nam hujus generis liquores per arterias, venas, & lymphæ vasa summa celeritate vehuntur, penetrant, & magna concitatione irruunt in omnem, etsi minimam particulam solidam, ita ut earum nulla sit, quæ vim non patiat, ideoque inæqualiter contrahatur, laxetur, commutetque motum, figuram, contactum, & connisum; quinimò tempore improbi laboris, percussionum, ictuum, cæterarumque violentiarum, nulla est fluidorum molecula, quæ non concitetur, concutiat, jactetur, ac sub prælo diversarum virium quodammodò prematur, proindeque cogatur explodere aliquid proprii floris, cum non levi violatione, detrimento, ac jactura partium solutæ, & præsertim ligamentorum Uteri. A percussionum igitur vi, atque violentiis ab extra venientibus gignitur Morbus hic, uti de Morbis Mulierum agebat Hip., *Omnis occasio Uterum pellere potest, si quid mali pars habet*. Multum certè mali Uterus, aut alia

*Ictus casus  
percussiones  
labores violentia  
laxantes Uterum.*



ejus pars habet, si humores quacunque diffusi adeò laxant, & dilatant contexturas fibrarum, ut spongiolæ, & inanes intercapedines villorum, plusquam par est, faturentur, simulque circumprimantur, vel tumeant singula vasa, in quibus sanguis serò, lymphæ, aliisque humoribus implicatus rarefcit, & laxatur; ex quo fit, ut minima vascula Utero intertexta in ejusque ligamentis inserta adeò turgida, pervia, atque dissoluta fiant, ut invicem præpediantur, nec sibi respondeant, nec debita proportionè contrahantur, neque Uterum suspensum teneant. Quare humores in data partium remotione à naturali contactu, si adinstar maris procellosi non effervescent, saltem jactantur, & violenter percutiunt parietes vasorum, atque interjectarum inanitatum; proptereaque nec aptè fluunt, nec aptè derivant ad partes, nec satis depurantur, nec satis secernuntur; sed tali vi, ac impulsu fluunt, & refluent, vel adeò sistunt, & alluunt, ut instrumenta toties percussa, & omni impuritate subacta potiùs dissolvant, quàm alant; vel supra naturalem connisum, fædus, unionem, & resistantiam tollant, & intervertant, quemadmodum ex Conjunctis etiam clariùs infra probatur.

Nolo hìc recoquere singulas causas inducentes molestum Uteri sensum, sed eas summatim examinare, quæ ad humores, spiritus, & partes attinent. Liquida igitur, & potissimùm lymphæ, si plus æquo detinentur in anfractibus, loculis, ac interjectis villorum porulis, fibras obruunt, & glandulas dilatant, vasa, lacunas, cunctasque inanitates replent, adeoque premunt, ac obsepiunt vascula & nervos; imò

ita



ita quaquaversum stimulant nervorum filamenta, ut quodammodò præpediant; & infirmant consonam spirituum illustrationem, ac propterea Uterum hebetent, ejusque motum, & sensum depravent; & <sup>Molestus Uteri sensus.</sup> quamvis ubique excurrant humores, & penetrent, indebitè tamen fluunt, & refluunt, quia in fibrarum inanitatibus ineptè quiescunt, & per vascula proxima ibi intertexta, vel superequitantia, tanta cum inertia moventur, vel ita perturbatè cientur, ut, plusquam par est, circumprimant nervorum funiculos, ne spiritus de more undatim ferantur per fibrarum spongiosas inanitates. Quamobrem machinulæ villorum Uteri gracilescunt, valdeque distrahuntur, tum quia vividiores particulæ succi nervosi devinciuntur, tum quia lymphæ, ac aliorum liquidorum moleculæ sale, & lentore, tartaro, aliisque pravæ naturæ feminibus scatent, quorum vi, ac noxio contactu tam propagines nervorum, quàm minimorum vasculorum protensiones, ac tiliæ fibrarum nesciunt ampliùs elicere consuetas contractiones & distractiones, nec jugi, sed languida confricatione abradere inutilia, quæ adhærent solidis; hinc omnia Uteri instrumenta sarcina immodica onerentur, vel crassitie, aut nimio humorum coalitu infarciuntur, ac macerentur necesse est supra propriam resistantiam. Quocumque igitur modo inertes, ac torpentes humores permutant mixtionem, & indolem, ac diutissimè consistunt, seu veriùs per translationis, aut transpositionis motus aliò non transferuntur, unionem, vim, partiumque resistantiam superant, doloris molestiam ingenerant, Uterique prolapsum pariunt.

In



*Defectus  
relationis  
solidi, &  
fluidi.*

In extremitatibus itaque arteriarum, & venarum Uteri, five vasculorum lymphæ continentium si nimis augentur, vel nimis languescunt agentium liquidorum vires, si retardatur aut excrescit impetus peregrinantis sanguinis; si parùm vel multùm vigent occurfus, rugæ, vasculorum plicaturæ, & resistentiæ, si plùs justo secretiones retinentur, vel profluunt; vel denique si cujusvis partis energia augetur, aut infirmatur, in memorato rerum incremento, five languore dubio procul extenuatur Uterus, quia momentum resistentiæ partium illius debita proportionem non respondet momento adaucto, vel immutato agentium liquidorum, eorum quantitati, velocitati, vel tarditati, mutuis molecularum occurfibus, aliisque pravis conditionibus; quæ omnia pro ut magis, vel minùs perturbant figuram, proportionem, situm, motum, & cohærentiam fabricæ Uteri, unàque intermixtorum fluidorum ordinem, ac vicissitudinem, magis, vel minus dissociant, enervant Uterum, ejusque ligamenta, tam jugi stimulorum molestia, & congesti humoris pondere, quàm laxitate, intolerabili infarctu, ac partium proximorum languore.

*Motus varii vitiant Uterum.*

Porro qui in re medica scitissimè versantur, asfere non hæsitant ope omnium, & singulorum motuum, quibus cientur Uteri partes, dum sua moriuntur opera, jugiter absumi, aliquid abradi, atque depelli, quemadmodùm in diu tractando, atque eliminando ferro ejus substantia gracilescit, ac faceffit in scobinam, præsertim si motuum, confricationum, ac percussionum vi inutilia de more eliminantur; verùm



rùm si liquidorum necessarius effluxus, & refluxus, qui transit à compositione in dissolutionem, tot contractionibus proportionalibus, tot distractionibus, compressionibus, aliisque inæqualibus motibus sibi mutuò respondentibus non societur, nec talis sit ubertatis, aut forsan majoris, quàm par est, in omni fibra, ac villo, nec talis instaurationis, & momenti, uti requiritur, ad hoc, ut efficaciter pervadat singula stamina, ea protendat, molliat, & conservet; tunc Uteri, & proximarum partium constructio adeò vitiatur, ut gaudere nequeat debita spirituum, aliorum fluidorum vi, & copia, nec illis minimis seminibus, ita in omni Uteri villo confertis, ut vectium referant indolem, vim, & figuram, quorum energia faciliùs inutilium ramenta expellantur, vel contractionum tempore adinstar balistarum secernantur. Evimuerò si hæc Uteri factura est tot vasculis, organis, & machinis referta, totque munita conulis, ac vectibus, quot sunt minima rudimenta villos componentia; si hæc, inquam, fabrica non urgeat, nec satis percutiat inutilia, nec abradat, nec depellat humores ineptos, fuligines, halitus, ac liquidorum veterascentium effluvia, citò nimis occupatur, infarcitur, & quasi maxima sarcina premitur, imò tota fibrarum, ac villorum substantia nunc dissolvitur adinstar filamenti gossipini; nunc faciliè tumet, & exsolvitur, nunc pravis humoribus perperam imbuatur, qui in inanitatibus concreescunt, nunc gracilescit, extenuatur, à locove suo movetur; at si diversis inquinamentis ita madet, ut activissimæ agentium liquidorum particulæ vitiosa humorum labe,

*Pondus Uteri & ligamenta dissolvit.*



*Difficultas  
ad motum.*

be, & solidorum laxitate inficiantur, ac retundantur, illicò universa humorum series inculcata mittione vacat; ac idcirco vires, viriumque momenta minora fiunt resistentiis, motus contractionis, & distractionis in tenuissimis staminibus vasorum, & membranarum, villorum, & fibrarum Uteri, atque totius corporis consueto segniores evadunt, sanguinis circuitus æquo tardior celebratur, illiusque substantia imperfectior progignitur: quamobrem universi corporis textura labefactatur, ac veluti laxatur, quia in interjectis partium loculis, ac filamentorum porulis congeruntur inutilia; ideoque organa Uteri, & totius fabricæ languescunt, nec mutuo congruere videntur, imò actiones, & motus omnes paulatim enervantur.

Uteri interdum pars ima orificio Pudendi illabitur, & Ovi figuram æmulatur, simulque Vagina nunc tota, nunc ejus rugosa tantum pars impurissimis humoribus imbuta, varièque distenta foras pendula decedit, & corpus quodammodò sphæricum representat. Laxitas verò interna Uteri, molem ejus extra sinum Pudoris non projicit, sed levem in centro Pudendi tumorem constituit, ponderique molestiam circa inguina facit, & sæpè etiam cardiacam, tensionem, atque convulsionem inducit, quia nervorum, & partium omnium consensus interturbatur. Externa verò Uteri eruptio ab onerosa nimis Gemellorum gestatione, à tussi, pondere, conatu, motusque violentia, ab erosione, vel laceratione ligamentorum orta dolores sævissimos, subitaneumque prolapsum, comite semper hæmorrhagia, progignit.

*Causa prolapsus Uteri.*

Nec



Nec duntaxat partes Mulierum in regione hypogastrica contentæ, sed remotiores etiam, Uteri Procidentiam ferre possunt, ut colligitur ex Hip. de Locis in hom. *Si quis minimam corporis partem malè accipere velit, totum corpus affectionem sentiet, propterea quod singula corporis pars omnia habet, & minima.* Si igitur partes nervosæ membranosæ, glandulæ, & vasa cuncta aluntur, & continent aliquem Morbi fomitem, eumque ad Uterum, vel partes proximas, tanquam ad sentinam derivant, tunc noxii, ac circumfusi humoris vi agitantur, irritanturque villi, & fibræ; ideoque singula earum filamenta nituntur quocunque, ac veluti detrita evadunt, tum quia liquida intrà canalia ferè in æquilibrio diu nimis consistunt cum circumfuso humore; tum quia membranæ jam distractæ, & fibræ, & villi resoluti, aut plùs justo humoribus imbibiti restitui nequeunt; ac idcirco neutrum moveri potest, sed post certum tempus liquidum circumfusum nitetur undique per latera, ignis nimirum implicatus, & particulæ salis, vel alterius pravæ indolis commeabunt, rara reddent vasa, ea laxabunt; ac propterea minùs semper resistent tam liquido contento, quàm liquido circumfuso, & tunc, necessitate cogente, Uteri ligamenta se se exsolvent.

*Llgamentorum Uteri exsolution.*

Scitu dignum est, quod observarunt eximii Scriptores Theodorus Kerckringius, Bartholinus, Veslingius, Platerus, &c. Vaginam, scilicet, variis laborare Morbis, uti laxitatibus, tumoribus, scirrhis, excrescentiis fungosis, nec parùm propendentibus,

*Morbi laxantes Uteri ligamente.*



etfi modica, aut nulla fit ligamentorum laxitas; è contra verò si plùs, vel minùs dissolvuntur lata ligamenta, quæ sunt Peritonæi processus à lumbis abscedentes, se seque Utero, & Vaginæ lateribus alligantes, unàque Testes, Tubas, ac alia vasa expedientes; si item laxantur, & exsolvuntur rotunda, quæ ab Uteri lateribus emergunt eo præsertim in loco, ubi Tubæ Falloppii committuntur, vel alio in loco, in quo ab Utero recedunt, ubi teretia ligamenta appellantur; si, inquam, singuli funiculi laxantur intrà duplicaturam Peritonæi, dum infra Abdomen descendunt, vel egrediuntur, aut obliquè excurrunt supra os Pubis, tandemque ubi propè Clitoridem terminant, tunc facilè universa Uteri moles descendat oportet: at si foràs non exeat, & procidat, saltem sedem naturalem mutet necesse est, proindeque modò vergat in obliquum, modò ad latus, modòque ad inguina cum urinæ difficultate, atque alvi suppressione. Sive igitur liquidum perductum in canalium cavitates ligamentorum, vel alteriùs partis Uteri quiescat vi liquidi circumfusi, vel non quiescat, aut aliquid impetus habeat, quo saltem se subducere possit à canalibus, & à liquido circumfuso; si non ratione reflexionis, provenientis ab obice, in quem incidit, saltem ratione æquilibrii, in quod se redigere debet cum liquido circumfuso, tunc sive per unum, aut per alterum, sive per utrumque fiet exsolutio ligamentorum. Est igitur necessarium, ut liquidum ad Uterum, Tubas, Testes, Vaginam, Alas Vespertilionum, atque ad ligamenta non quiescat, sed ex

par-



partibus memoratis lepidè refluat, iterumque fluat per longitudinem, & exilitatem canalium, fin minùs, nihil agit, & urget, vel plùs, quàm decet, agit, elimat, macerat, & exsolvit fibras, quas tangit, & fovet. Quarè membranæ, fibræ, & villi se contrahere, ac restituere non poterunt, dum contentum liquidum intrà cavitatem vasculorum, eorumque inanitates nimis quiescat, vel nimio impetu, ac nimia vi ignis, quo scatet, exurat partes, humores dissipet, cavitatesque deplere, aut nimis implere incipiat; ex quo fit, ut fibræ, & villi raræ texturæ, & jam detriti amittant resistantiam, & laxentur.

Infensa non minùs recensetur nervoso generi, Utero, ac universæ Mulierum fabricæ impura, immodicèque falsa lymphæ, vel quælibet alia interna humorum congeries, nec non externa aeris humiditas. Nam quibusdam in locis paludosis Uteri laxitatem esse Mulieribus communem fatentur *Quæ sunt* Re- *fugienda* gner. Graaf, & Rondeletius; quarè vitanda est exundans humiditas, somnusque nimius, qui & calorem retundit, & colluviem liquidorum congerit; imò fugienda est vigilia improba, quæ spiritus resolvit, sanguini, & fero fervorem quendam, & acrimoniam impertit, sensimque impuritati fluidorum, & laxitati Uteri viam sternit. Jure igitur frænanda, imminuendaque est serosa humorum colluvies, ne plùs jùsto fœdus machinularum, & fibrarum cohærentiam laxet; depellenda item sunt, quæ pondere nimio scatent, quia Uterum exsolvunt, illiusque ligamenta concidere faciunt.



*Curatio-  
nis diffi-  
cultas.*

Difficillima est curatio tum si à vulnere, ab ulceribus, à partu difficili, à violentiaque exfurgat, cum si à laceratione, & laxitate ligamentorum, à tumoribus, vel qualibet alia interna labe progignatur; præsertim si Puerperas, & Vetulas corripit, & pars, quæ decedit, putrescit, & gangrena afficitur; vel, quod deterrimum est, si ab ea effluat fœcies virulenta, ut lubet Wedelio, Primerosio, & Sebesio.

*Mitis cu-  
randi ru-  
tio.*

Studendum ergò est Uteri repositioni, inflammationisque remotioni. Verùm si flatus, & fæces in intestinis adsint, clysteribus utendum, & priusquam operi manus aptentur, aspergendus est Uterus adstringentibus, indèque illa sunt adhibenda, quæ Fluorem album [ si adsit ] vel quæ Menses suppressos circa Uterum stabulantes, cæteraque laxitatem inducentia tollunt.

Demum non sunt ullo modò spernenda pessaria, circuli, globi, subligacula, qualia hærniosis parari solent: eligendus est aer purus, & ad siccitatem vergens. Alvus sit soluta, exercitationes, ac motus sint moderati, denique non naturalia cuncta scitissimè administrentur.



C A P U T XI.

*De Abortu, & Fœtu mortuo.*

A N T E C E D E N T I A.

**E**ST Abortus, auctore Hip. immatura, atque imperfecta utcumque facta fœtus emissio, cuius Antecedentia sunt violentæ exercitationes, terrores, graveolentia, calidorum abusus, aliaque inanitatem, vel plenitudinem inducentia.

C O N I U N C T A.

**I**Mminentem significant Abortum mammarum extenuatio, vasorum Uteri solutio, puri, impuri-que sanguinis eruptio, dolores circa renes, & Uterum cum quodam conatu aliquid ex Utero egerendi.

C O N S E Q U E N T I A.

**P**ost secundum, aut tertium mensem à Conceptione verè Abortum pati posse Mulieres, de earum Morbis statuit Hip. Qualecunque autem sit, quod ante hoc tempus dejicitur, effluxus, aut expulsio communiter appellatur. Quoties igitur post tertium mensem sive vivus, sive mortuus expellitur fœtus, quia tempus est illegittimum, toties fermè Abortus nominatur; quod idem cum Hip. intelligitur  
de



de septimestri atque octimestri partu, præsertim si fœtus immaturus, qui septimo, aut octavo mense pellitur, nonimestris, aut decimestris futurus erat.

Pernotatu dignum est ante consuetum, atque legitimum noni, autem decimi mensis tempus, vivam non rarò excludi fœturam, eamque diu vitali aura frui; cujus rei ratio existere (anima præside) videtur in vividissimis, primisque genituræ rudimentis in Ovo maximè constrictis, concinnèque fœcundatis, seu veriùs supra prodigium penetratis, mutuòque solutis; nam hujusmodi inchoamenta, quæ invicem comprehenduntur, atque constringuntur, etiam in centro Ovi reposita illicò vi spirituosæ feminis efficacissimum momentum percussione exercitis moveri debent, explicari, atque ita extricari à circumpositis minimis comprehendentibus, atque constringentibus Ovi stamina invicem arctè fœderata, ut tam quæ constringuntur, quàm quæ intimiora comprehendunt, explicentur, ideoque comprehendere, & constringere desinant; ac propterea facilè, & expeditè disponantur ad quamlibet suscipiendam dimensionem, atque terminum, usqueque ad debitam partium concinnitatem, contexturam, seu veriùs ad maturitatem, atque exclusionem redigantur; quod quidè variè occurrit, prout diversa est implicatio rudimentorum, imbecillitas, aut robur majoris vel minoris unionis, vel prout varia est materies Ovi, spirituosique feminis conditio, conspicua quandoque fiunt stamina Ovi, quotiescumque alacri percussione vi semen effunditur, & ab illo penetrantur; suscipiunt namque incrementum



tum, antequam per alibilis substantiæ appositionem augeri incipiant, ut in Pulli generatione contingere deprehenditur, nec non in feminibus plantarum, priusquàm suas emittunt radices, easque in terram ad necessarium hauriendum pabulum defigant. Ex iis colligitur fœtum memoratis exordiis compactum, atque imbutum ante statutum tempus suam nancisci perfectionem, atque opportunè decidere, quemadmodum in fructibus evenire solet; quorum alii, licèt in eadem planta, aliis longè citiùs maturitatem perfectam postquàm sunt assecuti spontè ab arbore decidunt oportet.

Si igitur suadente Hip., qualis terra arboribus, ita est venter animalibus, porrò teneritudo partium fœtus opportunum non rarò incrementum, ac veluti ante tempus debitam firmitudinem acquireret, dum ab Uteri apto loco, & à substantia alibili blando calore referta per arterias spermaticas, atque hypogastricas ad sinum suum delata urgentur, foventurque quot quot sunt partes genituræ, quæ consue- to citiùs explicantur, & coalescunt ea ferè ratione, qua parvum semen, aut frutex in terra benè effossa, stercoreata, & aprica. Quarè fœtus maturitatis terminum tunc jam adeptus, & loco impropotionatus factus exitum quærit, impetum quoquoeversum facit, indèque adducit Uterum in spasmodicas quodam- modò contractiones, dirumpit involucra, & postremò in lucem prodit ante tempus communiter fir- matum.

Si res ita contingat, quemadmodum supra in- dicavi, Abortus minimè censetur, cum nullum ex- trin-



trinfecum adveniens, nullumque turbulentum humoribus, ac spiritibus circumfufum, aut partibus Uteri inhærens alteret motum intestinum villorum, ac relationem intercedentem inter machinas vasorum Uteri, atque fœtus; quod certè accidere nemo ignorat, ope cujuscumque exercitationis violentæ, in qua muscoli universi, membranæ, cæteræque partes corporis Mulierum mutuò premuntur, & quaqua-  
verfum urgentur, non secus ac humores intra vasa; hinc ratione indefinentis pressiois, stimulorum, atque mutuæ irritationis, materies fluidorum delitescentem ignem solvit, & à distantissimis etiam partibus cum eodem ad Uterum derivat; cujus membranas instigat, laceffit, tendit, convellit, ac veluti ustulat, & perterebrat, omnes fibras, & villos vasculorum Uteri, modòque ad unam, modò ad alteram partem fluit, eamque divellit, illosque villos undequa-  
que violenter contrahit; ac propterea per totum Uterum ita succedit, & diffunditur rapida vis contractionis, ut momentum ejus ad locum divulsionis vergat, & plùs æquo urgeat quicquid est liquidum, cujus causa vascula per internam Uteri membranam repentina stimulantur supra propriam resistantiam, ex quo fit, ut facta laxitate, ac dilaceratione vasculorum vi nimix exercitationis, & velocitatis liquidorum particulis mobilibus scatentium exprimatur multum sanguinis, cujus nimia privatione vel moritur fœtus, aut violenter depellitur vivus.

Cum itaque ob inæquales in diversis vasculis, ac villis vires, pressiones, violentias, occurfus, humorum morulas, exsolutiones, atque laxitates fiant



varii undique fluxilitatis gradus non eodem proportionali modo uti possunt singulæ partes Uteri, nec resistere confricationibus, viribus, ac resistentiis, ita ut fluxus & refluxus liquidorum exactè respondeat partibus Uteri, & foetus; ex quo fit, ut aliæ partes plùs, aliæ minùs urgeantur, premantur, & dissolvantur; ac propterea genitura per compressionem, atque irritationem à liquidis quaquaversum inditam, & à vasculis exterioribus versùs Uteri interiora persolutam violenter circumprimatur; ac veluti nimio pondere, & infarctu coangustetur, seu veriùs in minorem veniat Uteri superficiem, oneretur, atque suffocetur.

Si ergò corpusculum foetus, ejusque folliculus ex villis consistans maxima teneritudine ditatis per stimulum distantissimæ etiam cujuslibet partis astruentis corpus Matris stimuletur priùs aliquantulum, inde concutiat, demùm valdè agitetur; si inquam, quicquid fluxile item continetur in remotissimis partibus æquo citiùs irruat tam in membranas Uteri, quàm in foeturae involucra, atque adeò spatia hìc mille occurrentia in villis, fibrisque vasorum, intrà quæ humorum materies improba colligi potest, ita laxentur, & naturali plùs tumeant, ut pertensionem, villorumque infarctum liquida sistant, nervos, & membranas quodammodò alluant, & tendant, simulque contrahant, & tendant cætera vasa intertexta, ac distributa per singulam partem Uteri, in qua fit vasorum unio, tunc violentiam, conatum, & dolorem patiuntur Uterogestantes; imò discinduntur vasa memorata cum incredibili jactura, turbatione,



& quandòque etiam fœtus repentina expulsionem . Tunc certissima res est , motus acceleratos , & violentos cùm in parte , tum in toto nervos summo afficere languore , & musculos tremore , concussione , ac varia dimotione , qua non solum externè concutitur corpus , sed etiam internè ; vasa nimirum intercedentia inter Uterum , & fœtum , ac illius involucra summoperè invicem adversantur , oscillant , laxantur , seu veriùs supra debitam resistentiam lacerantur ; ex quo fit , ut humores jactati , & concussi per vasorum emissariola ubertim secernantur , undè plagulæ illæ millies refricatae jugem calorem ferunt , sanguis indefinenter urgetur , permutat indolem , privatque fœtum necessario , atque congruente pabulo . Adde , tunc potissimùm fieri magnam absorptionem , seu spirituum dissipationem , præsertim , si accedant choreæ , ponderis elevationes , percussiones , &c. quæ excitant vehementem nervosi generis concussione , villorum conatum , & tremorem , simulque expressionem omnium tiliarum , quæ nimis nituntur , & impelluntur ad flexiones undarum ; atque ita vividè contremunt , ut molesta fiat spirituum fluctuatio , eorundemque evaporatio , & consumptio , ut infra clariùs constabit .

*Violentes  
Exercitationes , &  
conatus .*

Ex iis rursus patet , memoratos exercitiorum conatus minuere debitam quantitatem sanguinis , eumque disponere ad quamlibet mutationem , potissimùm si immodicè concutitur corpus , seu quod est idem , si immodica stimulorum irritatione laborant muscoli , & nervi , quorum causa universum corpus eò magis infringitur , calefit , & exsiccatur , quo



quò magis humores æstuant, spiritus concitantur, evaporant, eorumque motus minùs æquo singulis machinulis respondent; tunc procul dubio per nimiam hanc solidorum, & fluidorum agitationem perperàm dimovetur, liquatur, forsanque abripitur id, per quod fœtus nutriri, augeri, ferverique potest usque ad debitum suæ maturitatis terminum.

A' subita item terroris violentia, specierumque terribilium vi percussione adeò tenduntur, & tremunt nervi exquisitissimo sensu scatentes, adeòque *Terror* repente divelluntur villi ope spiritus jactati, atque diffusi in singulis eorum minimis, ut molecularum tremor, commotio, pressio, mutuaque exagitatio suscitetur; & quamvis nervorum, ac fibrarum funiculi aliquantulum roboris, & resistentiæ in propriis tiliis, & filamentis exerant, tamen terroris species illicò in nervos irruentes adeò concitatam percussione vim impertiunt muscutorum, ac nervorum vètibis, ut non solùm omnem amittant resistentiam, sed spiritus etiam vividiores, hebetes, atque confusos reddant in qualibet instrumentorum textura, ac temperie, eosque quodammodò in fugam conjiciant, & omninò interturbent. Si igitur procellosæ turbantur undæ succi nervosi, mutuoque affrictu, atque attritione concutiuntur nervi, universa simul corporis fabrica variè quassetur oportet; si item violenter dimovetur, atteritur, ac quaquaversum urgeatur succus nervorum, nec sanguis, nec aliquid fluidorum aptè respondet Utero, & fœtui, ideoque tenella moles non poterit quin violentiam patiatur; imò non poterit quin adinstar naviculæ in medio



maris adversis ventis, & undis jactatæ, naufragium faciat; tandem non poterit fœtus adhærens vasculis Uteri, ejusque membranis, quasi fructus suæ plantæ, quin turbulenta spirituum vi excutiat, & corruat ante tempus.

*Nervorum  
irritatio.*

Tam rara interdum tamque mollis observatur contextura Mulierum, ut nervi, eorumque papillæ universo cutis involucro adsitæ per quamlibet etiam minimam titillationem agitent totum corpus, quod magis, vel minus acri, aut retuso sensu donatur; seu, quod recidit in idem, majorem, aut minorem vellicationis molestiam perferunt, prout est magis, vel minus mollis, ac rara, densa, aut rugosa cutis, nervorum, papillarumve substantia. Quare titillationis sensus mollioribus esse solet omni fere tolerantia major; quia tam vividè irritant nervorum capitula, eorumque protensiones ita sollicitat, & convellit, ut spirituum undas, liquidorum indolem, missionem, nec non partium Uteri unionem æquè violet; ac propterea supra omnem resistantiam omnia turbet, jactet, concutiat, atque fœtum dejiciat.

*Odores graves.*

Hoc idem prorsus probant odores acriores, graviores, ac vividiores, quorum tenuissima effluvia adinstar stimulorum sensum olfactus non solum irritant, sed acriter exprimunt processus mamillares, eosque contactu, atque vi percussione ita confricant, & penetrant, ut totum cerebrum, ac nervosa substantia urgeatur, quatiatur, atque convellatur; quod totum dilucidè facti ratio ostendit, dum odorosi corporis effluvia soporatos sensus excitant agitando spi-  
ri-



ritus, dum omnigenos villos concutiunt, & ab iis dimovent, atque abripiunt aliquid, aut dum per eosdem villos concussos liquida cuncta urgent, & interturbant, quorum omnium vi, atque perturbatione cessat omnis relatio, quæ intercedit inter humores, spiritus, & Uteri partes; &, quod rei caput est, inter Uterum, & fœtum, quorum agitatio adeò potens est, ut violentur relationes latentes inter Uterum, & fœtum, interque humores Uteri, & generituræ, demum inter vires, & resistentias unius, & alterius; ex quo fit, ut eorundem vasa, vasorumque fulcimenta percutiantur, divellantur, ac propterea fœtus immaturè dejiciatur, ut in hysterice affectibus sæpissimè contingit.

Quoniam verò post longum calidorum usum sanguis adauget velocitatem usque ad certum gradum, qui requiritur ad superandas partium vires, ac resistentias, supponitur calidam materiam diu fluentem, & refluentem per arterias, & venas impetum, & fervorem producere, ideoque in dies magis velocitatem, & solutionem augere; quare sanguinis particulæ maximè in suis partibus liberæ, & ad ulteriorem attritionem maximè faciles adeò in circuitibus succedentibus privantur cohæsione, naturali motu, dulcedine, figura, atque debita mistione, ut arescant, vel amittant humiditatis illud, quod Utero, & fœtui videtur congruere. Quarè consentaneum videtur velocitatem, solutionem, & confri-  
cationem liquidorum igne refertissimorum disponere totam fluidorum materiam, & præsertim succi nervosi ad eliminandas, perterebrandas, ac veluti ustulan-

*Usus calidorum.*



landas partes laterales vasorum, vel ad fuscitandum tumultum in villorum inanitatibus, cujus rei causa non solum nimio conatu exsolvuntur, & quodammodò arent machinulæ fibrarum; sed adeò minuitur, intervertitur, ac extenuatur quantitas humorum, ut prorsus inepta evadat nutritioni fœtus, qui paulatim tabescit, vim patitur, eliquatur, & ante tempus statutum depellitur, ut sæpè contingit in febribus.

*Plenitudo  
vimia.*

Data plenitudine vasorum Uteri per quamlibet directionem, & vim difficilè à mutuo contactu dimoventur humores, quorum fluxus, & velocitates si non omninò per universum corpus intercipiuntur, saltem non parùm retardantur in Utero, quotiescumque cuncta vasorum genera plùs æquo adinvicem comprimuntur, & urgentur; ideoque liquidorum particulæ eo tempore nec satis atteruntur, nec opportunè fluunt ad singulas fœtus, Uteri, atque Mulieris partes, quæ proindè consuetum nutritionis, perspirationis, separationis, ac secretionis ordinem pergere nequeunt; nam vires superstites fibrarum contractilium, & undique infirmæ fluendi, ac refluendi rationes mutuò non respondent, nec naturaliter agunt, tum quia vasa humorum sarcina onerantur, infarciuntur, imò erysipelate sæpissimè vexantur, & concidunt, tum quia mille modis intorquentur, ac propterea humores è vasculis liberè non effluunt tam ob occursum, rugas, ac mininias pliculas vasculorum præpedientium undulas spirituum, profluentiumque liquidorum velocitate, quàm ob spiritus ferè circumfusus, atque sopitos; sive ob hu-



humores debitas non exercentes vires, quia ita implicantur, atque irretiuntur adinvicem, ut resistentias non valeant superare: à sola igitur plenitudine potissimum sejungitur, & à suo termino dimovetur quodlibet Uteri vas; omnis fibra, imò omnis machinula villorum, & tiliarum exsolvitur, succus item nervorum evadit consueto dilutior, & tardior, totaque humorum quantitas contaminatur; ideoque cohæsiō, & mixtio illa rapitur, quæ Utero, & foetui videtur congruere. Quamobrem Uterus, & membranæ involventes foetum nimis fluidorum cumulo saturæ circumprimunt supra resistentiam, ac teneritudinem partium genituræ, eamque non raro extinguunt; seu veriùs Uteri partes, aut latera vasorum nimis pressa, ac veluti humorum stimulis agitata in ipsa liquida valdè nituntur, quæ violenter compressa rursus majorem vim, & conatum inferunt fibris, & villis; atque adeò adinvicem premuntur, & agitantur, ut ex illa mutua pressione, agitatione, atque conatu nimis introrsum concutiantur, & extrorsum nitantur, atque urgeantur; ac propterea dolores, angustia, & cruciatus exsurgant, imò cohæsiōes, & mixtiones tollantur; uno verbo, ut discindantur vasa latentia inter Uterum, & foetum, ac idcirco genitura omni stimulorum vi, & conatu quaquaversum jactata, solutis claustris, ac dilaceratis involucris dejiciatur.

Quantum autem Uterogerentibus ferat jacturæ inanitio, ostendit rei eventus; nam deficiente victu, imminuatur oportet debita quantitas liquidorum, quæ ad partes instaurandas, jugesque vires produ-

ci-



*Inanities.*

cendas requiritur ; quinimò imminuatur indè necesse est momentum , quod ad conservandum sanguinem in suo naturali circuitu videtur opportunum : si igitur victus in totum deficiat , nihilque substantiæ suppeditetur sanguini , gradatim vires languescunt , simulque liquida , & solida absumuntur ; hinc crebrescunt liquidorum velocitates , & contractiones , quarum si non omninò abripitur , saltem dimovetur quicquid hæret ductibus , & inanitatum lateribus , ideoque refrigeratur corpus , & exsiccat ; imò humores omnes , intima etiam eorum dimotione , ad quamlibet novam , semperque noxiam compositionem , ne dicam dissolutionem disponuntur ; avolant nempe priùs humidiora , mollia , atque cedentia , indè verò , quæ plùs , vel minùs hærent , deteruntur , eliquantur , atque dissipantur . Quò magis ergo quocunque evacuationum momento , aut victus carentia imminuitur , atque turbatur apta fluidorum quantitas , à qua educitur certa vis contrahens villos , musculos , & vasa , eò magis violantur motuum leges , humorum , ac partium reciprocationes ; ac propterea minùs , quàm decet , reparatur fabrica Uterogерentis , & adhuc minùs instauratur , fervaturque fœtus , cujus partium tenella contextura facilè languescit , concidit , solvitur , tabescit , citissimèque privatur viribus , ac resistentiis , ex quo fit , ut moriatur , ac ejiciatur .

*Lactis carentia.*

Imminentem Abortum æquè significant lactis carentia , ac ejus uberrima copia . Nam teste Hip. 5. aphorif. repentina mammarum exsiccatio ostendit genituræ imbecillitatem , atque interturbationem flui-



fluidorum omni relatione carentium, seu veriùs  
dissipationem materiæ, ex qua lac generatur, & fo-  
vetur genitura, quæ debito frustrata alimento sen-  
sim contabescit. Redundans verò lactis copia in-  
dicat laxitatem fœturæ, vel imbecillitatem partium  
non valentium materiam pabuli in substantiam  
convertere. Pravæ item naturæ humores nec  
Puerperam, nec Fœtum aptè alere possunt, & mul-  
tò minùs Uterum respergere; sed adeò in nervis  
Uteri molestum excitant sensum, spirituumque va-  
riam commotionem simulque fluxum, & refluxum  
undarum ita inordinatum, ut villi astruentes glan-  
dulas, tubulosque mammarum stimulis variis ve-  
xentur, tendantur, atque occludantur; vel sum-  
mam modò producant extenuationem, modò pres-  
sionem, & laxitatem; &, quod rei caput est, Utero  
exsolutionem, & genituræ fetus, atque spirituum  
carentiam impertiant, ideoque interitum, atque  
Abortum.

*Lactis ee-  
dnudantia*

A qualibet itaque prægressa violentia, uti mu-  
lierculæ rerum omnium imperitæ satis intelligunt,  
vel à quocunque humorum cumulo plùs æquo con-  
gesto versùs Uterum, aut quamlibet aliam proxi-  
mam, vel remotam partem in abdomine contentam  
irritari, atque gravari constat renes, vasa Uteri,  
aliarumque finitimarum partium; quæ dum variis  
stimulis, variisque concussionibus, ac pressionibus  
torquentur, maxima excitetur oportet liquidorum  
facilitas ad fluxum etiam supra resistentiam innu-  
merabilium occursum, inæqualitatum, rugarum,  
atque plicaturarum vasculorum, nunc variis viribus,

*Abortus ab  
humorum  
cumulo-  
vel ab ali-  
qua vio-  
lencia.*



nunc diversa humorum gravitate, motu, & copia, præfertim propè locum unionis, in quem veniunt arteriæ, & venæ Uteri cum venis, & arteriis umbilicalibus, quæ sensim elimentur, laxentur, convellantur, atque omninò solvantur necesse est; quandoquidem à majori, quàm decet, fluxu fluidorum, vel à nimio pressione conatu, ac eorundem pravæ indolis congerie tollitur particularum cohesio, nexufque machinularum astruentium vasa, quæ hîc alium terminum nanciscuntur, alibi paulatim excluduntur, & lacerantur, ideoque fœtum debito pabulo vacuum relinquunt. Imò si dolores valdè infæviant, adeò augentur liquidorum vires, ac velocitates, ut eorum tenuiores particulæ majori in copia affluant versùs partes stimulis irritatas, concussas, atque jactatas; easque idcirco infarciunt, exsolvant, ac proindè vasorum oscilla, eorumque contexturam, & fulcimentum lacerent cum majori, aut minori exitu sanguinis, prout major, aut minor est stimulorum vis, liquidorum velocitas, aut emissariorum dilatatio; ex quo fit, ut sanguis à vasculis erumpens interjiciatur inter Uterum, & involucra fœtus, ibique naturali privatus mixtione, eò magis Uterum dilaniet, & vexet, quò magis humor abundat particulis impetum facientibus, aut qualibet alia prava differentia scatet, quæ omnia, & singula premunt, & enecant fœtum, ejusque expulsionem ferre solent.

*Dolores à  
variis cau-  
sis, &c.*

Dolores ergò, morsus, & stimuli promovere solent fœtus expulsionem, cum à variis nascantur causis, ut à venenis, à medicamentis, ab eduliis no-

xiiis,



xiis, vel à diversis liquidis, ventriculum, & intestina turbantibus, quæ facile convellunt quicquid nervos componit, musculos, & membranas, imò quicquid astringit totum abdomen; ex quo fit, ut horrores, cibi fastidium, oris amaritudo, ac febriculæ appareant, quæ eò magis invalescunt, quò magis dilaniantur vasa, inflammantur, & scinduntur; imò vascula lymphæ, in quibus congeritur multum illius acris humoris, lacerantur, lataque in copia ab illis exit, & tunc certè convelluntur universi villi contractiles, violantur motus, & vasorum textura, atque adeò concutitur, contaminatur, & læditur fœtura, ut citissimè moriatur, & ante tempus depellatur.

Quemadmodum fructus ferè omnes per varias mutationes progrediuntur, & citiùs, vel tardiùs maturescunt, & concidunt, prout plantæ in fertili, aut sterili, in magis aut minùs aprico, sicco, fudo, & opaco solo existunt, vel quatenus terræ ucci aptæ, vel ineptæ naturæ parùm, vel multùm, & forsan plùs æquo arbores, eorumve fructus foveant, ita Mulieres, & genituræ varias subeunt mutationes, dum humores per vascula innumera, variis viribus, impulsibus, velocitatibus, ac particularum cohæzionibus continuo fluxu transeuntes, seu veriùs in mille Uteri, atque viscerum implicatissimis diverticulis abundè stagnantes mixtiones nanciscuntur noxias, nec non contactus, & relationes debitas, aut indebitas, seu veriùs iis omninò privantur; ex quo fit, ut tam Utero gestantes, quàm genituræ modò nutriantur, & servantur, modò contaminentur, & valdè lædantur, quin imò ut tene-



ritudo partium fœturæ supra omnem resistantiam lædatur, tandemque enecetur, & depellatur.

*Viscerum  
textura læ-  
sa in mulie-  
rem urba-  
na.*

Suadent verò observationes, Viscerum contexturam vitiosam diversimodè inficere Uterum, & humores violare, fœtumque inæqualiter perdere; nam de re hac perhibuit testimonium Mulier urbana, quæ quoties concipiebat, toties quadam bilis rubigine, aliisque fœdis maculis in universum deformabatur; indè, quod plurimum erat, fœtum usque ad quartum Mensem solummodò gestabat, eumque mortuum semper ejiciebat: accidit tandem miserrimam Mulierem post quintam diem novi abortus interiisse, in cujus cadaveris cisti fellea inveni lapillum ad nitar nucis avellanæ, & in Jecore, ejusque glandulis non mediocrem duritiem, cujus causa amaricantis succi semina non secernebantur; ac propterea solida, & liquida cuncta tum Pregnantis, cum fœturæ adeò inficiebantur, ut sibi ipsis mutuò non responderent ampliùs; quare diutina hac labe contaminatus Uterus, & corpus Mulieris nequibant pabulum congruens, aptumque locum suppeditare genituræ, imò eam valdè violabant, deformabant, atque mortuam pellebant.

*Uteri angustia.*

Ut igitur ab abstrusissimis, & implicatissimis hisce causis me expediam, de Uteri solùm angustia, & de quibusdam aliis Morbis Uterum prementibus, irritantibus, ac fœtum deicientibus ero sollicitus; illius namque angustia, cum modò fiat ab inflammatione, & scirrho, modò ab ascessu, aliove tumore, modò demum ab irritatione, atque contractione fibrarum, quodammodò assimilari videtur manui com-



comprimendi digitos, uti faciunt Pueri, dum prunarum, & ceraforum nucleos ( digitis pollicè comprefsis ) longè projiciunt : hanc itaque Uteri angustiam esse causam abortus cognovit etiam Hip. sic scribens de Superfatatione : *Mulier si quæ concipiat, & frequenter, sed fœtus bimestres, trimestres, aut quadrimestres, atque etiam vetustiores stato tempore semper, & certo excutit ; illud est referendum ad Uteri angustiam, quæ augescentem fœtum ampliùs continere non potest, & hoc tantò faciliùs evenit, quantò major est fœtura numerus.*

A' quacumque itaque Morborum vi premente Uterum, humoresque contaminante, aut partes Utero proximas exsolvente infirmantur fœtus, sensiveque extinguuntur, ut plerùmque accidit in Morbis acutis, in lue venerea, dysenteria, nimis profluviis, in syncope, epilepsia, vomitu tenesmo, &c. quorum causa, & momento Uteri fibræ stimulis irritatæ, concussæ, & mirum in modum jactatæ, proportionem debitam nec sibi invicem, nec humoribus respondent; quare cohæsionis vis cum in singulo villo major, aut minor sit, quàm in alio, magis, vel minùs cohæsionis nifus suis conditionibus carent; motus igitur cum fiant ab inordinata spirituum fluctuatione, sanguinisque diffusionem improba cum jugi tremore nervorum, atque villorum contractilium, imprimunt per singulam undarum fluctuationem, atque spirituum, & sanguinis diffusionem tantum languoris, quantum decet, memoratis Uteri, aliarumque membranarum fibris, ut continuis exclusionibus, stimulis, egerendi, vomendique conatibus

*A' quacumque Morbi vi oritur abortus.*



bus, solvatur fœdus vasorum Uteri, simulque percu-  
riatur, & agitetur genitura, ac proindè depellatur.

*Rationes  
quæ Abor-  
tum evin-  
cunt.*

Quot quot ergò sunt Uteri Morbi fœtum ex-  
cutere nituntur, uti erisipelas, flatus, densitas Uteri,  
& viscerum, vulnera, distorsiones, relaxationes,  
&c. quæ omnia, & singula adversantur conserva-  
tioni fœtus, cujus partium teneritudo illicò conta-  
minatur noxia humorum temperie, quorum semina  
aptari nequeunt interjectis inanitatibus, poris, &  
meatibus machinularum Uteri, & fœtus; imò utrius-  
que stamina violenter quandoque penetrant, ustu-  
lant, elimant, & solvunt, præsertim si ignis natu-  
ram æmulantur, seu veriùs, si eorundem liquidorum  
moleculæ sint nimis aqua salsa subactæ, ac veluti  
lymphæ adinstar aquæ Sygiæ imbutæ. Utroque igitur  
modo naturalis alimenti suppetias non solum  
non præbent genituræ, sed laxant membranarum,  
& Uteri vincula, omne tollunt fulcimentum, ac fa-  
cilè disrumpunt involucra fœtus. Quare liquida,  
quæ agunt per corpora fibrarum, Uteri genituræ,  
& membranarum, sive tarde, & languidè agant  
aut lentescant, sive momento citiùs movean-  
tur, commeent, aut semper magis atterantur, illico  
dissolvunt tam Uteri villos, quàm fibras aliarum  
partium vix ulla cohæsione, hoc est, ita eas è suis  
locis dimovent, ut totam fabricam violent, & de-  
pellant; sint ergò liquida hæc majori, vel minori vi  
instructa, quæcumque illa sint, exsolvunt Uterum,  
& fœtum divellunt, quia vix ulla resistentia Uterus,  
& fœtus eis resistunt.

*Animi &  
Corporis  
quies.*

Ne qualibet igitur de causa, etiam levissima,  
Mulieres debiles, humidæ, raræque Texturæ fœtum



elabi finant, integra corporis, & animi quiete fruantur oportet, indèque recta victus ratione, singulisque auxiliis adstringendi vi præditis, &c.

Adnotatione dignum est, ante Conceptionem *Sanguinis missio.* esse corporis, atque Uteri Morbos removendos, ut plethoram, pravam temperiem, tumores, ulcera, & similia: Præsente etenim plethora, etiam in Gravida, sanguis detrahendus est primis mensibus bis, aut ter, si opus fuerit, sed modica in copia.

Varia desumuntur indicationes, & varia propinquantur remedia, uti videre est apud Riverium, *Indicationes varia.* Platerum, Bonettum, Etmullerum, &c. quæ brevitati studens omitto, ut Medicinam faciens illis ad libitum utatur.

Ex allatis hætenus quisque in sententiam adducitur, ut credat, causas facientes Abortum, ac partum difficilem posse extinguere fœtum, cujus benè confecta moles, cum ad determinatum tempus sui exitus pervenerit, omnesque vires, ac Matris conatus eludat causa indebita, ac præposteræ figuræ, absque eo quod artis ullo, aut peritæ manus auxilio in meliorem situm convertatur, priùs violentiam patitur, indè moritur, nec solus Infans, sed quandoque Mater simul, & fœtus, vel sola Mater extinguuntur.

Toties autem mortuus censetur fœtus, quoties eo, quo Mater illum sentiebat, motu privatur; vel *Fœtus mortuus.* quandò onerosa ejus sarcina in toto ventre sensum doloris producit, seu veriùs, dum Mulier in Utero habens, & de latere in latus se se convertens adinstar lapidis fœtum dilabi percipit. Tunc regio abdom-



dominis destituitur nativo calore, languescunt vires, oculi fiunt concavi, facies, & labia pallent, extrema livent, frigescunt, Mammæ extenuantur, & flaccescunt; qui imò, putrescente fœtu, modò icores faniosi, modò fœtidi ex Utero emanant, & effluvia male olentia ab universo corpore spirant; verùm si fœtus mortuus citò non excluditur, febres, lipothymia, sopores, & convulsiones occurrunt; at si diu nimis in Utero servatur Infantis corruptæ partes, atque officula sæpè per Uterum, rarò per alvum, interdum per vesicam, atque umbilicum pelluntur, uti de re hac testimonium perhibent historiae, quas collegerunt Schenchi, Fabritius, Hildanus, &c. Demum si mortuus fœtus non excluditur aptis auxiliis, uti de partu difficili, atque perita manu est extrahendus, &c.

*De nonnullis Uterogerentium Symptomatibus.*

**N**E mens in re tam dubia, atque involuta gestationis Uteri à veritatis viâ deflectat, operæ pretium est intelligere, prægnantem Uterum in dies magis exfolvi, ac madefieri, universamque corporis constructionem diversis, ac penè dixerim innumeris symptomatibus vexari; tum quia Uterus omnigenos humores turbat, & inquinat, tum quia illis plus æquo imbibitur, ac oneratur; ideoque magnam fovet semper affectionum seriem, eam ubique excitat, & quòcumque diffundit.

Non rarò quæ in Utero habent, laborare videntur febre, dolore articulorum, cibi fastidio,



Pica, nausea, & vomitu, aliquandò torminibus ventris, alvi fluxu, tenesmo, capitis, ac dentium dolore, vertigine, tussi, respirandi difficultate, palpitatione cordis, defectu virium, lumborum, ac interiorum partium molestia, ac tibiæ tumefcentia, hæmorrhagia narium, Uteri, atque hæmorrhoidum, effluvio lactis, doloreque mammarum, Hydrope Pudendorum, tumore œdematoso, urinæ incontinentia, vel suppressione, demum Uteri procidentia, cutisque universæ pallore, &c.

In quacunque itaque corporis habitudine, ætate, atque temperie, in quavis vasculorum complicatione, firmitudine aut laxitate, in majori villorum, ac fibrarum fœdere, in omni nervo, ac nervorum protensione, in singula membranarum crispatura, vasorumve glomere, & fulcimento, imò in cunctis glandulis, Utero, atque visceribus aditis plùs, vel minùs congeritur fluidi, hìc infarciens, illic alluens, hìc irritans Uterum, simulque proximas ejus partes, illic penetrans, vel dissolvens combinationem machinularum totius magisterii, ideoque lædens, sive convellens nervos; ac proinde removentis cunctas solidorum moleculas à debito contactus termino, & fluidorum femina, potissimùmque ignis, à nativa mixtione, à mutuo con-nifu, sive agendi alterna vi, quam vicissim accipiunt, seu, quod est idem, à debita reciprocatione. Quò magis igitur madescit Uterus, salibus nempe sylvestribus, impurisque liquidis malæ indolis cumulatur, eò magis igniculis privatur, partium apto con-

M m

nifu,



nifu, nativa temperatura, fluidorum alacritate, & impetu, uno verbo, tota Uteri factura summo corripitur vitio, & simul cum corpore vim patitur non mediocrem. Res porrò elucescit, quum Uterus est prægrans, statoque tempore menstruis purgationibus non defæcatur.

Probabile enim est nonnullas Mulieres à conceptione ita alterari, ut singulæ Uteri partes virili semine sparsæ turbentur, simulque humores per venas, atque arterias sprematicas fluentes, & refluentes, ac proinde lymphæ, & spiritus nervorum per vagum accolentes sæpissimè mutant motus, & vires mutuò prius respondentes, ideoque nunc levi, nunc valida irritatione, & quandoque convulsivo tremore tentetur tota fabrica: ex quo fit, ut intercipiatur naturalis humorum impetus, ut depravetur particularum figura, earum permutetur gravitas specifica; brevi, ut alteretur prius coctio, contaminetur mixtio, & paulatim quatiantur sales sylvestres, unàque excitentur ignis particulæ, quæ prius delitescabant; hinc aliæ, & aliæ, quasi à tumultis suscitata tumultum faciant, concutiantur, atque febrile creent incendium. Probabile, inquam est, tempore gestationis paucam esse relationem solidi, & fluidi foventis, pangentisque Uterum, paucam item quibusdam Mulieribus esse reciprocationem Uteri, atque partium universi corporis; nam pleno Utero, nulla ferè pars est, quæ non inficiatur, & à propria non recedat contextura; nulla est fibra, aut villus, qui non relinquat primum conatum, ac resistantiam; nullus est nervus, qui miris modis non proritetur, ac veluti re-

tra-

*Cur febris.*



trahatur à scabris salium fragminulis, à liquidorum inquinamentis, & præsertim à lymphâ, sale, ac vitriolo circumfusa, aut aliis pravis elementis refertissima; diffunduntur facilè vitiosa hæc, & plus æquo congesta femina, & ex mora in Utero, in Vaginæ lacunis, ac in viscerum glandulis, ex mora in interjectis spatiolis, ac spongiosis inanitatibus tendinum, ac membranarum tegentium ossa, & articulos majorem acorem contrahunt, & adinstar aquæ fortis erodentia evadunt, ac propterea vellicant, & pungunt, dolidèque laceffunt memoratas articulorum partes.

*Dolor articulorum.*

Propagantur ubique inquinamenta Uteri, & diffunduntur ad singulam corporis machinam, & præsertim ad glandulas in ventriculo, intestinisque locatas; quæ quidem sub pressione prælo positæ, concussæ, & jactatæ eructant in ventriculi cavitatem succos satis enervatos, aut vitriolatis salibus saturos; qui ex diutina mora aut fiunt evanidi, aut erodentes, unde coctio læditur, & omnes, quot sunt continuæ partes, atque contiguæ mediis nervis jugiter affectis adeò compatiuntur, ut nequeant motus contractionis, distractionis, & circumpressionis coctioni respondentes absolvere. Reliqua verò symptomata, quæ circa ventriculum, & intestina manifestantur, emergunt, & ipsa ab Utero tumoroso prius, indè ab humorum impuritibus producentibus tum Uteri laxitatem, tum nervorum affectionem, cujus vi contracti nervi, convulsi, & quovis modo concussi abbreviant vasa, eaque ita tremula reddunt, ut turbent liquidorum motum, vertant molecularum figuram, & missionem tam in visceribus, quàm



*Pica, nau-  
sea, vom-  
itus, diar-  
rhea, & te-  
nesmus.*

in glandularum folliculis, ac proinde intervertant ordinem separandi, atque confundant humores triturationi destinatos; ideoque eliminant in ventriculum per propria emissaria morbosam fluidorum coluviam, quæ aciditate, qua scatet, & salibus quibus abundat, in faucibus siccitatem, & ardorem; in stomacho irritationem, nauseam, & vomitum; in intestinis humorum noxiam congeriem, denique flatum, rumorosos rugitus, tormina, & quandoque alvi fluxum, atque tenesmus.

*Dolor capi-  
tis, & den-  
tium simul-  
que verti-  
go.*

Sepe autem in cerebro retardatur motus fluidorum, quum Uteri gestatio ut plurimum sarcinam pariat liquidorum, quorum benignior, tenuiorque pars altera absumitur in generatione foetus; altera in illius nutritione impenditur, & relinquitur, quod Pregnantibus superest, facilius acescit, & salibus semper magis imbibitum, quorum ope, & congestione transpiratio præpeditur; unde per cutis viam consueta salium volatilium materies satis non dissipatur, sed in nervos derivata eos vellicat, undas spirituum turbat, & intervertit; imò aliis perniciosæ indolis humoribus confunditur, intestinunque illorum motum retardat; ex quo fit, ut statò tempore morbofa doloris affectio communis reddatur non solis cerebri fibræ, & ejusdem membranæ, sed appensis etiam vasculis, & nervis, protensis tum ad dentes, cum ad eorum alveolos, unde dolor, & vertigo exoritur.

Quoniam liquidorum congestio turbans nervorum motum, atque spirituum non rarò augetur, feratur oportet proluvia hæc velocitatibus non parum

im-



imminutis in circuitum, simulque vasculorum lateribus cohereat; seu mavis, in minimis furculis coalescat, hinc magis, vel minus irritatis in Uteri substantia. Paris vagi extremitatibus, seu veriùs plùs minùs circumfitis humorum saburra, plùs, aut minùs alterentur necesse est spirituum fluentium, ac refluentium undæ, tendantur, unàque laxentur fibræ vasculorum per viscera repentium; quæ nec aptè urgere, nec scitè premere valent humores, quorum semina ea, qua par est, velocitate haud excurrere possunt per machinam pulmonum, aliarumque partium; ideoque nec ad glandulas cerebri, uti par est, derivant pro spirituum apta genesi reparanda; ex quibus omnibus aut singulis fit, ut partes quodammodò exesæ madescant, infarciantur, adeòque macerentur, ut regèni spiritus turbidi, & evanidi vi & motu opportuno priventur; quinimò sylvestribus salibus, & aliis pravis, ac labantibus liquidis faturi vellicent quicquid ad eorum contactum venit, undè tusses, convulsiones, anhelitus, palpitationes cordis, ac virium defectum suscitant.

*Convulsiones, Tusses, Palpitatio cordis, Viriumque languor.*

Immutatis in Utero fluidorum compage, & componentibus, se se facilè insinuant in qualibet angustiam meatuum, in musculorum inania spatiola, in nervorum intercostalium, ac membranarum vertebraliû spongiolas particulæ acidæ, & salinæ icoribus solutæ, quæ, ut sunt fero salibus rurgido cumulatæ, gravare incipiunt memoratas partes, easque magis, magisque exsolvere, & irritare; ideoque invertere, & concitare motum liquidi nervorum, cujus turbatio, ac procellosus impetus functiones,

*Lumborum, & coxendicum molestia.*



vires, & resistentias quaquaversum depravant, & fluida in universum contaminant, quorum alia majorem acorem contrahunt, alia perperam, & pessimè miscentur, alia demum coagmentantur, vel consistunt; & ratione motus, atque scabræ figuræ adinstar limæ morsus abradunt, pungunt, ac veluti perterebrant quicquid tangunt in renibus, & molestè sollicitant, ac lancinant quicquid altruit coxendices.

*Tumescen-  
tia tibia-  
rum cum  
varicibus.*

Quotiescunque sanguis derivat ad partes inferiores, & debita felicitate per venas sursum non revertitur, sed remoratus sua mole laxat continentia involucra, eaque nimis tensa reddit, conjectare licet, villorum, atque fibrarum motus infirmari à nimis diluto succo nervorum; imò à copia imbibiti icoris acidi circumprimentis vasa præpediri sanguinem, cujus immutata indoles, in Uteri tumescentia caret volatilibus particulis, & plena jam apparet fæculenta lymphæ, cujus ramosis particulis principia sanguinis implicantur, hoc est fluiditate privantur, ac propterea tibiæ fibræ, muscoli, & membranæ stagnantibus humoribus ita cumulantur, ut tumorem manifestent, & venæ satis varicosæ evadant.

*Hæmorrhagia narium, Uteri, atque hæmorrhoidum.*

Est rationi satis consonum in Uteri plenitudine sanguinem in vasculis latentem consueta libertate non gaudere, ideoque majores, ac minores ductus quaquaversum subire, simul eorum hiatus in naribus, Utero, atque hæmorrhoidibus laxare, & aperire; nam sanguis acidior, ac impurior redditus non solum vitatur nimia copia particularum naturam vitrioli redolentium, quæ propria temperie, qua scatent, coagmentantur; verum ex mora in vascu-



culis per Uterum repentibus majorem contrahit ac-  
ditatem, naturalemque motum non pergit, sed in-  
terceptus in vasculis Uteri, narium, & hæmmor-  
rhoidum sensim majores reddit congestiones fluido-  
rum, quorum particulæ in motum actæ rodunt,  
& elimant vascula minimæ resistentiæ, ideoque san-  
guis erumpit.

Quoties tumet Uterus, toties turgescunt mam-  
marum glandulæ, quum affluens humor eadem fe-  
licitate alibi non revehatur; hinc tractu temporis  
adeò Uteri vasa replentur, ut in mammarum angu-  
stis liquor interceptus figatur, ulterioreque statio-  
ne tumorem augeat, seu veriùs luxuriantibus, ac  
volatilibus particulis, quibus ditatur, intestinum mo-  
tum cieat, acridinem concipiat; ac idcirco circum-  
fusi sales ita fiant attriti, scabri, & acuti, ut non so-  
lùm majorem pruritum excitent, verùm etiam  
continentes partes molestè vellicent, & premant; *Lactis exi-*  
ex quo fit, ut vasa novis subcrescentibus stimulis, *tus cum*  
viribus, ac circumpressionibus necessariò distrahan- *dolore.*  
tur, atque aperiantur, multumque albidi humoris  
jugiter, & cum dolore effluat.

Vulgaris observatio est cuem indicare natu-  
ram fluidorum benè, aut malè, vel nullo modò ab  
Utero erumpentium; nam vigente ejus plenitudi-  
ne contaminantur humores, depravantur succi *Hydrops*  
glandularum, turbatur coctio, quævisque liquido- *pudendo-*  
rum mixtio, imò illorum minima principia figura, *rum, vel*  
motu, & proportionem debita destituta intercipiun- *edema.*  
tur adinvicem, in meatuum, ac pororum spatiolis  
subsident, non evaporant, nec refluent in vasa, &  
sic



fic quasi cœnosis inquinamentis alluunt, & inficiunt faciem, atque totam fabricam. Verùm si acidæ, & falsæ humorum particulæ in massam fluentes, & refluentes turgent, indiesque magis interturbant, & invertunt coctiones, mitiones, atque separationes, congerantur oportet fœculenti liquores adinstar cotyledonum in Uteri membranis, in Vaginæ lacunis, in vasculisque lymphæ etiam per nympham repentibus. Verùm enim verò si præter congestiones memoratas sales sylvestres plùs æquo evadunt acres, atque erodentes, cum haud intimè misceantur, colliquationem, ac solutionem quaquaversum inducunt; & ea, qua pollent vi, meatus novos sibi aperiunt, ac propterea, nec eadem copia, nec eadem velocitate ab extremis venis absorbentur, sed ubique turgent, & facta sibi ipsis via universi corporis texturam fœdissima proluvie madefaciunt.

*Observa-  
tio cum  
sectione.*

Hoc apertissimè mihi demonstravit Mulier trigessimum tertium annum agens, quæ post alterum, ac alterum Partum quoties concepit, toties allatis inquinamentis, variis nempè Pudendi congestionibus, extremitatum tumescencia, ac totius corporis cachexia, non secùs ac si Hydrope fuisset correpta, laboravit. Excluso verò fœtu brevi cursu dierum fœdos, ac cœnosos humores eliminabat, & ad inculpatam valetudinem sensim revertebatur: tandem ingravescente ætate, majorique facta partium Uteri exsolutione, seu, quod in idem recidit, minutatim collapsa machinularum fœdere universæ fabricæ, iterùm concepit, sed post quintum Mensem, à gestatione tanta impuritatis iliade, ac veluti  
ni-



nimia sarcina gravari cepit, ita ut funesto Hydrope oppressa commune debitum persolverit.

Aperui infimum ventrem, & in ejus cavitate inveni colluviem aquæ fætidx, ac turbidæ, quæ speciem saniosi humoris referebat. Observavi stomachi flacciditatem sinè ulla rugarum plicatura, ejusque cavitatem turbido, ac veluti bilioso subactam humore. In Thorace pulmones erant turgidi atro, ac cinericio liquore. Exterior Uteri membrana erat cotyledonibus refertissima; in Uteri cavitate similem colluviem liquidorum, simulque fæturam jam putridam vidi. Demum Vaginam valdè tumorosam perspexi, & lacunas, lymphæque vasa aqua turbida cumulatas, nymphas, & membranas Pudendi exteriores tuberculis sparsas, ac eadem ædematosa illuvie imbibitas, qua totum corpus pollutum videbatur.

Rarò vidi inquinamenta, quæ per Uteri vias deiciebantur, sylvestribus salibus, & vitriolatis particulis turgida intercipi renum intercapedinibus, vel præpedire urinæ separationem, aut deponere in pelvim mucosas, & tartareas portiones, quæ urinæ meatum occludunt; sed hæc urinæ retentio faciliùs exoriri potest à compressione vesicæ, facta ab Utero foetu repleto, ob cujus molem premitur, & clauditur illius orificium. Est tamen satis verisimile ob fæculentam salium copiam, quibus Uterogerentium massa abundat, humores, eorumque femina valdè attenuari, & fundi; hinc in transitu per renes irritare, abradere, & laxare vasa, majoremque urinæ quantitatem secerni. Verùm quò

*Urina in continen-  
tia ejusque  
suppressio.*



magis prægnantis Uteri demensio augetur, eò crebrius vesica urinam emittere cogitur, quum hæc ulteriùs de more expandi nequeat, nec magnam lotii copiam continere.

*Uteri pro-  
cidentia.*

In hac igitur Uteri plenitudine villi, & fibræ, glandulæ, & membranæ, muscoli, & nervorum protensiones impuro sanguine, aliisque ferè erodentibus liquoribus imbibitæ necessariò laxantur, illisque implicata vascula aut macerantur, aut concidunt, vel plùs æquo dilatantur; proindeque eorum membranæ donatæ poris, ac interstitiis fiunt ad instar spongiæ aqua imbutæ, eaque adeò explentur, ac turgescunt, ut ligamenta Uteri facilè languefcant. Ex quo fit, ut nervorum succus eo, quo priùs modò, non ingeneretur, nec fluat, nec refluat, nec villos, nec funiculos fibrarum lustret, nec contrahat; fit inquam, ut humorum congeries, pondusque fæturæ adeò onerent, & dissolvant fœdus molecularum cujuscunque fibræ ligamentorum Uteri, ut liquidorum fæculentia in inanitatibus, ac villorum intercapedinibus diu stagnans vel erodat, vel exsolvat, aut scindat, seu, quod minimum est, flaccida reddat ligamenta Uteri, eorumque superet resistantiam cum non mediocri illius lapsu. Hac verò sarcina liberatus Uterus revertitur ad primum connisum, ejusque ligamenta aliquantulùm roborantur.

Quarè si Uteri fabrica, quæ constat innumeris instrumentis, raris, inanibus, perviis, mutuòque fœderatis obturetur, atque stipetur fœdis humoribus; si hoc item Muliebre opificium, quod deberet cer-



ta quantitate fluidorum foveri, atque irrorari, liquidorum veluti lacuna undique alluatur, laxentur oportet minutissimæ machinulæ, eorumque porositates, ac meatus excipiant multum inutilis humoris; ac propterea totius Mulieris magisterium adeò proluatur necesse est, ut privetur debita coherrentia, simulque diducatur, ac oneretur cœnosa lymphæ, sero, atque impuro sanguine; uno verbo, saturetur adinstar chartæ madidæ, vel conditi corii mucosa colluvie. Tunc humores, & partes vitiosa labe infectæ amittunt figuram, mutuam agendi vim, ac relationem, ideoque humores simul concurrentes jugiter turbantur, & adinvicem nullo non in loco confunduntur; imò hac humorum corruptela imbuuntur, & contemerantur partes, quinimò, quasi fæculentæ naturæ pigmentis malè paratis, pessimèque compactis, ac permistis tam variè commaculantur, & fatiscunt, ut filamenta exilissima cutis, simulque glandulæ illis confertæ, ut fibræ, & villi minutissimorum vasculorum, aliaque innumera stamina cutis stratum pangentia languescant; ac proindè omni vi contractionis, & distractionis, positura, & loco destituta invertantur; tandem ut spongiosæ inanitates lutosæ evadant, vel in tartarum inquinatum faceffant, aut perperam tumeant memoratis liquidis, ideoque cutim benè priùs coloratam, & potissimùm faciem quasi fœdissima rubigine prorsus adumbrent, ac deforment.

*Pallor uni-  
versa cutis*

Ex quo igitur primùm Mulier de graviditate haud dubia videtur, memoratis non solùm ærumnis, verùm immuneris aliis calamitatibus, quas bre-



vitati studens omitto, torqueri incipit; nec raro Mulier in vitæ discrimine versatur, ni ita suos adhibeat conatus, ut tam proprium corpus, quàm foeturæ degentis in Utero vim non patiatur; alioquin adeò turbantur, & quatiuntur adinvicem solida, & fluida tum Uteri, cùm genituræ; imò ita invalescunt vires, velocitates, & irritationes, quas mutuò agendo, & sustinendo accipiunt, ut symptomata augeant, & malum, quod uni, & alteri imminet, brevi occupet utrumque.

Præsidi  
ratio.

Decrevit Hip. lib. de Natura Mul., *Puerum edperfrui sanitate, qua donatur mater*. Hæc igitur, quantum patitur neuter ille rerum status, inoffensum illud vitæ regimen præ cæteris servet oportet, quod temperiei, & consuetudini æquè respondeat, ac recto usui rerum non naturalium apprimè conveniat. Probatissima igitur vitæ ratio est instituen-  
da, quæ nutrit, & conciliat primordia matris, & foetus; nullum idcirco est administrandum auxilii genus, quod ea turbare potest, viresque utriusque extenuare.

Verùm si symptomatum violentia sectionem venæ, aut clysteres ex lacte, jure, aut cremore hordei indicet, seu veriùs balnea, aliaque remediorum genera postulet, consulat Medicinam faciens. Avicen. lib. 3. Plater., Ballon., Petrum Salium, Riverium, Savonarolam, aliosque Scriptores solertissimos, quos hìc referre esset res nimii laboris, & tædii, &c.



## C A P U T XII.

*De Partu difficili, Mola, & Secundina retenta.*

## A N T E C E D E N T I A.

**P** Artus, qui debitas naturæ leges non servat, variisque symptomatibus diu nimis vexat Mulieres, difficilis appellatur: hanc autem difficultatem ferunt animi passionēs, aer frigidus, fervidus, & siccus, alimenta minimè coctū facilia, atque adstringentia, hæmorrhoides tumidæ, tumores, excrementorum retentio, somnolentia, stupor, viriumque languor.

## C O N I U N C T A.

**C** Olliguntur à Matre ab Utero, & à foetu, quæ dicuntur Conjuncta; nam Uterogerentium infirmitas, macies, siccitas, pinguedo, mala conformatio Uteri, & partium adjacentium, flatus, tumor ani, & vesicæ, dolor nephriticus, pravaque constitutio organorum respirationi inservientium Partum retardant; hoc idem præstant Morbi, quibus torquetur Uterus, necnon substantia, quantitas foetus, ejusve figura improba.



*S U C C E D E N T I A.*

**S** Uppono fluidorum minutissima corpuscula per Uteri substantiam elabentia eam quodammodo ambire, & vi propriæ gravitatis quoquoeversum ambire; nam vasa Utero adsita quasi sphericè disponuntur, mutuò flectuntur, superequitant, arctèque irretiuntur, & per eorundem protensiones mirè implicatas humores naturaliter fluunt: usquequo igitur fibræ, & villi vasorum, atque membranarum modicè extenduntur, ac infarciuntur, ut contingit primis gestationis mensibus, in quibus humorum particulæ æquè foveant laterales, infernas, atque supernas Uteri partes, modicè urgent, & premunt; ideoque villi, & fibræ moderatè contrahuntur, & distrahuntur, placidè humores pellunt, eosque sursum, & in circuitum ducunt. Si vero liquidorum materies adaucta indiesque magis pressa, & gravata ab infarctu contractilium villorum spiritus retundente velocitatem suam amittit, nequibunt memoratæ fibræ ita se contrahere, atque humores urgere, ut proportionem servata Uterum non gravent: Gradatim igitur crescat oportet liquidorum congeries, quando humores prægnantem Uterum perfundentes minùs æquo fluunt, vel quandò replent vasa, eorumque fibras, & villos ita laxos, madidos, crassos, & densos reddunt adinstar funis tensi, ut languidè agant; quod satis evincitur in summa Uteri plenitudine, cujus causa fœtus omnibus numeris absolutus valdè gravitat quaquaversum, Uterum  
com-



comprimit, in orbem impellit, ac veluti sub prælo constringit tam humores circumfufos, quàm degentes in vasculis; ex quo fit, ut villi Uteri, & vasculorum evadant adinstar arcus, seu machinæ non valentis se flectere, & in ampliorem extensionem devenire.

Si ergò in dies magis ita crescit ponderis energia, ac multiplicatur fluidorum aggeries, ut pori, & loculi villorum non parùm illis imbuti constipentur, ac propterea cuncta Uteri vasa fœtus, ejusque involucra majori conatu invicem comprimantur, quàm ferat singulorum resistentia, tunc vel neutrum istorum movetur, vel adinstar vesicæ aere plenæ, & nimis pressæ scinditur: veruntamen si hæc adeò gravitant adinvicem, adeoque conatum compressivum deorsum augent, ut contraria quadam vi, ac violento conatu irritent totum Uterum, inflamment, divellant, atque discindant oportet involucra, & os Uteri aperiant pro exitu fœtus.

Ex dictis hætenus licet inferre Partus difficultatem progigni tam à partibus, & humoribus fœtus, & Mulieris, quàm à vitio motus, quantitatis, & qualitatis liquidorum vasa replentium, atque adeò constipantium villos, & fibras, ut musculi Uteri, & stamina membranarum involventium fœtum evadant adinstar telæ lanæ, aut gossypinæ, seu veriùs filtri lento humore subacti, quorum filamenta mutuo connisu destituta, ac veluti separata tument, & madescent; ac idcirco facilè retinent liquidum in interjectis loculis, & spongiolarum inanitatibus insinuatum. Hujusmodi igitur vigente laxitate, sive ra-

ro



ro contactu molecularum singulorum villorum, nec non interjecti humoris quiete præpeditur conatus compressivus; ideoque fibræ & villi non impellunt tanta vi, quantam exigit energia gravitatis resistentis liquidi, cujus causa Uterus, fibræ, membranæ tegentes foetum, cœteraque vasa debita cohesione carentia, quasi tot filtra pravis, & lentis humoribus imbibita, proindeque dura, & tensa impediunt, ac devinciunt vegetiores humores, ac spiritus, ne pergant necessarium conatum compressivum, ideoque Partus evadit difficilis, ut lucidiùs infra.

*Mæstitia.*

*Aer frigidus, gelidus, calidus, & siccus.*

Diuturna mæstitia, cura, sollicitudo, atque iræ excandescencia humores, spiritus, & partes confriquant, & agitant; ac propterea absumunt plurimum humiditatis, ideoque humores arent, suamque duritiem impertiunt villosis filamentis, ita ut vim compressivam expulsionem Partus congruentem nequeant moliri: aer item frigidus, fervidus, & siccus etiam diversimodè videtur operari, in idem tamen collimat; nam aer gelidus, igniculis nempe vacuus, ita gravat, constipat, tendit, & contrahit fibras, ut nec facile laxentur, nec distrahantur; fervidus verò rarefacit plùs æquo tiliarum nexum, atque musivam molecularum contexturam, ideoque tumulat, vel absorbet multum necessariæ humiditatis; siccus denique aer fluida resolvit, ac veluti depascit, quorum jactura fibræ, ac villi contractiles arescunt, idcirco Uterus, & membranæ nec debitam laxitatem, nec opportunum conatum habent.

Adstringentia alimenta, coctuque difficillima humores crassos, & viscidos reddunt, quorum vitio  
mo-



moleculæ fibrarum Uteri, & tegumenta foetus quasi glutine viscoso, ne dicam tartaro imbutæ indurescunt, adeòque minùs valent foetum in profunda Uteri lacuna demersum, & gravatum superincumbentibus ac circumeuntibus humoribus infra urgere; quandoquidè spiritus parùm elaborati supra vires proprias inveniunt momentum resistentiæ in fibris deorsum tendentibus lentore, ac glutine fœdatis; ex quo fit, ut quælibet pars Uteri, & membranarum tegentium foetum constipetur, ac propterea Partum retardet.

*Adstringen-  
tia & co-  
ctu difficil-  
lima.*

Hæmorrhoides tumorosæ, fœcumque retentio quò magis à vasto Uteri pondere, eò magis dolorosa gravitate afficiuntur, & indurescunt, imò adinstar pulvinaris tum hæc, cùm aliæ subiectæ partes sustinent grave pondus, simulque nituntur contra vim superincumbentis Uteri; undè tam pondere proprio, quàm contraposita vi ei resistunt; verùm quia Uterus constringi, sive minus spatium explere nequit, nec sursum, nec deorsum liberè moveri, subsequatur necesse est tempore Partus passio perquam dolorosa, & Partus difficultas; nam vires pendentes à pressione superincumbentis Uteri, & à constipatione, & pondere contraposito sunt inter se contrariæ, & quodammodo se mutuo impellunt, ac proinde una alterius energiam, & actionem destruit, Partusque difficultatem auget.

*Hæmorrh-  
des & fæ-  
cium reten-  
tio.*

Quoniam verò in maxima Uteri plenitudine somnolentia, & stupor significant crassitiem, aut redundantiam liquidorum debitis carentium conditio- nibus, atque velocitatibus, facilè perceptu est liqui-

*Plenitudo  
nimia.*



da hujus indolis laxare fibras, villos, & nervos, eoque adeò lymphæ circumvallare, gravare, & alluere, ut spiritus evadant lymphæ diluti, contaminati, varièque irretiti; ex quo fit, ut in omni nervosa protensione devinciantur, ac propterea fibræ, & villi infarctu, & laxitate laborent, simulque nervorum papillæ, sive sensus instrumenta premantur, exsolvantur, atque hebescant; quæ omnia dilucidè ostendunt spirituum materiam tardè instaurari, & languidè diffundi, æquo minùs illustrare musculos, & adhuc minùs movere & contrahere machinulas ferè laxatas fibrarum; & ut summatim dicam, parùm vel nihil excitare vires labefactatas pro necessario motu, & exitu genituræ.

*Ægritudi-  
nes Pragan-  
tium.*

Uterogerentium ægritudines cum modò conjunctim, modò separatè occupent, & inficiant humores, ac partes, jugiter etiam turbent oportet illam relationem, quæ inter eas solet intercedere; humores namque pravè commisti, longa, jugique serie molecularum se se consequentium, eorumve nunc adaucta velocitate, nunc diminuta stimulorum vi, atque dissono contactu vitiant partes solidas, easque extenuant, ac præpediunt, ne congruentibus viribus mutuò concurrant ad proprium obeundum munus; quamobrem fluidorum materies hujus vitiosæ consistentiæ inquinat, adeoque eliminat fibras vasorum, atque latera inanitatum cujusque filamentum, ut non possint instaurari, se se contrahere, & ad majus, vel minus spatium, uti decet, restituere; hinc Uterus memoratis liquidis onustus, eorumque pondere pressus etsi dolorosam aliquando compressionem



nem vitare non potest, tamen, vel quia caret jugi spirituum momento, vel quia insinuatō prædictorum spirituum ritè effici non potest, tam circumfusæ humorum particulæ, quàm aliæ in interjectis spatiolis tiliarum, ac villorum inanitatibus confertæ ad eò leniter comprimuntur, ut nec conteri, nec validam cunei actionem ferre valeant; quare os Uteri liberè, & expeditè non aperitur, nec involucra fœtus scinduntur, imò nec infans loci figuram commutat, quia ab infirmis, ac ferè æqualibus viribus circumprimitur, valdèque retardatur usquequò hic rerum ordo non invertatur, novaque doloris concitatio cum membranarum scissura, ac Uteri divulsione non exsurgat.

Cum verò in corpore majori, aut minori siccitate, & macie consumpto minutissimæ, ac duræ particulæ fluidorum sint adinstar arenæ, vel gypsi pauco, & pravo liquido intermixti, non possunt in loco, in quem insinuantur, quin propria duritie, magis, vel minùs resistent compressioni; hinc fibræ, & villi totius fabricæ Uteri, fœtusque involucra, cænosos fluidorum seminibus imbibita, ac veluti in modum corii redacta flecti non possunt, & nisi maxima cum difficultate laxari, atque constringi; & quamvis genituræ pondus incumbat modò ex una, modo ex altera parte, ac dolidè comprimat, tamen quia memorati humores sicci, & quasi pulverulenti arctè inhæreant, absque eo quod expelli, & divelli queant è suis oculis, fit ut muscoli, fibræ, tendines, Uteri-que membranæ minutissimarum particularum vim, sive cuneolorum conatum non percipiant; ac propterea

*Siccitas  
& macies.*



rea compressivum conatum, continuique divulsionem haud moliantur, & hoc etiam de nomine Partus evadit difficilis.

*Pinguedo nimia.* Quò magis verò corpora Mulierum adipe onerantur, eò arctiori fœdere invicem copulentur eorum partes, & contringantur necesse est; hinc muscoli, fibræ, & villi tenaci pinguedinis glutine, atque viscoso stipati hebescent, itemque humores, & spiritus oleosis, aliisque hujus indolis ramosis particulis, quibus scatent, retardant velocitatem, viriumque momentum; ideoque Uterus tempore maturi fœtus in modum crassi corii multa aqua imbibiti redactus, pinguique substantia quaquaversum circumpressus conatum compressivum nequit liberè exercere; imò Uterus, involucra genituræ, aliæque partes Utero inhærescentes, sive laterales, sive illi subjectæ adiposis ductibus, & sacculis pinguedine refertissimis quasi sarcina gravatæ etsi stimulantur, valdeque premuntur à supposito pondere prægnantis Uteri, satis tamen non incurvantur deorsum, nec facilè dirumpuntur; cum prætèr sint partes laterales adipe saturæ, & subjecta pinguedo, quæ adinstar plurium globulorum lanæ sursum quodammodò repellunt vel saltem impediunt depressionem membranarum tegentium fœtum, simulque flexionem, & infractionem earundem tam vi propriæ gravitatis, quàm virtute compressiva, qua contrahuntur.

*Mala conformatio partium Uteri.* Verùm enim verò si fœdus, quo invicem necuntur malè conformatæ Uteri partes, fuerit summi roboris, arctissimæ unionis, & duritiei, ita ut difficilè moveri possint, vel à liquidorum cuneolis minime



mè penetrari, aut eorum vi percussione, atque contactus nec laxari, nec scindi, Partus evadit difficilis; quod idem prorsus evenit, si quælibet pars Utero proxima continui solutione labefactetur, evadatque exsoluta, vel nimis rara, & pervia, aut adinstar cereæ mollis, & cuilibet impulsui agentium liquidorum cedat, vel fiat quælibet fibra informis, aut earum machinulæ laxatæ, ac veluti confusæ, unàque membranæ cænosus humoribus contaminatæ; ut brevius dicam, si absit apta figura, & unio inoffensa, adsitque glandularum, arteriarum, venarum, & aliorum vasorum tumor diversis vasculorum circulis ita nexus in similitudinem tumidi anguis involuti, & laxari non possit, tunc qualibet de causa Uterus, ejusque proximæ partes vires impulsivas repellunt, & Partum summopere retardant.

Sciendum arterias, & venas per Uteri collum, & Vaginæ substantiam reptantes duplo, aut triplo majores evadere, adeoque se inflectere, ac tortuosis anfractibus eminere, ut impedian exitum; imò inter fibras, & rugas colli Uteri, atque Vaginæ hydatides diversæ magnitudinis reperiuntur, & polypi, qui vasa implent, & sæpè in callosam ferè substantiam degenerant, ideoque Partum difficilem reddunt.

*Vasorum  
tumor hy-  
datides, &  
polypi.*

Quoties igitur Mulieres expedito constrictionis usu totius Abdominis non perfruuntur, toties fibræ vasorum, aut muscutorum fiunt duræ, tensæ, ac inflexiles, proindeque muscoli feriantur: hoc sensibus patet dum Uterogredientium intestina tumida extensione, sive rigiditate se se tangunt, con-

strin-



stringunt, ac veluti fulciunt; vel quandò intestinum rectum, aut vesica duro, flatuosoque tumore turgent, cujus moles, & pondus nisum, & pressionem quaquaversum exercet; ideoque Uterus incumbit supra rectum intestinum, & vesicam quasi supra duo pulvinaria, sive fulcimenta, quæ si nec flectuntur, nec satis constringuntur, foetum deorsum descendere non permittunt.

*Dolor nephriticus.*

Tandiu Partum retardat dolor nephriticus, quamdiu jugi totius corporis tremore permutat singulos contactus, vel laxat substantiam machinularum astruentium nervos per singulas partes abdominis diffusos; & quò magis, vel minùs renum constructio stimulis, vel scabris arenæ particulis, aut calculi asperitate irritatur, eò magis tendantur, & convellantur oportet protensiones nervorum, villorum, & membranarum totius abdominis. Si igitur tenduntur, & rigescunt adinstar arcus membranæ intestinorum, vesicæ, &c. contrahantur quoque, & convellantur, fursumque tendantur necesse est fibræ, & villi Utero adfiti; ex quo fit, ut fabrica Uteri hiatum suum claudat, fursum urgeatur, atque attollatur. Verùm quia spiritus doloris immanitate resolvuntur, suisque tremulis, ac tumultuosis undis concitant, varièque sollicitant filamenta fibrarum, nec Utero, nec ejus villis contractilibus debitum conatum compressivum præbent, quo superent resistantiam tensionum, aut convulsionum memoratarum partium, ideoque Partus diu protenditur, & difficilis evadit.

Quò magis item læduntur respirationis organa



na, eò magis virium exsolutione laborant Parturientes, ac idcirco necessariò privantur conatu compressivo: Thoracis igitur musculi vi tumorosæ inflammationis, infarctus, gravitatis, stagnantis humoris, ac tensionis fibrarum difficilè agunt alternam, atque æquabilem contractionem, & distractionem, difficilèque impellunt contra vim, quæ efficitur à vitiosa labe thoracis, unàque contra resistentiæ momentum, quod exeritur à pondere Uteri, foetus, vel molæ. Quare fibræ, & villosæ partes, sive inflammatae, seu veriùs cœnosis, ac impuris liquidis affluentes, vel convulsæ, & tensæ, aut quovis alio modò læsæ contrahuntur adinvicem, ac idcirco præpediunt necessarium, & consuetum influxum liquidi nervorum, atque adeò resistunt ejus impulsui, ut non solum diafragma, & musculi intercostales, sed musculi etiam abdominis nec alternè contrahantur, nec alternè restituantur, quin imò ita convelluntur omnes, atque tenduntur, ut nequeant Uterum circumprimere, & foetum deorsum urgere, ac depellere.

*Respiratio  
læsa.*

Non solum Uteri laxitates, Vaginæ dilaniatio, erosio, ac veluti scrobes corrupto humore plenæ, tumores, ulcera, obstructions, angustia, interclusiones, &c. à præternaturali causa ortæ conatum compressivum retundunt, & villorum momentum infringunt; sed venæ etiam ab hæmorrhoidibus, atque hypogastricis procedentes, lato, & varicoso ductu per Vaginæ latera sparsæ, varios hinc indè furculos, adeoque tumorosas elevationes, vel glomeres constituent, ut Vaginam, & os Uteri prorsus claudant.

*Multa  
sunt, quæ  
Partum re-  
tardant.*

Sub-



*Respiratio  
læsa.*

*Quantitas,  
& nume-  
rus, & fi-  
gura im-  
proportio-  
nata.*

Substantia pariter foetus, quantitas, & figura Partum difficilem reddunt; nam siue mortuus sit foetus, putridus, quavisve alia labe infectus nullum pro exitu conatum exercere potest; siue ergo sit numerus, & quantitas foetus adeo improporcionata, variaque donetur partium mole, hoc est grandiori, quam decet, capite, pedibus, aliave corporis parte inæquali, siue numerus foetura sit multiplex, & copuletur uni, aut pluribus superfœtationibus variæ figuræ, & congeriei; siue demum situs infantis querentis exitum nullo modo respondeat naturæ legibus, uti dum manibus, pedibusque præviis exire tentat, aut uno tantum vel binis pedibus, alterutrage manu, siue veriùs una, seu altera ratione involutus, duplex, vel geminus egredi experiatur, quemadmodum accuratissimis, rectèque adrumbratis imaginibus delineavit Sennertus, tunc vel frustra libertatem carceris querit, aut Partus fit valde difficilis. Quod rursus observatur, si membranæ tegentes foetum sint omni impuritate onustæ, adeoque rigida, ac densæ, ut facile disrumpi nequeant, vel ita tenues, ut citiùs, quam par est, scindantur, ideoque effluat aqua, & membranæ, ac Uteri os ita arescant, ut eorum durities, ac resistentia superent vires compressionis.

*Secundina  
hæc autem  
foetum pel-  
latur.*

Si Secundina aliquandò Partum præcedat, & infans suffocetur difficilis est Partus, & in summo vitæ discrimine versantur Mulieres, nisi eodem ferè tempore dent luci foetum, & hæmorrhagia incepta desinat; alioquin orificia vasorum, quibus Secundinæ adnexæ erant, hiant, continuòque sanguis effluit, do-



donec excludatur infans, cujus moles quamdiu conclusa manet, tandiu ad propriam exclusionem aliquas pressiones, & conatus, quorum jugi vi propellitur sanguis, quia vascula propria emissaria non claudunt. At si inaniantur vasa, & vires concidant, detinetur diutissimè infans in Utero veluti exsiccato, qui si adhuc vivit, suffocatur, nec facile pellitur.

Non est hic silentio prætereundum Molam, informem, scilicet, ac rudem massam finè ossibus, atque visceribus compactam, vitioque machinulæ *Quid mola sit, & cum partum retardet.* rum Ovi, vel feminis loco foetus genitam valdè Partum retardare; præsertim si sit ingens, & copuletur genituræ, si sit membranosa, & multiplex, si sit viscida, tenax, minimèque cedens; si demùm figuram irregularem, veluti rhombiæmuletur, tam cum foetu, quàm post foetus expulsionem, non secus ac si sola, multiplex, & nimis quanta totum Uterum occupet, arctèque variis velaminibus Utero cohæreat. Ratio tunc suadet, & observatio evincit hanc variæ figuræ, substantiæque congeriem ne Partum quidem retardare, sed sibi ipsi etiam exitum præpedire.

Magno enim ponderis sensu decumbit adinstar lapidis Mola in latus, in quod Mulier obvertitur, ibique membranarum stamina, ac superequitantia vasa premit, ventremque attollit. Motus in Utero fit tremulus, ac veluti palpitans, respiratio nunc anhelosa, nunc difficilis apparet; insæviunt dolores dorsi, & inguinum, mammæ tument, & citò lac evanescit, ut fermè statuunt Rodericus à Castro,



*Quando  
Mola Utero  
coit.*

Rondeletius, Rolfincius, Cornelius, Soleand., Horst. Valeriol., aliique plures. Istis, & aliis etiam multò gravioribus symptomatibus vexatur Mulier Molam gestans, cui vitæ periculum imminet, si diutissimè Mola consistat, & cum Utero coeat, ac veluti unum corpus simul constituent; atque adeò jugiter excrescant, ut nec extrahi, nec curari queant, ut observationes demonstrant, & auctoritas Hip. suadet lib. prim. de Morbis Mulierum: *Si Mola caro fiat, perit Mulier, nec fieri potest, ut superstes maneat.*

*Mola co-  
alita.*

Hæc inutilis, ac informis massa, uti assereram de Sterilitate, tam ab Ovo, quàm à femine virili, pravis exordiis scatentibus progignitur, quorum activissimæ particulæ nec mutuò agunt, nec patiuntur, nec ita adinvicem respondent, ut Ovi machinulæ aptè de more solvantur, & concinnentur; imò Ovi inchoamenta liquidorum ferè glutine circumdata ita coalescunt adinvicem, ut resistent viribus feminis, ejusque contactui; & quamvis memoratæ Ovi machinulæ vi effluviorum virilis feminis alium satis diversum terminum nanciscantur, atque cohæsionem, tamen Ovi materies, ejus putamen, ac stamina diversæ figuræ, & constructionis inter se semirè involuta, atque implicata, non virilis tantum feminis retundunt energiam, sed tumultant, & perdunt ejus substantiam; ac propterea majori semper lentore ac glutine fœdantur, seu veriùs adeò impuris humoribus imbuuntur, & laxantur, ut in propriis filamentorum inanitatibus, eorumque interjectis staminibus stabulentur, & sinè ordine concre-

cant,



cant , ideoque præternaturalem congeriem , seu, quod in idem recidit, massam imperfectam effingunt.

Imperfectum aliquandò semen vividis nempe particulis vacuum, lentèque ejaculatum tum à non benevalente, cùm à senio confecto viro , ut putat Georgius Francus, haud fovere , ac fæcundare potest Uterum, & Ovum, quinimò utrumque turbare, *Mola causa.* adeòque pervertere, ut citissimè Ovum quodammodo maceretur, imbuaturque jugi illa humorum colluvie, qua Uterus abundat. Interdum verò semen adeò circumfuso igne cumulatur, ut vi suæ diffusio-  
nis, & contactus plùs æquo permeet, penetret, solvat, & quodammodo ustulet machinulas elementorum Ovi, internamque Uteri membranam, ac propterea Ovum fiat adinstar lapidis usti, udaq̃ue arena intriti; quarè & Ovum, & Uterus illicò privantur opportuna relatione humorum, spirituum, & partium, ac idcirco arescunt; & quo magis constri-  
guntur, atque cohærent rugosæ Uteri fibræ, eò magis illis adjacet Ovum, atque utrumque sensim laxatur, & pravis, ac glutinosis liquidis imbuitur, quorum cumulo Uterus semper magis exsolvitur, & infarcitur; ac proindè Ovum rarum, & pervium evadit, in similitudinem spongiæ madidæ quaquà alluvitur, demùm augetur, & concrefcit uti pumex in medio extinctæ, & solutæ calcis, dum exsiccatut.

Sæpè Tubæ, Uterus, Ovaria, glandulæ, & lacunæ, imò vasa, quæ per internam, atque externam Uteri substantiam vagantur, tanta liquidorum farcina referciuntur, ut Ovi symetriad turbent, & v-  
stent, unàque restinguant minima ignis, semen, *Partes læ-  
se ovi syme-  
triam per-  
dunt, &  
Mola produ-  
citur.*



Ovum, & Uterum accolentia, quorum defectu non explicantur, sed confunduntur Ovi exordia; ac propterea tam humores circumfusi, quàm per vasa fluentes privantur ea, qua decet, indole, motu, & velocitate; ex quo fit, ut restincta semina ignis aliis liquidis intermixta crassescant, ac ita devinciantur, ut Ovum, Ovi moleculæ, inanitates repleantur, & laxentur, proindèque in similitudinem Atheromatis, aut Meliceridis ingens coagulum, sive Molam conficiant.

Ex iis facile evincitur Molam diù jam in Utero retentam non à propria duntaxat gravitate particularum se se mutuò tangentium premi, sed circumprimi etiam à pondere superstantis Uteri, atque labentium liquidorum, quæ tanta vi impellunt, quanta est energia eorum gravitatis; imò cogitur quælibet Uteri pars inferna sustinere pondus partium superiorum incumbentium fluidorum, & contentæ Molæ, ideoque laxari, & aperiri nequit; hac enim multiplici pressione à vi diversi ponderis orta singula Uteri pars ima quodammodò quiescit, & præpedit conatum compressivum urgentem deorsùm, quia necessariò constringit poros fibrarum, earumque machinulas arctiori fœdere condensat, ac idcirco majorem facit resistantiam; verùm cum ob duritiem vastæ Molæ, & circumfluentium liquidorum haud potis sit Uterus constringi, sive in minus spatium devenire, debebunt particulæ ipsæ durissimæ partibus solidis, ac fluidis circumfusæ se se invicem fulcire, veluti tot columnæ, aut tot fornices, quæ nullo pacto flecti, dilatari, aut constringi possunt: si igitur par-



partes Uteri supernæ, laterales, & infernæ, itemque humores, & Mola se se urgent, & premunt adinvicem, nullum horum impellentium prosequi poterit motum suum; sed in eodem ferè situ cogetur sistere, quia quantum unum inflectitur deorsum, tantum resistit, & contrario impulsu sursum tendit alterum.

Quamobrèm nulli ignotum esse debet, Molam plurium annorum spatio posse in Utero detineri absque eo, quòd Uterus continui divisione, sive dolore afficiatur; hæc etenim dolorosa passio progigni solet à pondere, quod nimis forsam augetur supra partium resistantiam; undè immodicæ gravitatis excessu quodammodò luxantur machinulæ fibrarum, incurvantur, ac disrumpuntur, ideoque hiatus Uteri violenter aperitur; quòd non secus agunt solidiusculæ humorum particulæ, quæ sigillatim insinuantur adinstar tot cuneolorum intra spongiolas inanes fibrarum, quarum moleculas hinc indè lateraliter dimovent, ita ut à mutuo amplexu separentur: verùm si fluida materies jam in Utero insinuata talis est figuræ, & consistentiæ, ut constringi, & dilatari nequeat, fit, ut fabrica Uteri, fibrarumque constructio, in earumve inanitatibus contenti humores mutuò coalescant, ideoque fibras, & villos non perterebrent, non eliment, nec discindant; vel quia luxationem, contusionem, aut loci mutationem, & cohæsionis non patiuntur, vel quia circum circa ab æqualibus viribus premuntur, dummodò virtus impellens, sive fortuitus ictus, quasi mallei percutientis particulas compressas cunei formam referentes



*Observatio*

tes non flectat filamenta fibrarum, eaque discindat, ac repentinè Uterum aperiat, ut pluribus ab hinc annis observavi in Muliere rusticana, quæ horrenda Uteri mole gravabatur: hæc autem sustinuit tam grave pondus spatio sex annorum, & cum primo mane è cubile descenderet, in sedeculam fortuito incidit, & super eam corruit, illicò vexari cepit dolore ventris fævissimo, & brevi abjecit ingentem Molam cum perexigua copia liquidorum, indè post semihoram obiit. In cadaveris sectione examinavi viscera, quæ laudabilem structuram servabant, indè Uterum, cujus muscularem fabricam inveni satis crassam, duram, partim scirrhosam, partimque variis glandulis, & globulis ditatam, quæ latitudinem quaquaversum æquabat quatuor digitorum, & ponderabat libras duodecim. Huic forsitan Mulieri evenisset id, quod accidit alteri Mulieri, de qua verba facit vir solertissimus de Graaf in fine cap. 8 de Utero, nisi virtute percussione, quæ est momenti maximi, Uterus violenter se aperuisset.

*Retentio  
Secundina.**Causæ ex-  
teriores.*

Imminet vitæ periculum, quotiescunque Mulieres foetus involucra, sive (ut sermone utar vernaculo) Secundinas à Partu non ejiciunt, sed plus æquo retinent; multæ namque sunt exteriores causæ, quarum momento repelluntur memorata involucra, &c. aer nempe gelidus valdè os Uteri, ejus villos, & musculos constringens, effluvia benevolentia, quæ Uterum fursum efferunt, cunctaque animi pathemata, quorum est adeò succum nervorum interturbare, tremulumve motum nervis, & fibris Uteri tribuere, ut universa ejus constructio modò con-

vel-



vellatur, modòve rigescat, seu mavis, recedat à debita partium cohæsione, flexili laxitate, ac virium compressilium conatu: hoc item prestant & morositas Puerperæ non valentis in eo situ ita consistere, ut vires compressivas expulsionì congruentes exerat, & vasorum umbilicalium distructio cum exitu totius contenti sanguinis, eorumque intra Uterum recessus.

Evadunt interdum tensæ, crassæ, adeòque tumorosæ Secundinæ ob nimium homorum affluxum, qui tam tempore gestationis Uteri, quàm laboriosi Partus concitantur, ut sibi ipsis firmiùs, atque parietibus Uteri adhereant; quod potissimùm occurrit, si tumidæ, & inflexiles evadunt instar corii, propriaque tensionis resistentia superent, vel præpediant vires jam exsolutas villorum contractilium totius fabricæ, & præsertim vasorum per Uterum repentium, ne opportunè exonerentur fœda liquidorum farcina, qua nimis gravantur; stipetur ergo Uterus impurissima liquidorum congerie, & quasi glutine ita infarciatur, ut scindi, frangi, & à mutuo fœdere recedere nequeant vascula Uteri, & Placentæ; sive plùs æquo circumfusus, vel alluentibus liquidis repente priventur, ac veluti arescant, tunc Uterus minimè potis est vim compressionis suscitare, at solùm hiatus claudere, & quodammodò in angustiori carcere tegere Secundinas, ut pluries me docuit cada-verum sectio.

*Secundina  
nimis cras-  
sa, & tu-  
mida.*

Quò magis autem in orbem dilatatur Uterus, eò magis laxatur, & in similitudinem spongiæ tenuissimo sanguine imbibitæ crassescit, & rubet, undè

ex-



*Sanguinis  
jactura, &  
Spirituum  
dissipatio.*

expulso foetu, eo, quo decet conatu, sanguis contentus in Uteri vasculis, in Placenta, aliisque velaminibus tam per disjuncta, & dissecta vasa Uteri, quàm per alia in Placentæ divulsione, apertaue dilaceratione illico erumpit; ideoque cuncta vasorum genera in minùs veniunt spatium, imò in similitudinem priùs utris aqua pleni, indè dilacerati, sub compressionum prælo exonerantur humoribus congestis, rursusque abbreviari, atque constringi coguntur; ex quo fit, ut nec proprio pondere, nec nova figura, quam acquirunt, nec inæquali glomere, in quem veniunt, urgeant Uterum, premant, nec opportunos conatus excitent pro Secundinarum ejectione; quod tantò faciliùs occurrit, quantò majori sanguinis jactura, spirituumque dissipatione afficiuntur Puerperæ, quarum vires ita languescunt, ut muscoli, fibræ, & vasorum villi substantiæ Uteri omninò distrahantur, ac idcirco nequeant vim expulsiōni congruentem elicere.

*Uteri contractio.*

Sæpiissime verò accidit Uteri, Colli, & Vaginæ substantiam in transitu foetus adeò exsolvi, & dilaniari, ut exiguæ illæ plagulæ, dissectaque vascula evomant acres, ac ferè erodentes humores dolorem immanem suscitantes, ac fursùm ducentes fibras, & nervos ibi protensos; cujus rei causa Uterus modicè convellitur, adeòque constringitur, ut conatus necessarios ad Secundinæ exclusionem adhibere non possit; undè sæpè per occasionem macerantur, vel marcescunt Secundinæ, quarum fœda, corruptaque substantia Uterum contaminat, & adinstar strati constipat ejus poros, atque emissaria, quinimò paulatim



tim irritat vellicat, erodit, & mille miris modis le-  
dit, inflamat, adeòque Uterum putrefacit, uti  
pluries sum expertus, ut convulsiones, deliria, ner-  
vosique generis vitia progignantur.

Sit ergò retentio integræ Secundinæ, aut alicu-  
jus pravi frustuli, exhalent oportet halitus ferè cada- *Symptoma-  
ta diversa.*  
veris; ideoque vi tantæ putredinis febris acuta, vi-  
rium lapsus, extremorum frigiditas, hysterica pas-  
sio, epilepsia, respirandi difficultas, ac mors subse-  
quantur necesse est.

Aliqua tamen salutis spes remanet, si ante se- *Prognosis.*  
ptimam dùm Secundina putredine, atque marcore  
consumpta cēsim, vel minutatim effluat, ut secundo  
Epidem. observavit etiam Hip.; seu veriùs dum fa-  
nies multa depellitur, cujus exitu, ne secernitur  
quidem dissoluta Secundina, verùm etiam purga-  
tur Uteri textura fœdis liquidis subacta.

Tam Partus difficilis, Mola diù retenta, quàm  
Secundina auxilio indigent, ne fœtus, & Mulier mo-  
riantur: laudat hac de causa Hip. lib. primo de Mor-  
bis Mulierum venæ sectionem præsertim in Juvene  
vigore, & sanguine referta, & in 6 sectione aphor.  
commendat sternutationes.

Auferantur igitur cuncta, quæ Partum retar- *Curatio.*  
dant, illiniantur partes exteriores, injiciantur cly-  
steres acres, propinetur oleum amygdalarum dulcium,  
vel præscribantur Trochis, de myrrha ad dracm.  
unam & semis cum unciis duabus aquæ artemisæ,  
sive propinetur oleum succini ad guttas xv, extract.  
croci ad guttas vj. cum jusculo, aut vino optimo.

Non sunt contemnenda cætera, quæ proban-



tur à Roder. à Castro, ab Etmul. , Brunet. Bonet. Riverio, ab aliisque probatissimis Viris ; exteriora verò præsidia, si quæ sunt , artificiosæ Obstetricis manui sunt relinquenda : verùm ea, quæ ad retentionem Secundinæ spectant, variis observationibus egent, antequam administrentur , consulat ergo Lector Sennertum, Riverium, Alexandrum, Benedictum, aliosque plures , ut recta methodo procedat.

### C A P U T XIII.

#### *De Lochiorum Fluxu immodico .*

#### A N T E C E D E N T I A .

**P**RO vario vitæ genere, diversaque corporis habitudine, ætate, temperie , ac prægresso Partus labore variè fluunt Lochia , quorum quantitas in puerperio non à sola temporis duratione estimantur immodica ; sed certa rei cognitio nunc à nimia, & subitanea copia, nunc à prava fluidorum indole, à fœtore scilicet, & à concreta substantia, ab erodente inquinamento, imò à difficili tolerantia, ac virium prostratione desumitur : nam in sui principio est Lochiorum fluxus humorum colluvies in Utero contenta, ad eumque jugitur affluens per arterias, totidemque venas in Placentæ, aliarumque membranarum divulsione apertas per triduum saltem erumpens, indèque ubertim ad instar loturæ carnis septem dierum spatium, demum effluens in similitudinem lentis insculi, aut mucilaginis spatium triginta, aut quadraginta dierum.

CON-



*C O N I U N C T A .*

**P**REterlapsis nonnullis à Partu diebus, si diu durent, immodicèque fluvant Lochia, ea comitari solent non levis vasorum dilaceratio, virium languor, tabes, inanitio, nausea, coctio depravata, vigilia, dolor in hypochondriis, tensio ventris, pulsus debilis, & celer, convulsio & non rarò hydrops.

*S U C C E D E N T I A .*

**Q**Uoniam ex allatis naturalis Uteri moles pro varia Mulieris ætate, temperie, corporis proceritate, conceptione, sterilitate, &c. observatur diversa, prægnantis quoque Uteri laxitas, ac vasorum magnitudo varia sit oportet tum ob majorem, vel minorem explicationem partium foetus, cum ob disparem liquidorum cumulum, quo gestationis tempore vasa repleri solent; nec hujus incrementi causa solùm sistit in majori, aut minori paucitate, aut magnitudine tegumentorum partibus genituræ respondentium; verùm in dissimili copia alimenti indefinenter confluentis ad foetum, & Uterum, cujus contextura quò magis dilatatur, eò magis crassescit; ideoque si extremis præsertim mensibus dissecetur, non videtur membranosa, sed evadit quasi corium recenter deglabratum, vel adinstar spongiæ crasso sanguine imbibitæ; imò apparet refertissima innumeris foraminulis, sive vasculis in medio dissectis, ex quorum emissariolis cruor quàcumque guttatim



effluit; post Partum igitur hæc magna Uteri spongia facilè se se restituit ad primam suæ molis parvitatem, sensimque abbreviatur vi contractilium fibrarum, quibus Uteri substantia scatet, ac propterea memorata spongia sub prælo ponitur, & exprimitur universa humorum congeries, qua onerabatur.

Partus itaque labores quò magis, vel minùs agitant, stimulant, urgent, & jactant quicquid est vasorum, fibrarum, nervorum, & glandularum, quicquid est magnitudinis Uteri, incrementique fœtus, quicquid cohæsionis latet inter vascula sacculorum fœtus, & substantiæ Uteri; eò magis, vel minùs cieantur, concutiantur, atque exagitantur oportet humores ibi congesti, ac spiritus ibi fluentes; quorum momento, adauctaque velocitate citiùs, vel tardiùs sacculi, quibus tegitur infans, lacerantur, faciliùs, vel difficiliùs hiat os Uteri, pellitur fœtus, multòque faciliùs, aut violentiùs post transitum fœtus ejiciuntur Secundinæ, sed priùs diffringuntur coeuntia vasa, simulque cætera repentia per internam fabricam Uteri, Colli, & Vaginæ supra eorum resistantiam laxantur, & præ nimio pressionum conatu dilaniantur; ac idcirco à plagulis memoratarum partium plùs, vel minùs sanguinis erumpit.

Constat itaque violentos conatus in Mulieribus calidæ temperiei, raræque texturæ nec difficilè exolvere, nec parùm lacerare Uteri vasa aliis vasculis membranarum, involventium fœtum conjuncta, quorum

*Conatus  
Violenti.*

emis-



emissaria vi concitati ignis solidis partibus circumfusi, ac fluidis intermixti, tam diu hiant, quandiu ejus subitanea vi, penetratione, repetitis percussionum ictibus, atque velocitatibus elimat tubulorum internam superficiem, permeat machinulas fibrarum, magisque perterebrat vasculorum ora, quæ nequeunt ulterius occludi, donec coherceatur, sive imminuatur igniculorum quantitas; quorum privatione fontè villi, & fibræ vasorum in minus deveniunt spatium, vel quodammodò rigescunt, ideoque adinstar præli carentis sua vi nec premere, nec pellere valent contentos humores; ac idcirco redeunt ad debitam cohæsiorem labia vasorum, & Lochia defluunt.

Verùm si ubertim, adeoque repentè effluant dicta Lochia, ut vires concidant, cogitandum vasorum dissectionem, totius contexturæ exsolutionem, & membranarum dilanationem fuisse maximam, nec levem totius Uteri circumpressionem; ideoque humores ob igniculorum incursum, ac molecularum concitationem stimulare singula filamenta, eorum permeare inanitates, ac præter naturæ ordinem è vasculis suis exire ingenti cum virium, ac spirituum jactura.

*Sanguinis  
fluxus re-  
pentinus.*

Quoniam verò toto gestationis tempore villi, & filamenta vasorum Uteri, ventriculi, intestinorum, ac viscerum tam vi magni ponderis, quàm vi contractionis, ac distractionis superadditæ, sive pressionis, atque constrictionis directæ, lateralis, aut transversæ trahuntur, indiesque magis urgentur, & concutiuntur; tandem laxetur oportet machinula-  
rum



*Cohæſionis  
imbecilli-  
tas,*

rum nexus, & compages tiliarum, quæ quò magis à mutuo contactu divelluntur, eò magis violenter trahuntur, premuntur, concutiuntur, & dissolvuntur, seu, quod in idem recidit, minùs resistunt divulsioni, ac dissolutioni; ex quo fit, ut coctiones, separationes, mixtiones, &c. minùs æquo peraguntur, quamobrem loculi interjecti, atque inanitates fibrarum Uteri stipentur impurissimis liquoribus, scatentibus viscidis, ramosis, ac silvestribus particulis, quibus Uterus, Corpusque universum contaminantur, ideoque indigere videntur Puerperæ diutino Lochiorum stillicidio pro integra repurgatione; verùm si in interjectis spatiolis, atque inanibus spongiolis partium Uteri stabulentur pravæ indolis particulae, asperæ scilicet, atque scabræ figuræ, sive erodentis naturæ, unàque fibrarum tiliæ, & vasorum stamina tendantur, concutiantur, ac convellantur vi dolorum Partus, valdè etiam separentur, atque lacerentur necesse est vascula cujuscunque unionis, & fulcimenti; nam licèt vis, qua liquida agunt intra corpus Uteri ab ipso primo tempore gestationis debeat proportionè respondere virtuti, qua instrumenta Uteri inter sese cohærent; tempore tamen Partus cum hæc vis cohæſionis, quæ tota sistere deberet in mutuo nisu filamentorum venientium in contactum, non solùm non sit valida, verùm ita minima, ut diu fibræ non resistent conatibus compressionis, nisi quis dicere velit, vim, qua agunt fibræ Uteri, & tegumentorum foetus, & vim, qua agunt, & fluunt liquida per corpus Uteri, & membranarum genituræ esse maximas; adeòque contactus vires tam

mi-



minimas ut divellere, lacerare, ac perdere quodammodo sinant totam Uteri contexturam, & tegumentorum faturæ, ac propterea sinant humores liberè defluere.

Uterus ergo conatibus compressivis à Partu exortis nimis forsan luxatus, pervius, & magno languore affectus, sive variis plagulis contemeratus vix ullo fœdere cohæret; ideoque vix ulla resistentia resistit fluentibus, ac circumfusus humoribus, quia momentum facultatis moventis, agentisque in fluida labentia per corpus Uteri, ejusque partium finitimarum est majus momento, quo partes ad invicem ne-  
*Liquida  
agitant.*  
ctuntur. Hinc colligitur liquida præseferre aliquid agitationis, cujus vi stimulant villos, & fibras, quas tangunt, easque ita irritant, dilaniant, atque erodunt, ut plagulæ fiant semper majores, atque profundiores. Quò major igitur, vel minor fuerit Uteri, colli, ac Vaginæ solutio, eò plùs, vel minùs vitii, ac velocitatis acquirent humores, imò plùs, vel minùs per vasa dissecta labuntur; præsertim, si malæ indolis liquida, lymphæ videlicet falsæ, & acidæ, alique contaminati humores adinstar aquæ erodentis ulcuscula profundiora faciunt, seu veriùs si diffusionem, ac æstu, sive quaquà sese effundendi vi donantur, quasi spiritus acidi oleo sulphuris commixti tument, permeant, & transeunt; imò egrediuntur faciliùs per emissariola, ac poros Uteri, quàm aqua simplex per vasa fictilia, aut ligni tortuosas inanitates, sive per meatus bursæ coriaceæ; quòd potissimum fit, dum Uterus constat villis, ac filamentis gracillimis in se continentibus spatiola vacua, & hu-  
mo-



mores ibi labentes componantur variis, ac tumultuosis feminibus diversa vi, velocitate, ac figura scatentibus.

*Fator Lochiorum.* Fator itaque Lochiorum, & quantitas decolorata improbam ostendunt liquidorum mixtionem, & non levem solutionem Uteri, cujus spongiosa substantia dum majoribus, minoribusve excoriationibus, fossulis, & ulcusculis inficitur; five dum majoribus, minoribusque laxitatibus, ac inanibus villorum loculis abundat, plùs, vel minùs madet, & imbibitur noxiis humoribus, qui quoties ibi consistunt, variè miscentur; ex quo fit, ut Puerperæ hujusmodi humorum contactu agitatæ, & concussæ vexentur doloribus ventris, febre, macie, necnon virium languore maximo.

*Lochia immodica.* Supponunt jam Lochia immodica vasorum lacerationem, continuum stimulum, qui vasculis, nervis, glandulis, Utero, totique corpori quodammodo vim facit; ideoque variè inficit, & violat humores movendo, ac permutando particularum fluidarum reciprocationem; earumque congeriem, & unionem distinguendo, ac divellendo singulas machinulas solidas astruentes fibras, quo tempore vascula, membranæ, & nervi non possunt quin expromant, ac ferè evomant humores fermentescentes; & quantò majores percipiuntur irritationes, & stimuli in fabrica Uteri, & partium adjacentium, tantò magis tenduntur, tremunt, & oscillant singulæ partes villosæ, quæ liquidiora reddunt fluida, eaque depromunt, & quod deterius est, tremor, & concussio non solum dimovet, verùm etiam abripit partes liqui-



quidiores, ex quibus villi contractiles componuntur; ac idcirco in tenuissimas auras resolvit particulas vividiores succi nervosi, ex quibus vires ingenerantur. Quò magis ergo hæc omnia vigent, eò magis semper labefactantur cohesiones, absumuntur spiritus, & quicquid humidi inest, evanescit; undè brevi corpus intuetur tabe consumptum, imminuuntur vires, & resistentiæ, quæ gradatim languescunt, demum concidunt.

Post Partum igitur difficilem, ac violentam Secundinæ extractionem fibræ naturali contractione contractiles, Uteri scilicet vasorum, ejusque finitimarum partium, licet censeantur dilaniatæ, exsolutæ, atque dissectæ, debent tamen suapte natura restitui, atque ita constringi, ut per laxas, lacerasque partes, necnon vasorum emissaria contentos expromunt humores; multumque propterea lymphæ utilis, & inutilis, itemque multum sanguinis concreti, atque soluti, uno verbo, quicquid fluidi intra Uteri, colli, & vaginæ intra villos, eorumque inanitates continetur, eliminare conetur; ex quo fit, ut paulatim deficiat materies vires exercens, unàque corpus inane, ac veluti tabe consumptum evadat.

In tanta liquidorum, ac virium penuria musculi, fibræ, ac villi Uteri, & corporis universi, ventriculus, glandulæ, & ductus illis adfiti ita humoribus inaniuntur, ut vix perfrui possint contrahendi, distrahendi, ac circumprimendi illa vi, quæ potis est separare succi copiam ad triturationem, eduliorum idoneam, ac necessariam, & multò minùs exercere motus intimæ mixtioni congruentes;

*Quid accidat post Partum difficilem, & Secundinæ extractionem.*



*Inanitas  
Abdomini  
ventriculo,  
& corp. to-  
to jacturam  
impertit.*

imò in tam ingenti jactura, Uterique exsolutione laxitas, & nervorum languor per universum abdomen diffusus communicatur tam ventriculo, quàm intestinis cum non mediocri machinularum imbecillitate; cujus causa succus è glandulis ventriculi vix fecernitur, & ille in tam exigua quantitate adeò dilutus, ut dum in ventriculum derivat, contactum, ac sensum minimè naturalem producat, seu veriùs peculiarem tremorem in nervis intercurrentibus, vel, quod in idem recidit, molestissimam nauseam.

*Divulsio,  
& dolor  
cum febre.*

In sæva hujus morbi contumacia membranæ, imò musculi Uteri extendi non possunt, quin fiat aliqua inter eos divulsio; ex qua sæpissimè generatur dolor, qui & diu perseverat, & quandoque ita augetur ob ingentem, semperque majorem canaliculorum distractionem, atque laxitatem, ut nervi intercurrentes non parùm comprimantur, spiritusque majori influxu quaqua influant, eorumque proindè majori, quàm decet, contactus vi exurgit doloris sensus, atque divulsio. Quoties ergo viget dolida Uteri confricatio, vel præternaturalis contactus humorum, aut spirituum foventium, ac lustrantium partes Uteri, toties partes concutiuntur, & adinstar cribri excussorii oscillant, non parùm humidi absumitur, cujus privatione somni impotentia, seu vigilia exoritur; quæ indè paulatim liquidorum concitationem, insignemque calorem, demum varios, ac perturbatos spirituum motus excitat; imò absumptis liquidis superest in arteriis, & venis sanguis impurior, atque æquo acrior, cujus improba minutissimarum particularum series, motusque fer-

men-



mentativus suscitant mali moris febrem, in qua dissoni musculorum impulsus, aliaque dira symptomata apparent, & prout humores, & spiritus majori, minorive impetu moventur, & concutiuntur, plùs, vel minùs jactentur, agitenturque Mulieres necesse est.

Ab humoribus item acribus sale, aut vitriolo imbibitis adeò irritantur vasa repentia per cavitatem hypocondriorum, ut ea doloribus vexentur, siccescant, tendantur, &, quod rei caput est, valdè convellantur; verùm si ad Uterum, aut ad aliud viscus uti ad corticem, vel glandulas cerebri derivat mordax aliquid, quod valde divellat inter se cohærentes villos, eosque exagitet, distrahat, concutiat, ac quodammodò dilaniet, expressionem quoque pariat oportet humorum variæ indolis, ex quibus facile hydatides producuntur; qui etiam cum stimulis, sineque stimulorum dolida vi oriri possunt, dummodò machinulæ villorum à scabris, asperis, & angularibus particulis interjectis pungantur, elimentur, vel distrahantur, absque eo quòd cesset confluxus liquidorum in dictos loculos, quorum major, quàm decet, quantitas divulsos villos attollet; ideoque tot generabuntur folliculi aqua pleni, quot erunt laxitates, & divulsiones: si autem mordax, & erodens illud derivabit ad glandulas, facilè vasa lymphæ dissolvat, & machinularum interjectiones, & inanitates earundem magis dilatabit, perterebrabit, ac discindet, proptereaque sensim alluet Uterum, atque universum corpus.

*Quid liquorum acredo ferat.*

Etsi factura Uteri ex raris adeò componitur partibus, atque porosis, ut unione, debitaque con-



Post Partum Uterus rarus & laxus facile expellit.

denfatione post Partum haud frui possit, certum tamen est, liquidorum particulas per Uterum labentes languida vi, modica attritione, paucave quantitate jugiter descendere, uti contingit in pulvere terrestri, aliisque rerum feminibus in aere, vel aqua dispersis. Hac eadem ferè ratione sanguinis, aliorumque liquidorum moleculæ diversimodè permixtæ descendunt juxta varios circumpressionis conatus per emissaria, & vascula dilaniata vel dissecta; imò ex Utero (penè dixerim) descendunt quasi per stillicidium, aut per filtrum flexuosa vi pressum, ac detortum; ideoque quicquid humidi crassi, ac tenuis, sive unius, sive alterius substantiæ in eum derivat, elabitur; id ipsum aliquandò etiam producit humor erodens ad instar acidi spiritus vitrioli, aut aquæ regiæ, dum vi, pondereque suo intra metallorum poros hæc insinuatur, cunctasque solidas particulas elimat; nam falsus, & erodens humor salibus, quibus abundat, veluti tot spiculis, limæque morribus, aut scalpris abradit Uteri, ejusque vasorum machinas, proptereaque exsolvit combinationes universæ texturæ Uteri; & vasorum ejus, atque liberè egressum concedit contentis liquidis.

Quandò major est copia Lochiorum, tantò major est virium jactura.

Quotiescumque ergo nimis exploduntur Lochia, vires, viriumque organa labefactentur oportet, cum reparationes humorum, spirituum, & partium longè minores sint earumdem jactura; quæ si indies ita excrescat, ut liquidorum exitus valdè superet instaurationem, nunquam poterunt fibræ cordis vividè, uti decet, elicere contractiones, & distractiones, multòque minùs poterunt fibræ Uteri, vaso-



forum, & glandularum, viscerum, &c. concinnè, & alacriter humores adhuc superstites urgere, atterere, & elaborare, ita ut universæ constructioni benè congruant. Quarè humores sic inconditi, debita figura, velocitate, igne, cæterisque suis conditionibus destituti ubique multiplicantur, & paulatim congeruntur in vacuis loculis, & spongiolis cujuscumque moleculæ componentis fibras; adeòque eas obsepiunt, ac replent, ut universalem cachexiam pariant; ex quo indè fit, ut succus nervorum evanidus, ac veluti dilutus evadat, ac proindè lymphæ vasa nimis attenuata, atque macerata destituantur sua vi, & discindantur, unàque omnium vasculorum villi jam exfoluti omnino laxentur, ac idcirco contentum humorem sinant, & hydropem producant.

Privantur sepissimè Mulierum corpora debita indole & copia liquidorum, & quicquid in hoc Morbo humoris superest, inconditum, pravum, falsum, atque erodens decernitur; cujus indè femina, sive nervos externè irrorent, sive eorum internos hiatus accolant, sive in musculorum fibras diffundantur, adeòque quaquaversùm feriunt, penetrant, & exasperant nervos, & fibras Uteri, atque totius corporis, ut spiritus tumultuentur, & muscoli omnes summo perè convellantur.

*Humores  
inconditis,  
falsi pravi,  
innumera-  
mala fe-  
runt.*

Fluxus ergò Lochiorum immodicus dijudicandus est ex virium labefactione, animi deliquio, sanguine grumoso, effluente, cibi fastidio, dolore in hypocondriis, ventris tensione, & pulsu debili; majus itaque, vel minus in hoc Morbo adest periculum, pro ut magis, vel minùs ingravescent sympto-

*Undè di-  
judicatur  
fluxus Lo-  
chiorum  
nimius.*

ma-



mata , unde Hip. fec. v. aphor. scripsit , *Si Muliebri profluvio convulsio , aut animi deliquium supervenit , malum .*

*Ratio curationis .*

Hinc tota curationis ratio versatur in immodici fluxus Lochiorum cohibitione , vel in moderatione humorum pravæ indolis : nihilotamen minùs magna præmeditatione præscribenda sunt ea remedium genera , quæ constringunt , & incrassant , ne quod secerni debet , consistat intus : a lenioribus itaque est incipiendum , dummodo vehementiora symptomata non urgeant , & potentiora non expectant .

Victus instituitur incrassans , sanguinis impetus frenetur tum levi missione , tum potionibus aquæ chalybeatæ , tum jusculis pulpa , aut hordei pulvisculo commixtis , tandem liquida cuncta dulcificatione egent , & solida Uteri nimis exsoluta instauratione ; undè locum habere videntur quæ præscribuntur à Sydenham , à Riverio , à Sassonia , &c. nec sunt spernendæ ligaturæ , cucurbitulæ sub mammis , frictiones , cæteraque de Fluxu Mensium immodico supra indicata .



C A P U T XIV.

*De Lochiorum Suppressione.*

A N T E C E D E N T I A.

**L**ochiorum Suppressio dicitur retentio impuritat<sup>is</sup> novem gestationis mensibus tum in vasculis Uteri, cūm universi corporis congestæ, cui anteire solent, quæ Partum retardant, simulque animi pathemata, aer frigidus, repletio nimia, partium, & liquidorum siccitas, unaque virium laxitas.

C O N I U N C T A.

**V**enter tumet cum dolore lumborum, & inguinum, respiratio est difficilis, perturbantur oculi, facies rubet, exsurgunt deliquia, febres, sudores frigidi, pulsationes Uteri, ardoris sensus, inflammatio; & non rarò phrenitides, mania, ac pleuritides insurgunt, demum paraly<sup>sis</sup> in partibus inferioribus, interdumque etiam epilepsia.

S U C C E D E N T I A.

**Q**uotiescumque cessant Lochia ante statutum tempus, fluidis jam in tota Uteri fabrica congestis, & pauc<sup>o</sup> igne refertis, ea imbibitur, ideoque adinstar juris refrigerati brevi humores coalescunt, infarciunt, ac veluti in similitudinem tartari,  
aut



aut glutinis opprimunt, & obstruunt dilacerata vasculorum emissariola, cribraque glandularum, imò quasi gelu constringunt laxatas, & exsolutas villorum machinulas; ac idcirco universa Uteri constructio lymphæ potissimum cumulat, cujus substantia videtur quodammodo aggregatum ex minimis spherulis chrySTALLINIS se se æqualibus viribus comprimantibus, in minimisque Uteri vasculis, scatellis, & spongiolis facile adinvicem contorquentibus; quæ subindè veluti columnæ, aut fornices in interjectis fibrarum spatiosis adeò coarctantur, mutuòque cohærent, ut difficilè elabi, ac in libertatem vindicari queant: quamobrem omnes quot sunt Uteri partes terminum suum permutant, in majus veniunt spatium, humoribus impurissimis stipantur, & circumprimuntur absque eo, quòd ritè contrahantur, & memoratam depellant Lochiorum congeriem.

Rationi igitur consonum videtur, & aliorum fluidorum moleculas variis modis irretiri, se seque mutuò amplecti, ideoque ignem circumfusus tumulare, vel restinguere, debitamque simul fluiditatem amittere; quare humores glutinosi extenduntur paulatim in filamenta tenuissima satis longa, vel in gracillimas membranas; ac propterea in hac Lochiorum retentione, lymphæ, & saliva evadunt viscosæ, vel adinstar albuminis Ovi, cæterique liquores adeò lentescunt, & invertuntur, ut in spongiolis Uteri, fibrarumque inanitatibus facile sistant, & concrecant; seu veriùs in similitudinem muci, aut frustuli telæ aranæ secernantur, nec simplex quies par-



particularum fluidarum gluten ingenerant, nam arenæ cumulus lentorem, & fœdus haud acquirere potest, dum ejus dissolutæ particulæ se se mutud tangunt; sed solùm cum arcto unionis uniculo, alternaque angulorum insinuatione vicissim connectuntur minutissima granula, uti observare est in pavimento aqua, arena, calce, aut quovis alio glutine confecto: si igitur liquidorum particulæ in glandulis Uteri, in Vaginæ lacunis, ac fibrarum spongiosis fiunt crassiusculæ, earum aliæ evadant oportet ramosæ, aliæ cæteris graviores; ideoque omnes amittant velocitatem congruentem, permutent figuram, & contactum, atque ita adinvicem implicentur, atque coerceantur, ut Uterus, Vagina, aliæque finitimæ partes infarciantur, indurescant, ac vi, connifu, & circumpressione debita priventur.

Mirum igitur non est in Mulieribus hac labe extinctis sæpè Uterum observari adinstar duri, ac dilaniati corii, aut mali punici aperti, & corrupti; cujus sinuli licèt cumulentur contaminatis granulis, ac veluti putredine subactis, nihil tamen exit contenti humoris, nisi valdè premantur; sic Uteri rugæ, & Vaginæ glandulæ, vasa lymphæ, & lacunæ pravus liquidis onustæ, fœtidisque ulcusculis affectæ supervacanea liquida non pellunt; quia villi contractiles, e fibræ jam labefactatæ, atque humorum farcina gravatæ tument, resistuntque viribus agentium liquidorum, ne eliciantur necessariae contractiones, distractiones, & circumpressiones expulsiōni congruentes, quemadmodum ex antecedentibus infra declarandis apertè evincitur.



*Animi pathemata.*

Spiritus in quolibet animi pathemate summo perè concitati tanta concussione, atque agitatione insinuantur in singulas partes, ut brevi absumi, ac interturbari cogantur; sed in hoc Morbi genere elabentes undæ spirituum, eorumque refluxus pertinent adusque nervos Uteri, & cordis, cum quibus habent communicationem stomachici; aliæque protensiones ibi repentæ, quæ omnes per memoratam concitationem, copiosumve refluxum concutuntur, fitque adeò frequens motus cordis, ut inter contractiones, distractiones, aliosque motus vix interdum detur necessarium intervallum temporis, cujus causa parùm sanguinis in auriculis, in ventriculis, in cortice cerebri influat; ideoque pulsus fit valdè creber, & parvus, tum quia non fit apta regeneratio spirituum, tum quia naturalis non peragitur expressio eorundem in nervos, in musculos Uteri, villos, & fibras, in sensuum instrumenta, imò in universas tilias contractiles; hinc deficient oportet in Utero vires percussionis, & contactus, nec non velocitates liquidorum, sive quicquid congruentis figuræ, motus, relationis, aut momenti requiritur inter fluida, & solida Uteri, atque totius fabricæ pro Lochiorum expulsionem.

Si frigidus aer sua, qua pollet gravitate, quæcumque nimis premit cutis stratum Puerperarum, comprimat unanimis oportet Uteri fabricam, cujus spongiosa constructio adeò supra omnem resistenciam constipatur, & obstruitur, ut evomere, ac depellere nequeat congeriem liquidorum, quibus replentur inanitates fibrarum, atque villorum. Qua-

mo-



mobrem fluidorum moleculæ diu jam in libertatem actæ , & quacumque mobiles ita subeunt glandulas, villos, singulaque filamenta, ut quodammodò congelent, ac totum Uterum infarciant ; imò spiritus diluti, humores lenti, & crassi, cæteraque organa flaccida, atque exsoluta propria vi, mixtione, atque unione debita ita privantur, ut nullam ferè adinvicem servant relationem, ideoque nec superent impedimentum à frigore exortum pro Lochiorum expulsiōe .

Quoties humoribus nimis gravatur Uterogredientium corpus, toties eorundem congerie obfideatur, ac oneretur necesse est Uterus, cujus fibræ, vasa, ac villi contractiles quodammodò hebescent, & compressionis impulsus vix percipiunt ; & quod rei caput est, contractionum, ac distractionum momentum non exercent causa liquidorum se se mutuò urgentium, vel adinstar fornicis, aut arcus agentium quaquaversum in spongiosis inanitatibus, in quibus consistunt ; qua de re pervia, & rara Uteri machina plùs æquo impuris humoribus saturatenditur, & constipatur ; adeòque tumulat, diluit, aut restinguit spiritus, ut nec vires exercent, nec vasorum emissariola aperiat pro debito Lochiorum exitu.

*Humorum  
congeries.*

Ante, & post Partum sæpè privantur Mulieres debita copia liquidorum, quorum majori, vel minori, potissimumque Lymphæ carentia, quodammodò arent machinulæ fibrarum ; ac propterea minima liquidorum acida, nimisque falsa ac veluti erodentia olim facta plùs vel minùs penetrant villos, & fi-

*Cur Mu-  
lieres a-  
rent.*



bras, easque non nutriunt, sed sorbent, exsugunt, & exsiccant, imò scabris figuris, & angulis, confri-  
cationibus, ac fervoribus totum solidum, ac flui-  
dum exurunt; ex quo fit, ut fibrarum constructio ita  
nectatur, ut contrahi, aptèque restitui nequeat.  
Hinc tum exsuccæ Uteri spongiolæ, cum humorum  
femina lymphæ copia denudata, quasi pumices minu-  
tissimis granulis siccæ arenæ onustæ, nec oppor-  
tuno compressionis conatu urgentur, nec elabuntur,  
sed ob defectum virtutis compressivæ memoratæ  
Uteri membranæ forsitan nimis aridæ ebibunt con-  
fluentes humores; ac idcirco vel Lochiorum ma-  
teries lentescit, aut evadit in tartarum, & deficit,  
seu vasorum hiatus claudit, constringit, & præpedit,  
ne Lochia hujus indolis eliminentur.

*Pirium la-  
xitas.*

Item virium laxitas à quavis causa progenita  
potis est Lochia retardare, præmittit etenim hæc  
semper vel magnam fluidorum jacturam, vel ingen-  
tem eorundem cumulum, seu veriùs laxitatem non  
mediocrem singulorum villorum, & fibrarum totius  
Uteri: si primùm, inanes fibræ, & villi Ute-  
ri, partiumque finitimarum ejus nativo, quo priùs  
pollebant robore, privantur; si secundum, magno  
onere, & infarctu opprimuntur, quin imò laxan-  
tur, hebescent, atque resistunt spiritibus, ne isti fa-  
tis agant in fibris, & villosis filamentis, & hæc ne  
circumpressionis vim Lochiorum secretioni congru-  
entem exercent.

Non desumitur certa Lochiorum imminutio à  
quantitate effluentis humoris, cum modò plùs, modò  
minus superflui humoris foràs eliminetur, sed inte-  
gra-



gra rei cognitio ex symptomatibus conjunctis hinc infra examinandis elicitur.

In horum numero sunt ventris tumor, & dolor occupans etiam lumbos, & inguina; nam edito foetu fluida tam in tota Mulierum fabrica, quàm in Uteri constructione olim congesta non uti prius comprimuntur; sed non rarò vicissim stipantur arctissimè, ideoque ignis particulæ ubique circumfusæ non secùs se habent ac pulvis nitratus nimis in tormentis pressus, qui ignem non concipit; unde in minus si veniunt spatium partes abdominis, & Uteri, non possunt memoratæ partes ubicumque compressæ, quin tendantur, atque evadant adinstar arcuum; ac idcirco humores jam costipatione coacti, cæterique intrà vasa circumpressi adherent, consistunt, ac veluti ibi coalescunt. Verùm si à pressione, & circumpressione supra partium connisum, & resistantiam urgeantur humores, simul moveantur necesse est circumfusæ ignis particulæ, aliæque ejus naturam æmulantes se se debent expedire, etiam atque etiam agitare totam massam, & secundum majorem vel minorem velocitatem, quam nanciscuntur, plùs vel minùs humiditatis per dissecta Uteri vasa debet eliminari.

Ratum itaque, ac certum reputo, Puerperas interdum minus, quam decet, Lochi deponere, dum vividæ particulæ liquidorum fluentium, ac refluentium ita miriadem arteriarum, & venarum per Uterum, ejusque proximas partes repentium millies, ac millies permeant, abradunt, ac perterebrant, ut eas plùs jùsto calefaciant, ideoque utilem ac inutilem

*Fluxus, &  
refluxus  
humorum  
calorem,  
& siccitatem inducit.*



lem humiditatem absumant, seu veriùs ustulent integram Uteri constructionem, eamque proinde reddant in similitudinem aridi, rugosi, tumidi, atque contracti corii. A' majori igitur vi caloris proveniet major absumptio fluidorum, majorve partium siccitas, ac propterea lymphæ consumptio, febris, Lochiorumque retentio.

Quò magis verò Uterus stipatur humoribus, eò minùs concipit caloris, nam teste Laurentio Bellini Viro maximo calor est quid valdè mobile, nec nisi sublatis impedimentis ex se ipso se explicat, atque expedit: si igitur humores Uterum fecundantes, illisque circumfusæ ignis moleculæ, ac nimis forsan coercitæ, vel tumultuæ in libertatem, ac motum asserere non possunt, facilè subsistunt & vasa cuncta introrsùm ducuntur, ac veluti inflectuntur ad interiores partes, atque omnino occluduntur. Quantò magis ergò Uterus, aliaque spongiosa peruvia, ac rara organa in abdomine contenta fluidis onerantur, & comprimuntur, tantò minùs moventur humores, minùs atteruntur, & separantur; &, quod deterius est, eorum minima corpuscula semper magis vitiantur, imò indebiti contactus vi singulæ fibræ quasi macerantur, ac quodam molesto sensu cujuscumque genesis filamenta afficiuntur; nam Uteri vascula, Vaginæ, proximarumque partium etsi valdè tamen circumprimuntur, tenduntur, & laxantur, atque adeò obturantur, ut fluxus, ac separatio præpediantur, ideoque humores quodammodò redundant versus renes, inguina, & podicem, ex quorùm canalibus nec possunt tolli, nec imminui; sed ibi

*Vi caloris  
supprimun-  
tur Lochia,  
& varia  
symptoma-  
ta ingene-  
rantur.*



magis, magisque cohærent, consistunt, lædunt, sensumque doloris excitant.

Difficultas respirandi contingere potest per suppressionem Lochiorum; si, quod reliquum est, sanguinis in vasculis Uteri à Partu ita intimè non dimovetur, ut circuitus, ejusve solutio, nova compositio, sive attritio, quæ naturali mixtioni congruere deberet, non succedat; sive ad minus spatium ita redigantur fluida Uterum perfundentia, ut arteriæ per diutinam distractionem, tam à circumfuso sanguine, quàm à contento in earum cavitatibus exortam, minimè comprimere possint humores, Uterumque premere, & urgere pro ejus repurgatione; vel è contra adeò rarefiant, & ebulliant humores, atque adeò majus spatium intra arterias exigant, ut eadem plurimùm distractæ valdè tumeant, & urgeant Uterum, ejusque claudant canales dilaceratos, & apertos; ac propterea ita liquida cuncta depravent, atque interturbent, ut nulli, vel pauci spiritus regenerentur; ac idcirco nec benè in nervos diffundantur, nec in musculos iatercostales insinuantur, nec in villos vasorum, aut tracheolarum pulmonis, seu veriùs plus æquo foràs expirent; aut per pulmonum villos diffundi nequeant propter lentorem, humorumque fœdum, ac nimis forsitàm rarefcentem substantiam, quæ ita violat, & lædit villos contractiles, ut intra illos excidere prohibeat liquida motibus, atque viribus pectoris ritè exercendis necessaria.

*Varia causa  
se difficultatis respi-  
rationis.*

Suppressis Lochiis inquinantur oportet humores omnes, quorum vitio non tantùm Uterus, ner-



vi, & viscera, sed corpus universum contaminetur necesse est, ideoque nervorum succus evadit impurus, cæterique liquores permutant vim propriam, ac indolem, uti non obscurè percipitur in oculorum turbatione, quorum limpidissima liquida brevi evadunt adinstar aquæ commotæ, atque turbatæ; imò adeò privantur infontibus, ac lucidis particulis, aliisque earum vice lutulentis moleculis cumulantur, ut inficiant colorem, substantiam, motumque perturbent, & quod deterius est, adeò tument oculi, & minima vascula repentina per totam faciem, ut facile humores consistant, vel debitis velocitatibus, aut reciprocationibus careant; ac propterea asperis, rudibusque cuneolis suis ad contactum partium lateraliū venientibus irritent, & inflamment.

*Humores retenti stimulant, & pungunt.*

Cœnosi autem Puerperarum humores in laxis Uteri vasculis retenti facile æstuant, & falsis, acidis, ac tumultuosis feminibus, quibus abundant, irritant quicquid ad contactum venit; imò adinstar crassamenti vini diu in dolio retenti, & corrupti diffundunt quacunquē effluvia sua dissolventia cremorem, quem tangunt; ac veluti tot stimulis, quot sunt corpuscula effluviūrum, stimulant, & erodunt laterales partes inanitatum spongiolarum, ac vasculorum totius Uteri, unāque pungunt nervos ibi protensos, & spiritus procellosos reddunt; ex quo fit, ut fluida cuncta valdè concitentur, tumeant, atque effervescent.

Verū enim verò si is detur sanguis, qui mutuo nisu congestarum particularum plenè supprimat Lochiorum separationem per Uterum, atque ita vitiet universam Uteri spongiam, succumque nervo-



rum inquinet, qui sic contaminatus insinuetur per nervos in villos, aut insigni ejus rarefactione hîc premat plûs justo musculorum tilias, & fibras, ac proinde intrâ ipsas prohibeat liquida motibus, ac viribus exercendis comparata; vel hîc, & (alibi nullo pacto possint spiritus, aut sanguis intra villorum tilias quocunque effundi; tunc facîle succedet deliquium tam vitio humoris, qui ex arteriis, quàm qui ex nervis in villos debet confluere, nec illis erit tam apta mixtio, nec tam intima motio, ut Mulieres exerceant vires suas, liberèque moveantur.

*Sanguis Uteri spongiâ, nervos &c. laedens deliquium ingenerat.*

Etsi vires languescunt, dum intercipiuntur Lochia à lentore liquidorum, quibus Uterus præternaturaliter labefactatur, vel à pressione superaffluentis sanguinis, sive à laxitate, atque vasorum concidentia; aliqua tamen peragatur oportet motio contractionis, ac distractionis, sive pressionis, aut impulsus; quorum omnium momento fiat pariter necesse est aliqua extillatio icoris in modum perspirationis per cutis poros effluentis, sive per sudoris glandulas transeuntis. Nam si humores perducuntur ad Uterum jam debilem vitio anteaçti Partus, atque labe retenti Lochii, vel ad totum corpus liquidis plûs, quàm par est, imbutum, facîle fiet, ut fluidorum lentor huc, & illuc derivatus, & ubique cohærens exprimi ab arteriis, & abripi in venas liberè non possit; imò à superaffluxu liquidorum, quibus aliquantulùm premitur corpus, tunc exprimatur necesse est quicquid est liquidissimum, magis magisque compingitur cum reliquis fluidis, videturque corpus sudare sudore frigido.

*Cur sudor frigidus apparet.*

T t

Tam



*Inaqua-  
les  
humores  
varia pro-  
ducunt.*

Tam noxiæ differentix humores plùs , vel minùs in Utero stabulantes semper magis fiunt scabri, ramosi, acidi, falsi, vel lutulenti; ideoque plùs, vel minùs cohærent, urgent, pulsant, erodunt, ac lædunt, & quatenus magis, vel minùs scatere videntur istis, aut illis particulis exitialibus, majorem, minoremve resistantiam superant percussione, & contactus vires plùs, vel minùs exercent, & æstuant; ac idcirco quasi igniculorum particulæ diu sub cinere confepultæ si in libertatem vindicentur, quaquà penetrant, evolant, & energiam suam exequuntur; ita Lochiorum vegetiores particulæ quodammodo nitrosæ, ac nimis falsæ, &c. non possunt, quin ingentes ietus, ac tumultus inferant, dilanient, ustulent, ac inflamment.

*Mania  
phrenitide,  
ac pleuritide  
corripitur.*

Hoc perspicuum fit, dum Puerperæ Mania, Phrenitide, ac Pleuritide corripuntur; nam in harum prima labe sanguis in Utero congestus vel evadit tam fixus, ut fundi non possit; vel lymphæ, quæ separatur, est tam acris, vel falsæ, ac erodentis indolis, ut pungere, ac ferè laceßere nervos videatur, ideoque spiritus intervertere, necnon eorum undas procellosas facere; imò Lochiorum materies tam per fædam concitationem, sive concretionem viscidarum molecularum, quàm per exsiccationem, & indurationem earundem in libertatem vindicare potest spiritus, qui cum à fixis liquidorum corpusculis tunc elici non possint, producantur oportet à vinculis falsis, atque calidis lymphæ molecularis, undè derivabitur intra nervos succus igni similis ratione velocitatis impetus, & violentiæ; pro-



proptereaque tumultuosæ musculorum contractiones , atque consimiles specierum excitationes succedunt . In earum altera Lochia retenta ad summum caloris gradum perveniunt , & prout magis , vel minùs exsiccantur liquida in Utero congeita , plùs , vel minùs excrescit calor , arent Uteri partes , privantur nervi debita humidi quantitate ; ideoque spiritus magis mobiles , liberi , & viscidi progignuntur , confusè , ac tumultuosè moventur , & quaquaversùm cum impetu mille producuntur procellosi resultus , quorum vi excitantur variæ species perturbato , ac dissono spirituum motui respondentes ; undè nullo ordine deducuntur in musculos , & organa sensuum , quacunque levi de causa vires indubitæ ( & ut breviloquio dicam ) iracundia , sollicitudo , vigilia , & loquacitas præter rationem excitantur .

Exsurgit harum affectionum tertia , nimirùm Pleuritis , cum suppressa Lochia ditata moleculis viscidis , calidis , falsis , & siccis in circuitu tardè moventur , & cohærent ; quod quidem totiès fieri potest in vasculis pulmonis , & pleuræ , quotiès tenuissima vascula per memoratas partes repentina , villique contractiles circumobsidentur glutine , sive lentore , aut eorum spongiosæ inanitates , vel interjecti loculi stipantur fæculentis humoribus : tunc utique activissima spirituum semina liberè non agunt , quia resistantiam inveniunt , ideoque humores satis non urgentur , non pulsantur , nec atteruntur ; quin imò magis adhærent , molestè irritant , consistunt , & inflammant .



Verumtamen si retenta Lochiorum materies tanta in copia congeratur, diuque consistat in glandularum tubulis, in fibrarum inanitatibus, cunctisque Uteri vasculis, itaut prohibeat, ne humores fluant, & refluant; sive ne lymphæ madefaciant partes motui destinatas, ne succus nervorum, aut sanguis, sive potius utrumque influat in villos, aut ne fibræ, & vasa partium inferiorum nimis forsan pressa, vel lentore subacta urgere, atque humores excipere possint; tunc fiet Paralysis tum Uteri, cum extremarum partium, quarum nervis, & musculis hæc contingunt, tandiuque motus perdurabit, quamdiu vigebit humor peccans, fibras infarciens, spiritusque præpediens.

*Cur mulieres concutiuntur.*

Quoniam verò Lochia non rarò ad extremum siccitatis, atque acrimoniæ deveniunt, vividiores ignis particulæ, & spiritus in libertatem asserti vagantur, & sinè ullo ordine, ac subitò invadunt; ideoque nervos, & musculos calefaciunt, stimulant, & concutiunt, ut in hysterica passione accidit: quæ mobrem illis nullus est ordo in excitatione specierum ab iis pendentium. Si igitur divelluntur, & concutiuntur Mulieres, multum humiditatis amittunt. Notissimum hoc evadit quibuscunque versatis in cadaverum tractatione, Uteri namque membræ, aliæque partes depræhenduntur inflexiles, non secus ac exsiccatae pelles; quia falsis, ac vitriolatis humoribus Uterum, nervos, & villos contractiles infarcientibus, adeò concutitur tota fabrica, ut delirio non solum, ac violentis motibus vexetur, verumetiam quasi sub prælo ponatur, ac idcirco depromat plurimum humiditatis. Si



Si igitur post Partum Lochia intra Uteri vasa subsistant, & crassescant, debebunt mille miris modis Mulieres lædere, & maculare, quod quidem non fiet, si iterum Lochia fluxui promoventur. At si *Curatio* mihi fas sit hîc liberè apponere, quæ sentio, præmissa venæ sectione juxta ætatem, temperiem, atque vires, laudarem Trochis. de myrr. ad scrup. i. bis in die, enemata, fots, localia, balnea, cæteraque remedium genera, quibus usus est Sydenham, Sener-tus, aliique Praticantes peritissimi, quorum monu-menta si quis consulat, inveniet ea præsidia, quæ Morbo, causis, & symptomatibus congruunt.

Quæ omnia sint ad laudem  
OMNIPOTENTIS DEI,  
DEIPARÆQUE  
MARIÆ  
SEMPER VIRGINIS.

FINIS.



# ERRATA

# CORRECTIONES.

Pag.	lin.	13	fluxuosus
11	28	Hildanns	
	30	Vallfinerius	
19	28	fluxus	
21	28	prexiguam	
22	20	naforum	
	25	conservantur	
24	7 8	secretiocis	
31	29	prodentibus	
41	24	monendi	
42	7	depaupertate	
44	9	fellis	
52	15	contaminatur	
60	27 28	invoutissima	
65	19	ut magis	
69	26	confricationeque	
85	14	Nocerae	
98	3	alluvantur	
99	30	esophagr	
109	5	se ea	
118	18	sepe	
	30	ac	
130	24	aeqnæ	
137	1	haa	
142	26	habetantur	
143	7	limine	
144	22	enomant	
152	9	dimoneantur	
157	ult.	pertenebrent	
171	23	nocitatur	
189	27	quacumque	
207	21	erurctentur	
211	6	uma	
216	15	occarsum	
242	10	sue	
267	19	ucci	
273	8	soedematoso	
274	22	fuscitate	
285	30	substantia	
306	15	æstimantur	
315	18 19	angulribus	
322	24	pravus	
318	19	Sassonia	

flexuosus
Hildanus
Vallfinerius
fluxus
perexiguam
vaforum
conservant.
secretionis
prodeuntibus
movendi
depauperatae
folliis
contaminantur
involutissima
magis
confricationemque
Nuceriae
alluantur
oesophago
si ea
sæpe
hac
aquæ
hac
hebetantur
lumine
evomant
dimoveantur
perterebrent
vocitatur
quancumque
eructentur
uno
occursum
seu
succi
oedematoso
fuscitatae
substantia
æstimatur
angularibus
pravis
Saxonia

*Errata leviora ipse, Lector humanissime, corrigas.*



# I N D E X

## R E R U M P R Æ C I P U A R U M .

## A

- A** Bdominis tumores Convulsio  
in Passione Hyſterica . 132  
Abortus ab humorum cumulo , vel  
ab aliqua violentia . 265  
Acredo liquidorum quid faciat poſt  
Partum difficilem & Secundinæ ex-  
tractionem . 315  
Aer frigidus Menſium Suppreſſionis  
cauſa . 64  
—— Calidus nimii Fluxus Menſium  
cauſa . 64  
—— Calidus , & ſiccus Partus diffi-  
cilis cauſa . 288  
Æſtus vis omnem ſuperat reſiſten-  
tiam . 83  
Ætas declinans Menſium Suppreſſio-  
nis cauſa . 26  
Alimenta adſtringentia , craſſa , &  
coctū difficilia Partus difficilis cau-  
ſa . 288  
Alexander . 306  
Alvi ſuppreſſio in Mulieribus Menſi-  
um Suppreſſione laborantibus . 45  
Animi Paſſiones Hyſtericæ ſuffoca-  
tionis cauſa . 117  
—— Pathemata quomodo ad Lo-  
chiorum Suppreſſionem faciant .  
322  
—— Deliquium in Suppreſſione  
Lochiorum . 319  
Antecedentia Menſium Suppreſſio-  
nem . 15  
—— Nimium Menſium Fluxum . 61

- Fluorem Album . 86  
—— Paſſionem Hyſtericam . 104  
—— Furorem Uteri . 148  
—— Sterilitatem . 172  
—— Hydropem Uteri . 218  
—— Uteri Procidentiam . 238  
—— Abortum , & Foetum Mortu-  
um . 253  
—— Partum difficilem , Molam , &  
Secundinam retentam . 245  
—— Lochiorum Fluxum immodi-  
cum . 306  
—— Lochiorum Suppreſſionem . 319  
Aqua Agri Lucenſis 85 104 147 171  
202  
—— Nuceriæ . 85 147 171 202  
—— Ficoncellæ . 85 147 171  
Aretæus . 171  
Ariditas Lochiorum Suppreſſionis  
cauſa . 324  
Articulorum dolor in Gravidis . 275  
Audacia in Furore Uteri . 159  
Avicenna . 284

## B

- B** Allonius . 201 284  
Bartholinus . 249  
Bellini . 326  
Bertini . 172  
Bonettus . 148 199 271 306  
Borrighius . 165  
Boyle . 155  
Burnet . 236 306



**C**OEcitās in passione Hyſterica. 130

Calidorum uſus Abortus cauſa. 261

Calor ſectit, & laxat ſingulas partes Uteri. 209

— et frigus cur in Furore Uteri 162

— Nimius Menſium Suppreſſionis cauſa. 34

— Sterilitatis cauſa. 180

— Quò major, eò major Fluor Albus. 97

— Lochiorum Suppreſſionis cauſa 326

Caloris concitati vis cauſa Sterilitatis. 197

Cachexia à nimio Menſium Fluxu. 72

Capitis dolor in Prægnantibus. 276

A' Caſtro. 6 148 199 236 297 306

Cauſa retardationis Menſium aliquando in organis. 57

— Majoris, vel minoris humoris effluentis in Gonorrhœa. 217

Cauſæ externæ Menſium Suppreſſionis. 28

— Internæ. 34

— Majoris, vel minoris motus cordis 40

— Multæ Partus difficilis. 295

Ceſus. 46

Chalybs igne pleniffimus. 59

China china ad nimium Fluxum Menſium, & cum ea experimentum in ſanguine è vena ſectæ exeunte. 85

— In Paſſione Hyſterica. 148

Coctio depravata in nimio Menſium Fluxu. 70

Color foedus in Virginibus. 49

— Flammeus in Paſſione Hyſterica. 123

Coloris vivi privatiō in Paſſione Hyſterica. 123

Conatus violenti immodicorum Lochiorum cauſa. 308

Conjuncta Menſium Suppreſſioni. 16

— Menſium nimis Fluxui. 61

— Fluori Albo. 87

— Paſſioni Hyſtericæ. 105

— Furori Uteri. 149

— Sterilitati. 172

— Hydropi Uteri. 219

— Uteri Procidentia. 238

— Abortui, & Fœtui mortuo. 253

— Partui difficili, Molæ, & Secundinae retentæ. 285

— Lochiorum Fluxui immodico. 307

— Lochiorum Suppreſſioni. 319

Conceptio falſa, ſcilicet Ova infecunda, ſeu Veſiculæ aliquando in Mulieribus Menſibus ſuis carentibus. 277

Conſequentia Hydropem Uteri. 219

— Abortum, & Fœtum mortuum. 253

Convulſio, & Tenſio in Furore Uteri. 169

— In nimio Menſium Fluxu. 74

Convulſiones in Prægnantibus. 277

Cor quare citius moveatur in Mulieribus Menſium Suppreſſione laborantibus. 50

Cordis Palpitatio in Paſſione Hyſterica. 128 140

— In Prægnantibus. 277

Cornelius. 298

Coxendicum moleſtia in Prægnantibus. 277

Curatio Menſium Suppreſſionis. 59

— Nimi Menſium Fluxus. 85

— Fluoris Albi. 103

— Paſſionis Hyſtericæ. 147

— Furoris Uteri. 171

— Sterilitatis. 202

— Gonorrhœæ. 218



- Hydropis Uteri . 236
- Uteri Procidentia difficilis . 252
- Abortus , & Fœtus Mortui . 271
- Partus difficilis , Molæ , & Secundinæ retentæ . 305
- Lochiorum Fluxus immodici . 318
- Suppressionis Lochiorum . 333
- Curæ Mensium Suppressionis causa . 28

## D

- D** Effectus relationis Solidi , & Fluidi Procidentia Uteri causa . 246
- Delirii causa in Furore Uteri . 162
  - Delirium in Passione Hysterica . 128
  - Dentium dolor in Gravidis . 276
  - Diarrhæa in Gravidis . 276
  - Differentia Passionis Hystericæ & Epilepsiæ . 142
  - Dolor Nephriticus Partus difficilis causa . 294
  - Uteri , ac Renum in nimio Mensium Fluxu . 73
  - Capitis , Renum , Uteri , atque Vaginæ in Fluore Albo . 100
  - Dolores in ima parte Hypogastrii Procidentia Uteri causa . 242
  - Abortus causa . 266
  - Varii in Passione Hysterica . 131
  - Durities partium variis exemplis , & rationibus confirmatur . 44

## E

- E** Maciatio in Furore Uteri . 158
- Etmullerus . 148 227 236 271 306
- Evacuatio immodica Mensium Suppressionis causa . 31
  - Experimentum cum China china in sanguine è vena secta exeunte . 85
  - Extenuatio Corporis in nimio Mensium Fluxu . 74

## F

- F** Abricius 236 272
- Faciei pallor in Fluore Albo . 97
  - Rubor , & pallor cur variè recurrentes in Passione Hysterica . 124
  - Febris causa Sterilitatis . 196
  - In Uteri Hydroke quare . 235
  - Cur in Pregnantibus . 274
  - Fæces retentæ Partus difficilis causa . 289
  - Fertilitatem quæ promoveant . 202
  - Fervor quare excitatur , & cor citius movetur in Mensium Suppressione laborantibus . 50
  - Fluida triplici ratione naturæ legibus non consentanea comminui . 68
  - Fluor Albus . 83 86
  - Distinguitur à Gonorrhœa : iisdem ductibus , quibus menstrua fluunt , ejicitur . 93
  - A' vitiosa temperie . 101
  - A' Mensibus plùs justo retentis , & à nimio conatu Partus difficilis . 101
  - Non rarò à partium solutione . 103
  - Immodicus Hydropis Uteri causa . 226
  - Procidentia Uteri causa . 242
  - Fluore Albo mortuæ Mulieris observatur cadaver . 102
  - Fluxus , & refluxus humorum caliditatem inducit . 325
  - In Fluxu Mensium nimo liquidorum momentum extenuendum . 82
  - Fœcunditas quid sit . 187
  - Fœcunditati quæ congruant . 184
  - Fœcunditatem quæ obliterent . 185
  - Fœtor Lochiorum , & quid à Lochiis foetentibus fiat . 312
  - Fœtus mortui signa . 271
  - Francus . 299
  - Frigidorum contractio Mensium



- Suppressionis causa. 21  
 Frigus in Passione Hysterica. 136  
 Furor Uteri cur verno, & æstivo tempore in Maniam commutetur. 164  
 Furorem Uteri variæ causæ in Maniam commutantes. 163

## G

- G** Arrulitas in Passione Hysterica. 134  
 Gemellorum gestatio Procidentia Uteri causa. 248  
 Gonorrhœa vera, & notha. 210  
 Gonorrhœæ veram causam invenire arduum. 210  
 — Humor unde in Mulieribus erumpat. 93  
 — Virulentæ Symptomata. 212 de Graaf. 3 251 302  
 Guglielmini. 162  
 Gulæ irritamenta Hystericæ Passionis causa. 118

## H

- H** Æmorrhagia Narium, Uteri, & Hæmorrhoidum in Gravidis. 278  
 Hæmorrhoides Partus difficilis causa. 289  
 Hygmorus. 6  
 Hildanus. 11 227 236 272  
 Hipocrates. 15 25 74 76 150 188 193 240 245 249 253 255 269 284 298 305  
 Horstius. 11 298  
 Humor impurus eliminatus guttatim à singulis Uteri partibus in Gonorrhœa. 215  
 Humores nimis calidi vasa aperiunt. 77  
 — Sale, & igne saturi vasa solvunt. 94

- Cur lentescunt. 56  
 — Salsi laxant vasa, & foras erumpunt in Gonorrhœa. 207  
 — Acescentes in Gonorrhœa tumores, & ulcuscula faciunt. 209  
 — Calidi, & salsi Gonorrhœa causa. 203  
 — Inconditi, falsi, pravi quot mala faciant. 317  
 — Retenti in Puerperis stimulant, & pungunt 328  
 — Inæquales varia producant 330  
 Humor inertia Mensium Suppressionis causa. 36  
 — Congeries quid faciat. 41  
 — Fluxus augetur diu perdurante vi adaucta. 80  
 — Agitatio Gonorrhœæ causa. 203  
 — Congestiones in Gonorrhœa tumores, & excoriationes producant in variis partibus. 210  
 Hydatides Partus difficilis causa. 293  
 Hydrops Uteri duplex: & tertius scilicet Leucophlegmatia. 228  
 Hystericæ Passionis principium diverso modo. 118

## I

- I** Nanitio Abdomini, Ventriculo, & corpori toto jacturam impertit 314  
 Ictericus color in Passione Hysterica. 127  
 Ignis agitati vis causa Sterilitatis. 183  
 — et salis effluvia solidum vitiant 215  
 — et velocitas quid agant. 81  
 Inanitio Abortus causa. 264  
 Inappetentia quare in Mensium nimia Fluxu. 69  
 Indicatio nonnullorum in Mensium nimio Fluxu. 69  
 Indicationes in Mensium Suppressione. 59 In-



Ingluries nimia Sterilitatis causa. 183  
 Impudentia in Furore Uteri. 150  
 Ipecacuhna in Passione Hyfterica. 125

## K

**K** Erckringius. 249

## L

**L** Acrymæ in Passione Hyfterica. 134

Lactis defectus Abortus signum. 264

— Redundantia. 265

— Exitus cum dolore. 279

Læsiō diversarum partium in Passio-  
 ne Hyfterica. 127

Læsiōnes variæ partium causa Hy-  
 dropis Uteri. 230

Lassitudo Mensium Suppressionis cau-  
 sa. 34

Laxantia Uterum, ictus, percussio-  
 nes, labores violenti Prociden-  
 tiæ Uteri causa. 243

Laxitas, & divulsio vasorum Gonor-  
 rhœæ causa. 204

— Partium Sterilitatis causa. 194

Ligamentorum Uteri exsolutio illius  
 Procidentiae causa. 249

Liquidis viscidis quid eveniat in U-  
 tero. 20

Liquidorum vitium Sterilitatis causa.  
 194

Lochiorum quò major copia, tantò  
 major virium jactura. 316

— Fluxus unde judicatur nimius.  
 317

Loquacitas in Furore Uteri. 158

Lumborum molestia in Prægnantibus  
 277

Lympha, vel quilibet alius consistens  
 humor Sterilitatis causa. 184

Lymphæ spiritus cur varios moliatur

effectus in Passione Hyfterica. 124

## M

**M** Acies, & virium exsolutio in  
 nimio Mensium Fluxu. 84

— Causa Partus difficilis. 291

Madores in Passione Hyfterica. 136.

Mæror Mensium Suppressionis cau-  
 sa. 28

Mæstitia, & animi sollicitudo quomo-  
 do ad Uteri Furorem faciant. 157

Mæstitia causa Partus difficilis. 288

Mainicius. 154

Malevolentia spiritus sopitos excitant,  
 & Abortum aliquando provocant.

140

Mangetus. 148

Mania in Puerperis. 330

Marchetti. 59

Mauriceau. 199

Medicamentorum purgantium, &  
 aliorum abusus causa Sterilitatis.  
 198

Meinotius. 165

Membranae Uteri quid sint. 62

Menses retardati Uterum, & corpus  
 alluunt. 57

— — — — — Hydropis Uteri  
 causa. 231

— In ætate consistente cur ces-  
 sent. 47

Mensium quantitas non eadem om-  
 nibus. 78

— Suppressio, & Profluvia Pro-  
 cidentie Uteri causa. 242

— Fluxus immodicus Hydropis U-  
 teri causa. 225

— Prava excretio ad instar loturæ  
 carnis Hydropis Uteri causa. 232

Menstrua quare tardiùs, aut citiùs. 11

Mola quid sit, & cur Partum retar-  
 det. 297

V u 2 Quo-



- Quomodo fiat. 299  
 Molam posse pluribus annis in Utero retineri. 301  
 Molæ coalitus cum Utero. 298  
 — Causa. 299  
 Morbi præpedientes Fluxum Mensium. 54  
 — Acuti quando infœcunditatis causa. 190  
 — Laxantes Uteri ligamenta. 249  
 Morborum quæcunque vis causa Abortus. 269  
 Motus depravatus quando Menses retardet. 55  
 — Nimius corporis Sterilitatis causa. 181  
 Mulieres cur irrequietæ, cum spiritus fieri liberi nimis incipiunt. 157  
 — Cur in Uteri Furore tumescant. 159  
 — Quæ magis vexantur Furore Uteri. 163  
 — Quare infœcundæ post quinquagesimum annum. 189  
 Mulieris in Xendochio Pisano observatio. 77  
 Multi morbi à Passione Hyfterica post longum tempus. 144  
 Murmur Ventris in Hyfterica Passione. 126  
 Mutatio solidi, & Fluidi in nimio Mensium Fluxu. 84

## N

- N**ausea in Mensium Suppressione. 37  
 — In Prægnantibus. 276  
 Nervorum siccitas in Uteri Furore. 167  
 — Irritatio Abortus causa. 260

## O

- O**besitas nimia Sterilitatis causa. 183  
 Observatio de Aqua Stygia, & oleo Tartari injecti in aliquam venam. 139  
 — In cadavere vinosæ Mulieris. 179  
 — In cadavere Mulieris Uteri Leucophlematia laborantis. 228  
 — Practica Mulierum post Partum Uteri Hydrope laborantium. 237  
 — In cadavere Mulieris diu maximam Molam gestantis. 302  
 — In cadavere Mulieris Hydrope defunctæ. 380  
 — In Utero demerso intra liquidum calidum. 7  
 Observationes in cadaveribus Puerperarum. 140  
 — In duabus Mulieribus. 141  
 — In Mulieribus extinctis à Gonorrhœa. 210  
 Ocium, & nimia quies Mensium Suppressionis causa. 26  
 — Quomodo ad Uteri Furorem faciat. 156  
 — Hydropis Uteri causa. 222  
 Ociosa corpora humoribus onusta. 94  
 Oculorum rubra tumescencia in Mensium Suppressione. 39  
 Obstructio Sterilitatis causa. 194  
 Odores grati, atque ingrati Mensium Suppressionis causa. 33  
 — Acres, & graves Abortus causa. 33  
 Ova Muliebria. 12  
 Ovorum semina Liquidorum indigent motu. 182  
 Ovum quibus causis è suo loculo non profiliat. 188



## P

**P**allor faciei in Fluore albo . 97  
 — Universæ cutis in Prægnantibus . 283  
 Paralyſis à Lochiorum Suppreſſione . 332  
 Partium Uteri mala conformatio Partus difficilis cauſa . 292  
 Partus difficilis Procidentię Uteri cauſa . 241  
 Paſſionis Hyſtericæ diverſæ cauſæ . 141 142  
 Pedum tumor in Fluore Albo . 97  
 Perſpiratio impedita Hyſtericæ Paſſionis cauſa . 116  
 Phrenitis in Puerperis . 303  
 Pica in Prægnantibus . 276  
 Pinæus . 201  
 Pinguedo nimia Partus difficilis cauſa . 292  
 Platerus . 199 236 249 271 284  
 Plato . 151  
 Plenitudo nimia Abortus cauſa . 262  
 — Partus difficilis cauſa . 289  
 — Vaſorum Menſium Suppreſſionis cauſa . 30  
 — et nimii Menſium Fluxus . 68  
 — Humorū Hyſtericæ Paſſionis cauſa . 119  
 Pleuritis in Puerperis . 330  
 Polypi Partus difficilis cauſa . 293  
 Pondus humorū Procidentię Uteri cauſa . 248  
 Poſt Partum difficilem , & Secundinę extractionem quid accidat . 313 314  
 Prægnantium ægritudines Partus difficilis cauſa . 290  
 Primerofius . 86 199 236 252  
 Profluvii Muliebris discrimen . 78  
 Profluvium Menſium aliquando cauſa Fluoris Albi . 100  
 Puella nondum primum luſtrum attingens latam ſanguinis hæmorrhagiam paſſa ſtatuto tempore pluribus menſibus . 12

Pus in aliquo Menſium nimio Fluxu . 82

## Q

**Q**uietis nimia Menſium Suppreſſionis cauſa . 26  
 — Animi , & corporis ad præcavendum Abortum . 270

## R

**R**amazzeni . 147  
 Redi . 59  
 Regali . 104  
 Reſpirationis læſa Partus difficilis cauſa . 295  
 — Difficilis in Menſium Suppreſſione . 39  
 Reſpirationis difficilis variæ cauſæ . 327  
 Riverius . 271 284 306 318  
 Rodius . 201  
 Roſſineius . 298  
 Rondeletius . 251 298  
 Rubor oculorum , & faciei in Paſſione Hyſterica . 134

## S

**S**al , & Sulphur variè Uterum , & corpus univerſum vexant . 143  
 Salacitas in Furore Uteri . 158  
 Salius . 284  
 Salmuth . 236  
 Sanguis nimio ſero imbutus Sterilitatis cauſa . 195  
 Sanguinis jaçtura retentionis Secundinæ cauſa . 304  
 — Miſſio ad præcavendum Abortum . 271  
 Savonarola . 184  
 Saxonia . 318  
 Schenchiuſ . 227 272  
 Schulziuſ . 11



- Secretionum carentia Hyſtericę Paſſionis cauſa . 120  
 Secundina ante Partum exiens Partus difficilis cauſa . 296  
 — Retenta . 286  
 — Nimis craſſa, & tumida . 303  
 Secundinæ retentæ cauſæ exteriores . 302  
 Semen quæ infirment . 188 ( 200  
 — Calidiſſimum cauſa Sterilitatis .  
 Semininis virilis vitium cauſa Sterilitatis . 200  
 Sennertus . 148 296 306 333  
 Sensus depravatus quomodo Menſes retardet . 55  
 Siccitas cauſa Partus difficilis . 291  
 — et ſitis in Fluore Albo . 99  
 — In Furore Uteri . 158  
 Soleander . 298  
 Somnus quare in Menſium Suppreſſione laborantibus . 46  
 Spigelius . 201  
 Spiritus animales varias convulſiones gignunt in Paſſione Hyſterica . 133  
 Spirituum contaminatio Menſium Suppreſſionis cauſa . 36  
 — Diſſipatio retentionis Secundinæ cauſa . 304  
 Sterilitatis cauſa . 195  
 Stimuli, calor, ſales, &c. Fluoris Albi cauſa . 96  
 Suaveolentia effluvia quæ ſymptota efficiant . 137  
 Succedentia Menſium Suppreſſioni . 16  
 ————— Nimio Fluxui . 62  
 — Fluori Albo . 87  
 — Paſſioni Hyſtericæ . 105  
 — Furori Uteri . 149  
 — Sterilitati . 173  
 — Uteri Procidentiæ . 238  
 — Partui difficili, Molæ, & Secundinæ retentæ . 286  
 — Lochiorum Fluxui immodico . 307  
 — Lochiorum Suppreſſioni . 319  
 Succī nervoſi depravatio Sterilitatis cauſa . 191  
 Sudor frigidus in Suppreſſione Lochiorum . 329  
 Sudores in Paſſione Hyſterica . 136  
 Suppreſſio Menſium à partibus induratis, & quomodo partes dureſcant . 42  
 Suppreſſione Menſium Laborantes cur venuſtatem amittant . 48  
 Surditas in Paſſione Hyſterica . 130  
 Sydenham . 318 333  
 Symptomata Uterogerentium . 272  
 — A' Secundina retenta . 105  
 — A' Suppreſſis Lochiis . 326
- T
- T** Abes infoecunditatis cauſa . 190  
 Temeritas in Furore Uteri . 150  
 Téperies frigida, & humida laxa, & textura Menſium Suppreſſionis cauſa . 23  
 — Calida quomodo ad Uteri Furorem faciat . 155  
 — Humorū ſordida Hydropem Uteri portendit . 22  
 Tenefmus in Prægnantibus . 276  
 Terror Abortus cauſa . 259  
 Timor Menſium Suppreſſionis cauſa . 28  
 Torpor, & laxitas organorum Gonorrhoeæ cauſa . 206  
 Transpiratio immoderata Menſium Suppreſſionis cauſa . 32  
 — Impedita in nimio Menſium Fluxu . 70  
 — Impedita quæ morbos pariat . 51 52  
 Transpirationi quæ conveniunt . 146  
 Tremor in Paſſione Hyſterica . 136  
 Tulpius . 227 236  
 Tumeſcentia tibiæ in Gravidis . 278



Tumor vasorum Partus difficilis cau.

sa. 293

Tussis in Gravidis. 277

## V

**V** Valdschmidt. 199

Valleriola. 298

Vallisnieri. 11

Van-Horne. 201

Varices in Gravidis. 278

Vasorum erosio, & laxitas Hydropis

Uteri causa. 223

—— Dilaceratio. 224

Vvedelius. 199 252

Velocitas, & ignis quid agant. 81

Venti similitudo, & spirituum in Passione Hysterica Laborantibus. 112

Ventriculi molestia in Passione Hysterica. 125

Vertigo in Passione Hysterica. 129

—— et vomitus in Prægnantibus. 276

Vesalius. 236

Veslingius. 199 249

Vetula nonagesimum annum agens passa statuto tempore Menses. 12

Victus improba ratio Mensium Suppressionis causa. 21

Vigilia nimia Mensium Suppressionis causa. 28

—— Immodica Hystericæ Passionis causa. 120

—— In Uteri Furore. 160

Vini usus immodicus causa Sterilitatis. 177

Vires, & motus dissoni in Uteri Furore. 168

Virium defectus Mensium Suppressionis causa. 35

—— In nimio Mensium Fluxu. 73

—— Lassitas ab ocio. 95

—— Lassitudo in Passione Hysterica. 121

—— Lassitas Lochiorum Suppressionis causa. 324

Violentes exercitationes, & conatus

Abortus causa. 258

Viscerum contextura læsa in Muliere urbana causa Abortus. 268

Vocis privatio in Passione Hysterica. 135

Voluptuosæ species quomodo agant. 205

Vomitus in Mensium Suppressione. 37

Urinæ Suppressio in Passione Hysterica. 131

—— Copiosa effusio. 132

—— Suppressio, & Incontinentia in Prægnantibus. 281

Urinæ variæ in Mensium Suppressione. 37

—— Crassæ. 37

—— Turbidæ. 37

—— Rubicundæ, & cruentæ. 37

—— Nigræ. 38

—— Aquosæ. 38

—— Pensilis. 14

Uteri materia. 1

—— Figura. 1

—— Fabrica. 2

—— Membranæ reticulares. 2

—— Glandulæ. 2

—— Fabrica pervia. 7

—— Motus violentus, & instrumenta læsa Sterilitatis causa. 186

—— Constitutio in tenella ætate. 188

—— Aquosa Moles quid sit. 227

—— Substantia quod magis crescit Foetus, augetur, & fibræ incrassantur, ut ferè duos digitos transversos æquet. 241

—— Angustia causa Abortus. 268

—— Procidentia in Prægnantibus. 282

—— Constrictio retentionis Secundinæ causa. 304

Ute-



Utero demerso intra liquidum calidum quid observetur. 7

Uterus à qua vi moveatur. 17

— In Partu vitiatus causa Sterilitatis. 198

— Semen respuens quibus causis. 199

Uterum in Lochiorum Suppressione extinctis sæpe observari adinstar duri, ac dilaniati corii, aut mali punici aperti, & corrupti. 321









